

حاشیہ العجرات

دستگلی از شعرا می حسنی

آراسته

حاج ناصح اردبیلی

بحر العبرات

یا

جلد سوّم کنز العبرات

«دسته گلی از شعرای حسینی»

آراسته: حاج ناصح اردبیلی

ناصح اردبیلی، اللهوردی، ۱۳۴۳ -
گردآورنده.

کنز العبرات، یا، دسته کلی از شعرای حسینی
در مراشی شهدا و اسرای کربلا / آراسته ناصح
اردبیلی. - تهران: پیری، ۱۳۸۱. -

ج. : مصور؛ ۱۲ x ۱۷ سم.
۲۰۰۰ ریال : (ج. ۱) ISBN 964-6622-18-6
فهرست نویسی براساس اطلاعات فیفا.

ترکی.
چاپ قبلی: فانزون، ۱۳۸۱.

چاپ ۱۳۸۲ (ج. ۳) ISBN 964-8191-01-8
۱. شعر مذهبی ترکی -- قرن ۱۴ -- مجموعه ها.
۲. واقعه کربلا -- ۶۱ ق. -- شعر. ۳. شعر ترکی --
ایران -- قرن ۱۴ -- مجموعه ها. ۴. مرثیه و مرثیه
سرای ترکی -- مجموعه ها. الف. عنوان. ب. عنوان:
دسته کلی از شعرای حسینی در مراشی شهدا و اسرای
کربلا.

۸۹۴/۳۶۱۱۰۰۸

PL۳۱۴/۲۲ن
۱۳۸۱

۸۱-۴۱۴۵۸

کتابخانه ملی ایران

﴿شناسنامه ی کتاب:﴾

بحر العبرات	:	نام کتاب
اللهوردی قلی زاده (ناصح)	:	گردآورنده
انتشارات پیری	:	ناشر
اول	:	نوبت چاپ
قلم	:	چاپخانه
۲۱۰۰ نسخه	:	تیراژ
تابستان ۸۲	:	تاریخ چاپ

شابک ۸-۰۱-۸۱۹۱-۹۶۴

ISBN 964-8191-01-8

هووالجمیل

پیشگفتار

به قلم استاد گرامی جناب آقای ائلچی

انّ الحسین مصباح الهدی و سفینه النجاة

(از هر چمن گلی) شایسته‌ترین عنوانی است که می‌توان بر مجموعه‌ی «بحرالعبرات» انتخاب کرد. این کتاب، به گلستانی می‌ماند که شکوفه‌های نرگس و مریم و گلهای محمّدی را با لاله و سوسن و نسرين و نسترن یکجا در خود جای داده و دیوان گرانقدری است که از آثار ارزشمند سخن‌پردازان و کلام‌آفرینان آستان مقدّس اهل‌بیت اطهار علیهم‌السلام گردآوری شده است.

(از هر نیستان، نغمه‌ای) یا (از هر دریائی، مرواریدی) از عناوین دیگری هستند که این کتاب، سزاوار داشتن آنهاست، چرا که مؤلف با ذوق و خوش‌سلیقه‌ی آن، از میان دست‌نوشته‌ها، دیوانها و کتابهای گوناگون، مثنوی قطعات پر سوز و گداز و پر شور و حال انتخاب کرده و نام آن را (بحرالعبرات) گذارده است و برآستی که در این گلچین و انتخاب به توفیق چشمگیر نائل آمده است. حاج الله وردی قلی‌زاده نیک‌پی متخلّص به «ناصح» پیش از این به

جمع آوری و تدوین و انتشار سه جلد کتاب از این دست همت گمارده است:

۱ - کنز العبرات (۱۳۸۰)

۲ - مهیج العبرات (۱۳۸۱)

۳ - دیوان کاتب - جلد اول (۱۳۸۱)

نظر به اینکه آثار فوق با اقبال و توجه علاقمندان ادبیات عاشورایی، بویژه شعرا و مرثیه پردازان و نوحه خوانان و عندلیبان گلزار حسینی روبه رو شده اند، لذا مؤلف دست به کار تدوین این مجموعه گردیده که کاملاً بدیهی است به جهت تنوع کلامها، تعدد قطعات، حلاوت و طراوت سرودها، مورد عنایت خوانندگان ارجمند قرار خواهد گرفت و هر کسی مطابق ذوق و سلیقه‌ی خود به اشعار مناسبی در این کتاب دست خواهد یافت.

ناصح اردبیلی، شاعر با ذوق و ادیب سخن شناسی است که با عبارات دلنشین و روان، آثار زیبایی پدید آورده است. نمونه‌های اشعار وی را می‌توان در کنز العبرات و مهیج العبرات و همین مجموعه مورد مطالعه قرار داد. این شاعر در یکی از دوبیتی‌های خود چنین می‌گوید:

یازیب مصیبتووی یا حسین فغان ائدرم
بیر عمریدور اورده‌گیم محنتونده قان ائدرم
او ناصحم بیلوسن دله سوز آهیم وار
یابیش الیمن آقا، حدسیز گناهیم وار
قرین صبحیدی، اشکیم عذاره باغلیورام
بالون امام زمانلا غمونده آغلیورام

ناصح، علاوه بر چهار جلد تألیفات سودمندی که اشاره شد در حال تدوین و انتشار دو کتاب دیگر است:

۱ - دیوان کاتب - جلد دوم

۲ - مجموعه‌ی آثار ادبی (شامل غزلیات، سروده‌های اخلاقی، اجتماعی و طنز).

جالب توجه است که کتابهای منتشرشده‌ی وی هرکدام حاوی ۵۱۲ صفحه می‌باشد. علت این اقدام، شور و عشق وافر است که نامبرده به ۵ تن العبا و ۱۲ ائمه معصوم علیهم السلام دارد که این سه رقم در کنار هم عدد ۵۱۲ یا ۵+۱۲ را تشکیل می‌دهد.

مضامین مجموعه‌ی بحرالعبرات واقعه‌ی کربلاست. مرکز جغرافیای عشق است. کربلا، مرکز طلوع خورشید شهادت است. کربلا، عاشورائی‌ترین مکانهای عالم است و عاشورا، دایرةالمعارف بیکرانه‌ی فرهنگ حسینی است. فرهنگی جهانگیر و بیدارکننده. فرهنگی که از مظلومیت شروع می‌شود و به عدالت نهایی منتهی می‌گردد و پرچمدار این عدالت، جز امام موعود (عج) نیست. ناصح، ارادت قلبی خود را به محضر آقا اباعبدالله الحسین (مظلوم‌ترین شهید تاریخ) اینگونه بیان می‌کند:

ایلردی آقا، نوکرووم، عبد ذلیل
آغلار گوزولن درگهووه منده دخیلم
ناصح‌دور آدیم، بنده‌ی خلاق جلیل
سائل سنه من، سن منه سلطان، سنه قربان

ناصر، بیشتر اشعار خود را بعد از نصف شب و مقارن حلول صبح صادق می‌سراید و اشارات وی بدین زمان خاص، در سروده‌های وی کم نیست:

ناصر، فکروه بو نوحه‌لری کیم سالدی
 یوخووی بیل، ائله اول کیمسه گوزوندن آلدی
 دور، قوتاردی شب احیا، سحره آز قالدی
 زحمتون سایه‌سینه کامه چاتارسان نئینک
 غم یئممه قبریده آسوده یاتارسان نئینک
 با تقدیر و تقدیس زحمات و حُسن انتخاب اشعار کتاب
 وزین بحرالعبرات و تبریک به مؤلف ادیب و شاعر بی‌ریای
 آن، حاج ناصر اردبیلی، از پیشگاه خداوند منان برای مؤلف
 و ناشر و مسئولین تایپ و چاپ و صحافی و نشر کتاب،
 توفیق روزافزون و اجر معنوی مسئلت می‌نمایم.

عباسعلی بن مرحوم تاج الشعراء حاج عباسقلی یحیوی اردبیلی
 ۲۸ فروردین ۱۳۸۲ - ۱۴ صفر ۱۴۲۴



السّلام علیک یا عزیز الزّهرّا

ای عزیزى كه آلبسان اله بَحْرُ الْعَبْرَات
توپلاما قدا بوكتابی چکیلوب چوخ زحمات
اوخی، اللّٰه گوره، دلده دعا ایله منی
دیزلریم بلکه منیم آسمیه یوم عرصات
برق تک عمر کئچور بوشلاما مولا اتگین
غملرین یاد ائلیوب گوزیا شاخون دلی قات

خلقه خدمت ائله هر قدری که واردور نفسون
آختارورسان اوزوه دهریده گر راه نجات
آی حسین عاشقی من گوزیا شوزون عاشقیم
ایستورم درگه حقدن سیزی چون توفیقات

لَكَ الْحَمْدُ

لَكَ الْحَمْدُ يَا ذَا النَّدَى وَالْكَرَمِ
لَكَ الْحَمْدُ يَا ذَا الْجَمَالِ الْجَمِيلِ
مُنِيرَ الْوُجُودِ ضِيَاءَ الظُّلُمِ
لَكَ الْحَمْدُ جَارِ عَلَيْنَا الْعِظَامِ
أَيَادِيكَ وَالسَّابِغَاتِ النِّعَمِ
عَلَيْنَا مِنَ اللَّهِ فِي كُلِّ آنٍ
مِنْ الْفَيْضِ أَلْفَ فَيَا لِلْكَرَمِ
لِي الْفَخْرُ فِي وَدِّكَ فِي الْحَيَاةِ
وَ حُبُّكَ آيَاتٍ أَعْلَى الْهِمَمِ
إِلَهِي أَنَا الْمُذْنِبُ الْمُسْتَجِيرُ
قَرَعْتَ بِذِكْرِكَ بَابَ النَّدَمِ
إِلَهِي وَ رَبِّي أَتُوبُ إِلَيْكَ
بِعِضْيَانِكَ رَبِّي تَحُلْ النِّقَمِ

به نام خدا

ای کرمت هم نفس بی کسان
جز تو کسی نیست کس بی کسان
بی کسم و هم نفس من توئی
رو به که آرم؟ که کس من توئی
کون و مکان مظهر نور تواند
جمله جهان محض حضور تواند
در دل هر ذره بود سیر تو
نیست درین پرده کسی غیر تو
جز تو کسی نیست به بالا و پست
ما همه هیچیم و توئی هر چه هست
بزم بقا را می و ساقی توئی
جز تو همه فانی و باقی توئی
کیست که قائل به ثنای تو نیست؟
کیست که مایل به لقای تو نیست؟

ما همه مشغول ثنای توایم
 واله و مشتاق لقای توایم
 روزنِ جان بر دل ما بازکن
 خاطر ما را صدفِ راز کن
 مرد رهی از کجی اندیشه کن
 راستی و راست روی پیشه کن
 هر که کند روی طلب سوی او
 قبله‌ی ذرات شود روی او



آدمی را همه از غیر منیت شرف است
 با منیت نتوان گفت فلان با شرف است
 عمر آن است که با دوست بسر بردن و بس
 ورنه بی دوست یقین عمر عزیزت تلف است
 «میرزا طاهر خان»

الهی

تو بخشنده‌ی هر گناهی الهی
 به جز تو نباشد پناهی الهی
 به این بنده‌ی ناتوانت مدد کن
 که ابلیس دارد سیاهی الهی
 چه درها به رویم ز رأفت گشودی
 کشیدم چو از سینه آهی الهی
 به نیکی مبدّل نمائی بدی را
 چو خواهی ببخشی گناهی الهی
 ز ما اسم غفار تو چون درخشد
 چه باکی از این روسیاهی الهی
 ز یک عمر عصیان نشانی نماند
 ز رحمت کنی گر نگاهی الهی
 به جرم خودم داورا چون مُقرّم
 معافم کن از دادخواهی الهی

به جز حبّ حیدر که آنهم تو دادی

ندارم دگر تکیه‌گاهی الهی

ولی هر که با مرتضی آشنا نیست

ندارد به عفو تو راهی الهی



الهی توئی آگه از حال من

عیان است پیش تو احوال من

توئی از کرم دلنواز همه

به بیچارگی چاره‌ساز همه

الهی به عزّت که خوارم مکن

به جُرم گنه شرمسارم مکن

«؟»

عشق یا عقل؟

عقل برو برو برو، عشق بیا بیا بیا
 راحت جان و دل تویی، دور مشو ز پیش ما
 داروی درد عاشقی هست دوی درد دل
 نیست به نزد عاشقان خوشتر از این دوا، دوا
 کشته‌ی تیغ عشق او زنده دلی است جاودان
 بنده‌ی خویش اگر گُشد، نیست به خواجه خونبها
 مست و خراب و ساکنم بر سر کوی می‌فروش
 زاهد و کنج صومعه، او به کجا و ما کجا!
 جام جهان‌نمای ما آینه‌ی جمال او
 جام جهان‌نما نگر، روی به آینه نما
 هر که گدای او بُود، پادشه است بر همه
 شه چه بُود؟ که پادشه بر در او بُود گدا
 سید مست ما سزد بنده‌ی بندگی او
 حضرت او از آن ما، جنت و حوریان تو را

دوزلوک حماسه سین سئویریک

تا عشقی، جان کتابینه، تحریره چکموشوک
 شوریده لیک حدیشینی، تفسیره چکموشوک
 شعر عالمینده قاینا یارق، اقتداریلن
 گل واژه لر تبارینی زنجیره چکموشوک
 بیز شاعروک، یاراتماق اولوب افتخاریمیز
 شعرین گوزل حیاتی نی تقدیره چکموشوک
 جهلین اونونده تجربه لردن آلیب توان
 کسگین قلم مثالینی شمشیره چکموشوک
 یانیدیقا، سئوکی شعله لریندن قاناد ویروب
 سؤز مولکونی غروریه تسخیره چکموشوک
 ققنوس کیمین حقیقت اودوندان دونوب کوله
 زاهدلرین ریاسینی تکفیره چکموشوک
 پیسیدیک بوغان آغاجلاری شاللاقلا یاندا قیش
 رعشه دوتان کوتوک لری تصویره چکموشوک

داغلار، ایچین چالاندا، سکوت ایچره ائل کیمین
 کور اختناق ی شعرده، تعبیره چکمو شوک
 دوزلوک حماسه سین سئویریک ائلچی لر کیمین
 هر یرده آل شرافتی تقریره چکمو شوک



شمعی که اویاق هر گنجه لر منله قالیر
 گوزیاشی توکه سوزیله سرمشقین آلیر
 هیهات منیم دردیمی احساس ائلیه
 باینکه یانان وقتیده من تک سارالیر
 «ناصح»

عبرتنامه برای مجالس ترحیم

سالان یول دشت هجرانه ئولومدور
 گزن هر خانه به خانه ئولومدور
 قویان هر خلقی حسرت بیر بیرینه
 سالان آفاقی طوفانه ئولومدور
 یتیمون گوزلرین آغلار قویاندی
 ائدن ناخونینی شانه ئولومدور
 زفافینده دوتار بعضی جوانی
 طویون ایلر عزاخانه ئولومدور
 گلر یاسه طویا دعوت اولانلار
 غذاسین پایلار احسانه ئولومدور
 آپارار حبله دن بعضی عروسی
 ائدر دامادی دیوانه ئولومدور
 کسر چوخ کسلرین تار امیدین
 او کی یانماز پریشانه ئولومدور

گلر رحمی نه درویشه نه شاهه
 نه اعیانه نه چوپانه ئولومدور
 الیندن ای رفیقان قاقماق اولماز
 تاپار بیز گئتسوک هریانه ئولومدور
 ائمه بیله فرمایش ائدوبدور
 گوزل نعمت مسلمانانه ئولومدور
 ئولومسوز هئچ بشرده قیمت اولماز
 ائدن امواتی دُرْدانه ئولومدور
 جلالیلن آتانون یا آنانون
 کیچیردن آدین اعلانه ئولومدور
 «تفاخر» هر زمان گلسه سُرَاغه
 گئدرسِن مرد مردانه ئولومدور

اوز آنامین آیر یلقندا^۱

گوزلرونندن بیزی آتوبسان آنا
 داشلارین آلتیندا یاتوبسان آنا
 ایشیقلی آئیدون بیزیم دنیا یا
 قارا بلوطلاردا باتوبسان آنا
 راضی اولمازیدون چکه ک درین، آه
 نندن بیزی غمه ساتوبسان آنا
 حسین ماتمینده یتیمیش سگز ایل
 قانا گوزیا شووی قاتوبسان آنا
 دادوه یتیشدی خانم فاطمه
 راحت یات عهدوه چاتوبسان آنا
 زهرايه توکدوگون سنون اشک تر
 قبر ائوینده وئردی آناجان ثمر
 بیزده فراقونده سینه داغلاروق
 غمونده زهرايه باهم آغلاروق

کربلايه گئتدی روح اقدسون
 قولاقیمده قالوب یاحسین سسون
 زینبی هر گئجه گوندوز اوخشادون
 غصه سینه آغلاماقدان دویمادون
 یاددان چیخان دگل مهربانلیقون
 ازبریمیز اولوب جانفشانلیقون
 بو سؤز که یازورام اوره ک سؤزومدی
 سنه قربان بو آغلیان گوزومدی
 قالان عمریمی کاش سنله بؤلیدیم
 بیر گونده سنیلن منده ئولیدیم
 اولاردیم آسوده گوز یوماق همین
 چکمزیدیم بئله آیریلیق غمین
 آلدی ولی سنی بیزدن پیک یار
 یامان گونده ائتدون بیزی اشکبار
 «ناصح» یانورام دؤزه بیلمورم
 سندن امید الین اوزه بیلمورم

برای مجلس ترحیم

ای گوگل شاداولما چوخ من بی وفا گوردوم جهانی
 قویدوم هر گون اوز الیمله توپراقا بیر آشنانی
 ایله که گتدی مزاره گون دولاندی اولدی آخشام
 تا سحر آختاردیم اوندان تاپمادیم نام و نشانی
 ایندی که اگلشمو شوک مین آرزو وار قلبیمیزده
 ییز ولی سیر ایلوروک هئچ کیمسه نون یو خودور گمانی
 منزل آخرده بیر یول آدیمیزلن سسلیرلر
 چوخ یوبانما گل یتشدی مقصده غم کاروانی
 گوز ویریم قدری یقین اول گون بیزه وئرمزله فرصت
 ایندی خوشدور سسلیک دلدن خدای مهربانی
 معصیتدن دور اولاق بیز ایلک توبه انابه
 واسطه درگاه اعلایه ائدک آل عبانی
 عرض ائدک یارب به حق مصطفی ختم پیمبر
 جان وئرنده باشیمیزون اوسته گوندرد مرتضانی

عرض ائدک بیرده به حق فاطمه خاتون محشر
 اوّل شبده مزاره یولّا شاه کربلانی
 گلسه مولامیز بیزيله باش باشا قویماز ملکلر
 هر سؤال آسان اولار گورسوک امام انس و جانی
 بیز عزاسینده عذاره توکموشوک گوزیاشی دائم
 ایلوب سودا سنيله عفو ائدرسن آغلیانی



جهان چو گشت به کام تو نام نیک اندوز
 که غیر نام نیکو نیست حاصل دو جهان



به مال و ملک جهان دل منه که دولت دهر
 بسان رنگ حنا چند روزه در کف پوست

قصیده در منقبت مولای متقیان

حضرت علی بن ابیطالب

ای دُرِ باقیمت کُنز ولایت یاعلی
وی گل پاکیزه‌ی گلزار جنت یاعلی
باعث ایجاد عالم علت غائی خلق
قصد خالق خلقتوندن خلقه خلقت یاعلی
شاه ذوالاجلال و عزّت میر درگاه اله
رتبه‌دن اول تاپان اسلامه سبقت یاعلی
دلدن وصفونده نازل سوره‌ی والعیادیات
والضحی رو، لیل مو، والفجر سیرت یاعلی
باطن آیات قرآن مطلع انوار حق
لجه‌ی زهد و زکاوت فیض و حکمت یاعلی
کاف ها یا عین صاد حامیم عین سین قاف
صاد والقرآن ذی‌الذکره بلاغت یاعلی

لوح محفوظ الہی مصدر ام الكتاب
 عروة الوثقی محکم دینہ قوّت یا علی
 آیہی سبحان ربک عزة عما یصف
 معشر ناس ایچره ذاتون ربّ عزّت یا علی
 لیلة المعراجده پیغمبریلن متصف
 سیر او ادنی ده هم، هم گرم صحبت یا علی
 قل کفی تختینده والی لافتی ملکینده شاه
 گوهر بحر کرم کنز فتوّت یا علی
 سورہی یا ایها المزملون معناسی سن
 مضمّر طاها اولان والشمس صورت یا علی
 ضوء نور ذات پاکون مظهر انوار حق
 گون چکر نور رُخوندن شرم و خجلت یا علی
 اولماسیدون سن اگر کشتی نوح اولموشدی غرق
 ایلدون اعطا نجات و حال راحت یا علی
 ایلدون یعقوبیدن بیت الحزنده کشف ضر
 چشم نابیناسینه وئردون بصیرت یا علی

یوسفی زندانیدن قیلدون رها وئردون نجات
سلطنتده تاپدی قوّت نچه مدت یاعلی
هم نفس عیسایه اولدون مرده احیا ائتدی تا
قومی اقرار ائتدی اوندان تا نبوّت یاعلی
یاور پیغمبر اولدون لیلۃ الشوراده سن
بی تأمل تاپدی ذاتون افضلیت یاعلی
تخت جاه و مرتبتدن کیمدی لایق غیر سن
ای ولی الله امام اهل طاعت یاعلی
روز خندق عمره ویردون بیرجه ضرب ذوالفقار
رُتبهی جاه و جلالون تاپدی رفعت یاعلی
لطفیلن قیل بیر نظر بو بینوا مداحوه
بلکه دوتسون دامنین خیر و سعادت یاعلی
گر سنون لطفون بیزیمچون شامل حال اولماسا
شک ائدر بو باره میزده غیر ملت یاعلی
«بحری» زاره نجات هر دو داری قیل برات
تا سر کویونده ائتسون استراحت یاعلی

فراق دوست

به نسخه نیست نیازی طیب را ببرید
 برای مرگ علی دست بر دعا ببرید
 اگر بناست مداوا کنید زخم مرا
 بر آن مریض خرابه نشین دوا ببرید
 نشسته‌اند یتیمان در انتظار پدر
 کمک کنید مرا در خرابه‌ها ببرید
 سلام من به شما ای فرشتگان خدا
 بُرد فاطمه با خود، مرا شما ببرید
 جنازه‌ی منِ مظلوم را چو مادران
 شبانه، مخفی و تنها و بی‌صدا ببرید
 اگر بناست تسلی دهید بر دل من
 برای قاتل سنگین‌دلم، غذا ببرید

جوشی - سینه و زنجیر زنی

سن شیر یزدانسان علی سن روح قرآنسان علی
سن آسمان عزّته مهر درخشانسان علی



صلح و صفاسن یاعلی مهر و وفاسن یاعلی
نور و ضیاسن یاعلی درده دواسن یاعلی
مشگل گشاسن یاعلی شاه ولاسن یاعلی
آخ نه دیوم شأنونده من پیغمبره جانسان علی
معراج پیغمبر گئدوب عرض ائدی ای ربّ جلی
قلب شریفینده دئدی ای کاش اول بوردا علی
میل ایلین وقته غذا گوردی سخالی بیر الی
احسن بویوردی مرحبا سن دست سبحانسان علی
معراجیدن گلدی یره وارد اولوبدور منزله
امر ایلدی تئز سسلیون حیدر عم اوغلو مدا گله
بلبل نجه عاشق اولار گلشنده بیر زیبا گله
بس هاردا سان فوراً دئدی سن جان جانانسان علی

عرض ایلدی یثربده یم قربان اولوم طاها سنه
 صادق سن امر ائتدی نبی دوز سؤزدی یا حیدر منه
 چوخ چوخ تعجب ایلوب ولایه بیر باخدی گینه
 آز قالموشام شک ایلیم مافوق انسانسان علی
 وار بیر سؤالیم یا علی حیرتده واللّه قالموشام
 دینه گوره چوخ زحمته آخر سنی من سالموشام
 بو نیته جبریلیدن بیر سبب زیبا آلموشام
 مثل اینکه سن مندن قاباق اللّٰه مهمانسان علی
 نصفین یدیم فوراً دئدیم نصفین آپارام حیدره
 فوراً علیده نصفینی تقدیم ائدوب پیغمبره
 سالدی نبینی حیرته باخ گور نجه بو منظره
 گوگلرده سن یرلرده سن سن هاردا پنهانسان علی
 سن مکه ده قویدون قدم دنیا یه ای صف سیندیران
 سنسن جهاندا لشگر کفری علی یکسر قیران
 ای ذوالفقاریلن بوتون ظالمترین بوینون ویران
 اسلامی زنده ساخلادون سن شیر یزدانسان علی

ای ناطق قرآن علی قرآنه پشتیبان علی
ای یار مظلومان علی عالم سنه قربان علی
مشگل گشاسن هر زمان ای دردلره درمان علی
قرآن سنون سینونده دی سن اصل قرآنسان علی
سن اولماسیدون یکسره گوگلر سولاردی یاعلی
سن اولماسیدون دین ائوی ویران اولاردی یاعلی
ظلمیله دنیانون یوزی یکسر دولاردی یاعلی
اسلامه وئردون پرورش سن باغبانسان یاعلی
اعدا ریاست عشقینه مولاسینی اینجیتدیلر
بوبکری تأیید ائتدیلر اما سنی ترک ائتدیلر
وای اونلارین احوالینه شیطان یولوندان گئتدیلر
مظلوم اولوبسان دهریده مظلوم دورانسان علی
زهرانی مولا دوگدولر سن دینه خاطر دینمدون
دینی نظرده ساخلادون آئینه خاطر دینمدون
قرآنه حرمت ایلدون یاسینه خاطر دینمدون
زهرایه خاطر ایندیده حتماً پریشانسان علی

قلبونده زهرانون غمی دنیانی سن ائتدون رها
 ذاکر دوشنده مشگله مولا سنی ایلر صدا
 من بیر گدای عاجزم سنسن آقا مشگل گشا
 یوخدور پناهم نیلیوم سن شاه شاهانسان علی
 دنیاده گوردون هر بلا طاهایه خاطر یاعلی
 یاز بیر برات کربلا زهرایه خاطر یاعلی
 باشی یارالی زینب کبرایه خاطر یاعلی
 هر یرده آدون گلسه سن اوردا نمایانسان علی



کسی که همچو علی میر ذوالکرم دارد
 دگر ز هر دو جهانش بگو چه غم دارد
 کسی که خاک ره او نمود تاج سرش
 چه احتیاج به سیم و زر و درم دارد

«جوشی»

یارب سنی وئروک قسم اول شیر خدایه
بیر رحم ائله ییز ال سیز ایاق سیز فقرايه

ای . مرحمتی پرده ی افعال ذمیمه
وی عزمی وئرن روح روان عظم رمیمه
وئروک سنی سوگند بو اسماء عظیمه
عفو ایله ییزی پنج تن آل عبايه
بیر آینده گر قهرون ائده عالمی نابود
یا مرحمتون مین بئله عالم ائده موجود
مخلوق نجه دم چکر ای خالق معبود
محکوم به حکموک هامی بو امر قضایه
طاعاتون اولوب جمله ی ذرّاته فریضه
اسمونله مزین اولی عنوان عریضه
ای اسمی دوا ذکر ی شفا کل مریضه
صحت وئر اوزون جمله مریض ضعیفایه

درگاهوه بو آه و فغاندان بودی منظور
 بو دردیلہ اوز بنده لرون ایلمه رنجور
 پیغمبریلہ روز جزاده ائله محشور
 اونلار که بو دردیلہ گئدوب دارِ بقایه
 یا من ستر کل عیوباً و بلایا
 لطفیلہ اوزون ایلہ گیلن دفع بلایا
 شهر اهلی پراکنده اولوب جمله خدایا
 رحم ائت بو قالان السیز ایاقسیز فقرايه
 وئروک قسم اول وقته که سلطان مدینه
 مین زخمیلہ آتدان یخیلوب روی زمینه
 فریاده گلوب زینب و کلثوم و سکینه
 افغانیلہ یوز قویدولا میدان بلایه
 چون چیخدی حسین سینه سینه شمر ستمگر
 قویدی او شه کم سپهون حلقینه خنجر
 عجزیلہ او شه سؤیلدی ای خالق داور
 باخ حلق حسینہ ستم شمر دغایه

چون تشنه لب اوز قاینه اول شه بلنوبدور
 گرد و غمیله روی هوا تیره لنوبدور
 اوندا اسرا باشینه کوللر النوبدور
 گوردیله حسین باشی کئچوب نوک جدایه
 افلاکه چیخوب آل علی شیون و شینی
 چون نصب سنان ایلدیلر رأس حسینی
 گفتاره گلوب فاطمه نون نور دو عینی
 قرآنی تلاوت ائلدی آیه به آیه
 آسوده لیک ایسترسن اگر درد و بلادن
 ای شیعه یاپوش دامن شاه شهدادن
 خوف ایلمه ای «راجی» غم روز جزادن
 هر کیمسنه رونق وئره بو بزم عزایه



«شاه بیت زنجیر زنی»

تازه دن شیعه لره ییلمرم آیا نه گلوب
 گینوب قاره هامی ناله و افغانه گلوب

«نوحه سینه زنی - جوشی زنجیر زنی»

زبان حال حضرت زهرا علیها السلام با حضرت علی علیه السلام

بالینیمه گل پیک اجل گلدی عم اوغلی
باغلا گوزومی فاطمه دینجلدی عم اوغلی

مأموریدی پیک اجل الآن باشیم اوسته
بیر سنده گل ای سؤیگلی جانان باشیم اوسته
ای ناطق قرآن اوخی قرآن باشیم اوسته
قرآن سسوه سن بیلوسن چوخ هوسیم وار
خوش لحنیه قرآنون اوخی تا نفسیم وار
زنجیر ستم قید جفا بسته سیم من
مظلومه لرون دهریده سردسته سیم من
قنفذ الینون ضربتینون خسته سیم من
قالدی آناسیز جبراً عم اوغلی حسنینون
جان زینبیمون جان سنون جان بو حسینون

ای مونس غم آز منی غرق محن ایله
 مندن صورا ترک گل و باغ و چمن ایله
 وئر غسل اوز الونله من زاره کفن ایله
 آگاه ائلمه ثانی شدادی عم اوغلی
 گلسه بیلوسن روحیمه ایزادی عم اوغلی
 غسلیمده گوزون یاشینی خون دله قاتما
 گورسون اثر ظلم و ستم نالون اوجاتما
 اگنیمده اولان کوینگی سعی ایله چیخاتما
 بیر نحويله تا غسلیمی وئر کوینگیم اوستن
 کشف ایلمه بیر کیمسیه قمچی اثرین سن
 جان وئرمگیمی گرچه چوخ آسان سانورام من
 یادیمه دوشور محسن اورکدن یانورام من
 ثانی لگدین محسنه قاتل تانورام من
 چون من کیمی مظلومه گورونمز گوز ائوینده
 ناموس حقی کیم ویرار آخر اوز ائوینده

بیر الی قیام ائتدیم اولان وقته مصلی
 گتدیم عمله ذکر قنوتیمی بیر الی
 گیزلینجه نماز ایلیمیشم اولمیا بللی
 گیزلینجه نماز ائتمگیمون علّتی واردور
 چون قنفذ ائدن ظلملرون شدّتی واردور
 هجران اوخونا حکم مشیّته نشانم
 لیبک دیوب محفل جانانه روانم
 اما حسنیندن چوخ حسیندن نگرانم
 بلبل تک اونی بسلمیشم چونکه گل اوسته
 قورخوم بودی خولی قویا مطبخده کول اوسته
 بیر گون گزرم چوللری آواره دولانام
 مقتلده قزیم زینبیلن منده دایانام
 گودالیده زینب بویانان قانه بویانام
 زینب کیمی گاهی یخیلوب گه قاچارام من
 گورسم باش آچوخ زینبیمی باش آچارام من

یانام غم اطفال پریشان حسینه
 گوزیاش توکرم خیمه‌ی سوزان حسینه
 گلّم من اوزوم شام غریبان حسینه
 لازمدی اولاخ کوفه‌ده مهمان ایکیمیزده
 واجبدی دوتاخ شام غریبان ایکیمیزده
 من زینت آغوشیمی کول اوسته گورنده
 البته گرک کول سوورام باشیمه منده
 تا مجلس ماتمه تنور آدی گلنده
 وادار ائلیه منزوینی دلدّه اولان عشق
 بو دیللرلین نوحه یازوب ایلّیه سرمشق
 ای باشسیز عیال و حرمین باشند آتان باش
 وی صورتینون نسبتی اللّٰه چاتان باش
 سنسن دی گورووم سینه‌مون اوستونده یاتان باش
 یا گوزلرون آچ قانلی گوزوندن تانیوم من
 یا منله دانیش تا که سؤزوندن تانیوم من

هانسی شل اولان ال سنی بو حاله سالوبدور
 باشون گتوروب نعشووی گوداله سالوبدور
 کول باشیمه کول مه یوزوه هاله سالوبدور
 ای ماه غم اولدوزلارون آواره دی یاتما
 سن خوابیده سن قیزلارون آواره دی یاتما
 سن آینه ی مطلع انوار خدا سن
 شوریده سر عاشق لره مصباح خدا سن
 ربّی ارنی صاحبنه چهره نما سن
 زهرانیده موسی کیمی شوره گتوروب سن
 بو طور غم افزانی تنوره گتوروب سن
 ایندی واریدیم کرب و بلا ده من خسته
 یاندیردی یانان قلبیمی بیر قلبی شکسته
 گوردوم یاتوب ایستکلی رقیون سینون اوسته
 هر دم دیور ای شاه لب عطشان منی دیندیر
 تیر غم ائدوب قلبیمی شان شان منی دیندیر

ائتدوکجه اوغول حنجر منحوروه دقت
 یوز وئردی اوغولسوز آناوا حالت رقت
 گوردوم که دگوب حنجروه اون ایکی ضربت
 بیلدیم بالا چوخ اینجیموسن گل سینه م اوسته
 جان تک باسوم آغوشیمه دینجل سینه م اوسته
 سن اوّل خلقت یازیلان خط جلی سن
 خورشید جهان پرتو صبح ازلی سن
 خولی سنی بیلموردی حسین بن علی سن
 یا سن دئمدون خولیه دلبد بتولم؟
 قویما منی کول اوستونه فرزند رسولم
 سندن صورا دوشدی حرمون مشگله سنسیز
 زینب یوزی مشگل داخی بیرده گوله سنسیز
 ایراد ائدهجک گلشنه گئتسه گله سنسیز
 قویدوم دییهجک اوز گلومی من قوری یرده
 خوار اولسون او گل که آچیللا سولمیا بیرده

نه گلدی علی اکبره قالدون سن اوغولسوز
 حمله گتوروب گوردی سنی دشمن اوغولسوز
 قوی یوز یوزه منلن سن اوغولسوز من اوغولسوز
 سنسیز منه جنتدهده غم همدم اولوبدور
 باخ قامتیمه گور نجه غمدن خم اولوبدور
 هر باشدا بیر آز شور اولا تسلیم و رضادن
 توپراق النور اول سر پر شوره فضادن
 مبهوتم حسین مقصد و منظوره قضادن
 آلکوندا یازیلیمیشدی اگر قانه باتیدون
 لازم که دگیلدی بئله کول اوسته یاتیدون
 باخدیم سینووه گوردوم اوغول صافیری یوخدور
 چون خانهی زنبور منظم یارا چوخدور
 زنبور تک هر خانهده بیر زهریلی اوخدور
 اما سینون اوسته یارالار کوکبه بنزر
 آت دیرناقینون ردّی مه یکشبه بنزر

ناگه اوز اوزومدن بالا بو وجهی سوروشدوم
 آخر او زمان ال دیریلیکدن که یوموشدوم
 مین زحمتیلن من بونا کونک توخوموشدوم
 باخ گور یری وار کول سوورا باشینه زهرا
 دشمن آپاروب من توخیان کونکی حتی
 من بیرده بو دنیادن ائدن وقتیده رحلت
 ائتمیشدیم اوغول زینب مظلومه وصیت
 بو بارهده گل نطقه هله قیل منی راحت
 بی کس آنون آرتوخ نگران ایلمه بوندان
 آیا دی گوروم زینبیم اوپدی بوغازوندان
 ثبت ایلمیشم قتلینی هر ماه لقانون
 احوالینه شاهددی اوزی حاکم قانون
 تأمین دلیل ایلمیشم زلفیمه قانون
 بیر گون قورولار محکمه ی عدل الهی
 الله ائدر اوز قانینی تصدیق و گواهی

پوشیده دگل اهل اولانا بو سؤز علندور
 چوخلاری دیور منزوی لقمان سخندور
 سؤز یوخ سؤزی با حکمت اوزی صاحب فندور
 هر بزمیده اما بو سؤزی دائم ائدر ورد
 استاد سخن یحیویدور من اونا شاگرد



ما ز پروانه همه سوختن آموخته ایم
 چشم و دل بر کرم و لطف حسین دوخته ایم
 نار دوزخ جهت سوختن سوخته نیست
 ما که بر آتش این شمع ز دل سوخته ایم

«باغ لاله»

از تاب رفت و طشت طلب کرد و ناله کرد
 آن طشت را ز خون جگر باغ لاله کرد
 خونی که خورد در همه عمر از گلو بریخت
 خود را تهی ز خون دلِ چندساله کرد
 زینب درید معجر و آه از جگر کشید
 کلثوم زد به سینه و از درد ناله کرد
 «وصال»

«کام حسن»

افسوس که رفت از دل آرام حسن
 لبریز شد از خون جگر جام حسن
 خونیکه به عمر خورد امروز آن خون
 برگشت دوباره از کام حسن
 «جوهری»

«نوحه زنجیر زنی»

قلب زاریمی دوتوب غصه و محن باجی
یاتما نازیلن اویان جان وئورور حسن باجی

باد ظلم اسوب بئله گلشن پیمبره
گرد غم توکوب عدو دودمان حیدره
اود ویروبیلار عاقبت قلب سبط اکبره
اولدی ظلمیلن خزان گلشن و چمن باجی
سربه سر وجودیمه ائتدی زهر کین اثر
پارچالاندی لبلریم دوغرانبوب یانان جگر
قلبیم اود دوتوب یانور وئر حسینیمه خبر
سؤیله جان وئورور یتیش شاه ممتحن باجی
قوی حرملر آغلاسون زینبیم سن آغلاما
ساکت اول آنام باجی جان وئوروم من آغلاما
هی دئمه فغانیلن سؤلدی گلشن آغلاما
گلمه شیونه سن ای درد و غم چکن باجی

آیریلیق سالور سنون نار غم تفاقووه
 رنج و غم ترانه سی هی گلور قولاقووه
 اکبری آلاندا آل قاسمی قوجاقووه
 قویما یاندیرا اونی آتش محن باجی
 صبر ائله آماندی بیر آلما زلفوی اله
 آغلاما بو سینه می قویما تیر غم دله
 آخرین نفسته قوی قارداشیم حسین گله
 بلکه ایلیم اونا دردی می علن باجی
 ای قلم اورکده بو فکری نون نواسی وار
 بی ریا عزالرون چوخ آغیر بهاسی وار
 هر غمون بو دهریده بیر غم آشناسی وار
 یاتما نازیلن او یان جان وئورور حسن باجی

«اوخشاما»

دیریم آی قالا یری اورکده وار یارا یری
 نه یامان مشگل اولار گئده قارداش قالا یری

زبان حال امام حسن علیہ السلام

ای ننم فاطمه یادگاری
 ایلمه بیر بئله آه و زاری
 قربان اوللام سنون اللریوه
 گوزلریمی اوزون باغلا باری
 قلبیمی زهر کین بؤلدی زینب
 دور حسن قارداشون ئولدی زینب»۲«



ای باجی دردیمه یوخدی چاره
 قلب زاریم اولوب پاره پاره
 دور ایاقه عزیز دو عالم
 باشیوه باغلا سن ایندی قاره
 قلبیمی زهر کین بؤلدی زینب
 دور حسن قارداشون ئولدی زینب»۲«
 گور نجه گل کیمین سولدی قاسم
 گوزلری یاشیله دولدی قاسم

آج گوزون یا تما زہرای ثانی
دور آماندی یتیم اولدی قاسم

قلیمی زهر کین بؤلدی زینب

دور حسن قارداشون ئولدی زینب «۲»

وئر خبر أشجع ناسه گلسون

عونیلن فضل، عباسه گلسون

گی قرا ساخلا ماتم بو زاره

اوز ننم فاطمه یاسه گلسون

قلیمی زهر کین بؤلدی زینب

دور حسن قارداشون ئولدی زینب «۲»

ای باجی سالک راه دینی

گویلوم ایستور گورم نور عینی

قویما قالسون اورکده بو حسرت

سن خبر ایله گلسون حسینی

قلیمی زهر کین بؤلدی زینب

دور حسن قارداشون ئولدی زینب «۲»

سؤال و جواب «فارسی»

دوش گفتم با خرد این نوحه و بانگ عزا
تا به کی دارد ادامه گفت تا روز جزا
گفتمش این سوگواریها در عالم بهر کیست
گفت باشد در مصیبات شهید کربلا
گفتم آن صاحب مصیبت در جهان نامش که بود
گفت نام او حسین و از نژاد مصطفی
گفتمش از نام باب و مادرش برگو به من
گفت مامش فاطمه بابش علی مرتضا
گفتمش اصل اساس عامل قتلش چه بود
گفت حبّ سلطنت از غاصبان ناروا
گفتمش کی کُشت او را گفت قومی بدمنش
گفتمش بر امر کی گفتا یزید بی حیا
گفتمش او از نژاد کیست گفتا در جواب
از نژاد و نسل سفیانی ز اولاد زنا

گفتمش منظور او از این جنایت خود چه بود
گفت بغض و کینه و افعالهای نابجا
گفتمش خود کُشت او را گفت نی نی بلکه او
فوج خونخواری روان بنمود اندر نینوا
گفتمش آن لشکر بی‌دین امیری داشتند
گفت آری زاده‌ی مرجانه‌ی شوم و دغا
گفتمش او کُشت حسین را گفت لا، شمر لعین
سر برید از پیکرش لب‌تشنه آن هم از قفا
گفتمش بهر چه دیگر از قفا رأسش برید
گفت خنجر شرم کرد از بوسه‌گاه مصطفی
گفتمش یاور نبودش گفت هفتاد و دو تن
گفتمش آنها بگفتا سی‌هزار از اشقیا
گفتم هفتاد و دو تن با آنهمه لشگر چه کرد
گفت کشتند و شدند کشته در راه خدا
گفتمش جرمش چه بود آن خسرو عالی‌مقام
گفت عدل و راستی دوری نمودن از خطا

گفتمش بعد از شهادت جسم آنها دفن شد
گفت آری لیک اندر زیر سم اسبها
گفتمش گویند اندر خیمه‌ها آتش زدند
گفت آری شعله‌ی او زد شرر بر ماسوا
گفتمش اهل و عیال او چه آمد بر سرش
گفت آنها را به سوی شام بردند از جفا
گفتمش تعداد زنهای اسیران چند بود
گفت شصت و شش زن و دختر غریب و بی‌نوا
گفتم آنها اندر این ره احترامی داشتند
گفت آری کعب نی با سنگ دور بامها
گفتمش بهر چه آنها را دگر بردند شام
گفت تا ثابت نماید ظلم خود آن بی‌حیا
گفتمش همراه آنها بود آیا محرمی
گفت آری یک مریضی نام او زین‌العبا
گفتمش آن کاروان را همراهی دیگر نبود
گفت سرهای شهیدان بر فراز نیزه‌ها

گفتمش با آن سر دور از بدن کارش چه بود
گفت تا او را نماید زینت طشت طلا
گفتمش بر آن سر ببریده هم ظلمی رسید
گفت آری بر لبانش چوب کین شد آشنا
گفتمش بر آن لب خشکیده کی زد خیزران
گفت همان شخصی که بودی جانشین اولیا
گفتم این حادث کجا و در چه روزی رخ نمود
گفت در عشر محرم در زمین کربلا
گفتمش بهر چه شد با این حوادث روبرو
گفت بهر تقویت از دین و قانون خدا
چونکه شد بعد از امام مجتبی دین هرج و مرج
شد یزید بی حیا بعد از حسن فرمانروا
پس حسین مأمور شد تا آن بساط کفر را
از میان بردارد و دین را دهد از نو صفا
گر نبودی خون پاکِ آن شه و یاران او
نی نمازی بود در کار و نه قرآنی بجا

گفتمش این مرثیه طبع کدامین شاعر است
 گفت طبع سید مظلوم گفتم مرحبا
 گفتمش چیزی تمنا کرده از آن شهریار
 گفت آری شافع جرمش شود روز جزا



«یا ابا عبدالله»

به هنگام پیری مرانم ز پیش
 که صرف تو کردم جوانی خویش
 به کوی وفا آشیانم بده
 سگ این درم استخوانم بده
 مبادا برانی مرا از درت
 به پهلوی بشکسته‌ی مادرت

«مسبب اصلی قتل حضرت سیدالشهدا علی (علیه السلام)»

یا شریح آدوی تاریخیده رسوا ائلدون
بش گونون عشقینه اللہیلہ دعوا ائلدون

رشوه آلدون نچه کیسه قزل ای خانه خراب
دوندروب امر خطانی ائلدون امر صواب
گئیدون اوز عورتون زیر لباسین بشتاب
ماویه اوغلونون امریه سین اجرا ائلدون
نیلمیشدی سنه پیغمبر صاحب صلوات
یا علی بن ابیطالب او شیر غزوات
یا خانم فاطمه صدیقہی کبرا درجات
اینجیدوب قبلرین نامہنی امضا ائلدون
سن کہ آگاہیدون اوصاف بنی فاطمیہ
او حسینی کہ نبی لحمک لحمی سولیہ
باطله وئردون اونون حقینی ای شوم نیہ
کربلا دشتینہ چکدون اونی غوغا ائلدون

گر دئون شمردی قاتل اونا من که دگلم
 اوندا ئولدوردون حسینی ائلدون حکمی رقم
 داد و فریاد قلمدن که فساد ائتدی قلم
 قلمون سینسون حسین قتلینی انشا ائلدون
 ای آدی قاضی اسلام یولونوندان چیخدون
 نه خدا و نه پیمبر نه امامه باخدون
 سن اول ویردون حسینی قلمیله یخدون
 شمیری خنجرله صورا قتله مهیا ائلدون
 اولماسیدی سنون اعلانوون هرگاه اثری
 هندون اوغلی سنه گوندرمزیدی سیم و زری
 بیر قلم وئردون اونون دینه یتیشدی خطری
 ائوی ویران بو نه اقدامیدی آیا ائلدون
 ایلدون عمر طبیعی یاشادون محکمه ده
 بیر ایاقون ائوه ساری بیر ایاقون لحده
 چکدی اوز نفسون ئولن وقتده سنی سوی بده
 چیخدی جنتدن الون دوزخی مأوا ائلدون

تاپشوروب امته ثقلینی رسول الثقلین
 بیر قرآن بیر ذریه ی زهرا حسنین
 ثقل دوّمده که ریحان پیمبردور حسین
 سو کنارینده اونی منع من الماء ائلدون
 اثر خامه ده ائتدون شه لولا که ستم
 او ستم ویردی تمام عالم امکانی به هم
 شل اولیدی الون ای کاش که دو تمیدی قلم
 اونولان زینبی سرگشته ی صحرا ائلدون
 آه زهرادن حذر ائتمدون ای شوم پلید
 بیر قلمده سن حسینی ائلدون تشنه شهید
 اوز مرامینه یتوب شامده اولاد یزید
 صاحب کعبه مقامینی کلیسا ائلدون
 یازدیقون حرفلرون هر بیریر بیر نشتریدی
 اوخیدی نیزه ایدی ششپیریدی خنجریدی
 نیتونده هدفون سینه ی پیغمبریدی
 اوخلادون یاره لدون قانیله حمرا ائلدون

سطح فرماندا درست ائدئون عجب صحنه‌ی جنگ
 پر یوزون فاطمه‌نون قیزلارینا ائتدیله تنگ
 نیزه باشینده حسینون باشینا ویردیللا سنگ
 کوفه اهلیله دوروب سنده تماشا ائلدون
 بئله بیلدون چیخاجاق یاددان عملکرد جفا
 بایگانی اولاجاق پرده دالیندا بو خطا
 زیر تاریخه‌ده گر گئچسه حق ایلر افشا
 چونکه سن دینووی دنیائیله سودا ائلدون
 مرغ طبع شعرا برق کیمی تند قاچار
 یرون آلتیندا گزر هم گوگون اوستونده اوچار
 سن کیمی شخصلرون پرده‌ی اسرارین آچار
 حقون حکمون نیه سن عکسینه معنا ائلدون
 پرده‌ده گیزلده کیم ظلم بنی‌سفیانی
 کمک ایلوب اولارا محزون ائدوب زهرانی
 «یحیوی» یازدون عیان کیمدی بو ظلمه بانی
 بحث بزمینده حسینی‌لری احیا ائلدون

رباعیات

بو شفاخانه حسینوندی طبیب آنی باخور
 دکتری قولسوز ابوالفضلیدی مجّانی باخور
 گلون آی دردی اولانلار آچیلوب باب کرم
 بو یره فاطمه‌نون دیده‌ی گریانی باخور



یا حسین دردی اولان واردی یانان دلره باخ
 آغلیان زینبه خاطر، بو دولان گوزلره باخ
 یاحسین معجر آچوب گوندرنه بیز نه دیک
 آند وئروک او باجون زینبه بو معجره باخ



اوز کنیزوندی آقا باشندان آچوبدور لچگین
 دردی واردی دوتوب الآن آنوون پاک اتگین
 آند وئروک سنی زهرا آنوون نسگیلینه
 شاد ائله دردی اولان صاحب معجر اوره‌گین

«نوحه زنجیر زنی»

بیر نامه کعبه دن بطحایه یازدیلار
ام البنینیلن صفرایه یازدیلار

فهرست نامه سین ازّل او شاه دین
نام خدائیلن تزئین ائدوب حسین
مرقوم ائدوب صورا بو شرطیلن همین
عرض سلامینی طاهایه یازدیلار
اوندان صورا یازوب بیر غملی ماجرا
یعنی قیزیم داخی گوز تیکمه یوللارا
من زار و بی کسی بو قوم بی حیا
عریان دوشم گرک صحرایه یازدیلار
گئت روضه ی بابام ختم پیمبره
مندن سلام ائله اول شاه محشره
سالدی منی عدو سؤیله بو چوللره
دیدارینی داخی عقبایه یازدیلار

بیر عدہ قتلیمہ ائتمیش منیم قیام
 ائتسون دعا سؤلہ زهرا منیم آنام
 قویمادیلار اولا حجیم منیم تمام
 مین نامه ظلمیلن دعوایه یازدیلار
 گئتدوم عراقه من اوردا مکان ائدم
 کربوبلا چولین باغ جنان ائدم
 فرصت یوخومدی چون شرح بیان ائدم
 قربان منی ائله مینایه یازدیلار
 واردور یانیمدا اول شیر دلاوریم
 عباس باوفا سردار لشکریم
 یوخ واهمه هله قورخماز حرملریم
 ضیغم او سروری هیجایه یازدیلار
 دور و بریمده دور اولاد مصطفای
 هم فضل و جعفریم هم شبه مرتضا
 باخدوقجا اکبره لایلا ائدر نوا
 مین غصه لر دل لیلایه یازدیلار

گل عرض ائدک اونا ای شاه مشرقین
 یازدون عجب خبر صفرایه یاحسین
 ناخوشدی غصه دن نیلر او نور عین
 لیلاییلن اونی زهرایه یازدیلار
 قان آغلا ای گوزوم سال یاده زینبی
 قارداش غمینده اول افتاده زینبی
 مظلوم حسینیلن دنیاده زینبی
 هر درد و غصه ده همپایه یازدیلار
 عالم فدا اونون محنتلی حالینه
 قارداش یولوندا اول پوزقون جلالینه
 بو دردیلن ثولوب یتدی مآلینه
 هیچ باخمادی داخی دنیایه یازدیلار
 قربان اولوم ائله درد و مصیبه
 زینب دوشن غم و اندوه و محنته
 چوللرده جان و ثروب یتدی شهادته
 گلمز قلم داخی انشایه یازدیلار

خروج کاروان حسینی از مدینه

و حالات فاطمه صفری علیہ السلام

دوشوبدی یادیمه بیر غملی ماجرا بو گئجه
 که آز قالور گتوره باشیمه هوا بو گئجه
 یازاندا نوحه لری ایلرم نوا گئجه لر
 سالار ملاله دل زاریمی قرا گئجه لر
 اگر مدد اولونا غیبیدن یازار قلمیم
 قبول حضرت حق اولسا سؤزلریم نه غمیم
 گلوبدی درده دلیم یا رحیم یا رحمان
 حسینوون غمی ایلوبدی باغریمی گینه قان
 حسین دئدیم نه حسین آدی ازبریمدی منیم
 غلامی یم ایکی دنیا ده سروریمدی منیم
 حسیندی حضرت خلاق عالمون گوزلی
 یزیده بیعتین اوستونده لا دئدی نه بلی

گوروم خراب اولا بو نانجیب دنیانی
 گتیردی جانہ یزیدون الیلہ مولانی
 یازاندا محنتینی حالیمی دولاندیرام
 سیزیلدارام قرہ نی تک جهانی یاندیرام
 او قدری سیخدی ستم منجیقی سینہ سینی
 قالانمادی گئجه ترک ایلدی مدینہ سینی
 اولده قبر رسول گرامہ دوتدی یوزون
 بیانہ گتدی اولان قلبیدہ نہانی سؤزون
 بو شہریدن دئدی من قلبی یارہ گئتمہ لیم
 وطنده قالماقا یوخ راہ چارہ گئتمہ لیم
 گوزون سیلوب ایاقا دوردی پور شاہ نجف
 آلیشدی قلبی یولون دوندروب بقیعہ طرف
 اوتوردی فاطمہ نون قبری اوستہ گلدی دیلہ
 حسینووی آناجان روزگار سالدی چولہ
 او قدری توکدی آنا قبری اوستہ گوز یاشینی
 گتیردی نالیہ، اللہ حجاز داغ داشینی

روادی شیعہ لرین سینه سی غمیلہ دولا
 پیمبرون نوه سی چکدی آہ دوشدی یولا
 ائلیکه مکیه غم کاروانی یولاندی
 فقط علیله خانم قالدی قلبی اودلاندی
 وقار و عزتیلن ائلیری دوشنده یولا
 اوک باشیندا قالب اللری خانم صغری
 گورون نجه یولا سالدی وفالی قارداشینی
 دالیجا سپدی خانم سو یرینه گوزیاشینی
 سرشگ دانه لرین کیپرک اوسته دوزدی خانم
 الین عزیزلریندن بکلی اوزدی خانم
 او دم که قافله گوزدن گئدوب اوزاقلاشدی
 یواش یواش خانمون جام محنتی داشدی
 قیتدی منزلینه غصّلی اورک داغلی
 گوروب اطاقلاری خاموش قاپلارین باغلی
 اوتوردی آپدی باشیندان خانم اول لچگین
 بیر آزجا فکره گئدوب تا اووشدوروب اورگین

دئی الہی عجب قارہ گونلرہ قالدیم
 فلک آپاردی نجه حسرت اکبرہ قالدیم
 بو علّتہ ائدورم درگھونده سوز و گداز
 سنون قاپون قاپی لار باغلاناندا باغلانماز
 الہی دردیمی قیلام بو گون عریضہ سنہ
 یامان گونومدی بو گون ایله سنده چارہ منہ
 کئچوبدی گونلری تا غم غم اوستہ داشلاندى
 فشارہ غصہ سالوب سوز قلبی باشلاندى
 دیردی اکبر اطاقین گورنده جان قارداش
 خبر یتیر گلوسوز یشربہ هاچان قارداش
 خبر یوخومدی نہ مدّدی کاروانوزدن
 یازون مریضوزہ احوالوزی مکانوزدن
 قرار و صبریمی الدن فلک بکلّی آلوب
 باجون گوزوندن ایراق کهربا کیمی سارالوب
 دیلّہ چرخ ویرار باجی قارداشین آراسین
 چتین قویار بتیرہ بیر نفر اورک یاراسین

علی، اور کدہ فلک غملر اوستہ غم گتیروب
 آدامسیزام اورگیم غصہ دن ورم گتیروب
 الہی قلبیمی ہجر آتشیندہ یاندیرما
 ترخم ایلہ منیم بختیمی دولاندیرما
 سلامت ایلہ خدا ہاردا اولسا ائللریمی
 وطنده بیرده گوروم من دوباره اکبریمی
 نقدری دولسا اونون جانینه یولون آجیسی
 آلا ر قادیسین، هله ئولمیوب مریض باجیسی
 اولا باشیندا خطر ناله گوگلره سالام
 اونون بلالرینی نقد جانیمہ آلام
 اگر گورم علی اصغر ایاق دوتوب دل آچار
 منی گورنده قباقیمہ شک یوخدی قاچار
 دینده آی باجی اون دفعه سؤیلرم اونا جان
 باجی دین دلوه سسلرم جانیم قربان
 باغیشلیوب اونی اللہ اوزی رباب آناما
 اونون گولر اوزی درمان اولار اورک یاراما

اجل امان وئره اصغر قبيله ده باش اولار
 وفالی اکبریمه دادلی دوزلی قارداش اولار
 ائدر جانین باجیلار قارداشین فدا بویونا
 اورکده آرزیلاریم چوخدی اکبرین طویونا
 گلین گلنده اوزریک اولده یانندیرام
 دئمون اوگی باجیام مجلسینده یان دورام
 اوزوم آیرام علی اصغرون گوزل تلینی
 صورا گئدر، دییرم باغلیار گلین بئلینی
 لباسیمون گیرم طویدا یاخشی سین گوزلین
 الینه وئرم علی اکبرین، عروسین الین
 ائله گورنده منی، سسلنر آنام لایلا
 اوغول علی، طویوون زحمتین چکوب صفری
 گوره او آرزیلاری شاد اولار الهی اورک
 اگر یامان گوزولن باخماسا جفالی فلک
 ولی فلکدن ائله قلبیدن هراسیم وار
 ائلیم توروندان اونون قورخورام قوتارمیالار

امل پیاله سینی قورخورام جالان دیرسون
 جفا و ظلم ائلیوب کایناتی یان دیرسون
 بلا گتیرسه هاچان بیر قبیله نون باشینا
 قویار مکر باجینی بلّی ایشدی قارداشینا
 دادیزدیرار او زمانی که زهرینون آجیسین
 مرامینه یتیشر گورسه غصه لی باجیسین
 الهی قلبیمی هجر آتشینده یان دیرما
 ترخم ایله منیم بختیمی دولان دیرما
 الهی بیلمه روا باشیمه بلا آلنه
 اورکده آرزیلاریم چوخدی ائللریم گلنه
 فلک بلایه دچار ایلوب گر ائللریمی
 قوتار الهی منی گورمیوم او گونلریمی
 امید قلبیمی یاربّی یأسه دوندرمه
 بلالرون منه وئر ائللریمه گوندرمه
 آناسی گوزلوری یول، عون و جعفر و فضلین
 گوزی یولوندادی اوغلی، عموم ابوالفضلین

بابام گلور گوروم الله گلن يولوندان ئوپوم
 عموم گلنده علم ساخليان قولوندان ئوپوم
 قاچوم الهی ئوپوم اصغرون دودا قيندن
 باسوم قوجاقه ئوپوم اکبرون اياقیندن
 گوروم گلور وطنه بيرده کاروانيمیزی
 آماندا ساخلا الهی بو دودمانيمیزی
 گوروم گئدنلریمی بيرده خانماندا ئولوم
 رقیه باجیمی آغوشیمه آلاندا ئولوم
 یازوب مصیبتووی یاحسین فغان ائدرم
 بیر عمریدور اورگیم محنتونده قان ائدرم
 او «ناصح» بیلوسن دلده سوز آهیم وار
 یاپوش الیمدن آقا حدسیز گناهیم وار
 قرین صبیحیدی اشگیم عذاره باغلیورام
 بالون امام زمانلا غمونده آغلیورام
 یازان زمان بو سؤزی نصف شیده زار و فکار
 اطاقداس حس ائلدوم آیری آغلاماق سسی وار

«نوحه زنجیر زنی»

گینوب سفر لباسی گئدوسن عراقه قارداش
من بینوادن آخر کسوسن علاقه قارداش

نه سفردی بو سفردن اورگیمده وحشتیم وار
بو نه آیریلوقدی یوخسا غم هجره طاقتیم وار
بیلوسن علی اورکدن سنه چوخ محبتیم وار
دؤزه بیلرمم گوزومدن دوشه سن اوزاقه قارداش
اولوسان رضا بو دمده ائله سندن ال اوزوم من
دایانوم غم فراقه نجه صبر ائدوم دؤزوم من
بو فراق جاوداندور بیلورم علی اوزوم من
غم فرقتونده جانیم یته جاق دوداقه قارداش
گئدوری هامی روادور من ناتوان و خسته
قالورام بو یالقوز ائوده گوزی یاشلی دلشکسته
دل بی قراریم اولموش چون او تار زلفه بسته
نجه ترک ائدوب وصالی دایانار فراقه قارداش

سن اگر عراقه گتسن گئدر عزتیم سنیه
 غم و رنج و غصه دائم اولار آشنا منیه
 منی قویما بو وطنده علی داد و شیونیه
 داخی اولما راضی آهیم چیخا نه رواقه قارداش
 علی رسمیدور جهاندا ئوله هر قیزون آناسی
 او قیزا نوازش ایلر هامی قوم و اقرباسی
 ندی بس منیم علاجیم بویور ای گوزوم ضیاسی
 دوتوب اود بو غمده گوگلووم دوشر احتراقه قارداش
 نه بی بیم حمایت ایلور من زار و دل حزینه
 نه عموی مهربانیم نه بابام شه مدینه
 اولا همدمیم بو ائوده نه قالور باجیم سکینه
 هامی ائل قبیله مندن کسوری علاقه قارداش
 من او بلبلیم که آخر قالارام گل و چمن سیز
 من او خواهرم که گوزدن آتارام جهانی سن سیز
 علی چون خدا رضاسی بو سفرده واردی من سیز
 گله منده راضی اولام نه قضا قباقه قارداش

ائشیدم هانی او ساعت گلو سن عراقیدن سن
 باجوی خلاص ائدور سن غم اشتیاقیدن سن
 منی گرچه فرقتوندن سالوسان ایاقیدن سن
 خبر وصالون اما گتورر ایاقه قارداش
 نه تلاشدور بو فاکر بو نه اضطراب و تشویش
 نظرون منال دنیا اگر اولسا وار کمابیش
 تاپاسان فراغت دل اول عقایدونده درویش
 یوخاری باخوب غم ائتمه نظرائت اشاقه قارداش



خواهی که شوی ز غم رها در عرصات
 مفتوح شود به روی تو باب نجات
 بفرست به چارده نفر معصومین
 از احمد و تا مهدی قائم صلوات
 «طهوری»

نامه‌ی حضرت صفری علیه السلام

به حضرت علی اکبر علیه السلام

سلام اولاً سنه ای قلییمون صفاسی علی
 الهی جانیمه گلسون بویون فداسی علی
 نه کم محبت ای می ش سن نه بی وفا قارداش
 مگر بودور باجی قارداش لیقون وفاسی علی
 وطنده هئچ دئموسن بیر علیله باجیم وار
 نه قوم و خویش یانیندا نه اقرباسی علی
 ائویمده یاخشی غریب ایلدون منی گئتدون
 ائشیتموری قولاقیم آشنا صداسی علی
 قاپوم یوزیمه منیم باغلانوبدی سن گئده لی
 قاپومی آچماقا وار خلقین ادّعاسی علی
 گئجه صباحه کیمی ناله م عالمی بوریوب
 مکدر ائتدی بو مخلوقی آه و واسی علی

غذا جگر قانیدی شربتیم گوزوم یاشی
 مریض عشقین از لدن بودور غذاسی علی
 نه احتیاج سنه عرض ائدم اوزون بیلوسن
 نقدری وار سنه بو بیکسون دعاسی علی
 گئدنده وعده وئروبسن گلوب منی آپاران
 هانی او سؤزلریوین اصل مدّعاسی علی
 سبب نه اولدی که ترک حجاز ایلموسوز
 یقین که یاخشیدی کرب و بلا صفاسی علی
 نه وقت یتیشدی مبارک الیوه بو نامه
 منیده سالگیله بیر یاده حق رضاسی علی
 او مهربان آتاما سؤیله بیر قیزون واردور
 نه بیر گلوب گئدنه نی وار نه هم نواسی علی
 مگر قیزی دگلم من اونون سؤال ایله
 و یا آتارلا قیزی اولماسا آناسی علی
 منیم دلیمجه عمومه یتور سلام و دعا
 اودور منیم بو سنیق گوگلومون دواسی علی

محبتی چوخیدی خاطرمی ایستردی
 اونونداکی بویوموش لطفونون بقاسی علی
 مگر بو حالیمی بیلمور خانم بی بیم زینب
 اونون الیندهدی بو دردرون دواسی علی
 او ایسته سیدی اگر من وطنده قالمازدیم
 گیردیم اگنیمه منده سفر لباسی علی
 سکنه بختور اولدی آنا قوجاقینده
 همی بی بیم اونی ایستر همی آناسی علی
 منیم آنامدا اگر ئولمیوب ساغ اولسیدی
 قبول ائدردی آتام مندن التماسی علی
 هزارحیف طویون گورمدیم علی اکبر
 گلینجه سن داخی یوخ عمریمون وفاسی علی
 علی دئدیم او قدر آغلادیم باشیم آغاروب
 یاخانمادیم باشیما بیرجه طوی حناسی علی
 اولدیم اوردا دونیدیم باشوا آی قارداش
 گینده اگنیه ذوقیله طوی لباسی علی

اگر عروسوی گورسم اونا کنیز اولام
 خصوص اولسا بنی هاشم اقباسی علی
 خدانکرده اگر سن گلینجه من ئولسم
 کیمیم مزار قازار کیم دوتار بو یاسی علی
 مزاریم اوسته کیمیم بس منه اوخور قرآن
 کیمیم قورار منه بزم عزا بناسی علی
 عجب عزیزیدیم عالمده چوخ ذلیل اولدوم
 سالوب بلایه منی چرخ دون جفاسی علی
 بو غملو واقعه دن اهل بیت پیغمبر
 فغان و آهیله عالمده سالوبلا شرر
 ویراردی باشینه آغلاردی بینوا لایلا
 دیردی کاش اولیدی بو خیمه ده صفرا
 گوریدی اکبری لایلا نجه ائدوب داماد
 گلیدی سؤیلمگه اکبره مبارکباد
 بو غملی سؤزلری «اقبال» قیلگیلان کوتاه
 سنی جزاده باغیشلار بو سؤزلره الله

گوهر تابنده

مهر تو را به عالم امکان نمی‌دهم
 این گنج پربهاست من ارزان نمی‌دهم
 گر انتخاب جنت و کویت به من دهند
 کوی تو را به جنت و رضوان نمی‌دهم
 نام تو را به نزد اجانب نمی‌برم
 چون اسم اعظم است به دیوان نمی‌دهم
 جان می‌دهم به شوق وصال تو یا حسین
 تا بر سرم قدم ننهی جان نمی‌دهم
 ای خاک کربلای تو مهر نماز من
 آن مهر را به ملک سلیمان نمی‌دهم
 ما را غلامی تو بود تاج افتخار
 این تاج را به افسر شاهان نمی‌دهم
 دل جایگاه عشق تو باشد نه غیر تو
 این خانه‌ی خداست به شیطان نمی‌دهم

گر جرعه‌ای ز آب فرات شود نصیب
 آن جرعه را به چشمه‌ی حیوان نمی‌دهم
 تا سر نهاده‌ام چو «مؤید» به درگهت
 تن زیر بار منتِ دونان نمی‌دهم
 «عشق کربلا»

اگرچه دل شکسته‌ای حسین را صدا بزن
 وگر ملول و خسته‌ای حسین را صدا بزن
 در این بهار معرفت پرستوی بهاری‌ام
 اگرچه پر شکسته‌ای حسین را صدا بزن
 سحر شد و سپیده زد چرا تو همچو مرغ شب
 لب از ترانه بسته‌ای حسین را صدا بزن
 تو سر به زانوی غمی ز شرم کرده‌های خود
 چرا غمین نشست‌های حسین را صدا بزن
 اگر به باغ آرزو به عشق کربلای او
 دل از همه گسسته‌ای حسین را صدا بزن
 «غفورزاده»

«نوحه سینه زنی - جوشی زنجیر زنی»

ای کرب و بلا سنده کی قربانلارا قربان
ناحق او بیاباندا آخان قانلارا قربان

ای کرب و بلا سن نه گوزل آدلی مکانسان
اسموندی قویان چشم حسینی لری گریان
جانانینه بیر جمع وئروب سنده سوسوز جان
جانلار ائله بیر جمعه، ائله جانلارا قربان
ای قانینی توپراقینه بیر جمع قاتان یر
یوخ شأن و شرافتده سنه بیرجه چاتان یر
اشرفدی هامی یردن او بیر عده یاتان یر
سندده باش اگن شاهلارا سلطانلارا قربان
بیر یر هانی سندن اولتا تا شأنیده برتر
ای تربتی محبوب خدا جسمینه بستر
دل سنده کی شش گوشه اولان قبری چوخ ایستر
بیر شه یکی شهزاده او عطشانلارا قربان

قان اولدی گوگل کرب و بلا ذکر غمینده
 بیرجه نولی گوزیاشلی دوریدوق حرمینده
 وار چشم امید اول شه خوبان کرمینده
 ائتدیکلری چوخ لطف و چوخ احسانلارا قربان
 یوخدور بو شهین دهریده مانند و نظیری
 حیرته قویوب همتی هر شاه و امیری
 اسلامه فدا پیر و جوان طفل صغیری
 بیر گونده ائدن جان او مسلمانلارا قربان
 جان و ئردی اوزی تشنه نه تک مقصده یتدی
 قارداش اوغول اوز گئتدیگی مقصودیه گئتدی
 یارانی گلن تیره وجودین سپر ائتدی
 اوخدان پر آچان پیکری شان شانلارا قربان
 دین اوسته هانی بیر شه ثلوم جامینی ایچسون
 اصحابی هامی یاوری جانان ائله گئچسون
 لایلا کیمی یا اوغلونا خلعت اوزی بیچسون
 سیر ایلین ایمانه او ایمانلارا قربان

سو صحبتی چون طاقت ابو الفضلیدن آلدی
 اطفالین عطش ناله سی گوردی چوخ اوجالدى
 بیر مشک سوسوزلاردان آلوب چگینه سالدی
 جانین ائده تا دیده سی گریانلارا قربان
 صدحیف اولا اما هامی زحمت تلف اولدی
 زحمتلرینون حاصلی آه و آسف اولدی
 دورت مین اوخا سقا اوزی مشگی هدف اولدی
 حالیندن اولان حالی پریشانلارا قربان
 اوخلاندی سو مشگی سوئی قانی کیمی آخدی
 حفظینده الی اولمادی آخدیقجا سو باخدی
 یاندیردی او حسرت دل سوزانینی یاخدی
 بو غمه یانان سینه ی سوزانلارا قربان
 باغلاندی گینه کرب و بلانین یولی یارب
 سنسن گجه نی گوندوز ائدن گوندوزی یا شب
 قان اولسون اورکلر بئله قویما سنی زینب
 بو غصه ده فاکر اورگی قانلارا قربان

«رجز - جوشی سینه و زنجیر زنی»

ای گوهر والا حسین - بند دل زهرا حسین
ائتدون بلا توپراقینی - مینای اعظم یا حسین

سن کشته‌ی حقسن حسین نصّ فنا فی اللّٰهسن
سن گوهر کنز خدا مرآت وجه اللّٰهسن
بو نکته‌ی یو خدور سؤزوم مضموم عشق اللّٰهسن
ائتدون مسلمّ عالمه معلوم ذبیح اللّٰهسن
اولماز مقام قرییده هرگز سنه همتا حسین
سن تک وئروب کیم امتحان ای سرور گلگون قبا
سن تک کیمون قربانگی واریا ذبیح من قفا
اسلامی قیلدون سرفراز حشره کیمین اولماز فنا
تقدیره اولدون سن رضا گلدی بلا اوستن بلا
دؤزدون مصیباته دئدون هانسی بلایه لا حسین

سن شاهراه حقّ سن سنسن صراط المستقیم
 ارض و سما لوح و قلم اولموش وجودونله اقیم
 سن اولماسیدون مصطفی دینی اولاردی منه‌دیم
 آخدی قانون سو تک یره نقش ائتدی یاربّ العظیم
 کھف آیه سین ورد ایلدون سرنیزه ده حتی حسین
 کرب وبلا دشتینده سن بیر عمده اقدام ایلدون
 قادر دگل بیر کس اونا تک سن سن انجام ایلدون
 قربان همان نیاتوه، احیای اسلام ایلدون
 پرچم آچوب دین اوستونه ترویج احکام ایلدون
 دین پیمبر حشره تک تا اولدی پابرجا حسین
 نهر فراتون اوچ گئجه گوندوز یولین باغلانماقین
 گل تک خانم قیزلاروین سوز عطشدن یانماقین
 اوچ شعبه لی پیکانیلن تا اصغرین اوخلانماقین
 غارت اولوب اخیاموی ظلمون اودیلا یانماقین
 اللّیله عهد ایلدون وئردون اوزون امضا حسین

یاد ایلرم اول وقتوی ای سرور گلگون قبا
 جان اوسته سن غش ایلوبسن طاقتون یوخ دورماقا
 تل اوسته قان آغلور باجون زینب سنی ایلر صدا
 اخیاموه دولدی قشون گل هاردا سان تئز گل اخی
 امدادیمه یوخدور گلن زینب قالب تنها حسین
 قارداش ئولوبسن بس نیه یوخ ئولمگوندن بیر اثر
 یا زنده سن بو زینبون حالینه ائت بس بیر نظر
 مور و ملخ تک خیمیه دشمندی هر یاندان گلر
 اهل و عیالون قورخودان یاپراق کیمی تترر اسر
 یکسر خانم قیزلار وون قلبینده یوخ یارا حسین
 زینب سسین درک ایله جک ای سرور گلگون کفن
 دوردون سوروندون خیمیه ساری یوزی اوستونده سن
 بو قصه باجون زینبه نسگل اولوبدور هر ندن
 بیر مختصر گلدون دوشوب گوداله اول اوخلی بدن
 اول پارچا پارچا پیکره گودال اولوب مأوا حسین

کشتی نجه طوفانیده گرداییده لنگر سالار
 کشتی کیمی جسمون دوشوب گودالیده دوتدی قرار
 اوخلار آغیرلار جسموی ترپنمگه یوخ اختیار
 گون ایستی سی عطشان اوزون سینونده ساییس یاره وار
 آغلار سنون اول حالووہ میدانیده زهرا حسین
 بو جان «حیرانی» حسین اولسون فدا اول جانوه
 قربان اولوم ذرّ عالمی منشور اولان پیمانوه
 قربان اولوم سنده اولان حریت و ایمانوه
 حقّی ثبوت ائتدی قانون قربان اولوم اول قانونه
 آخد ییره یازدی قانون نام حق یکتا حسین

«شاه بیت زنجیرزنی»

توکه گوز یاشون عذاره گلمه آه و زاره زینب
 ویرما یاره سن دوباره قلب داغداره زینب

«جوشی زنجیر زنی - نوحہ سینہ زنی»

ای شیعه لرین دردینہ درمان قرہ پرچم
بو قارہ گین لر سنہ قربان قرہ پرچم

بو شور حسینیلہ عزا بزمی قورانلار
مظلوم آقاما خاطر ایاق اوستہ دورانلار
گوزیاشلی حسیننی چاغوروب سینہ ورانلار
شایستہ جوانلار سنہ قربان قرہ پرچم
هر بزمدہ عشقیلہ سنی بیز الہ آلیق
دین دشمنین پیکرینہ ولولہ سالیق
سنلن شرف عشقدہ افلاکہ اوجالیق
سنسن شرف عشقہ نگهبان قرہ پرچم
سن کامہ حسیننی یترو بسن هدفیندہ
چاتماز سنہ هئچ پرچم دنیا، شرفندہ
دین پرچمیسن عاشق شوریدہ کفیندہ
سنلن اوجالار دولت قرآن قرہ پرچم

سن پرچم قرآنسن ای رأیت سرمد
 سنلن تانینار مکتب توحیدی احمد
 سنسن علم نصر من الله محمد
 وار سنده عجب جلوہی جانان قرہ پرچم
 سن پیکرہی عشق حسینی لره جانسان
 عاشق لره عشقین شریانینده کی قانسان
 هستی سنہ مدیونیدی سن جان جهانسان
 جانان ئوزی جلونده نمایان قرہ پرچم
 ای رأیت پیروزی عاشور حسینی
 وی فلسفہی مکتب و منشور حسینی
 عاشق لره الینده علم شور حسینی
 عشق اہلینہ جانانیدن احسان قرہ پرچم
 عشق اہلی سنون حرمتیوی بیلدی فریضہ
 اشگیلہ سنہ یازدی نیاز اہلی عریضہ
 وار سنده شفا نسخہ سی درمانده مریضہ
 قیل چارہ ائله دردینہ درمان قرہ پرچم

«روایت در فضیلت عزاداری و زیارت کربلا»

خوش او کیمسه لرون رتبه‌ی سعادتینه
 حسینه آغلیا یا که گئده زیارتینه
 دیوم بو مژده‌نی حصاره ایلسونلر یاد
 اولور زیارت ائدنلر گناهیدن آزاد
 گلور جزاده ملک اونلارون شهادتینه
 دیرر گئدوبله بولار کربلا زیارتینه
 شهادتین اونون حقینده چون عیان ایلر
 خدادن امر اولونار داخل جنان ایلر
 یازوبلا آغلیان حقینده هر روایتده
 که آغلیان گوز او گون آغلاماز قیامتده
 خصوص آغلیانون بابتینده وار بو خبر
 حسین گلر او ئولندن صورا گوزیندن ئوپر
 اولوب مباحثه چوخ یرده بو روایاده
 یاتوب بیرسی گوروبدور حسینی رؤیاده

دیر سلام ائلدوم عرض قیلدیم ای مولا
 فدا اولوم سنه من ای غریب کرب و بلا
 سیزون آدوزلا دیرلر حسین تشنه جگر
 ئولنده آغلیانون غملی گوزلریندن ئوپر
 بو سؤزی سن بویوروبسان و یا روایتدور
 روایت اولسا سیزه بیر بویوک خیانتدور
 بئله جواب بویوردی منه او کان کرم
 بلی اوزوم دئمیشم آغلیان گوزین ئوپرم
 بو رحم صاحبینه گوزلر آغلاماز نیلر
 یانوب مصیبتینه سینه داغلاماز نیلر
 همان حسیندی آچوب باش توکنده گوز یاشینی
 اولوردی وحی حسین قویمیون آچا باشینی
 حسین آچاندا باشین عرشیده ملائکالر
 دگرله بیریره گوگلرده ناله ایلرلر
 تعجبم او مبارک باشا نه ظلم اولدی
 باخاندا گوردیله قان آخدی گوزلری دولدی

گوروب دایانمیا جاق قان او شاه دلخسته
 مبارک اللرینی قویدی یاره نون اوسته
 محاسنیندن آخار گوردی قطره قطره او قان
 الی باشیندا اولوب سوی خیمه گاهه روان
 حزین سسیله یتوب سسلدی گل آغلا باجی
 قلجلانوبدی باشیم گل یارامی باغلا باجی
 عزیز قارداشینون چون باجی ائشیتدی سسین
 اورک دوگوندی غم و غصه تنگ ائدوب نفسین
 یتیشدی اللر اورکده دایاندی بیر دوردی
 باخوب حسینه ایکی اللی باشینه ویردی
 قولینی بوینونا سالدی الینده بیر دسمال
 یوزین قویوب یوزونه آغلادی اولوب بی حال
 او یاره ایله باجی قارداشین نجه گورسون
 که آزجا قالدی گورنده اوزونی ئولدورسون
 یازار مصیبتوی ذاکر ای غریب وطن
 نجه روادی سوسوز قوملار اوسته جان وئره سن

مقایسه کعبه با کرب و بلا و

شهادت و غارت خیام امام حسین علیه السلام

اگرچه کعبه ائوی محترمدی حرمتی وار
 ولیک کرب و بلانون اونا شرافتی وار
 بو کعبه بیت مجازیدی لیک کرب و بلا
 حقیقی کعبه دی هم باطن هم حقیقی وار
 اودور که کعبه ائوی فخر ائدنده یتدی ندا
 که کعبه کرب و بلانین سنه فضیلتی وار
 گر اولماسیدی او یر سن بنا اولونمازدون
 که علّت اصلیدی معلوله افضلیتی وار
 بلی او بقعه که سلطان عشقه مدفن اولا
 حقیقتاً او یرون اوزگه بیر جلالتی وار
 آدی گلن کیمی یاقوت تر نثار ایلر
 او گوزلری که اورکده حسین محبتی وار
 او پاک قان که توکولدی او پاک صحرايه
 نقدر مدح اولا زیننده دور لیاقتی وار

توکنده شمر همان قانی تیتردی یرلر
 گورن دیپردی بو گون رستخیز علامتی وار
 دوتولدی گون یوزی آفاقی چولقادی ظلمت
 باخوب او ظلمته زینب ییلوب نه علتی وار
 چیخوب خیامیدن اوز قویدی قتلگاهه طرف
 یتوب نه گوردی که شمرون بیر اوزگه حالتی وار
 الینده خنجر حسینون چیخوبدی سینه سینه
 او نور حقّی خموش ایله ماقددا سرعتی وار
 دئدی اماندی دایان ای شقی الون ساخلا
 سنون مگر نقدر قلبوین قساوتی وار
 پیمبر اوغلونی ئولدورمه بو حقارتیله
 عزیز فاطمه دور شأن و جاه و عزّتی وار
 چیخوب او سینه عرش خدانی تیتترمه
 او اوخلی سینه نون عرش خدایه رفعتی وار
 تمام اولور اوزی سن باتما قانینه ناحق
 بو صون نفسه داخی قاتله نه حاجتی وار

او یر پیمبر ئوپن یردی بیر حیا ایله
 او پاک حنجريله خنجرین نه نسبتی وار
 اذیت ایلمه جان اوسته دور چوخ اینجیتمه
 یارالیدور گوروسن جسمیده جراحی وار
 گون ایستی سی اوزی تشنه بو قدری قانی آخوب
 نه اختیاری قالبوب نه توان و طاقتی وار
 یارالی سینه سینی جان وئورر آغیرلاتما
 ندندی بیر دئوسن شارعین شریعتی وار
 چکیل کناره آلوم باشینی دیزیم اوسته
 یارالی قارداشیمون بلکه بیر وصیتی وار
 او قدری وئر منه مهلتکه باغلیوم گوزونی
 یانیندا یوخدی آناسی گوگلده حسرتی وار
 ترخم ائت منی بو چولده قویما قارداشسیز
 علاوه بیر بولوک اهل و عیال و عترتی وار
 چکوب حسینیدن ال شمر الینده بیر قمچی
 دئم نئدوب دلیمین بو مقاله لکنتی وار

آچوب او حالیده گوز پادشاه بی‌یاور
 گوروب که زینبِنون قارداشا حمایتی وار
 دئدی باجی بو ستمگردن التماس ائتمه
 نه رحمی وار نه بیر انصافی نه مروّتی وار
 عبث بو ظالمه یالوارما مندن ال چکمز
 گرک بُروزه وئره دلدّه هر شقاوتی وار
 خصوص اوزومده رضایم که تتز خلاص ائتسون
 نقدر تتز کسه اوز قلبیمون رضایتی وار
 کسوب علاقه‌سین آیریلماسا بو باش مندن
 وصال شاهد اصلین منه صُعبوتی وار
 منم که باش وئرورم باش کسنده لازم‌دور
 کیمون بو شمردن اوزگه بو امره جرئتی وار
 اگرچه قاتل بی‌رحمه العطش دییرم
 بو العطش دئمگین سَرّی چوخدی حکمتی وار
 فراتی ایستمورم جام عشقیله مستم
 دگل سو دلدّه می وصلِ یار نیتّی وار

نه سلسبیل نه کوثر دی نه شراب طهور
 او می که آختار و رام اوزگه بیر حلاوتی وار
 حلاوتیله اگر اوز بوغازیمون قانین
 بو بزم عشقیده من ایچمسم نه لذتی وار
 بلا پیاله سینی سنده شوقیله نوش ائت
 بلالی باشوون عالمده چوخ مصیبتی وار
 علاج صبردی صبر ائت بلایه تسلیم اول
 باجی بو امر مقدردی حق مشیّتی وار
 باش آچما زلفووی یولما یوزون خراش ائتمه
 چکوب سس آغلاما دشمنلرین شماتتی وار
 قیت خیامه یغ اهل و عیالیمی باشووا
 سکینه نازینی چک گرچه چوخ مشقّتی وار
 تسلی وئر اونا مندن صورا چوخ آغلاماسون
 او آغلیاندا منیم روحیمه اذیتی وار
 یتیم اوشاقلاریمی قویما دشمن اینجیتسون
 نقدر زحمتون اولسا حسینه منّتی وار

صفیّه، عاطفم، عالمده نازنین بویویوب
 رقیّه هاردا گوروب دشمنین اسارتی وار
 وحید قارداشی جلّاد الینده قویدی باجی
 قیتدی گوردی امام امرینون اطاعتی وار
 الی اورکده گوزی یاشلی خیمه گاهه طرف
 گئدور نه دلدّه قراری نه دیزده طاقتی وار
 اوزی گئدور ولی قارداش محبّتی قویمور
 کسنمور علقه‌نی قارداش‌دان آخر اُفتی وار
 گئدنموری نگران‌دور عزیز قارداش‌دان
 نه گئتماقا نه دونوب باخماقا جسارتی وار
 عجیب نظم وئوررسن کلامه ای «ذهنی»
 حسین‌دندی که طبعون بئله مهارتی وار

«اوخشاما»

بیر قوش گلور داغ داش‌دان خبر وئورور داغ داش‌دان
 قارداش باجیدان دويسا باجی دويماز قارداش‌دان

«نوحه زنجیر زنی - جوشی سینه زنی - رجز»

ای اولان الله یولوندا تشنه قربان الدخیل
گلموشوک درگاهوه ای شاه عطشان الدخیل

ای باتان کرب و بلا ده ظلمیله اوز قاینه
پیکر پاکی دوشن باشسیر بلا میدانینه
ای دگن دورت مین یارا بیر سینه ی سوزانینه
ای قوری یرلرده لب تشنه وئرن جان الدخیل
ای قولی باغلی گزن اهل و عیالی چوللری
ای گئندن شامه جدالرده سر پُر انوری
ای قالان اوچ گون قوری یرده کفن سیز پیکری
ای اولان کافوری خاک و غسلی القان الدخیل
ایها المظلوم مظلوم ای شهید ابن شهید
یا قتیل العبره مذبح من حبل الوری
وُردی بو بی چاره لر دامانوه چنگ امید
نامید ائتمه امان ای کان احسان الدخیل

جانمیز قربان اولایتمیش ایکی قربانوه
 چکرم ال سندن آند اولسون مبارک جانوه
 ویرموشوق دست توسل او گوزل دامانوه
 بو الیم بو اختیارون کس بو دامان الدخیل
 ای گئدن قانلی باشی بزم قماره یا حسین
 بی مدارایوق بیزه سن ایله چاره یاحسین
 شیعه لر احوالینه بیر قیل نظاره یاحسین
 سندن اوتری اولموشوق چاک گریبان الدخیل
 ای کنار نهر علقمه قولی تندن جدا
 ای علمدار رشید پادشاه کربلا
 غیرتون قربانی یا عباس ابن مرتضا
 ای دوشن قولسوز فرات اوستونده عطشان الدخیل
 خلقی دوتمش بو بلادن خوف و وحشت یاعلی
 وقتیدور مردانه ایله بیر حمایت یاعلی
 مرد و زن خوفه دوشوب اولدی قیامت یاعلی
 یا علی المرتضی ای شاه مردان الدخیل

ای باتان محراب ایچینده ظلمیله اوز قانینه
 باغلانان قولاری بیر گبرون جفا فرمانینه
 چکمر وک ال سندن آندا ولسون حسینون جانینه
 ایله سن بو درد بی درمانه درمان الدخیل
 باده‌ی توحید ایچو بدور «شمس» مستوندور سنون
 من نه تنها هر دو عالم پای بستوندور سنون
 اردبیل اهلین بلا دوتسا شکستوندور سنون
 الدخیل ای گوشوار عرش رحمان الدخیل



یا حسین، من نه دیوم هجریده قالماخلیق‌دان
 تنگه گل‌میش اورگیم غم دله سالماخلیق‌دان
 تربتوندن الیمه چاتدی منیمده مولا
 دویمورام صبح و مسا عطرینی آلماخلیق‌دان
 منی ده ایسته اجل پیکی گله قورخوم وار
 عمریمون شیشه‌سینه داشینی چالماخلیق‌دان
 «ناصح»

«جوشی سینه زنی و زنجیر زنی»

از ما خطا یا الله - وز تو عطا یا الله
 اِغْفِرْ لَنَا یا الله - الله الله یا الله

هستیم بس خجالت غیر از خطا نکردیم
 حُسنِ عمل برای روز جزا نکردیم
 شایسته طاعتی را بهر تو ما نکردیم
 ابواب فضل و غفران بر چهره وا نکردیم
 اِغْفِرْ لَنَا یا الله - الله الله یا الله

ای که تو در وجود هر ذره تابناکی
 آرامش درون دلهای چاک چاکی
 ما بنده ایم ناپاک تو کبریای پاکی
 غیر از عطا چه باید کردن به مشیت خاکی
 اِغْفِرْ لَنَا یا الله - الله الله یا الله

یارب به احترام صدق و صفای عباس
 یارب به مشگ خشک و خونین لوای عباس

یارب به بازوان از تن جدای عباس
 یارب بر آن شکسته قدّ رسای عباس
 اِغْفِرْ لَنَا یا الله - الله الله یا الله

یا واهب الهدایا یا باعث البرایا
 یا قاضی المنايا یا کاشف البلایا
 یا مُجْزِی العطایا یا سامع الشکایا
 یا منتهی الرّجایا یا غافر الخطایا
 اِغْفِرْ لَنَا یا الله - الله الله یا الله

وئزّوک قسم حسینون شهزاده اکبرینه
 قرآن یولوندا قانه آغشته پیکرینه
 اوچ پر اوخا نشانه ششماهه اصغرینه
 قوش تک او تشنه طفلون مجروح حنجرینه
 اِغْفِرْ لَنَا یا الله - الله الله یا الله

یارب بر آن گلی که خارش ز خیزران شد
 یارب بر آن لبی که بر طشت خونفشان شد
 یارب به غنچه‌ای که از خیزران خزان شد

یارب به بلبلی که زین غصّه بر فغان شد
 اِغْفِرْ لَنَا یا الله - الله الله یا الله
 و تَرَوُک قسم او باشه تابوتی اولدی نیزه
 قرآن یولوندا ائتدی کفاريله ستیزه
 اولدی گوزل وجودی آماج تیر تیزه
 صدپاره دوشدی نعشی گودال غصّه خیزه
 اِغْفِرْ لَنَا یا الله - الله الله یا الله

«شاه بیت زنجیر زنی»

زبان حال حضرت صغری علیها السلام

گل گوزلریم فدا اکبر هایاندا سان
 صغران باجون سنی گوزلر هایاندا سان



حضرت علی اکبر علیه السلام

ای مهربان بالا آچ قانلی گوزلرون
 یانندیم جوان بالا آچ قانلی گوزلرون

«برپاشدن یوم محشر و جریانات امام حسین علیہ السلام»

نوحه زنجیر زنی - جوشی سینه زنی

عرصه‌ی حشره حسین قاینه غلطان گله‌جک
اٹمگه شیعه‌لرون دردینه درمان گله‌جک

دونه‌جک روی زمین کوره‌ی حداده او گون
اهل محشر گله‌جک ناله و فریاده او گون
بیر بٹله وقته حسین دور یتر امداده او گون
جمله مجرملریچون شافع عصیان گله‌جک
بیر طرفده دوراجاق باشلاری الده شهدا
بیر طرف صف چکه‌جک قوللاری باغلی اسرا
قویاجاق عرصه‌گه حشره قدم خیرالنسا
حقیدن ایستیه‌جک عدلیله دیوان گله‌جک

دوتا جاق الدہ حسینون او کسوک اللرینی
 بجدلون کسدیگی انگشتیله انگشترینی
 ایکی بازوی ابوالفضل وفا پرورینی
 آیری محشر ائده جک خلقه نمایان گله جک
 دوتا جاق قائمهی عرشی او خاتون جزا
 دییه جک بار خدایا بو حسین بو شهدا
 عفو قیل هرکیم عزا ساخلیوب عالمده اونا
 تعزیه دارلره مؤدهی غفران گله جک
 انتقام ایستیه جک حضرت زهرا او زمان
 تا معذب اولاجاق خصم لری پیر و جوان
 خولی و حرمله و شمر و عمر سعد و سنان
 دمبدم اونلاری چون شعله ی نیران گله جک
 کاتبا غم یمه گر اولسا گناهون نه قدر
 اولو شافع سنه اول پادشه تشنه جگر
 ثبت قیل دفتره محنت لرینی شام و سحر
 تا الونده اولا محشر گونی عنوان گله جک

«خطاب به مخالفان تعزیه»

ایا مخالف بزم عزا حسینی تانی
 حسینی شافع روز جزا حسینی تانی
 پیمبرین نوه سی نور دیده ی زهرا
 زکیه نفس و شه کربلا حسینی تانی
 حسینه حضرت آدم اوزی دیوب نوحه
 سالوبدی عالمه شور و نوا حسینی تانی
 حسینی شافع محشر حسینی جلوه ی حق
 گوزل آدی هامیا آشنا حسینی تانی
 حسینی عشق مدارینده امتیاز آپاران
 بلالی عرصه ده غرق بلا حسینی تانی
 عزیز حضرت زهرا غیور بی همتا
 شهید نامور نینوا حسینی تانی
 آتاسی حیدر کرار امید محرومان
 زعیم نیکروش باوفا حسینی تانی

مقدّس آدی اولان دین حقّه پیرایه
 رسول اکرمه اعظم فدا حسینی تانی
 یگانه مرد فداکار مکتب توحید
 حریم عشقیده دوز رهنما حسینی تانی
 حقارتیله حسین یاسینه نظر سالما
 فقیه پاک لقا مقتدا حسینی تانی
 سرور شادی دلها چراغ محفلها
 حقیقت عاشقی مرد خدا حسینی تانی
 گئدن جلالی الیندن یاریم گون عرضینده
 اولان تمام بلادن رضا حسینی تانی
 ویروبدی کلّ جهانہ لوای آزادی
 اودور که جلوہ نور گون به گون جهاندا آدی
 وجود عالم ایجاده رهنمادی حسین
 علینون اوغلی هامی عالمه آقادی حسین
 خلوص نیّیلن کیم یاپوشسا دامانین
 طبیب حاذق هامی دردلره دوادی حسین

یگانه رهبر بنیانگذار حریت
 شریک محنت و غم یار باوفادی حسین
 حریم عشق عدالتده منبع حسنات
 آتاسی حیدره مظهردی باسخرادی حسین
 حضور حقّه یاشیل شیشه‌ده گئدن قانی
 غریق بحر دِما عاشق خدای حسین
 علی نشانه‌سی بی‌باک یوم عاشورا
 شجاعت عالمی چون شاه لافتادی حسین
 سلوک صبری قویان کائناتی حیرته
 نقدری گلسه بلا قلبیدن رضادی حسین
 دچار صاعقه دشت بلاده سرگردان
 عبید صالح و لب‌تشنه جانفدادی حسین
 او قدری واردی حسینون جهاندا خواهانی
 گوزل آدی بوریوب گون مثالی دنیانی
 محرم آئیدی رسم و قرار حسینچیلره
 اولار حسینی چاغیرماق شعار حسینچیلره

حسین حسین دئمگی سهل سانما ای غافل
 حسین اوزی یتوروب اعتبار حسینچیلره
 زمان نوحه سرا دهی محرمده
 ملکر عرش خدان باخار حسینچیلره
 آناسی فاطمه زلفین آلا اله آغلار
 اودا اندر اوزونی همقطار حسینچیلره
 همیشه حال مکدر محافل غمده
 حقیقی گوزیاشیدور افتخار حسینچیلره
 دیورله روز قیامته موقع دشوار
 کمک اندر اوزی پروردگار حسینچیلره
 لجام عشقی چکوب گور هارا بو عاشقار
 یازوبلا یوخدی قیامته نار حسینچیلره
 حسینون عاشقین البته اوددا یاندرماز
 محل آتش اولار لاله زار حسینچیلره
 اودور که عادت ائدوب شعر یازماقا دهقان
 اوزونی بزم عزاده قوشار حسینچیلره

ورد مقابله دستجات

«ورد اوّل»

ای شیعه بو آی دشمن دین حقّین امامین
 ئولدوردی قالان عترتی غرق مُحَن اولدی
 قالمیشدی کفن سیز بدنی گون قاباقیندا
 زهرا قیزینون زلفی او جسمه کفن اولدی

«ورد دوّم»

ای شیعه بو آی باد خزان کرب و بلاده
 زهرا گل و گلزارینه شدّتله اسیلدی
 شش ماهه علی اصغری اوخلاندی سو اوسته
 عباسون اوزون قولاری ظلمیله کسیلدی

«ورد سوّم»

ای شیعه قرا باغلا خانم اجروی وئرسون
 ظلم اُموی اوج ائدوب افلاکه دایاندی
 جان وئردی علی اکبری عطشان سو یانیندا
 دامادون الی طوی گونی القانه بویاندی

«ورد چهارم»

ای شیعه آلوبسان نه، عقیدوندن آلوبسان
 خرده اوشاقین اوپ او گوورمش سینه سیندن
 طاغوتی سالوب یاده عقیدون قوی اولسون
 محو اولدی نجه گور بولارون ناله سسیندن

السلام عليك يا عبدالصالح

ز هر جا می رسد بوی ابوالفضل
 جهان مست از گل روی ابوالفضل
 بنفشه با تمام دلربائی
 ندارد عطر گیسوی ابوالفضل
 هلال نو اگر خواهی بینی
 نگه کن طاق ابروی ابوالفضل
 هزاران سوسن و ناز شقایق
 نمی ارزد به یک موی ابوالفضل
 شود هر محفلی را یک سخنگو
 بود زینب سخنگوی ابوالفضل
 چه سَرّی در دل زینب نهان است
 که می بوسد ز بازوی ابوالفضل
 همی گوید به هنگام نوازش
 بنازم خلقت و خوی ابوالفضل

هر آن کس را که دردی ناعلاج است
 بیاید عاقبت سوی ابوالفضل
 مریضی دارم اندر گنج خانه
 شفا خواهم ز داروی ابوالفضل
 بگو رحمان به ردالمطلع عشق
 جهان مست از گل روی ابوالفضل



گلزار امامتده آچان یاسه‌دی عشقیم
 گنجینه‌ی اسرارده الماسه‌دی عشقیم
 عالم اولاً بیر کفّه‌ده، مندن باش اولانماز
 چون باش یارانام حضرت عباسه‌دی عشقیم
 «؟»

به مناسبت فرار سیدن ماه محرم

شیعه باشلاندی گینه یاسی ابوالفضل آقامون
یاده دوشدی غم عظماسی ابوالفضل آقامون
هر قرا پرچمین اوستونده آدین گورسه ئوپر
کیم اولا عاشق شیداسی ابوالفضل آقامون
آناسی فاطمه حتماً قاپی آغزیندا دورار
هر مکاندا قورولا یاسی ابوالفضل آقامون
عبد صالح لقبین حق اونا اعطا ائلیوب
چونکی وار رتبه‌ی والاسی ابوالفضل آقامون
دوگسه هرکیم قاپوسین صدقیله قوماز قاپودان
حُرّی چون قُومادی مولاسی ابوالفضل آقامون
دامنیدن یاپوشان سائلی مایوس ائلمز
بسکه پاکیزه‌دی احساسی ابوالفضل آقامون
چاره‌سیز دردوه درمان ائلیر شک ائلمه
گوشه‌ی چشمیله ایماسی ابوالفضل آقامون

شبهه سیز مرده ی صدساله نی احیا ائلیر
 دم جانبخش مسیحاسی ابوالفضل آقامون
 قدرت معجزه ده حضرت موسانی کئچر
 معجزات ید بیضاسی ابوالفضل آقامون
 او کسیک اللریلن حتمی دوتار اللروی
 واردی چون سیرت زیباسی ابوالفضل آقامون
 آتاسی شیر خدا مثلی جهاندا تکیدی
 غیرت و صولت و تقواسی ابوالفضل آقامون
 یاز قلم حُسْنیده مین یوسفی باطل ائلیر
 هاشمی خال دل آراسی ابوالفضل آقامون
 گوز آچاندان گونی واله ائلمیشدی اوزونه
 بدر کامل کیمی سیماسی ابوالفضل آقامون
 ای قلم گلدی آدون دوشدی قلم قول یادیما
 یعنی بازوی تواناسی ابوالفضل آقامون
 ئوپدی خنجر نجه که حیدر ئوپن اللرینی
 قالدی خولسوز قد طوباسی ابوالفضل آقامون

او هیاهوده گلوب صاق گوزون اوخ بوس ائلدی
 سوزولوب نرگس شهلاسی ابوالفضل آقامون
 گوزی الله یارادوب گورمگیچون گورمدی گوز
 دوتولوب دیدهی بیناسی ابوالفضل آقامون
 اللری اولمادی گوزدن چیخادا اوچ پر اوخی
 چوخ چتیندور بو معماسی ابوالفضل آقامون
 داش آتانلار یغیشوب دوره سینه داشلادیلار
 بیر بئله موقع حساسی ابوالفضل آقامون
 ال گئدوب گوز گئدوب الدن، یوخ الیندن دوتانی
 تنگ اولوب عرصه ی هیجاسی ابوالفضل آقامون
 قولسوز حالتده گلوب نوفل اونون کسدی یولون
 چوخالوب محنت و ایداسی ابوالفضل آقامون
 اندیروب آهن عمودین او سپرسیز باشینا
 تتردی قامت رعناسی ابوالفضل آقامون
 سجده گاهی داغیلوب قاشلار انوب گوز یرینه
 پوزولوب حالت سیماسی ابوالفضل آقامون

علمی تک بدنی صاق صولا لنگر ائلدی
 قالمادی جسمیده یاراسی ابوالفضل آقامون
 اوجا قامت اوجا یردن یره قولسوز یخیلوب
 داغیلوب دوغراناں اعضاسی ابوالفضل آقامون
 هامی عطشانلاری سیراب ائلین قالدی سوسوز
 وئردی جان اولمادی سقاسی ابوالفضل آقامون
 کاش اشعار صبانى اوزى تأیید ائلیه
 وریلا ذیلینه امضاسی ابوالفضل آقامون



ئولنده اکبریم کام دل آلدیم
 مقام قرییده قارداش اوجالدیم
 دوشنده پنجه سیز سن مرکب اوستن
 ابوالفضلیم بئلیم سیندی قوجالدیم

«جوشی»

گیموشوک قاره وی ای صاحب مشگ و علم
 گلموشوک ماتمووه ای قوی تندن قلم
 هاموموز مبتلا - عاشق کربلا
 یا ابوالفضل، یا ابوالفضل

یا ابافاضل ای بند دل مرتضا
 آستانوندی سنون شیعووه باب رجا
 عبد صالح لقبون جانووه جانلار فدا
 ایسته بو شیعه لری قبرووه ای محترم
 هاموموز مبتلا - عاشق کربلا
 یا ابوالفضل - یا ابوالفضل
 قان دولان گوزلریله مجلسه باخسون گوزون
 کیم مخالفدی بیزه ایله مجازات اوزون
 درگه حقه سنون چون یره دوشمز سؤزون
 سائل درگه ووک سن آقا صاحب کرم
 هاموموز مبتلا، عاشق کربلا - یا ابوالفضل یا ابوالفضل

ای سو اوستونده وئرن ظلمیله صاق و صولون
دینه ایثار ائلین جنگیده بیر بیر قولون
قانلی قولاریله آچ کرب و بلانون یولون
گوزل آدوندی بیزیم ازبریمیز دمبدم
هاموموز مبتلا، عاشق کربلا - یا ابا الفضل یا ابا الفضل
آند وئروک سنی بیز غملری چوخ زینبه
حامی اول اول کسه که حامی اولوب مذهبه
خادموک بیز هاموموز دوز یولا دوز مکتبه
کیم مرید اولسا سنه کج یولا قویماز قدم
هاموموز مبتلا، عاشق کربلا - یا ابا الفضل یا ابا الفضل
خدماتون چوخ اولوب عترت پیغمبره
چوخ چالیشدون وئره سن سو سارالان گلله
سو کنارینده سنی یخدیلا آتدان یره
منتظردور یولووا ایندیده اهل حرم
هاموموز مبتلا، عاشق کربلا - یا ابا الفضل یا ابا الفضل

«جوشی سینه زنی - نوحه زنجیر زنی»

ای باجی موسی عشقی گتورور شوره بو یر
کربلادور آدی فخر ایلیه جک طوره بو یر

من بو صحرايه باجی گلم میشم اوز باشیما
وئرمم نکته سینی هم سنه هم قارداشیما
آغلادور شوق منی باخماگیلان گوزیاشیما
مژده ی وصل وئورور چون دل مهجوره بو یر
می وحدتله باجی مستیدی یتیمیش ایکی جان
گلدی بو عالمه آلدی او مئی بوردا نشان
بیر کسون گلمز او نشئه باشینا ایچمسه قان
ایچدیورور قان اودی هر تشنه ی مخموره بو یر
حکم قتلیم یازیلوب محضر جاناندا باجی
اولموشام راضی همان حکمه او میداندا باجی
باش و جانيله واران من سر پیماندا باجی
چکدیورور قرمزی قاندان خط منشوره بو یر

وثرمیشم دل باجی باش وثرمگه عباسیميله
 عونيله جعفريله اکبريله قاسميله
 گل نسرينميله نسترن و ياسيميله
 بير گلستان اولی هر بلبل پر دوره بو ير
 هوس وصليله باجی دل شیدا خوش اولور
 غم و درده اولاهر باشدا بو سودا خوش اولور
 اکبرون قانه بویانماقینه لایلا خوش اولور
 يتورور عاشق مهجوری او منظوره بو ير
 الیم اوسته گرک اصغر باجی میدانه گله
 تا که نمرودین اوخ آتماقینه عنوان دوزله
 تشنه اوخلانماسا گلمز هامی مقصودیم اله
 بير مبین دی همان قصه ی مشهوره بو ير
 نقد جان الده باجی مجلس یاره گئدرم
 چکسه جانان اوزی هر شهر و دیاره گئدرم
 اوز کسوک باشیميله من سرِ داره گئدرم
 پایدار اولماقیمی بیلدیری منصوره بو ير

آختار و ردوم باجی نور اللهیه فیض حضور
 گتورن باشه بو شوری دگو جز جلوئی نور
 گئدرم دیر نصارا اولایا کنج تنور
 یتور و بدور منی صد شکر همان نوره بو یر
 بو آی اولدوز که باجی دورهی مهره دوزولوب
 هامی روشندل و افروخته چهره دوزولوب
 اولاری که باجی بیر رشتهی مهره دوزولوب
 مخزن حاصل اولی هر لؤلؤ منشوره بو یر
 «صافیا» ایلمه بیجا یره تحقیق و بیان
 کربلا ده اولان اسرار دگل غیره عیان
 بو شرافتده یر اولماز اونا لایقدی هر آن
 تپراقین سُرْمه ائده گر بصرِ حوره بو یر
 «شاه بیت»

باجی گلستانه بنزر بو یرون عجب هواسی
 اولی بلبلی سکینه گلی اکبرون یاراسی
 «کاتب»

«رجز - جوشي»

باجي حسينون عهداڏوب بو یرده امتحان وٿره
 گرک حقيقت عاشقي حقيقتين نشان وٿره
 حقيقت اوسته جان وٿره

گرک بير امتحان وٿروب سالام جهاني حيرته
 او سينه اي که کنزدور معاني حقيقته
 بو چولده مخزن ايليم سپاه بي مروٿه
 او قدر اوخ دگه نه بير حساب اولانه سان وٿره
 ازل بو عهدي ائتميشم قورام بو یرده بزم راز
 دوشم يارالي قان آرا ائدم حبيبيمه نياز
 تاپولماسا وضويه سو قيلان زماندا من نماز
 نفس چکنده سو کيمي سنان ياراسي قان وٿره
 بو عرصه نون حوادثي مُحَيَّرالعقولدور
 نئجه حوادث اوز وٿره حسينووه قبولدور
 بو جانندان آرتوق اکبريم که مظهر رسولدور

گوزوم ائوینده قان آرا گرک بو چولده جان وئره
 جهاندا بذل جان فقط بیر عشیق چون ثباتیدور
 که اهل عشقین ئولمگی ئولوم دگل حیاتیدور
 نظرده یوخدی باش و جان بولار مقدّماتیدور
 گرک حسین اوز عترتین اسیر کوفیان وئره
 گرک گون اوزلی قیزلاریم اسیر شامیان اولا
 فرنگ و روم اسیری تک اولا جفایه مبتلا
 سکینه هر زمان ائدوب فغان دئسه بابا بابا
 گرکدی قمچی تسلیت او زاره هر زمان وئره
 گورنده قانلو نعشیمی یر اوزره پاره پاره سن
 نه سیلی وور یوزه نه گل فغان و آه و زاره سن
 بو چولده قویما جسمیمی گون اوزره قوی مزاره سن
 ولی بو شرطیله اگر سنان و شمر امان وئره
 گورنموسن که توز قونوب یوزومه ایله سن فغان
 ندور علاجون ائتسه لر باشیمی زینت سنان
 گرکدی بیر گئجه ائده بو باشی خولی میهمان

جدا باشیندان اندیروب تنوریده مکان وئره
 بو عهدی ائتمیشم باشیم گئده یزیده ارمغان
 یزد مجلسینده تا ائده حقیقتی عیان
 ائدنده قانلی لبریم کلام حقّیدن بیان
 حضور خاصّ و عامده جواب خیزران وئره

«زوّار لر دلّیجه»

یا حسین محضروه دلدن آلیشدیم گلدیم
 گوزیاشیم کوشموشیدی منله باریشدیم گلدیم
 آند وئردیم سنی اول قدری آنون فاطمیه
 دعوتیم لطف ائلدون منده چالیشدیم گلدیم
 شوق وصلون باشیما ایللریدی دوشموشیدی
 درّه لر دالدا قویوب تپّه لر آشدیم گلدیم
 آبروئیم یوخودی درگهوه یوز چوورم
 اذن وئردون آقاجان خلقه قاریشدیم گلدیم
 «ناصح»

«رجز - جوشی سینه زنی - نوحه زنجیر زنی»

شیعه راحت یاتار اولاد پیمبر بو گئجه
چون سلامتدی جوانلار هله یکسر بو گئجه

کئچمیوبدور هله ظلمیله چراغ نبوی
یاتمیوبدور علم باحشم مصطفوی
دوشمیوب وحشته اهل حرم مرتضوی
ائتمز اندیشه هله عترت حیدر بو گئجه
العطش صوتی عجب خیمه دن عرشه دایانور
گه یاتار خردا اوشاق راحت اولور گه اویانور
قورخی یوخ الده قلع، دور خیامی دولانور
چون کشیکچیدی ابوالفضل دلاور بو گئجه
آسمیوب باد خزان گلشن لیلایه هنوز
چیخمیوب واولدا صوتی ثریایه هنوز
دوشمیوب اکبرینون پیکری صحرایه هنوز
هله نازیله یاتوب خیمه ده اکبر بو گئجه

چکمیوب تازه گلین حجله سینه قاره هله
 هاردا دامادین اولوب پیکری صدپاره هله
 گوشواره هانی غارت اولاشاره هله
 طوی تدارک ائدوری قاسمه مادر بو گئجه
 بالا داغینده هله یانموری اودلاره رباب
 هله بیلیمور بوغازین اوخ ائده جک یاره رباب
 بالاوای سؤیلموری بیکس و آواره رباب
 هله گهواره ده ساکت یاتوب اصغر بو گئجه
 هله زینب بو گئجه قارداشیلہ خلوت ائدر
 حسرتیلہ نجه شیرین دانیشور صحبت ائدر
 گاه هاجر کیمی اوغلانلارینا زینت ائدر
 باتمیوب یاسه هله مادر و خواهر بو گئجه
 آلمیوب شمر جفاجو الینه خنجر هله
 شاه دین سینه سینه چیخمیوب اول کافر هله
 ائتمیوب لرزه زمین تیتره میوب گوگلر هله
 نه هوا تیره نه اسمیش قره یلر بو گئجه

خیمه یاندر ماقا اعداده هانی جرئت هنوز
 اولمیوب رخت و اساس شه دین غارت هنوز
 زینبی وورماقا دشمنده نه وار قدرت هنوز
 اولمیوب ماه مدینه هله مضطر بو گئجه
 نه علی قیزلاری قول باغلی اولوب ناقه سوار
 نه ویروب سلسله سجّاده هله قوم شرار
 گلمیوب قتلگه اهل حرم با دل زار
 اولمیوب کرب و بلا ده هله محشر بو گئجه
 نه بدن یرده یارالی نه کئچوب نیزیه باش
 ساربان ظلمونه گوزدن نه توکوب فاطمه یاش
 ای خدا عالمی بو ظلمیله ویران اولاکاش
 نه سحر گلمیه نه اولمیا آخر بو گئجه
 بو گئجه وقتی «غریق» ایله گریبانوی چاک
 او قدر باشه ویروب آغلا اوزون ایله هلاک
 عرض قیل ای شه لب تشنه حسین روحی فداک
 قبریوه ایسته بو حَضّاریوی یکسر بو گئجه

نوحه سینه زنی - جوشی زنجیر زنی

ترکیب بند عاشورا

گوردی الینه قیزلار آلوب جام علی اکبر
آخر گئجه گئتدی سووا ناکام علی اکبر

عمامه‌ی پیغمبری ابروسینه اندی
دلبد حسین صفره دوندردی سمندی
دلدن اوجالوب گوگلره تکبیر بلندی
شمشیری دولاندیردی علی تک علی اکبر
باشلاری توکوب تپراقا دلبد پیمبر
سرکرده لرون تیغ دوسر ووردی بئیلندن
قویمازدی کناره چیخا راه عجلیندن
دورت مین اوخ آتان اوخلارینی آتدی الیندن
اولسون بو جوانلار سنه قربان علی اکبر
دیوانه ائدن شیعه لری جان علی اکبر

خدمت ائلدون آیهی قرآن مبینہ
 مردانہ فدا ائتمگہ جان پرچم دینہ
 تلّ اوستہ تماشایہ دوروب شاه مدینہ
 اکبر سنی ال باشدا دعا ائتدی سکینہ
 گلدی صودامر اصغرینی آلدی الینہ
 اکبر سسینی آلدی آنا خیمہ سرادہ
 گلدی الی قوینوندا خانم ناله و دادہ
 لیلا دئدی فرصت یتیشر قوم عنادہ
 عطشانندی کومکسیزدی بالام قانلو منادہ
 طوفاندی الہی بو گئجہ کرب و بلادہ
 لیلا ال آچوب درگہ والایہ چکوب آہ
 سالم یتورن یوسفی یعقوبینہ اللہ
 ای صاحب درگاہ اولان قلبیدن آگاہ
 اللہ بالامی حفظ ائلہ سن تیغ بلادن
 سالم بالامی گلدی گوروم قانلو منادن

گلدی خانمون ناله سینه یاندی سکیه
 عرض ایلدی احوالوه اودلاندی سکیه
 لایلا آنا گوزیاشوه قرباندی سکیه
 قان آغلما غیرتلی عموم واردی دلاور
 صدقیله دخیل گئت اونا سالم گلر اکبر
 سن اللری قوینوندا دایان خیمه دالیندا
 گورسون منی غیرتلی عموم غملی حالیندا
 من خورداجا قیزلاری دوزوم صاق و صولیندا
 گلدی دییه دردین گئجه دربار حسینیه
 لیلانی دخیل گتدی علمدار حسینیه
 دریای ادب کان شجاعتدن اوتاندی
 تا خیمه دالیندا الی قوینوندا دایاندی
 قلبی یارالاندی گوزی یولدا نگراندی
 قویدی قدمین خیمه ی سرداره سکیه
 گوزیاشلی سلام اتندی علمداره سکیه

عرض ایلدی سرلشگر اسلامه اماندور
 اکبر گئجه نون وقتی گئدوب جنگه جواندور
 لیلا آناما آتش هجرانی یاماندور
 جنگون گیمون گیدی علمداری حسینون
 میدان گنده یار و هواداری حسینون
 قارداشلارینی باشینه جمع ائتدی او ساعت
 مرکوبه سوار اولدی او دریای شجاعت
 آت سالدی قوی پنجه جوان شیر امامت
 گورسندی بو اون دورت گئجه لیک ماه منور
 تل اوسته نظر سالدی او ضرغام غضنفر
 شهلا گوزونه اولدی عیان مرد سیاهی
 بیر نعره چکوب شیر ژیان دلدن الهی
 آغلاتدی همان نعره سر تلیده شاهی
 شه دوردی ایاقه دئدی جان شیریم ابوالفضل
 سقای حرم جنگیده شمشیریم ابوالفضل

اکبر غمی دولموشدی دل شاه حجازه
 قارداشلاری یانینده وزیر آلدی اجازه
 اعدادن آلوب شطی علی اکبری تازه
 اندی ائلیکه تلیدن عباس هنرور
 مانند علی فتح ائلیوب قلعهی خیبر
 مردانه خیامه گتورور سو علی اکبر
 آهسته دییر اوز اوزونه جان علی اصغر
 سولدی نجه یاندی آلیشوب خرداجا بلبر
 گوردی یولی بیر عده سواره کسوب الله
 سسلندی سیاهی گئجه نون وقتی اول آگاه
 گر کرب و بلا لشگریلن دولسا سراسر
 شمشیره چکر صفلی تنها علی اکبر
 تل اوسته تماشایه گلر شیر دلاور
 قوللارین آچوب گلدی دله جان علی اکبر
 جانیم اولای بو غیرته قربان علی اکبر

«نوحه زنجیر زنی»

ایلم سنی دعا گلمیشم دخیل عمو
اکبریم گئدوب سووا گلمیشم دخیل عمو

گلمیشم بو درگه چون خدا رضاسی من
اولموشام بو ورطه ده غملر آشناسی من
ال آتوم او دامنه گوزلرون فداسی من
ایلیور آنام نوا گلمیشم دخیل عمو
شاهزاده قیزلاری جمع ائدوبدی باشینه
یاندی قلبیم ای عمو گوزده قانلو یاشینه
دولدی ناله عالمون دشت و داغ داشینه
ای غیور باوفا گلمیشم دخیل عمو
سندن اکبری عمو ایستورم بو نصف شب
دوره سین آلوب اونون کوفیان بی ادب
قورخورام شهید ائده رزمگاهیده عرب
سالما باشیمه قرا گلمیشم دخیل عمو

قوی آتوم ایاقوه معجری علاج ائله
 خیمه ده عمو آنام زلفلرین آلوب اله
 راضی اولما اکبریم تک یارالانوب ئوله
 قلیمه دگر یارا گلیمیشم دخیل عمو
 سن بو بارگاهیمون جنگجو وزیر سن
 دادگاه حقیمون منشی دبیری سن
 هاشمی جوانلارون شیردل امیری سن
 ای جوان مهلقا گلیمیشم دخیل عمو
 کوفیان هراس ائدر گورسه مه جمالوی
 پهلوانلار ای عمو گورمیوب قتالوی
 گئت گتور جوانیمی حقدن آل مدالوی
 آل اله اوزون لوا گلیمیشم دخیل عمو
 سالم اکبریم گله خیمه گاهه شاد اولام
 راضی اولما زلفومی نصف شب عمو یولام
 اکبریم باتا قانا منده گل کیمی سولام
 ایله دردیمه دوا گلیمیشم دخیل عمو

«نوحه زنجیر زنی - جوشی سینه زنی»

کیمدی گلدی گئجه نون عالمی دربارہ دخیل
دئدیلر اکبر آناسیدی علمدارہ دخیل

آستانونده دخیلم سنون ای شیر ازل
مشگلیم واردی منیم مشگلیمی ائتگیله حل
نوجواندور بالام هئچ گورمیوب عمرینده جدل
لیلی باعث اودی گلیمیش در سرداره دخیل
اکبریم گئتدی سووا تاپدی اونون گللمگی طول
اولموشام من او سبیدن بئله غمگین و ملول
چون عرایض اولی بو باب الحوائجده قبول
باخماسون عرضینه گئتسون هارا بیچاره دخیل
واسطه الله واروم درگهوه معجریلین
نازپرورده سکینه هم علی اصغریلین
خاطرین آل نظره حفظ علی اکبریلین
ایکی نوگلدی گلوب باب سپهداره دخیل

ایستدی اکبرین عباس علیدن لیلا
 وئردی لیلایه تسلی دئی ائتمه پروا
 عزم ائدوب نهره طرف اول خلف شیر خدا
 منتظر قالدی در خیمه ده دیداره دخیل
 وسط راهده ناگه که طلوع ایلدی ماه
 گوردی شهزاده یول اوستونده سپاهی ناگاه
 سسلدی گلمه سپاهی عطشیندن بالله
 گلوب عباس عموما اصغر مه پاره دخیل
 بیرده سسلندی سپاهی بو قدر ائتمه هجوم
 خیمه لرده عطشیندن یانار اطفال عموم
 بو خیام ایچره واریمدور منیم عباس عموم
 سسلرم دادیمه اولام او وفاداره دخیل
 یولومی کسمه سو مشگین آپاروم خیمه لره
 قیمتی چوخدی یتورسم اونی گر تشنه لره
 تشنه سیراب ائلمک اجرینی سن آل نظره
 قویما اولاد پیمبر گنده کقاره دخیل

گتوره بیلمدی طاقت داخی عباس رشید
 نور دیده نیه گلدون دئدی بی یار و وحید
 نه قدر اولم امیشام دشت بلا ایچره شهید
 قویمارام عترت طاها اولا اشاره دخیل
 عمو قارداش بالاسین سینه با آه و نوا
 جان کیمی چکدی او مه پیکرینی سینه تا
 گورجک اکبر عمو سین ایلدی تعظیم و ثنا
 گلدی گل میشدی نجه لیلی آواره دخیل
 سس دوشوب گتدی علی اکبر علی اصغره سو
 عربستان اولا، عطشان اولا بیرده گوره سو
 کشمکش اولدی سو اوسته داغیلوبدور یره سو
 او یانان سینه لری دوشدیله قوملاره دخیل
 بارالها اولا درگاهوه بی حد و سپاس
 امر قیل مشگلیمی حل ائلسون سرور ناس
 «ناطقون» دردینه تئز چاره بویورسون عباس
 اولماسون گر گئدرم عابد بیماره دخیل

حالات شهادت حضرت علی اکبر علیہ السلام

واردور شکایتیم فلک کج نگاهدن
 کج باخسا هر ائوه یخاجاق گاهگاهدن
 کج باخدی یخدی آل علی خانمانینی
 واللّٰهی قویمادی اثر اول بارگاهدن
 گندی شه حجازی بلانون دیارینه
 اوزدی الینی جاه و جلال و سپاهدن
 دوغراندی نوجوانلاری شمشیریلن تمام
 قان نهر تک آخاردی چوله قتلگاهدن
 پس بیر یره یتیشدی او شاه شهون ایشی
 ال چکدی نیر شبیه رسول الهدن
 نیت ائدوب سوسوز اونی میدانه گوندروب
 کیم ال گوتوردی بیر بئله آهو نگاهدن
 گوندردی دوغرا دیلا اونی لشگر زنا
 قان چشمه چشمه آخدی او زرین کلاهدن

میداندا دوغریاندا تماشایه چیخدیلار
 اهل حرم آیلمادی لا آهی آهدن
 ویردوقجا سسلنوردی جماعت یاواش و یرون
 رحم ایلیون آنام باخوری خیمه گاهدن
 ئولدورمسوز اگر بیلورم ئولدورر منی
 بو یاره لر سالوبدی منی تاب آهدن
 باری چکون کناریده سیز ئولدورون منی
 آلدوز قرار و صبر شه بی پناهدن
 ناگه یتیشدی منقذ بی دین کمین ائدوب
 مین جان آلوب دوباره او حال تباهدن
 چوخ زوریلن ویروب قلع اگلشدی باشینه
 شق القمر کیمی آیروب ماهی ماهدن
 تأیید شاه اولماسا ائتمز یقین ظهور
 بیر بيله سؤز «ذلیل» کیمی روسیاهدن

«نوحه زنجیر زنی و سینه زنی»

سُرادقن علی اکبر اولاندا رزمه آماده
نه حالت قویدی زینبده نه طاقت قالدی لیلاده

اوغول اذن ایستدی میر حرمدن جنگه عزم ائتسون
حرمدر دورینی دوتدی دیردی قویماروق گئتسون
قیامت آز قالوبدور بو کشاکشدن ظهور ائتسون
باجی دوتموشدی دامانین آنا گلیمیشدی فریاده
ائشیتدی خیمهده لایلا بالاسی اذن جنگ آلدی
اوتوردی قلبی اود دوتدی دوروب رفتاریدن قالدی
غلط مشهوریدور لایلا او ناکامه کفن سالدی
حیا قویمازدی چیخسون خیمهدن لایلا او ائنده
او ناکامه وئرن زینت او صحراده حسین اولدی
دولی گوزله باخوبدور گوزلری خونباریلن دولدی
دئدی ای نخل گلزاریم گلون بر وئرمه میش سولدی
ئولونجه گوزلریم حسرت قالار بو قد رعنده

دونوب عرض ائتدی گل عمه کناره گیزلین عرضیم وار
 بو سَرّی ساخلا گیزلین اهل بیته ایلمه اظهار
 آنام لیلایه سؤیله سندن اوزگه دادرس کیم وار
 کنار ائتمه اوزوندن قویما ویرسونلار بو صحراده
 سنون صبرون بلالرده آنون زهرادن آرتوخدور
 منیمده بیر آنام لیلادن اوزگه نسلگیم یوخدور
 اونی چوخ قویما ویرسونلار منیم دردیم اونا چوخدور
 ئولونجه یا علی سؤیلر چکر ناله گلر داده
 سوار اولدی عقابه خیمه دن بیر از اوزاقلاشدی
 سکینه یوز دالیجان قویدی بیر قارداش دیوب قاشدی
 خدایا نه محبتدور نه نوعی باجی قارداشدی
 یتیرجک قول بویون اولدی بو شهزاده او شهزاده
 دئدی قارداش خیالون وار منی دشمن اسیر ائتسون
 دئدی باجی آنام خاتون محشر داده یتسون
 دونوب گوردی دیر زهرا قزیم قوی قارداشون گئتسون
 ائدوب سو حوض کوثر دن اونا پیغمبر آماده

دئدی قارداش دایانما گئت سنی الله تاپشوردوم
 اوجالمیش خیمه لرده ناله ی جانکاهه تاپشوردوم
 گوزی یاشلی جگر داغلی اوغولسوز شاهه تاپشوردوم
 بو جسم نازنینون قیل هدف پیکان فولاده
 منیم عرض سلامیم ایله پیغمبر حضورینده
 سکینه عرض ائدر گلم صف محشر حضورینده
 علی اکبر دیننده خالق اکبر حضورینده
 تئز آلسون انتقامیم قاتل اکبردن عقباده
 بو گون شق القمرده بیر نشان ظاهر ائدوب باشون
 هلال آسا دو نیم ایلر دم شمشیر یله قاشون
 آخار باشون کسندده هاشمی خال اوسته گوزیاشون
 الیم قوینومدا یالوارام باشون اوستونده جلاده
 خداوندا سنی وئرم قسم اول شاه بی یاره
 یانان قلب آغلیان گوز اجر کامل وئر بو حضاره
 خصوصاً «واقف» بی چاره نون قیل دردینه چاره
 اونی شرمنده ی اهل عیال ائتمه بو دنیاده

«نوحه زنجير زنی»

او سرو قدّون اولوم فداسی
 منی سالوبسان خیاله قارداش
 نچون گیوبسن سفر لباسی
 مگر گئدورسن جداله قارداش

عجب گلوبسن بو زاره مهمان
 گوز اوسته اگلش یرون وار الآن
 گرک ائدوم من بو جانی قربان
 او سرو قدّ نهاله قارداش
 بو غملی قلبی اله گتوردون
 اورک یاراسین گلوب بیتیردون
 حدیث هجری منه یتوردون
 دوباره باتدوم ملاله قارداش

اوزون باخ ایندی بو آه سرده
 بو اشک چشم و بو رنگ زرده
 نجه سکینه دؤزر بو درده

بو گونده گلسون زواله قارداش

بو چرخ قویدی منی نه حاله
 ئولونجه سالدی غم و ملاله
 گلوردی هجرون مگر خیاله

امیدیدیم بو وصاله قارداش

گلوردی بیرجه سنه گمانیم
 سن ایندی گئتسون گئدر توانیم
 دوشر بلایه غریب جانیم

دوئر بو قدیم هلاله قارداش

بو نوعی معلوم اولور سؤزونندن
 سالورسان آیری منی اوزونندن
 گل ایندی بیرجه ئوپوم اوزونندن

فدا او خط و او خاله قارداش

گلوبدی جوشه گوزومده قانياش
 بو آيريلوق چوخ چتیندی قارداش
 بو درده دؤزمم اورک اولاش
 باجون قالب گور نه حاله قارداش

منیم بو حالیم سنه عیاندور
 دئم که گئتمه بیر آز دایان دور
 یوزون دیونجا گوروم آماندور
 ندور سؤزون بو سؤاله قارداش



یا حسین قلبیمیزه صدق و صفا ایستیوروک
 گلموشوک درگهوه درده دوا ایستیوروک
 یولووی آچموسان عاشقرون اوزلرینه
 بیزیده ایسته بو گون کربوبلا ایستیوروک
 «ناصح»

«جوشی سینه و زنجیر زنی»

شاهد اول سن ای حیّ لم یزل
 نولمگه گئدور اکبریم منیم
 خلق و خلّیده شبه مصطفی
 حُسنیده ملک منظریم منیم

یولادیم او مه طلعت او غلومی
 قتلگهده جانانه جان وئره
 بند بند اولا سرو قامتی
 مقتلینده عشقین نشان وئره
 پیکرینده ساییز یارالاری
 ایستی قوملار اوستونده قان وئره
 قطعه قطعه اولموش جوانیمی
 ایسترم گوره گوزلریم منیم

شور و شوقیلن من بو دشتیده
 دلستانی دلداره یولادیم
 دسته باغلادیم زیور ایلدیم
 بو قیزیل گلی یاره یولادیم
 اکبری فدا ایلدیم سنه
 پیشگاه داداره یولادیم
 ائتدیم آرزو بو هدیه دن
 کاش اولا رضا داوریم منیم
 من دئدیم قوجالسام بو دهریده
 تئز دوتار الیمدن جوان اوغول
 مهربان آتایه دایاق دورار
 هر زمانیده مهربان اوغول
 اکبریم گئدور دوغرانا بو گون
 قدیمی ائدر چون کمان اوغول
 قامتی قیامت ائدر منه
 ایندیدن قوپار محشریم منیم

حقّیدن دفاع ائتمگه بو گون
 قتلگاهه اکبر بالام گئدور
 آیریلوبدی آل رسولیدن
 مصطفایه بنزر بالام گئدور
 آغ محاسنی آلموشام اله
 ای خدا دلاور بالام گئدور
 قول قانادیدی اکبریم منیم
 سیندی ظلمیلن شهریم منیم
 مین علی اکبر کیمین بالام
 دین یولوندا دوغرانسا یانمارام
 مین علی اصغر کیمین اوشاق
 ظلم اوخیلا اوخلانسا یانمارام
 مین رقیّه تک نازنین بالام
 خیمه گاهیده یانسا یانمارام
 حقّیمی قبول ایلور عدو
 یانديرور منی اخگریم منیم

فکرینون سنه چوخ علاقه‌سی
 وار گئجه گونوز آه و زار ائدر
 اکبرون آدیلا یازاندا سؤز
 بیت و بیتینه افتخار ائدر
 نیلیوم علی عشقین آتشی
 قلب زاریمی پُر شرار ائدر
 سؤیلدی آقام شاهد اول خدا
 مقتله گئدور اکبریم منیم

«شاه‌بیت زنجیر زنی»

یولادیم دوغرانا یارب علی اکبر بالامی
 خَلْقیده خَلْقیده پیغمبره بنزر بالامی

«نوحه زنجیر زنی»

یاتما یاتما او یان، اکبر نوجوان
 میوهی قلب مادر، ای شبیه پیمبر
 قان دوتان گوزلرون، یان دیرور قلبیمی
 ای جوان دلاور، ای شبیه پیمبر
 یاتما آرام جانیم - یاتما روح روانیم
 ملک غربتده سنسن یاور و همزبانیم

عمریمون حاصلی بیر سنیدون علی
 قطع قیلدی امیدیم دشمن آلدی الیمدن
 قالدیم آواره من کسدیلر چاره می
 گور نجه آیری دوشدوم اقربا و ائلیمدن
 مهربانیم اوغول نوجوانیم اوغول
 تا قیامت اولونجا دوشمز آدون دلیمدن
 مدّت عمریمی صرف قیلدیم سنه
 آدیوی ائتدیم ازبر ای شبیه پیمبر

حشره دین آغلارام سینه می داغلارام
 زلفوه توز قونوبدور بس لباسون نولوبدور
 کیم لباسون سویوب بیله عریان قویوب
 تپراق اوسته یاتوبسان گل جمالون سولوبدور
 هاشمی خالوه عارض آلوه
 قرمزی قان آخوبدور قاره گوزلر دولوبدور
 هر زمان یل اسر کاکلوندن دگر
 قلبیمی غارت ایلر ای شبیه پیمبر
 شانه ویردوم علی کاکل زلفوه
 عرصه گاه گئندده لشگرون رحمی گلسون
 ویرماسونلار سنی تیر و شمشیریلن
 نوجواندور دئسونلر کافرون رحمی گلسون
 گل جمالون علی گورسه خنجر اوزی
 کسمسون حنجرون تا خنجرون رحمی گلسون
 کاش تولیدی آنون گورمیدی سنی
 خاک و خون ایچره بی سر ای شبیه پیمبر

اقربالر منیم خاطریم ساخلادی
 هر مجالسده اولدوم عزّت و حرمتیلن
 هر باخاندا علی فخر ائدردیم سنه
 طوی اساسی تدارک قیلمیشام زحمتیلن
 ایندی سندن صورا احترامیم گئدر
 آغلارام قان اولونجا گوزیاشیم محنتیلن
 یوخدی سندن سوای کیمسنم تا اولا
 ملک غربتده یاور ای شبیه پیمبر
 بوقچادا معجر و زرنگاریم اوغول
 ساخلادیم نوعروسون خاطرین ایلرم شاد
 بو خیالی که حدّ رشده یتوب
 اکبر نوجوانی ایلیم تازه داماد
 من طویون گورمدیم بس ندن ئولمه دیم
 گور نجه ظلم الیلن اولموشام خانه برباد
 پوزدی مقصودیمی چرخ دون قلبیده
 نسگلیم قالدی یکسر ای شبیه پیمبر

چکدیم اون سگَز ایل زحمتون دهریده
 حاصل زحمتیمدن بیر سنیدون گمانیم
 غرق اولوبسان بئله قانوه ظلمیله
 یوخدی باشون بدنده باشوه من دولانیم
 یاره لی جانوه جان لایلا فدا
 گون قباقینده قالدون اولمادی سایه بانیم
 زلفیمی ایلرم سایبان جسموه
 قالمیوب باشدا معجر ای شبیه پیمبر
 آرزو حسرتی دیلده قالدی علی
 بیرده زوّار اولیدی قبر پاکون اوپیدی
 رو به قبله دوروب بیر سلام عرض ائدوب
 فیض آلوب محضروندن تا سعادت تاپیدی
 آغلیوب گوز یاشین آب نیسان کیمین
 محضر انورونده قبر پاکه سپیدی
 جمع حَضّاریلن نوحه خوانون اولوب
 ناطقون الدّه دفتر ای شبیه پیمبر

«نوحه - جوشی»

زبان حال خانم لیلا به جناب علی اکبر علیہ السلام

گوزومون نوری دیزیم طاقتی اکبر بالاوای
گیمین اگینه طوی خلعتی اکبر بالاوای

نه یامان درده یامان گوئلره سالدون آنووی
مثل مجنون ائلیوب چوللره سالدون آنووی
شهر یثربدن ائدوب بیر یره سالدون آنووی
جمعیدور اوردا جهان محنتی اکبر بالاوای
او زمانی که ائدردون منیلن نشو و نما
زلفوه شانه ویراردیم نه محبتله بالا
بیر توکی زایل اولا مادرون اولمازدی رضا
او توکون واردی مگر قیمتی اکبر بالاوای

مین غمون داغ علی بو دل نالانه چکوب
 مین طرفدن دوزولوب غم هره بیر یانه چکوب
 بالاسی ئولموش آنالار بیلو لیلانه چکوب
 اهل راحت نه بیلور زحمتی اکبر بالاوای
 هاشمی خالیوه گوگلوم قوشی بند اولموش علی
 گردنیمده او قرا زلف کمند اولموش علی
 باشوه مسکن عجب جای بلند اولموش علی
 آی کیمین وار باشوین طلعتی اکبر بالاوای
 بیر دانش گوگلیمی آل ناز ائلمه بسدی اوغول
 آنووا رحم ائله بی مونس و بی کسدی اوغول
 باشووی منقذ ملعون نجه کسدی اوغول
 اولمامیش یاخشی قاباق زحمتی اکبر بالاوای
 نیزه باشینده باشون منله مقابل دایانوب
 ماه رخساروون اطرافینه کاکل دایانوب
 قاتلون گور نجه مقصودینه نائل دایانوب
 نه یانار قلبی نه وار رقتی اکبر بالاوای

اورت یوزون زلفیله گوسترمه گلن قاتله گل
 سایه تک سالما دالونجان منی اکبر بئله گل
 سنله یول یولداشیام بیرجه منیلن دیله گل
 دانیشاق صحبت ائدک خلوتی اکبر بالاوای
 سسلرم گئتمه دایان هی سنی آغلار سسیلن
 صحبتیم واردی نهان سن پسر نورسیلن
 دولانوم باشوه دور ای باشی عطشان کسیلن
 قوی گلوم گئتمه دایان سرعتی اکبر بالاوای
 شامون اهلی بیلوسن هئچ نه تمنایه گلوب
 غرضیلن هامی طعن ائتمگه لیلایه گلوب
 باشیون نیزهده بو قوم تماشایه گلوب
 ائت پراکنده بو جمعیتی اکبر بالاوای
 مضطرا کیم سنیچون ایلدی القا بو سؤزی
 اله آلقاق قلمی ایلدون انشا بو سؤزی
 بلی بیلدوم یری واردور دیه لایلا بو سؤزی
 گوزومون نوری دیزیم طاقتی اکبر بالاوای

«نوحه زنجير زنى و سينه زنى - جوشى»

گئینن لباس فاخر طوی ائدن یارالی اولماز
نه سنون کیمین عم اوغلی آلی قان حنالی اولماز

بئله رسمیدور جهاندا اولار هر کسی که داماد
ائدر حجله گاهی مسکن اوز عروسی ایله دلشاد
بو گورونمیوبدی کسسون باشینی طویوندا جلاد
اولی شاد دل عروسی اوزونون ملالی اولماز
بو نه طویدی نو عروسین اوجالوبدی آه و زاری
طوی ائدن جوانون اولماز قانی قتلگاهه جاری
ولی قویدی اهل کوفه ستميله بو قراری
باشی نو عروسون آخر بو قدر بلالی اولماز
باشووی ویروب ستملن بیر اوجا جدایه قاتل
دوتوب ابر تک او ماه رُخووی او قانلی کاکل
گوره بیلرم جمالون ای عم اوغلی جان نه حاصل
که چه فایده عروسون بو غموندن حالی اولماز

گلی چون فغانه بلبل گوره غملی حالی گلدہ
 نجه من قویوم گندوم بس سنی بو بلالی چولده
 گلور ایندی شمر ظالم قالور حیرتیم گوگلده
 بو عروسوون سنيله دانیشا مجالی اولماز
 منه بیر جواب سؤیله یارالی بدن عم اوغلی
 طوی ائدن روادی قاندان گئینه کفن عم اوغلی
 نه سنون کیمین جهاندا اولی طوی ائدن عم اوغلی
 نه منیم کیمین عروسون بئله غملی حالی اولماز
 گئدورم دیار شامه یوخ انیس و غمگساریم
 یانیميجا وار متاعیم بو فغان و آه و زاریم
 دوشه جک نچون که بعضی یره بیلیمیشم گدازیم
 سفره گئدنلر آخر بلی دست خالی اولماز
 چو قویارلا شخصی قبره قالو بی انیس و یاور
 گله جک سؤاله بی شک او زمان نکیر و منکر
 ولی عاشق حسینون نه غمی او وقته «مضطر»
 ملک احترامین ایلر غم و انفعالی اولماز

«نوحه زنجیر زنی - نوحه سینه زنی»

ای عم اوغلی دایان آیریلقدان امان
 گئتمه ناشاد عم اوغلی تازه داماد عم اوغلی
 رحم قیل بو زمان باغریمی ائتمه قان
 ایله دلشاد عم اوغلی تازه داماد عم اوغلی
 بختی قاره عروسی سالما درد و ملاله
 بیر دویونجا باخوم من اول سولان گل جماله

نوعروسون اولوب شادکام اولمادوم
 ای اولان همزبانیم گئتمه ای مهربانیم
 من نجه صبر ائدوم محنت فرقته
 یوخدی تاب و توانیم گئتمه ای مهربانیم
 بیر توقف ائله تا سنه عرض ائدوم
 واردی درد نهانیم گئتمه ای مهربانیم
 دلغمین اولموشام گور نجه ایلرم
 آه و فریاد عم اوغلی تازه داماد عم اوغلی

رحم قیل حالیمه بختی قاره منی
 دشت کرب و بلا ده ایلدی ظلم دشمن
 فرصت اولمادی چون حجله گهده سنی
 بیر دویونجا گورم من گوردوم هجران ائدورسن
 محض بو فکریله گلیمیشم گورمگه
 رزمگاهه گئدورسن ایندی بس نیلیوم من
 ئولدورورلر سنی بیرده من گورمرم
 حجله برباد عم اوغلی تازه داماد عم اوغلی
 ایندی وار فرصتیم قالما حسرتیم
 حسرتیله باخام من اول سولان گل جماله
 بیر ترخم ائله چاره سیز قالموشام
 ظلم قوم عدودن دوشموشم گور نه حاله
 باشد قاره دواق دله درد فراق
 آیریلیق غصه سیندن ایلرم آه و ناله
 سالما گوزدن منی ایندی بو غصه دن
 ایله آزاد عم اوغلی تازه داماد عم اوغلی

ترک دنیا ائدوب مندن ال چکمو سن
 جانب رزمگاهه شوقیله گئتمگون وار
 عرض ائده بیلمرم ترک قیل گئتمگی
 چونکه بو گئتمگونه مقصده یتمگون وار
 اذن صادر اولوب شاه بی یاریدن
 تشنه لب حق یولوندا جان فدا ائتمگون وار
 راضیم ایندی گئت شاه بی یاوره
 ایله امداد عم اوغلی تازه داماد عم اوغلی
 ایندی که اولموسان عازم رزمگه
 واردی بیر التماسیم گئتمه بیر آز دایاندور
 التماسیم بودور قیل تصدق منی
 بختی قاره عروسم باشوه بیر دولاندور
 ئولدوروب اشقیا قارداشیم اکبری
 فرقه ی اشقیادن آل قصاصیم آماندور
 رزمگهده منیم سن همین عرضیمی
 ایله بیر یاد عم اوغلی تازه داماد عم اوغلی

درک ائدوب مطلبی قاسم نوجوان
 قلبی اودلاندی یاندی گئتمیوب بیر دایاندی
 وئردی تسکین دل نوعروسه او دم
 آیریلوب حسرتیله گئتدی قانه بویاندی
 «مخلصون» حاجتی حضرت قاسمه
 نوعروسون دلجه ختم سؤزده بیاندی
 شرح اندر محنتون قیل شفاعت اوزون
 یوم میعاد عم اوغلی تازه داماد عم اوغلی



چون مهر اگر زره ز خنجر پوشم
 جان تشنه جگر، گریزد از آغوشم
 در آتش خشم اگر شوم خاکستر
 هیات که باده‌ی مذلت نوشم
 «ده بزرگی»

«جوشی زنجیر و سینه زنی»

جداله گئتمه خیمه دن دایان عم اوغلی - جوان عم اوغلی
جداله گئتسون ایلرم فغان عم اوغلی - جوان عم اوغلی

ایله بو غملی حالیمه نظاره گئتمه - کناره گئتمه
چتیندی فرقتون عروس زاره گئتمه - کناره گئتمه
قونار ئولوم توزی او گل عذاره گئتمه - کناره گئتمه
غمونده گوز یاشیم اولار روان عم اوغلی - جوان عم اوغلی
بو رزمه گئتمه قور خارام عم اوغلی سندن - بو گل بدن
ستمه طوی لباسووی سویارلا تندن - بو گل بدن
منیمه جمله زحمتی آلا رلا سندن - بو گل بدن
نه چاره ایلرم ائله بیان عم اوغلی - جوان عم اوغلی
نجه رضا اولوم یتوب خزانه گلر - ئولوبدی اکبر
ویرو بلا جسم پاکینه ستمه خنجر - ئولوبدی اکبر
غمونده گوز یاشیم آخار یوزه مکرر - ئولوبدی اکبر
اولوبدی گلشن حسین خزان عم اوغلی - جوان عم اوغلی

دور و بدی قتلوه سنون بو قوم اشرار - الینده اوخلار
 عم اوغلی هلله ائدر گروه کفار - الینده اوخلار
 بو دشته جمع اولوبدی بس هامی ستمکار - الینده اوخلار
 ائدرله جسمون اوخلارا نشان عم اوغلی - جوان عم اوغلی
 یخارلا سرو قدیوی زمینه خسته - قوری یر اوسته
 یاخارلا قانیدن حنا او پای و دسته - قوری یر اوسته
 نجه گورر سنی عروس دلشکسته - قوری یر اوسته
 یارالی پیکرون ائدوب مکان عم اوغلی - جوان عم اوغلی
 ستمله اود ویرارلا اودلاناخیا مون - یانار خیا مون
 طناب ظلم الیه دوغراناخیا مون - یانار خیا مون
 عدوی دین الینده تالاناخیا مون - یانار خیا مون
 ائدرله کوفیه ییزی روان عم اوغلی - جوان عم اوغلی

«بیت»

خنده گنان می رود روز جزا در بهشت
 هر که به دنیا کند گریه برای حسین

«بحر طویل»

آه او زمان پادشه کربلا
 قاسم شهزاده‌نی داماد ائدوب
 بولمرم آیا نجه طوی ائتدی تا
 جنّ و بشر ناله و فریاد ائدوب

یوز وئروب اندوه وغم - باش آچوق اهل حرم
 ناله ائدوب دمبدم - تازه گلین باشینه
 سالدی قرا بی‌نوا - درد و غمه مبتلا
 توکدی یوزه گوز یاشینی برملا - منتها
 اولدی دچار غم و درد و بلا - ابتلا
 دخت شه کربلا - ظاهر او بیچاره بو ماجرا
 محشر کبرانی که بنیاد ائدوب - یوز وئروب اندوه وغم
 باش آچوق اهل حرم - ناله ائدوب دمبدم

آغلادی بیر گوشه ده تازه گلین - دلغمین
 باشندان آچوب معجرین - گوردی چو داماد شه عالمین
 بی معین - قالمیش او سلطان دین
 اولدی مؤثر او جوان حزین - شور و شین
 قیلدی به حال حسین - توکدی یوزه گوز یاشین
 اول مه جبین یعنی او بی کس حسین
 غملرینی یاد ائدوب - یوز وئروب اندوه و غم
 ناله ائدوب دمبدم

دیشره چیخوب خیمه دن اول نوجوان - بیر زمان
 قیلدی خروش و فغان - اولدی حضور شه دینه روان
 شیعیان - غمدن اولوب ناتوان - عرض ائدوب ای
 سرور کل جهان - الامان - باغریمی غم ائتدی قان
 ناله سسی قویمادی منده توان
 صوت عطش قلبیمی ناشاد ائدوب
 قوی گئدوم اکبر کیمی

وئر منه اذن جدال شه سوار - تاجدار
 سرور گردون وقار - الدن آلوب ناله سسی اختیار
 بی قرار - ائتدی منی غمگسار - قوی که گئدوم
 جانیمی ایلوم نثار - خوار و زار
 منده اولوم خاکسار - آخر عمو جان گورورم آشکار
 ظلملرین بوسپه عادت ائدوب - یوز وئروب اندوه و غم
 باش آچوق اهل حرم - ناله ائدوب دمبدم

آرام دل و روح روان است حسین
 جان جوهر عشق و جانِ جان است حسین
 هرگز نرود ز درگهش کس مأیوس
 زیرا که کریم و مهربان است حسین

«ده بزرگی»

شہامت حضرت ابو الفضل علیہ السلام

شاهین ہوا یہ اوج اٹلینمز پر اولماسا
عنقا نہ نوعی قافہ چیخار شہپر اولماسا
الدور حوادثِ بدنند دفاع ائدن
فکرائت بدن نہ حالہ دوشر اللر اولماسا
دعوادہ لشگرین گوزی سرلشگر آختارور
سرلشگرین علاجی ندور لشگر اولماسا
من بو منای عشقیدہ دینون فداسیم
آزادہ امتحان وئررم یاور اولماسا
من کاروان عشقہ بو صحرادہ رہبرم
چاتماز مرادہ قافلہ گر رہبر اولماسا
الذن آلبلا خنجریمی، قولاریم دوشوب
کیم سو وئرر بو خنجریمہ خنجر اولماسا
من تشنہی وصال حسینم سو نینورم
آب فراتی ایستمرم کوثر اولماسا

محشرده باشه تاج شفاعت قویانمارام
 نوک جدایه قانلی باشیم زیور اولماسا
 دولدورسا یر یوزون سو، سوسوز ئولم ایچمرم
 سیراب اگر رقیملیه اصغر اولماسا
 سقایم اهل بیته سویوم یوخدی نیلیوم
 سقایه عیدور بو سو مشگی تر اولماسا
 دولدورام ایندی قانیله مشگی عجالتاً
 گوز کاسه سینده سو وئرم ساغر اولماسا
 یالقوز وفالی قارداشیمون انتظاریم
 جان وئرمم یانیمدا همان سرور اولماسا
 جان اوسته خیمه گاهه سورونم یواش یواش
 دور و بریمده بو سپه کافر اولماسا
 پای حسینیه ساخلامیشام بیر یارالی باش
 سردار شاهه بس نه باغیشلار سر اولماسا
 قان لجه سینده کشتیم اوخلاندی لنگریم
 کشتی دوشر تلاطمه گر لنگر اولماسا
 پور معاویه نقدر اشتباه ائدوب
 یوخ دینه حامی فکر ایلدی حیدر اولماسا

بیل موردی وار بو دینه ابوالفضل تک فدا
 دویماز جهاددن نقدر مضطر اولماسا
 افسوس آنام یانیمدا دگل جان وئرن زمان
 کیملر عزا دوتار اوغولا مادر اولماسا
 سسلندی ناگه عالم معناده فاطمه
 عباس چکمه غم سنه گر یاور اولماسا
 گرچه آنون یانوندا دگل من سنون آنون
 زلفیمله باغلارم گوزیوی معجر اولماسا
 گل سینه مه یارالاریوی خشگه بند ائدوم
 آغورور یارالینون یاراسی بستر اولماسا
 سن جدیمون شریعتینی زنده ایلدون
 قرآن ئولر شریعت پیغمبر اولماسا
 محشرده مدرکیم ندی امر شفاعته
 آیا الیمده بو کسیلن اللر اولماسا
 بسدور شفاعته منه بیر جوت قولون سنون
 دستار لاله گون علی اکبر اولماسا
 محشرده یوخدی دردیوه چاره کریمیا
 شرمنده سن الونده کی بو دفتر اولماسا

«نوحه زنجیر زنی»

ای علمدار من - یار و غمخوار من
 یاتما صحرا ده قارداش - گل دیم امداده قارداش
 دو غرانوب پیکرون - قال میوب صاف یرون
 گل تک اعضاده قارداش - گل دیم امداده قارداش

گل کیمین پیکرون - سربه سر یاره دور
 یاره لردن آخوب دور - قان گئدوبسن اوزوندن
 لحظه ای هوشه گل - بیرجه منلن دانیش
 سؤیله قارداش بیلوم من - اولسا هر بیر سؤزوندن
 قان دوتوب گوزلرون - یوخ الون سیلمگه
 قوی سیلوم من او قانی - ایندی شهلا گوزوندن
 آچ گوزون قیل نظر - قالموشام بیر نفر
 بین اعداده قارداش - گل دیم امداده قارداش

بیرقون سرنگون - اولموسان غرق خون
 بیر سلامت یرون یوخ - گل کیمین پیکروندن
 قطعه قطعه ائدوب - لشگر کینه جو
 تکیه گاهون اولوبدور - صورت انوروندن
 دوندروم ایندی من آرخون اوسته سنی
 بیر اوپوم حسرتیله - قان دولان گوزلروندن
 حق یولوندا بو گون - جان فدا ایلدون
 سن بو مأواده قارداش - گلدیم امداده قارداش
 یاد ائدوم ایندی من - اوخشیوب آغلیوم
 هانسی بیر نسلگوندن - هانسی بیر محنتوندن
 قوللارون دوشمگین - مشگون اوخلانماقین
 راضیم حق یولوندا - ائتدوگون خدمتوندن
 نَقْدَر واریدون - یاتا بیلمز دیلر
 کوفه و شامون اهلی - سطوت و صولتوندن
 سن ثولندن صورا - اولماز آسوده لیک
 آل طاهاده قارداش - گلدیم امداده قارداش

من نجه تاب ائدوم - ایندی بو محنته
 صاحب اون یدی منصب - قارداش الدن گئدوبدور
 سن کیمی باوفا - قارداشون ئولمگی
 من اوغولسوز غریبون - قامتین خم ائدوبدور
 ممکن اولسا اگر - دور گئدک خیمیه
 سن اوزون بیر نظر قیل - گور سوسوزلار نئدوبدور
 جام آلوبلار اله - جمله گلیمیش دیله
 آه و فریاده قارداش - گلدیم امداده قارداش
 بیر بولوک عترتین - خیمه ده منتظر
 گوزلرین یولدا قویدی - لشگر ظلم پرور
 قالمادی یار من - ای هوادار من
 بو قدر دشمن ایچره - یالقوزام ای برادر
 ایندی ایلر هجوم - هر طرفدن قوشون
 قتلیمه منتظردور - شمر دون الده خنجر
 ظلمیله تشنه لب - باشیمی کسمگه
 اولمیش آماده قارداش - گلدیم امداده قارداش

آہ او وقتدن امان - شاه تشنه لبان
 باخدی حسرتله گوردی - دوشدی قارداش نفسدن
 قالدی یرده بدن - یوخی بیر دفن ائدن
 دوغرانوب قالمیوبدور - یار و انصار کسدن
 یوز وئروبدور نه غم - اینکه اولماز رقم
 واردی بیر التماسیم - شاه بی دادرسدن
 امر صادر ائده - مخلص هر غصه دن
 اولسون آزاده قارداش - گلدیم امداده قارداش



باخسام چمنده یاسمن و یاسه آغلارام
 گئتسم هایاندا بیر بئله اجلاسه آغلارام
 گورسم هایاندا بیر اوجا سروین سینوب خولی
 اوردا دویونجا حضرت عباسه آغلارام
 «نقوی»

روایت از دست دادن موسی برادرش هارون را
و گریز به شهادت حضرت ابوالفضل علیه السلام

اگرچه واردی خبر جای باصفادی جنان
گوزلدی منظره سی، قصری، دلگشادی جنان
اورکلر ایستکی هرچند دلربادی بهشت
ولی حسینچیلره ارض کربلادی بهشت
اٹشیتמושوک بیر عومور بیزلر اهل منبردن
جلال و زینت جنّات حیّ داوردن
او جنّتین بیلروک واردی میوه هم شجری
آخان زماندا گوزل نهری جلب ائدر نظری
بو علّته یارادوب حق دیلّه رضوانی
او یرده لطفین ائده بنده گانه ارزانی
دیلّه حور و ملائک، بهشته زینتدور
بیزیم خیالیمیزه زینت آیری حکمتدور
یازولّا زینت جنّت قدحله ساغریدی
ولی حسینچیه زینت حسینون اکبریدی

نه اینکه واردی بیزیم دلدہ آیری بیر احساس
 قدح ندور دیروک اولماسا غیور عباس
 حسینیلن اورانون حُسنی وار مسلّمدی
 اگر حسین سیز اولا عدن یوخ جهنمدی
 حسینہ یاور و انصارینہ گوزوم قربان
 او چولده قورخولی قیزلارینہ گوزوم قربان
 نقدری عمریم اولا بو جهاندا نوکری یم
 یتیشہ عرشہ باشیمدا غلام اکبری یم
 اگر قبول ائلسہ شکّ یوخدی گوزیاشیمی
 اوجالدا جاق بیلورم، کهکشاندلارا باشیمی
 گورن دییر دی گوروم کیم وئروب بو جاهی سنہ
 ائدوبیتی حق اوزی عرض ایلرم بو لطفی منہ
 دوشوبدی یادیمہ بیر داستان موسادن
 ائدر رقم قلمیم اولسا لطف، یکتادن
 نہ یاخشیدور بئله ثبت ایلسم من اولده
 روایت ایلوری راوی کتاب مقتلده

یتیشدی حضرت موسایه جبرئیل امین
 یتیردی حضرت به بی پرده سؤز، یتیشمک همین
 ایا کلیم خدا سؤزلر ایچره سر یاتوب
 که یعنی قارداشون هارون عمری باشه چاتوب
 فراق و هجر برادر آغارداجاق باشووی
 یتینجه پیک اجل، گور دویونجا قارداشووی
 بو دهر ترکینی، گل یارانمیش ائتمه لیدی
 یتوبدی وقتی بو گون قارداشوندا گئتمه لیدی
 همیشه گوزلری آغلار قویاندی چرخ فلک
 او قدری باخ یوزونه تا که کامین آلسین اورک
 یازولاً حضرت موسی ائدوبدی تنز ال ایاق
 گوروبدی قارداشیننی آز زمان بو دهره قوناق
 صفالی منظره گورموشدی اوز دیارینده
 واریدی، چتری آغاج، چشمه نون کنارینده
 گون اولماسین، تاپا بیر سایه فکرینه قالدی
 آپاردی قارداشینون اوردا بسترین سالدی

یاتیرتدی قارداشینی رختخواب راحتده
 که جان وئرنده نچون قالماسون اذیتده
 آلوب دیز اوستونه حسرتله قارداشین باشینی
 سیزیلدیوب یوزونه هی توکوردی گوز یاشینی
 بیلوردی قارداشی تا گوز یوموبدی دینجله جک
 وفالی قارداش الیندن که گئتدی گورمیه جک
 اگرچه عمر ائلمیشدی کمال حدینده
 گینه گوروندی بونون انکسار قدینده
 بو یرده یادیمه بیر سؤز دوشوب یانور اورگیم
 نجه یازوم سیزه یازدوقجا اودلانور اورگیم
 نه ال چالان واریدی دوره ده نه چوخ یاراسی
 یوخیدی قارداشینون صاق گوزونده اوخ یاراسی
 دوشوبدی خاطریمه یا بقیه الاخیار
 دیار کرب و بلاده بیر آیری قارداشلار
 خبر وئروم سیزه بو یرده آیری قارداشدان
 گورنده قارداشینی غصه سی آشوب باشدان

گلون اجازه وئرك بوردا چشم زمزمینه
 سۆزی بو یرده قویاق آغلیاق حسین غمینه
 او قارداش آلینا ال قویدی قارداش آهسته
 بو بیرسی قارداشینى تاپدی قوملارون اوسته
 بو گوزیاشیلا گلون عهدنامه باغلاشاقون
 حسین قارداشی عباسه باهم آغلاشاقون
 نه نوعی تاپدی حسین قان ایچینده قارداشینى
 یوموبدی گوزلرینی قانه قاتدی گوزیاشینی
 نجه یازوم بو سۆزی قتلگهده یا الله
 وزیرینون اوتوروب باشی اوسته شاهنشاه
 گوروبدی قارداشی بیر سرویدور که خولاریوخ
 دوشوبدی مرکبون اوستن بدنده قولار یوخ
 اولده اللرینی حسرتیله قویدی بئله
 بو نوعیلن بئله بیلم امام گلدی دیله
 فدای حضرت جانان ائتموسن اوزوی
 داریخدی قلبیم ابوالفضل آچگیلان گوزوی

عمامه میله سنون قوی سیلوم قانین گوزوون
 منم بو چولده خریداری آخرین سؤزوون
 اگر بیله ئولومون قیزلاریندا رنگی سولار
 رقیه مون گوزی آسوده خوابه حسرت اولار
 چاتار مرامه او لشگر که هئچ چاتانمازدی
 یاتار او گوزلری که خوفیدن یاتانمازدی
 چکوبله تیغه بو گون پست و دونیلر ائلیمی
 سنون یخیلماقون عباس سیندیروب بئلیمی
 نه وار الیم دوتانیم وار نه تسلیت وئره نیم
 تمام گوز دولوسی دورهم ال چالاندی منیم
 ورقلدی نجه گور دست ظلم گللریمی
 ولی خوشام گورورم راضی حی داوریمی
 خزان الیه بو گون عمریمون گلی سولاجاق
 یقینیم اولدی رقیه اسیر شمر اولاجاق
 بو ئولمگونه سنون دشمن آلدی قوتیمی
 ویرارلا شام یولوندا عزالی عترتیمی

دیرله دهریده چوخ سختیدور جوان ئولومی
 علاوه سختیدی قارداش مهربان ئولومی
 او قانلی گوزلرون آچ باری باخ بو گوزیاشیما
 گلوبدی هر ایکسی گورگیلن منیم باشیما
 آزالتدی اکبریمون مرگی نورینی گوزومون
 ولی سنون ئولومون آلدی قلبیمون دوزومون
 گلوبدی تنگه دلون «ناصحا» چوخ اولما فکار
 بش اون گون عاریه عمرون تمام اولار قوتارار
 ییوب اورک قانیوی سنده صبحی شام ایله
 نقدری جور ائده لر صابر اول دوام ایله
 وئروبدی هر کسه نه روزگار آلمالیدی
 سنون بو شعرلرون یادگار قالمالیدی

در حال تدوین و تنظیم دوبیت برای این قسمت بودم که
 مادرم «کربلائی خانم گلی رشتبری» جان به جان آفرین
 تسلیم نمود

«نوحه سينه زنى - جوشى زنجير زنى»

دور ياتما بو قان ايچره علمداريم ابوالفضل
يالقوزلادى دشمن منى سرداريم ابوالفضل

جان بذل ائليوب قارداش عجب قانه باتوبسان
قربان گوزووه قارداشووى گوزدن آتوبسان
جانندان ال اوزوب محضر جانانه چاتوبسان
سس وئر سسيمه غم گونى غمخواريم ابوالفضل
آچ گوزلريوى باخ منه قليم دولى قاندور
سردار ئولومى پادشه خيلى گراندور
گوزلور يولوى اهل و عيالىم نگراندور
آغلار بيلورم عترت اطهاريم ابوالفضل
جسمون يارالى نيزه دى خنجردى و اوخدور
هر عضوه باخاندا گورورم صاف ىرى يوخدور
قارداش دئوسن قارداشيمون ياورى يوخدور؟
سنسيز پوزولوبدور گل گلزاريم ابوالفضل

باخدوقجا بو گل صورتوه جانندان اوساننام
 قان آغلارام احوالیوه اوز حالیمه یاننام
 جسمیم قالاجاق آتلار ایاقینده ایناننام
 معکوس اولاجاق رشته ی رفتاریم ابوالفضل
 سن تولدون عدو ایندی تاپار یاخشی جسارت
 ایلرله اسیر عترتیمی، خیمه می غارت
 مشکلدی علی قیزلارینا قید اسارت
 زنجیره بو گون باغلانا بیماریم ابوالفضل
 قوللار کسیلوب نعشون اولوب پاره برادر
 بیر جسمیده اولماز بو قدر یاره برادر
 چارم آزالوب قالموشام آواره برادر
 یالقوزلادی دشمن منی ای یاریم ابوالفضل
 هجرانوه یوخ تاب گلیم شیونه قارداش
 قان آغلیام اوز حالیمه یا که سنه قارداش
 قورتاردون اوزون یتدون عجب ایمنه قارداش
 وای قیزلاریمون حالینه دلداریم ابوالفضل

بو ظلم عدو یتیمه جک ایندی تمامه
 باشیم باشویله گنده جاق نیزه ده شامه
 زینبده قولی باغلی گئدر مجلس عامه
 چوخ گرم اولاجاق شامیده بازاریم ابوالفضل
 مدتدی دوشوبدور بو زبردست کمنده
 آواره دی حیراندی معاشینده وطنده
 حلّ ایله گیلن مشگلونی لطفیله سنده
 بیر وقفه اولا شوقیله زواریم ابوالفضل

بو دنیا چونکه دار امتحاندور
 همیشه شخص بیر حالتده قالماز
 کسر نوروں قاباقین ابر ظلمت
 چیخار گون پرده ی غیبتده قالماز

«شور»

السلام علیک یا عبدالصالح یا قمر بنی هاشم
یا ابوالفضل العباس علیہ السلام

ابوالفضل، جان ابوالفضل، جان ابوالفضل
قلم قولاروه قربان ابوالفضل
دولاندير گوزلرون وار دردمندون
کرم قيل دردله درمان ابوالفضل
دوشن ای قولاری ظلميله تندن
دعايه التماس ايلوبله مندن
اوزون آگاهسن بو ملتمسار
گلوب ايستورله درمان درده سندن
جماله ای سرشگين باغليانلار
حسين آلامينه دل داغليانلار
سيزه وار بير سؤزوم ای مخلصانه
ابوالفضله اورکدن آغليانلار

آچیندور بو قاپی هر بنده گل‌سین
 قالوبدور کیم الی دامنده گل‌سین
 آچار مشگل علی اوغلی ابوالفضل
 که اولماز هئچ گلن شرمنده گل‌سین

اگر بیمار ووه یوخدور معالج
 عمیقاً وئر قولاق آل تنز نتایج
 الون قطع اولدی هر یردن عزیزیم
 اورکدن سسله یا باب‌الحوائج

او کسدی عبد صالح صاحب فضل
 اونون قارداشی عون و جعفر و فضل
 یتر فریاده جای شک یوخدی
 علینون نامدار اوغلی ابوالفضل

رضاخان دوره‌سینده وار حکایت
 چاغیردی دادینه بیر بیوه عورت
 اورکدن سسلدی بیر یول ابوالفضل
 پلیسی ایلدی واصل به لعنت

پناهیم سؤیله سنسن یا ابوالفضل
 دوشن قولاری تندن یا ابوالفضل
 مقید اولما منلن هم نوا اول
 اورکدن سنده سسلن یا ابوالفضل

حمایت ایلدی دین مبینه
 ائدوب بیر یول خجالت قوم کینه
 دیردی مشگه دشمن آتمیون اوخ
 سو جامی الده یول گوزلر سکینه
 توخاندی مشگه اوخ عباس باخدی
 وجودین اود کیمی یاندیردی یاخدی
 سرشگی چوخ قاباق مشگین سویوندان
 گوزوندن صفحه ی رخساره آخدی

عقاییم سسلدی گئتمه خیامه
 قیت حمله ائدک قوم ظلامه
 گورم قیزلاری ئولم غیر تیمدن
 گله لعنت بو قوم پست شامه

نجه اخیامیده عطشانیدی اصغر؟
 نجه مشکین سویون توکدی بولشگر؟
 ائله قانلار توکوم الله یولوندا
 حسینیم سسله سون الله اکبر

اُدوب حمله او قوم کافر اوسته
 کانه اود توکوبدی لشگر اوسته
 یاناردی سسلنردی الله الله
 همانند اوزریک مجمر اوسته
 خیامی ذهنیده تُولانَدیم الله
 اوزون گوردون نجه اودلانَدیم الله
 سوسوز قیزلار سو جامی اللرینده
 رقیه ایلن دیورلر یانَدیم الله

ائله قُودوم گئجه شمر پلیدی
 قرا گوردی گوزی صبح سفیدی
 دئدیم عباس ثوپوب دست امامی
 مگر بیرده ثوپر دست یزیدی

اگر دنیایه گورسم سرورم من
گینه قلباً حسینہ نوکرم من
امامیمدور منی سالسا گوزوندن
یوخومدور چاره الله نینرم من

باشیم اوسته حسینیم سایه سالسا
دیز اوسته یاره لنمیش باشیم آلسا
آنام زهرا رضا گر اولسا مندن
غمیم اولماز باشیم اللرده قالسا

حسینیم سال منی بیر یاده تئز گل
یخیلدیم تپراقا امداده تئز گل
یوبانما خیمه ده پهلو شکسته
گلوبدور گل آنام زهراده تئز گل

حسینجان گل دیله بذر وفا اک
وجودیم زورقین طوفانیدن چک
آنام زهرانی گوردوم یاندی قلبیم
اگیلمیشدی جوان قدی کمان تک

حسینجان من اوتوزبش ایل دئییدیم
 جمالین گورمگین آرزی ائدیدی
 منیم کاش گوزلریمدن اوخ دگیدی
 آنامی قد خمیده گورمییدیم

یولووی یاره لنمیش باش گوزتلور
 توکور حسرتله گل قانیاش گوزتلور
 دوزولموش دوره مه اشرار کوفه
 ولی قارداش یولون قارداش گوزتلور
 او نیرو که سراغیم وار اوزومده
 گینه محکم دایاننام اوز سؤزومده
 یتیش فریادیمه قارداش اولوبدور
 سنه قولاردا قربان صاق گوزومده

حسینجان ئوپ رقیه گوزلریندن
 اورک دویموبدی شیرین سؤزلریندن
 آدیم سقا اوزوم اولدوم خجالت
 سووا خاطر، ربابین اصغریندن

روایت درباره‌ی قبر علی اصغر علیہ السلام

و قبر حضرت عباس علیہ السلام

گلدی جمع صاحبان دانش فضل و کمال
محضر بحر العلومه ائتدیلر اوندان سؤال
ای اولان غوّاص بحر علم تاریخ سیر
وارث مسندنشین حضرت خیرالبشر
بو ایکی امر مهمّی روز و شب ذکر ایلروک
حیرت‌افزادور چگونه اولماقین فکر ایلروک
قیل بیزه یاسیدی بو باره‌ده لطف و عطا
بو ایکی مطلبده ایله بیزلری غمدن رها
مطلب اوّل عبارتدور بو مبهم سرّدن
اولموشون جوینده اصلاً اولمیوبدور کشف‌اندن
وئر خبر ای عالم احکام شرع انورون
هاردادور آرامگاهی شیرخواره اصغرون
هر کتاب مقتله بو مطلبی ائتدوک رجوع
بیر خبر قبر علی‌اصغردن اولمادی وقوع

بعضی قائلدور کتابتده یازوب بو طرزیه
 اول قوزی قربانی القانه باتوردی حرمه
 دفن ائدوب خیمه دالیندا اصغریں سلطان دین
 یوخدی قبریندن اثر آخر بیزه اولماز یقین
 مطلب دوّم ابوالفضلین مزار پاکیدور
 آغلاروق اول سروره چوخ قلبیمیز غمناکیدور
 اول رشادتده شجاعتده سپهدار حسین
 بیر اوجا قامت اوزون قوللی علمدار حسین
 مرکبه هردم سوار اولسیدی اول کان کرم
 خط اوزنگیدن سالوردی تپراقا بیر چین هم
 قامت بالا عظیم الجثه سالار رشید
 نه شهامت نه شجاعت گوستروب اولدی شهید
 بیر ائله جسم تنومندون که یوخدور نسبتی
 قبری چوخ کوچک اولا آیا ندور بس علتی
 بو ایکی مطلب ائدوب بحرالعلومه چوخ اثر
 فکری پیچیده اولوب ائتدی روان اشگ بصر

مهلت آلدی بیر گئجه اول سرور عالی مقام
 قبر ششگوش حسین یوز دوتوب قیلدی سلام
 عرض ائدوب ای کربلا شاهی امام ممتحن
 بو سؤالاتی که مندن ائتدیلر آگاهسن
 اول گئجه رؤیاده گوردی شاه مظلومان گلوب
 خیلی افسرده پریشان سرور عطشان گلوب
 حضرته عرض ایلیوب درد دین بحرالعلوم
 سن منی حالی ائله ای کشتهی قوم ظلوم
 یا حسین من بو ایکی مطلبده عاجز قالموشام
 دامن پاکون دوتوب چنگ توسل ویرموشام
 یوز دوتوب بحرالعلومه پادشاه نینوا
 قیلدی فرمایش حسین ابن علی میر هدا
 بیل خبردار اول اورکده قالماسون نسگلرون
 سینه مون اوستونده دور آرامگاهی اصغرون
 غنچهی تر نوگل احمدی شش ماهه بالام
 قبریده ممکن دگل اصلاً که من اونسوز قالام

بیرده مطرح ایلدون عباسیمین کیفیتین
 قبرینون مندن سوروشدون کوچک اولماق علتین
 حامل اولماز پرچم شاهه مگر شخص دلیر
 باک قیلماز هر قدر دشمن ویرا شمشیر و تیر
 قارداشیم عباس جنگ ائتدی بابام حیدرکیمین
 یان دیروب تیغ شررباریله کفرون خرمین
 کربلایه جمع اولانلار قارداشیم عباسیلن
 چوخلاری اولموشدی قانلی اول شجاع الناسیلن
 اول زمانی که اونون قولارین ائتدیلر قلم
 هر طرفدن لشگر اعدا ائدوب جرئت به هم
 ویردیلار چوخ یاره لر یخدیلار اسبندیندن اونو
 قطعه قطعه دوغرا دیلار بند بندیندن اونو
 هر شهیدون که گلوردوم باشی اوسته با نوا
 خیمه گاهه حمل ائدوردوم من اونون نعشینی تا
 قارداشیم عباسه هرچند ایستدوم ممکن ائدم
 دوغرانان نعشینی قادر اولمادیم حمل ایلیم

با خبر اول قبری کوچک اولماقا علت اودور
هر دل آگاه اگر فکر ایلسه معلوم اولور
«غمگینا» سن آرزوی قبر عباس ائتگیلن
وار امیدیم ایلیه قسمت خدای ذوالمنن
ای خداوندا به حق خامس آل عبا
قیل بیزی بو جمعیلن زوآر شاه کربلا



آغلامورام پیکریم یالقوز قالور
آغلامورام آنام اوغولسوز قالور
هر دردیدن بو درد منه چتیندی
من گئدورم حسینیم یالقوز قالور



سن نجه قارداشیدون من بیلورم ئوزگه سی بیلمز
مین عالم اولا عالمه مثلون داخی گلمز
بیر قدی که قارداش ئولومی بوکدی دوزلمز

«نوحه زنجیر - جوشی سینہ - آهنگ جدید»

باجی دور قاره گئین قافله سالاریم ٹولوب
بوکولوبدور بئلیم عباس علمداریم ٹولوب

ایستدیم تا گتورم خیمه لره پیکرینی
یادینه سالدی سکینه^۱ عطش و غملرینی
یوزونه قیلدی روان آهیله اشک ترینی
دئدی گئت خیمه ده اظهار ائله سرداریم ٹولوب
دی سکینه سو یولون گوزله مسون اولمادی سو
مشگیمون گتتدی سوئی ویردیلا اوخ قوم عدو
الی بوش خیمیه گلم که چتین امریدی بو
دئگیلن عترت زهرايه هوا داریم ٹولوب
بوگون اول گونلره بنزردی وفات ائتدی رسول
سیندی ظلمیله قابورقاسی وفات ائتدی بتول
ایشدیروب قارداشیما زهر جفا قوم جهول
باشی ضربت گوتوروب حیدر کزاریم ٹولوب

ظلمیلن اهل جفا قولارینی قیلدی قلم
 دگوب اوخ مشکینه آغشته اولوب قانه علم
 غرق دریای جراحندی دوتوب قلبینی غم
 حمزه‌ی ثانی اولان میر وفاداریم ئولوب
 دل بی‌حال و قراریمده داخی قویمادی تاب
 شرر فرقتی قیلدی دل بریانی کباب
 باجی عباسیم ئولوب خانه‌ی دین اولدی خراب
 دییه‌سن شهر آچان جعفر طیاریم ئولوب
 اوزوی ایله اسیر اولماقا آماده باجی
 المون چوخدی غمون چوخدی بو صحراده باجی
 داخی یوخ وحشت و غم لشگر اعداده باجی
 هاموسی اولدی جری گوردی سپهداریم ئولوب
 باشیوه جمع ائله اطفالیمی جدیتیلن
 دی بو عنوانی خبر وئر بو سؤزی محنتیلن
 که اسیر اولماقا بئل باغلیلار همّتیلن
 غمیم آرتوبدی باجی غملره غمخواریم ئولوب

«نوحه سینه زنی - جوشی زنجیر زنی»

آچ گوزلروی آرхам ائلیم قارداش ابوالفضل
 یاتدی علمون سیندی بئلیم قارداش ابوالفضل
 دور قیلگیلا من بی کسه بیر چاره برادر
 چاره م کسلوب قالموشام آواره برادر

سنسیز داغیلوبدور بو بیاباندا سپاهیم
 افلاکه ائدوب اوج منیم گور نجه آهیم
 بو دشت بلا ایچره اولان پشت و پناهیم
 آچ گوزلروی قالموشام آواره برادر
 دور آل علمون آخر آماندور اله قارداش
 قارداشدا قویار قارداشی یالقوز بئله قارداش
 اطرافیده دشمنلر ائدر هلله قارداش
 آچ گوزلروی قالموشام آواره برادر

ایلوبله قلم قولاروی مشگویی پاره
 ظلمیله ووروبلار بو قدر جسمووه یاره
 باخدوقجا بو حالون سالوری جانہ شراره
 آچ گوزلروی قالموشام آواره برادر
 احوالوه قارداش نظر ایلوب یانارام من
 بو چولده سوسوز دوغرا دی ناحق سنی دشمن
 مشگلدی یاتا آل عبا خیمه ده ایمن
 آچ گوزلروی قالموشام آواره برادر
 سندن اوزولوب جور و ستمله الیم آخر
 دور دوت الیمی گلموری سنسیز بئلیم آخر
 دوتمور دانیشام سنله برادر دلیم آخر
 آچ گوزلروی قالموشام آواره برادر
 قلبیمده گلوب موجه اخی بحر ملالیم
 خون دلیله جاری اولور اشگ زلالیم
 واضحدی ائدر عالمی افسرده بو حالیم
 آچ گوزلروی قالموشام آواره برادر

ئولدوردی سنی ظلمیله بو لشگر اعدا
 اوز قانوه غلطیده اولوب صورت زیبا
 سنسیز منیده ئولدوره جک لشگر ترسا
 آچ گوزلروی قالموشام آواره برادر
 من بی کس و بی یاری گوزوندن عجب آتدون
 قانه بویانوب باشووی معناده اوجاتدون
 گئتدون بو یولی سرعتیله منزله چاتدون
 آچ گوزلروی قالموشام آواره برادر
 سندن صورا دنیاده داخی قالمارام ئولم
 آردونجا سنون منده یقین بو یولی گلم
 ایندی نولوب اوز عترتیمون حالتی بیلم
 آچ گوزلروی قالموشام آواره برادر
 فایز بو جماعتله نوا قیل بو عزاده
 محشرده ابوالفضل یقین بیل سالی یاده
 ورد ائتگیله بو مصرعی هر صبح و مساده
 آچ گوزلروی قالموشام آواره برادر

«جوشی»

دور ای دعوالر اصلانی ابوالفضلیم علمداریم
آخان سو تک قزل قانی ابوالفضلیم علمداریم

دیم دوتمور دلیم قارداش
دور ای آر خام ائلیم قارداش
سینوب سنسیز بئلیم قارداش
علمداریم ابوالفضلیم

کسوب دشمن یولون آخر
سالوب صاق و صولون آخر
نه باش وار نه قولون آخر
علمداریم ابوالفضلیم

آنون یوخدور کسه یانون
باجون یوخ خشک ائده قانون
آخوب قانون گئدوب جانون
علمداریم ابوالفضلیم

علمداریم زبون اولدون

قتیل قوم دون اولدون

علم تک سرنگون اولدون

علمداریم

ابوالفضلیم

اوغول یوخ دردی می بیلسون

منه یار و معین اولسون

اوغولسوز قارداشون ئولسون

علمداریم

ابوالفضلیم

توکندی طاقتیم سنسیز

بوکولدی قامتیم سنسیز

قان آغلار عترتیم سنسیز

علمداریم

ابوالفضلیم

اوزون مقصوده یتدون

بئله احبابی ترک ائتدون

منی یالقوز قویوب گئتدون

علمداریم

ابوالفضلیم

ایا ماه بنی هاشم
منیم ایستکلی قارداشیم
دونوب القانه گوزیاشیم
علمداریم ابوالفضلیم

دییم گورمز گوزوم قارداش
یقین دوزدور سؤزوم قارداش
سنه قربان اوزوم قارداش
علمداریم ابوالفضلیم

اوزون گئتدون خلاص اولدون
دولی پیمانه تک دولدون
گلستانیم نه تئز سولدون
علمداریم ابوالفضلیم

منی کیم غرق ائدوب قانه
سالوب بو قانلو میدانه
یانار بو حاله بیگانه
علمداریم ابوالفضلیم

بو غربتده وحید اولدوم
 کومکدن ناامید اولدوم
 سن ئولدون من شهید اولدوم
 علمداریم ابوالفضلیم
 قالوب «صراف» بی چاره
 محیط غمده آواره
 اوزون قیل دردینه چاره
 علمداریم ابوالفضلیم

عزیز و محترم شاعرلر:

اگر مایل سوز شعرلرؤز بو مجموعه لرده چاپ اولونا
 لطفاً شعرلرؤزی بو آدرسه مرحمت ایلون
 اردبیل بازار جلائی، کتابفروشی ناصح

«نوحه سینه زنی - جوشی زنجیر زنی»

ای آدی اولان دردلره درمان سنه قربان
یا باب الحوائج
گلدوک قاپوا قیل بیزه احسان سنه قربان
یا باب الحوائج

گلدوک قاپووا باخ بیزه مولا سنی تاری
نسگل لروه ایلیریوک ناله و زاری
سنسن ائلین شیعه لری غم گونی یاری
ساخلار سنه یاس ملت ایران سنه قربان
دائم سنه گوزیاش آلروک بزم عزاده
سو گورسوک هایاندا سالاروق اصغری یاده
اولدون او سودان اوتری خجل کرب و بلا ده
گوزلردی یولون غمزده طفلان سنه قربان

بیر مشگ سودان اوتری او گون قانه بوروندون
 اوخلار هدف ائتدی سنی هر سمته که دوندون
 امدادوه قارداش یتیشن وقته سوروندون
 سسلندی حسین ای مه تابان سنه قربان
 سن بیل او چولون تشنه اوشاقلاری ابوالفضل
 سولموشدی سارالموشدی دوداقلاری ابوالفضل
 گل سال یولا ایندی بو قوناقلاری ابوالفضل
 گوز یولدا قالبوب هامی پریشان سنه قربان
 عالم سنه قربان اولا صاحب کرم عباس
 سسلردی سنی بیر گونی اهل حرم عباس
 لطف ائت بیزهده ای قولی تندن قلم عباس
 دوندر گوزوی مجلسه بیر آن سنه قربان
 سن مایه ی فخر اولدون آنون امبینه
 امداد ائلدون سخت زمانینده حسین
 وئردون ایکی قول بیر گوزووی دین مبین
 ائتدون اولاری فدییه جانان سنه قربان

ياننوق او زمانه گل حسين صوتون اوجالدى
 يت داده دئدون لشگر آت اوستن منى سالىدى
 گلىدى سنى اللردن حسينون اوزى آلىدى
 تاپدون ديه بيلم تزه دن جان سنه قربان
 اگلشدى باشون اوسته اول آچدى حسين باش
 گورميديم ابوالفضل دئدى باش ياروى ايكاش
 قويدون نه چتين وقتده كمك سيز منى قارداش
 دور ياتما قوم اوستونده لب عطشان سنه قربان
 قويدى باشووى قوملارين اوستن ديزى اوسته
 دردى سينووين اوخلاريني دسته به دسته
 بو اوخلار ائدوب سسلىدى قارداش سنى خسته
 اولدون ره قرآنيده قربان سنه قربان
 اطرافىمى بو كوفه ليلر گور نه آلودى
 باخ گور نه حسين اللرى قوينوندا قالوبدى
 دوتمورسان اليندن دئموسن هئچ قوجالوبدى
 يا يوخدور الون اولما پريشان سنه قربان

زینب خبر آلسا او گل یاسه نه گلدی
 ٹولسون باجیسی آتشین احساسه نه گلدی
 قیزلار دئسه لر گر عموم عباسه نه گلدی
 کئچدی دییه بیلم نجه قولدان سنه قربان
 یومدون گوزوی طایفام ائلیم سیندی ابوالفضل
 پی دن داخی قصر املیم سیندی ابوالفضل
 آتدان یخیلان وقتده بئلیم سیندی ابوالفضل
 ائتدون دیزی می بو غمه لرزان سنه قربان
 بیر عده هراسانیمه بو نوعی دئدیم من
 چوخ آغلامیون سسلنور عباس گئدیم من
 ایندی سن اوزون سؤیله نه نوعی قییدیم من
 ایلور حریم ناله و افغان سنه قربان
 آچ قانلی گوزون قارداشووی غصه یوروبدی
 سینمیش قوشونی باشون اوسته اوتوروبدی
 دوشسون او بیلک که گوزوه یاره ویروبدی
 دگمیش گوزووه زهریلی پیکان سنه قربان

دشمن یوراجاق غصه لی اولدوزلاری قارداش
 ویرانه ده ساخلارلا اوغولسوزلاری قارداش
 قمچیلہ ویرارلار مله شن قیزلاری قارداش
 یولدا قالار اوچ سنیده جیران سنه قربان
 سن ئولدون ابوالفضل منیده تنگه سالارلار
 اهل حرمین خوش گونونی الدن آلارلار
 باغلارلا قولون زینبی شامه آپارارلار
 طعنیلہ اولار سینہ سی سوزان سنه قربان
 باتدون قانا سن ای خلف حیدر صفدر
 بیر مسئله بو قومیدن اولدی منه اظهر
 قیزلاریمی هم زینب و کلثومی دوگرلر
 سسلرله سنی داده عزیزان سنه قربان
 اودلی سؤزولن بیرده یانان قلبی آلیشدیر
 دشمن گولوشور یاتما منی بیرده دانیشدیر
 موجه گلن آلامیمی عباس قاریشدیر
 سنسیز ال آچور اوستومه عدوان سنه قربان

گوزیاشیمه قلبیم قانی بو غمده عجیندی
 بیلسه یخلوبسان بالا قیزلار گلر ایندی
 قارداش قوجاقیندا ئوله قارداش نه چتیندی
 بیلمز باشینا گلمین انسان سنه قربان
 ای یاره سی اندازه دن آرتیق اولان ایوای
 زهرا ساچینی باشینون اوسته یولان ایوای
 باشی یاریلوب گوزلرینه قان دولان ایوای
 گورمز تایووی عالم امکان سنه قربان
 گوزلور یولووی خیمه قباقینده سوسوزلار
 یاندیم العطش ناله لری گوگلره قالخار
 گلمور بورا سس خیمه دن آرتیق آرامیز وار
 جان اوسته اولاردان نگرانسان سنه قربان
 هر بیر اوخی که پیکروه دگمیش ابوالفضل
 سینوندن اول قلبیمه اگلشمیش ابوالفضل
 باخ قامتیمی همچو کمان اگمیش ابوالفضل
 منده اولارام قانیمه غلطان سنه قربان

من غملى شهائديم منه سن غملى علمدار
 آرام دليم حال دلوندن خبريم وار
 سنده يارالى منده فزون دل ياراميز وار
 دل يارهسى چوخ سختيدور اوخدان سنه قربان
 اى لشكريمون عرصه ده سرلشگري لايلاى
 دوشدى خطر ه زينبمون معجری لايلاى
 لايلاى غمى ياددان چيخادان اكبرى لايلاى
 يان يانه ياتان جمله شهيدان سنه قربان
 هيها ت چيخا غصه لرون اودلى دليمدن
 آلمان خبر احواليمى گور ايرى بئليمدن
 يوخدور قالانيم پرچمووى آلسون اليمدن
 قالموب حرمة بيرجه نگهبان سنه قربان
 ايللردى آقا نوکرووم عبد ذليلم
 آغلار گوزولن درگهوه منده دخيلم
 «ناصح» دور آديم بندهى خلاق جليلم
 سائل سنه من - سن منه سلطان سنه قربان

«جوشی سینه زنی و زنجیر زنی»

زبان حال امام در بالین علمدار کربلا

ای تشنه لب آل اللهین سقّاسی عباس
 رسوا ائدن دریالری غوغاسی عباس
 دنیا ملالین آتموسان
 نهر اوسته قولسوز یاتموسان
 لایلای ابوالفضل - لایلای ابوالفضل

یومدون گوزون بیر گوز ایکی دست کرمدن
 والاده دور شرحی اونون لوح و قلمدن
 الدن اوزوب ال، اوزمدون اما علمدن
 احسن سنه آل اللهین عبّاسی عباس
 غرق اولدی اما ییدقون سینونده قانه
 احوالوه زهرا ننون گلدی فغانه
 جسمون کیمی مشگ آغلیور هی دانه دانه
 قان آغلیان مشگی گوزی اعضاسی عباس

قان چشمه چشمه داشلانور گل پیکروندن
 دوشموش نقابه صورتون خون سروندن
 آچ گوزلرون قوی بیر ئوپوم تا گوزلرون
 گئتدی یارالی قلبیمون یاراسی عباس
 وار قلبیمه قوّت سنون هر بیر سؤزونده
 آگاهسن بو امره اولدن اوزونده
 قارداش بو نه قاندور چکوب پرده گوزونده
 سیلدیم گینه گورسنمیور شهلاسی عباس
 گل عارضون آی تک دوشوب قاندان نقابه
 یوخ تاب و طاقت باشون اوسته آفتابه
 یرده وجودون بنزیور بی پر عقابه
 ای اوج قاف غیرتون عنقاسی عباس
 قانیله دولموش گوزلرون مثل پیاله
 زلفون سریلیمیش صورته مانند لاله
 باشون قالب آهن عمود آلتدا نه حاله
 گویا دگوب داش سیندیروب الماسی عباس

بوکدی بوکولموش قدیمی آخر زمانون
 بیر گوز ایکی قول سلب ائدوب قارداش توانون
 بیر مشگ سو اوسته گئدوب بیر مشگ قانون
 سیراب اولوبدور کربلا صحراسی عباس



زبان حال قمر بنی هاشم علیہ السلام

درک ائت منیم احوالیمی بو اودلی سؤزومدن
 اوخلار منی میداندا حسین سالدی دؤزومدن
 باشیم نه حالا قالدی گلنده گوره جکسن
 مشگین سوئی تک قان توکولور یاره گوزومدن

«نوحه - سینه زن - جوشی»

باشون اوسته گل میشم من سنه وار سؤزوم ابوالفضل
گوزون آچ سنی خیامه آپاروم اوزوم ابوالفضل

سسوی خیمده آلدوم اورگیم قالب او سسده
باشون اوستونه گلنده واریدیم که بو هوسده
سنیلن دوداق دوداقه قویام آخرین نفسده
یوزوی ئوپنده قانه بویانا یوزوم ابوالفضل
سورونوبدی تپراق اوستن آتام اوغلی مه جمالون
علی اکبریمدن آرتوق منی یاندرار ملالون
قوری یرده یاتماقوندان دی گوروم ندور خیالون
بو چتین زماندا سندن نجه ال اوزوم ابوالفضل
گورورم ووروبدی دشمن باشوا عمود آهن
ائلیوبدی عرصه گاهی باشون قانی مزین
نجه گور منه شماتت ائلیور گروه دشمن
بو شماتت و جفایه نجه من دؤزوم ابوالفضل

ائلیوب شکسته قدّون منی دلشکسته قارداش
 بو یارالی باشی قویما قالا تپراق اوسته قارداش
 بیلورم سنی یارالار ائلیوبدی خسته قارداش
 یری وار سرشک توکسه نقدر گوزوم اباالفضل
 دوشوب اللرون، منیمده یره شهپریم دوشوبدی
 سپریم گئدوب الیمدن ایتی خنجریم دوشوبدی
 نجه نوریدن بو چولده مه انوریم دوشوبدی
 بیر اولوب گوزومده الان گئجه گوندوزوم اباالفضل
 چکم ال بو حالدا سندن منی قویمیور علاقه
 نجه تاب ائدوم بو باشی آلا نیزه لر قوجاقه
 خم اولوب بئلم بیلورسن دورا بیلرم ایاقه
 ایاقا دوراندا سؤز یوخ اسه جک دیزیم اباالفضل
 نجه تاپشوروم یارالی سنی بو گروه شامه
 باشون آیرلا بدنن یته اهل کوفه کامه
 نولور اوخلاناندا مشکون، منیلن گئدک خیامه
 شهدا کیمین ردیفه سنی من دوزوم اباالفضل

اوزونی گلوبدی «اظهر» شعرای عصره قوشدی
 بو سؤزی یازاندا دیگ غمی جوشه گلدی جوشدی
 دئسه گر حسین دلیجه بو سؤزی دوباره خوشدی
 باشون اوسته گل میشم من سنه وار سؤزوم ابوالفضل

قطعه

حسینچیم بو قرا کونینگیم جوازیمدی
 حسین محبتی عشقیمی امتیازیمدی
 حسینین آدین اگر قبریم اوستونه یازالار
 گلاب و شمع ندی گل منه نه لازمدی
 صفا تاپار اورگیم تپراق آلتدا من ییلورم
 انیس و مونس و دلدار و دلتوازیمدی
 بو قاره کونینگیلن دفن ائدون ئولنده منی
 بو تذکره مدی منیم مدرک مجازیمدی
 حسینین عاشقی یم آند اول حسین جانینا
 محرم و صفر ایام عشق بازیمدی
 «نقوی»

«سینه زنی - زنجیر زنی»

فاریس میدان ابوالفضل

حامی قرآن ابوالفضل

دعوت ایله کربلايه

جان سنه قربان ابوالفضل

خوشدی اوردا وای دییک - اصغره لایلائی دییک

سرو بستان امامت

مرکز صدق و صداقت

زینت مُلک ولایت

ای گل رضوان ابوالفضل

سالما گوزدن شیعه نی - محو اولادین دشمنی

صاحب عزّ و شرف سن

خوش آدیلاّن متّصف سن

زاده ی شاه نجف سن

شافع عصیان ابوالفضل

عهدیمیزده باقیوک - قبریوون مشتاقیوک

خوشلوروق کرب و بلانی
بیر گورک قانلو منانی
شیعه لر ورد و زبانی

صاحب احسان ابو الفضل

پیشگاهون باصفا - قیل نظر بابُ الرِّجاء

آغلادور دردِ فراقون
سؤیملی صحن رواقون
وار حضورونده قوناقون

ائتموسن مهمان ابو الفضل

بیزده مشتاقوک گلاخ - قبریوون عطرین آلاخ

سن حبیب لم یزل سن
یوخ مثالون بی بدل سن
هر گوزل لردن گوزل سن

جان ابو الفضل جان ابو الفضل

قانون الله قانیدی - سن سیز عالم فانیدی

ایسته مولا کربلایه

اوز قویاق خیمه سرایه

اگله شاق اوردا عزایه

صاحب وجدان ابوالفضل

منبع جود و کرم - قولاری تندن قلم

صبریلر یغمایه گئتدی

عمردن سرمایه گئتدی

قویمادوق اجرایه گئتدی

اولموری جبران ابوالفضل

سن بیزه سرمایه سن - باشلار اوسته سایه سن

احمد مختاره خاطر

حیدر کراره خاطر

جعفر طیاره خاطر

ایله تئز احسان ابوالفضل

عاشقوک دیداروه - قوش بیزی زوآروه

دردلره ایله معالج
حل اولا مولا نتایج
قیل نظر باب الحوائج

دردلره درمان ابوالفضل

مطلبه آگاه سن - زیب قربانگاه سن

عالمی گوزدن آتوبسان
محضر حقّه چاتوبسان
قبریده باش سیز یاتوبسان

رونق رضوان ابوالفضل

صبریوه قربان اولاق - قبریوه قربان اولاق

ظلم اولوب اول شهریاره
ناطقاً بسدور اشاره
جسمینه دگمیشدی یاره

قالدی سرگردان ابوالفضل

باتدی یکسر قانینه - جان فدا ایمانینه

«افراد»^۱

یتیشدی خاطریمه بیر زمانی عباسون
 امام حسینون او آرام جانی عباسون
 قالوبدی عقلر حیران اونون کرامتینه
 حسینیه نسبت او ایثار و نفس و همتینه
 عقابون اوسته وفالی یارالی سرکرده
 دایانندیروب یارالار قانلولار برابره
 وجودی باشندان ایاقه قلج دگوب یارادور
 گوزین آچوب باخا بیلیمور گوروم بورا هارادور
 سنونله یوخدی رجوعیم که نالیه گله سن
 بو سن بو یاس ابوالفضل اونی اوزون بیله سن
 دولاندا گوزلره قان ال گرک کنار ائلیه
 اگر ال اولماسا قولسوز بدن گرک نثلیه

تاپان زماندا ابوالفضل طرفه بیر فرصت
 یارالی باشینه هردم وئردی بیر حرکت
 حرکتی که وئردی او چاره سیز سردار
 اولاردی گوزلرینون قانی قطره قطره کنار
 او وقته مشکه بیر اوخ دگدی قانلو سو داشدی
 سوون سسین ائشیدوب دیسکوب گوزون آشدی
 سووی گورنده آخور چکدی سوز دیلدن آه
 بویوردی ای سپه شام، دشمن الله
 ایا جماعت بی رحم باخمادوز سؤزومه
 بو اوخی کاش ویریدوز منیم ایکی گوزومه
 توکولدوز اوستومه من قولسوز ای گروه ظلام
 بو سووی قویمادوز آخر سوسوزلارا آپارام
 منی که ائتدوز اولاردان بیر اوخلا شرمنده
 وورون بو ئولمگیم افضلدی گتتمرم منده
 تیکوبله گوز یولوما تشنه لر سودان ساری
 اولارون آهینی قوی گورمسون گوزوم باری

ائلیکه گوردی سو مشگیندن ائتدیلر مایوس
 خجالت اولدی سوسوزلاردان ایلدی افسوس
 دئدی عقاب منی قوی یره داخی ئولورم
 یارالاریم قاریشوب بیر بیر داخی ئولورم
 دونیدی کاش فراتون سووی او گون قانه
 دینمورم نجه آتدان یخیلدی میدانه
 دولاندیروب یوزونی ائتدی آهیله پیغام
 او حاليله ائلدی شاه کربلايه سلام
 ایا شهنشه دوران حسین سلام علیک
 غریب جانوه قربان حسین سلام علیک
 اوزون یتور منه بیر ئولمه مش گوروم یوزوی
 آماندی پیک اجل گلهمیش گوروم یوزوی
 نقدر «ذاکر» ابوالفضله آغلاسون آزدور
 حسین دفترینه آغلا آدوی یازدور
 «اوخشاما»

دییرم یارام آغرور اوخ دگوب یارام آغرور
 آلتووا داش دگنده ییلرسن هارام آغرور

این ترکیب بند بنا به درخواست یکی از
مداحان برای طشت‌گذاری ماه محرم سروده شد

لطف ائدوب طبعیمه قدرت گینه خلاق انام
ائدورم منده اونون آدینه آغاز کلام
یازورام بیرده حسین سرور احراره سلام
نه حسین، حقه فدا ذات حقه سؤیگیلیدی
خلقتین گلشنینون عطریلی زیبا گلییدی
او حسینیدی، حقه یتیمیش ایکی قربان وئردی
ایچمدی سو، ره جاناندا سوسوز جان وئردی
قوریا قویمادی، دینون آغاجی قان وئردی
نقدر دور زمان وار او شجر بر وئره‌جک
قان حسینون قانیدی بهره مکرر وئره‌جک

ای عزیزلر گئده قویمون هدره فرصتوزی
 برق تک عمر کئچور، آرتیق ائدون همّتوزی
 ارزشوز چوخدی سینا قویمیا سوز قیمتوزی
 عَرَض اولسا بو جهان سیزلر اونون جوهری سوز
 صدفه عالمی تشبیه ائلسم، گوهری سوز
 آند اولا قلبینی اوخ پاره‌لین سلطانه
 اونون عشقی ائلیوب بیزلری چون دیوانه
 یانوروق دلدہ نجہ شمعہ یانار پروانہ
 دولانوم خیردا بویوک تک تکیزون باشلاروزا
 خانمون شیشه‌سی آماده‌دی گوزیاشلاروزا
 رشته‌ی عشرتی هر ماه محرم قیرووق
 مسجد و معبره کلاً قره پرچم ویرووق
 یاوه‌گولر دهنین منطقیلن سیندیروق
 آهیلہ جمع اولاروق جامیلہ طشتون باشینا
 آغلاروق زینبین اللردہ ئولن قارداشینا

مدعی نقشه چکور تازه لیه دل یاراسین
 فکری وار قطع ائلیه عاشق و معشوق آراسین
 بیز ولی گئیملیوک یوسف زهرا قاراسین
 مصریده یوسفه صف چکدی اگر مشتریسی
 گوره دشمن وار حسینون نقدر مشتریسی
 بلی یوسف سالیئوب چاهه گهی زندانه
 عاقبت غل سیاقیندا چکیلوب میدانه
 بیر گونی مصریده ده سس یائیلوب هریانه
 قرعه‌ی فال گلون جمعیده واضح آتیلور
 بیلمینلرده بیله شهریده یوسف ساتیلور
 مصرین اشرافی آلا یوسفی حیرته گلوب
 سینه ده اللری آماده‌دی خدمته گلوب
 گوردولر الده کلافی قوجا عورته گلوب
 دئدیلر گورمیوسن جمعیدی انبوه طلا
 یوسفی آماقا گلدون نئه سن گور عجباً

دثری وار نخیمون سؤیلدی جزئی ثمنه
 بیلورم بو کلفه یوسفی وئرمزله منه
 گلمیشم مشتری یم منده او گل پیره نه
 دثمیون سیندیرورام یوسف مصرین آدین
 بیر نفر آرتیرورام مشتریون تعدادین
 یری وار فاطمیه عرض ائدک ای اهل عزا
 آغلاروق غملروزه ائلر اولا صبح و مسا
 بیزی سن مشتری یاز یوسفووه یا زهرا
 بيله بیلمز هامی درّ و گهرین قیمتینی
 سن بیلرسن بو آخان اشک ترین قیمتینی
 چوخلاری یوسفیچون مال فراوان گتیروب
 باخ سنون یوسفووه الده هامی جان گتیروب
 وار اوزاقدان گلنی دیده ی گریان گتیروب
 مصره گئتمیشدی اولار یوسف کنعان آپارا
 ولی گلمیش بولار اوز دردینه درمان آپارا

اولاری که یغیشوب بو یره دوتمیش ماتم
 جوشلانور گوزلرینون یاشلاری همچون زمزم
 دیوب ائوده گئدورم دردیمی اربابه دییم
 دردیمی محضر مولایه دئسم دینجلم
 قلبیمون مطلبینی آغلارام آلام گلم
 آقاجان سن بیلوسن روحه صفا ایستیهنی
 دردینه جمعیدی بو یرده دوا ایستیهنی
 هر نه دن چو خدی بو گون کرب و بلا ایستیهنی
 یان دیورور مرقد شش گوشه غمی قلبیمیزی
 ئولمه میش قبریوه الله گوره ایسته ییزی
 یابن زهرا بیلوسن هجرده دلر یارادی
 یزیده ایسته گورورسن یارین عشقی یارادی
 تلّیلن مرکز میدان گوره ک هاردان هارادی
 بلیوک کوفه لیلر رسم جفا یوخلادیلار
 گوره ک هاردا علی اصغر بالووی اوخلادیلار

تاپا بیل سوک او یری، جمعیله محزون دوروق
 آهیله اوردا آقا شمع عزا یان دیرووق
 یان دیران نوحه لریله اورگه اود ویروق
 یوزه گوز یاشیمیزی چشمه کیمی باغلاداروق
 داشلاریندا او یرون نوحه میزه آغلاداروق
 دیروک بوردا گرک روضه ی اصغر اوخونا
 حرمله الده کمان گلدی بو یرده یوخونا
 توش ائدوب حلق علی اصغری اوچ پر اوخونا
 باتدی قانه او بالا نه دانیشوب نه دیندی
 خیمه ده اوخ سسین آلدی آناسی دیسکیندی
 تا حسین اصغرینی گوردی گئدوب دور هوشه
 باخدی اوخ یاره سینه گلدی محبت جوشه
 محضر یاریده باسدی بالاسین آغوشه
 دئدی یارب بودا درگاهوه خونین گلدی
 اوچ گونیدی یاتا بیل موردی عجب دینجلدی

اوزی آسوده منی ایلدی پیچیده غمه
 قالمیوب هم نفسیم حالی اولا کیف و کمه
 نه اوزیلن قئیدیم اوخلی بالیلان خیمه
 اگر عباس گوریدی بو یارالی بالامی
 قویمازیدی قالا ال اوسته وفالی بالامی
 آز قالور محضروه منده خدایا گلورم
 بیر به بیر عهدیمه ایفا ائدورم دینجلورم
 باخورام اصغره عباسیمه گوزیاش الورم
 گر گوریدی او وفا کانی لالا قاندا منی
 دؤزمزیدی گوره بو حالیده میداندا منی
 ای خدا نوشیدی عشقونده بو اندوه و بو غم
 هر بلا گوندره سن بوردا خریداری منم
 من حسینم ئولرم دشمنه عجز ایلرم
 نخل اسلامی طراوتده بو گون قان ساخلار
 بو حسینون قانیدور دینیه قرآن ساخلار

شاهد اول اللریمون اوسته منیم بار خدا
 ووردی اوخ اصغریمه حرمله‌ی شوم و دغا
 امر ائله عکسیمیزی سالماقا عکاس قضا
 تاجر عشقم اولوب قان منیچون سرمایه
 وئرمرم بیر بئله عکسی بیلوسن دنیایه
 یانورام عشقین اوتوندا گوزهرن مجمر تک
 اصغریمه قانینا باتدی بو گون اکبر تک
 سالارام قانيله سجّاده آتام حیدر تک
 خوشدی آی مثلی گئدوب عشق سحابینده باتام
 قطره‌ام جهد ائدورم موجیلی دریایه چاتام
 عشقووین باده‌سی ازبس گتیروب باشیمه شور
 مست مستم منه یکسانیدی اندوه و سرور
 فرقی یوخ بستر راحت منه یا کُنْج تنور
 عاشق ایستر ره جانانیده گل مثلی اولا
 تحفه‌ی یاریدی اوچ پر اوخ اولا یا کول اولا

سنون عشقونده باتوب پیر و جوانیم قانینا
 تک تکی قربان اولوب مکتبینه قرآنینا
 آندا ولا اصغریمون قوش کیمی چیخمیش جانینا
 راضیم قتله یتیم غارت اولامال و حشم
 عجلهم واردی منیم قافله مه تئز یتیشم
 باغبان مثلی گلوم زینب دامانیمدی
 ارزیابی ائلسین سن کیمی جانانیمدی
 بو شهیدلردن آخان قاندا منیم قانیمدی
 گلدی من کلمه سی یارب بورودی قلبیمی غم
 من دئدیم اینجیمه چون منده سنون ئولموشووم
 «ناصحا» فکرووه بو نوحه لری کیم سالدی
 یوخووی بیل ائله اول کیمسه گوزوندن آلدی
 دور قوتاردی شب احیا سحره آز قالدی
 زحمتون سایه سینه کامه چاتارسان نینک
 غم یمه قبریده آسوده یاتارسان نینک

«نوحه سينه زنی - جوشي زنجير زنی»

اوز قانون ايچن سو يرينه جان علي لايلاي
حلقين بيچن اوچ شعبه لي پيكان علي لايلاي

آز سنيله بو چولده بويوك منصبه چاتدون
حق اوسته بالا سنده سوسوز قانوه باتدون
گئتدون علي گوزدن مني بير دفعه ليك آتدون
هردم يوخوما گل سنه قربان علي لايلاي
من بيلمديم اوخلار سني بو فرقه ي عدوان
يوخسا سني وئرمزديم اليمن سنه قربان
اولسیدی صودوم اولمازيدون قانوه غلطان
حقوندي گوزوندن مني آتسان علي لايلاي
سو فكريله بيكس آنوون تركيني ائتدون
نه سو ايچه بيلدون نه علي مقصده يتدون
بو دشتيده بير جرعه سويون بادينه گئتدون
قويدون مني بير عمر پریشان علي لايلاي

بیچاره آنون سنسيز علی گئتسه وطنده
 گونلر قاباقين مسكن ائدر بيت الحزنه
 گورسم يانارام خيردا اوشاقلار صود امده
 سالام سنی ياده دييرم جان علی لایلی
 گل پيکرون اوسته باش آچوب آغلماديم من
 ساير آنالار تک سينه می داغلماديم من
 بو ننگله يانام ياراوی باغلماديم من
 قالدی آنووين گوزلری گریان علی لایلی
 آخر گئجه بن بسته دایاندوق ايکیمیزده
 سوز عطشه قلبیده ياندوق ايکیمیزده
 صبحه کیمی اخيامی دولاندوق ايکیمیزده
 دل دردیميزه اولمادی درمان علی لایلی
 بيلمزدیم علی یاز گلی تک تئز سولاجاقسان
 بيلمزدیم علی بیله بولوط تک دولاجاقسان
 بيلمزدیم علی قانوه غلطان اولاجاقسان
 امیدیم اولار ظمیله حرمان علی لایلی

سینسین فلکین چرخینی اوز کامینی آلدی
 گونلر قاباقیندا آناوین رنگی قارالدی
 درناقلاروین یرلری بو سینده قالدی
 بو نسل ائدر قلبیمی شان شان علی لایلی

عدل جو^۱ عمرونده گرچه ائتموسن بی حد گناه
 زشت اعمالون سنی هرچند ایلوب روسیاه
 درگه زهراده لیکن تاپموسان چوخ عز و جاه
 روز محشرده یقین ایلر خانم لطف و نگاه
 بانوی یوم شفاعت کیمدی زهرادن صورا؟

«شاه بیت»

هانسی بلبلون بوغازی اوخلانوب چمنده یارب
 هانسی بلبل اصغیریم تک جان وئروب ئولنده یارب
 «حیرانی»

«جوشی زنجیر زنی و سینه زنی»

زبان حال حضرت رباب علیها السلام

نازلی دلبریم لایلائی، ماه منظریم لایلائی
 اوخلانان سو اوستونده، دلسیز اصغیریم لایلائی
 لایلائی اصغیریم لایلائی

اوچ گئجه گونوز عطشان قالدون ای گونی قاره
 دیرناقون یری قالمیش ائتدی سینه می یاره
 عفو ائله منی اوغلوم تاپمادیم سنه چاره
 شاهدیم بو احواله حیّ داوریم لایلائی
 لایلائی اصغیریم لایلائی

من سنه اوغول لایلائی نه امیدیلن چالیم
 گولمدی یوزوم افسوس قاره گونلره قالیم
 تولمدیم سنی عطشان خیمه دن یولا سالیم
 سن گئدن یولا حسرت باخدی گوزلریم لایلائی
 لایلائی اصغیریم لایلائی

سو اول اوشاقیندور ایسته سه یوباتمازلار
بیر ایچیم سودان اوتری قانینه بویاتمازلار
هئچ شکاره سو اوسته رسمیدور اوخ آتمازلار
حرمله جفاسیندن سیندی شهریم لایلی

لایلی اصغیریم لایلی

حق یولوندا جان وئردون جانووه نون قربان
اکبریه هم پایه شأنووه نون قربان
سو کیمین آخان قانی قانووه نون قربان
گل کیمین سولان رنگی غنچه ی تریم لایلی

لایلی اصغیریم لایلی

هانسی مکتبون اولمیش دهریده بو اعجازی
ایلیوبدی بیر طفل شیرخواری جانبازی
هانسی ارتشون سن تک واردی خردا سربازی
حشره جک آدون اولدی باشدا افسریم لایلی

لایلی اصغیریم لایلی

یا خشی وقتیده اولدون شاه دین هواداری
 سربه سر بویانمیشدی قانه یار و انصاری
 اولدون آخر صفده خردا جا علمداری
 تک قالاندا میداندا شاه محشری لایلای

لایلای اصغریم لایلای

قلبینه فلک بذر درد و محنتی اکدی
 باخدی بیر فرات اوسته بیلدی یاری یوخ تکدی
 تیری تشنه حلقوندن یومدی گوزلرین چکدی
 آغلادوبدی دنیانی غملی رهبریم لایلای

لایلای اصغریم لایلای

گلشنیمه بو چولده صرصر خزان اسدی
 بو مصیبتون اوغلوم حشره جک منه بسدی
 تیغیدن بتر اوچ پر اوخ بوغازوی کسدی
 تشنه حلقووه قربان ای وای اصغریم لایلای

لایلای اصغریم لایلای

قانووی آتون اوّل اوجونا دوتوب باخدی
یاندی قلبی گوزیاشی چشمه لر کیمین آخدی
قانووی او بحراندا آغ محاسینه یاخدی
آغلادی دئدی دلسیز حقّه مظهریم لایلای

لایلای اصغریم لایلای

دولدوروب گینه اوجون تا که کامکار اولسون
قانووی آتون سپدی گویده یادگار اولسون
شیعیه بو ارزنده تحفه افتخار اولسون
سسلنوبدی ای عرشه قانی زیوریم لایلای

لایلای اصغریم لایلای

سنده شعروه «فرهاد» ایسته سوزش و تاثیر
شرطی وار اولا توأم آه و ناله ی شبگیر
سؤز یازاندا گوزیاشین جاری ائت بلاتاخیلر
سسله ای اولان زیبا آدی ازبریم لایلای

لایلای اصغریم لایلای

«زنجير زني - سینه زني»

صودامر سوسوز اوشاڻه اوخينان سو ساخلامازلار
سو وئروب يولا سالارلار سو يانيندا اوخلامازلار

سوئي کاش او گون فراتين دولانيدى قان اوليدى
نه بالام سووا گنديدى نه اوخا نشان اوليدى
نه بو دربردر ربابه قورى ير مکان اوليدى
نه دئميديلر آز آغلا گئجه گوندوز آغلامازلار
لب رود و جويباره گندر اوچيلار شڪاره
او غزالى اولامازلار اگر اولسا شيرخواره
ولى حرمله ربابون بالاسين چيخوب کناره
ديين اولمادى او شرطى بئله گون اياقلامازلار
ديور اصغرين آناسى على کيم سنه اوخ آتدى
او که سو وئرن دگلدی نيه قانى قانه قاتدى
آتوى ائدوب خجالت اوزونون باشين اوجاتدى
دئمدون اوخى اوشاقين بوغازيندا يوخلامازلار

«جوشی زنجیر زنی - نوحہ سینہ زنی»

حسرت باخارام گوزلریم آغلار سو گورنده
 لایلائی بالا لایلائی
 چوللرده لب عطشان یارالی آهو گورنده
 لایلائی بالا لایلائی

چوللرده دولاندون نچه آی ناقلر اوسته
 ای قلبی شکسته
 هر یاندا سو وئردیم بالاما اولمیا خسته
 یات سینہ مون اوسته
 گل باغلادی گھواروه اکبر نچه دسته
 ای شہیری بسته
 قلبیم دوتولار یارہلی بیر تیہو گورنده
 لایلائی بالا لایلائی

آی دالدا لانونوب گون دولانونوب اولدوزی باتدی
 گوزدن منی آتدی
 دلسیز بالاما حرمله اوچ شعبه اوخ آتدی
 اولدوز کیمی باتدی
 قوشلار کیمی جان وئردی باخوب گل گله یاتدی
 مقصودینه چاتدی
 عطرین آلام یاسمن و شببو گورنده
 لایلای بالا لایلای
 گونلر قاباقیندا دییرم ای قوزی قربان
 اوخ یارووه قربان
 گل یاپراقینا ویردیلا اوچ شعبه لی پیکان
 ای قلبی پریشان
 احوالووه آغلار گئجه لر بیر سوری جیران
 آی یاره لی قربان
 حسرت باخارام چایلار آخانداسو گورنده
 لایلای بالا لایلای

گل یاندی آخوب چوللره دریا کیمی علقم
 ای محنتی اعظم
 سو اولمادی اخیامیده باخدون منه هر دم
 ای غنچهی پُر غم
 آغلار غمووه شیعهلر هر ماه محرم
 الده قره پرچم
 لایلای دییرم اوغلی ثولن بانو گورنده
 لایلای بالا لایلای
 اوخ دگدی حسینون بالاسی قانه بویاندی
 یاتمیشدی او یاندی
 باخدی قوزی قربانینه میدانی دولاندی
 قلبی غمه یاندی
 عباسی چاغوردی دئدی گل قارداش آماندی
 میدانی دولاندی
 صبریم کسیر قانه باتان بازو گورنده
 لایلای بالا لایلای

«دوشمه سینه زنی و زنجیر زنی»

باجی ای غم خریداری - فغان و ناله مشتاقی
 آچیلدی غصه بازاری - گل آل بو قانلی قونداقی

آپاردیم سو امیدیه بو عطشان طفلی میدانه
 الیمده حرمله گورجک آلوب تاپشوردی پیکانه
 آچوب اوخ دایه سی صوددن باتوردی صودیرین قانه
 گلوب خلعت هوا سیله بولوبدور مرحمت چاقی
 سنه چوخ وئرمیشم زحمت دلیل خجلتیمدور بو
 قبول زحمت ائت بیرده که آخر زحمتیدور بو
 گل آل آرام جانیمدور قرار و طاقتیمدور بو
 بو بیر گلدور نثار اولموش بهار عمره یاپراقی
 قضا چون اصغری گوردی باجی چوخ اضطراییله
 تاپوب تقدیری ئولدوردی خیالین بیر خطاییله
 ایکسی ال بیر اولدی بیر اولوب بیر اوخ جوابیله
 ولیکن اوخ آتان اولدی بابام پیغمبرون عاقی

بلا ابری بو گون قالخوب هواده باشباشا چاتدی
 چیخان اولدوز گوروب آخدی دوشوب تپراقلارا باتدی
 بو بیر قرص قمر دور گون النیده ال به ال یاتدی
 جفا دستیله سوندوردی بیر او ظلمی بو اشراقی
 آناسینه بویور گلسون آپارسون چکمسون زحمت
 الیمده بر خطالی ال بالاسین ایلوب راحت
 بیر اوخ قویدی کمان اوسته او اوخدان طرح اولوب قسمت
 من ایستک لاله گونیمدن بونا قاندان بویانماقی
 باجی گل ایلدی اکبر غمینی اصغیریم تازه
 وئروب جان تازه دن گویا علی اکبریم تازه
 او قانین گئتمه میش رنگی بویاندی اللریم تازه
 خدایه شاهد عرض ائتدیم بو ناحق قانه تپراقی
 ربابه وئر خبر سینه بو غمده داغلاسون زینب
 آچوب اوز قانلی قونداقین گوزینی باغلاسون زینب
 یغوب اوغلی ئولنلردن باشینه آغلاسون زینب
 گلوب فریاده دولدورسون اوغول وائيله آفاقی

باجی بیر خیمه دن دیشره قدم قوی گور نه عالم دور
 من اصغر قانینه غرقم او غرق اشگ ماتم دور
 ائدر انفاق جان هرکس که جانانیله خرّم دور
 چون انفاق آیه سی اولموش بیلون قرآندا مصداقی
 داشوب دور «صافیا» باشندان آشوب دور معصیت سیلی
 سنی بو سیلیدن هرگز کنار ائتمز عمل خیلی
 ولی دوت دامنین یالوار حسینون اولسا گر میلی
 حساب ائتمزله محشرده قالان صورتده الباقی



عاشق که شایق است به راز و نیاز عشق
 خواهد ز پیر میکده گیرد جواز عشق
 در آرزوی سجده محراب عشق یار
 سازد وضو به اشک و بخواند نماز عشق
 «طهوری»

«جوشی»

زینبیم گل بالام قانه باتدی
امدی پیکانی گوز یومدی یاتدی
گئت دئنن بختی قاره ربابه
اصغیریم سینوون داشین آتدی

من دئدیم سو وئررلر ایچر سو
ایلیر قمری لر مثلی کوکو
بیلمدیم بعضی اوچی سو وئرمیش
اوخلانا سو کنارینده آهو

آل بو قنداقدی مندن آماندی
غصه دن قلبیمون باشی یاندی
بیلمورم اوخ نجه دگدی زینب
کئچدی اوخ صاق قولوم پارچالاندی

حرمه قویدی بیر اوخ کمانه
اصغری دوتدی حلقین نشانه
تشنه قربانیمه دگجگین اوخ
قنذاقی دوشلوگی باتدی قانه

گوئیا هئچ یارالی دگولدی
گل کیمی باخدی پیکانه گولدی
گئت ربابه دی باشون ساغ اولسون
وئردیگون غنچه بیر دسته گلدی

اصغریمه او پیکان چوخیدی
پهلوانی یخان بیر اوخیدی
آرزیمون گللری پرپر اولدی
گوئیا اصغریم هئچ یوخیدی

تیترده دی اوخ دگنده ایاقی
تیترده دیم منده اصغر سیاقی
بوسه آلدیم بوغازیندن افسوس
بوسه سیز قالدی سولموش دوداقی

یات دئدیم ای گل پرپر اوغلوم
گئت سنی فاطمه گوزلر اوغلوم
سولماقون غنچه وقتینده واللّه
قارداشیم محسنه بنزر اوغلوم

خیمه ده سوسن و یاسیم آغلار
گوزلریم مثلی احساسیم آغلار
بیلسه میداندا آواره ام من
حالیمه قولسوز عباسیم آغلار

اوخشیور گوزلریم ابره اوغلوم
التماس ایلورم صبره اوغلوم
چوخ چتیندی آتا اوز بالاسین
اوز الین قویا قبره اوغلوم

قارداشیم ئولمه سیدی گلردی
اود دوتان قلبیمه سو سپردی
من قویاندا سنی قبره اوغلوم
قبریوون اوسته تپراق توکردی

«دوبیت»

کیفیت وداع امام حسین علیه السلام از بیمار کربلا

زینبِدن آیریلاندا حسین بیر زمانیدی
 اطراف خیمه لرده قیامت عیانیدی
 محشر گونی دگلله نجه خلق بیریره
 اوخشاردی خیمه گاه او گون روز محشره
 اوج ایلر حشریده نجه وانفسی برملا
 فریاد ائدردی آل علی و امحمدا
 معلومیدی حسین گئده گر خیمه گاهیدن
 بیرده یقین قیتمیه جک رزمگاهیدن
 قانی آخا آخا نچه یردن یاراسینون
 گلدی عیادتینه او ناخوش بالاسینون
 بیر حالیدیدی گوز آچا بیلموردی قیزمادان
 اگلشدی باشی اوسته ائدوب گوز یاشین روان
 گوردی اولوبدی دردینه بیمار مبتلا
 فرمایش ایلدی نجه سن ناخوشوم بالا

گفتاره گلدی آلدی خبر سوز آهیله
 امرون هارا یتیشدی بابا بو سپاهیله
 فرمایش ایلدی بالا شیطان نابکار
 چون غالب اولدی بو چولی قانلا سوار دیلار
 بیمار آغلادی دئدی ای مهربان بابا
 وَیْن حَبِیب سؤیلدی ئولدوردولر بالا
 عرض ائتدی وَیْن مسلم ایا سرور انام
 فرمایش ایلدی اوغول ئولدوردی اهل شام
 آلدی خبر هانی عموم عباس نامدار
 سسلندی قولارین بالا سو اوسته سالدیلار
 هر بیر جوانی آلدی خبر غصه سین یدی
 هر فرد فردینی آقا ئولدوردولر دئدی
 نوبت یتیشدی بیر نفری آلماقا خبر
 ناگه سوروشدی قارداشیم اکبر نولوب مگر
 سالدی حسین باشین اشاقا وئرمدی جواب
 گوردی جواب اولمادی چوخ ائتدی اضطراب

ابر بهار تک دو تولوب تنگ اولوب نفس
 قربانووم بابا علی اکبر نولوبدی بس
 بیر آه چکدی آغلادی سلطان کربلا
 فرمایش ائتدی صبر ائله ای درده مبتلا
 باد مخالفیله سولوبدور چمن اوغول
 بیر سن قالوبسان آلما خبر بیرده من اوغول
 شام اهلی خیمه گاهیده دتار قویمادی
 من بینوایه یاور و انصار قویمادی
 بیمار آغلادی دئدی عمّه اوزون یتور
 دور بیر عصا گتور منه بیرده قلج گتور
 بیله دیننده اهل عزا قالخدی شور شین
 سالدی قولینی بوینونا اوغلی ئولن حسین
 ئوپدی یوزیندن آلدی خبر نور دیده جان
 شمشیر یله عصاده اولان سرّی ائت بیان
 عرض ایلدی بابا داخی دنیانی نیلیوم
 شمشیر آلوب عصایه دوروب تکیه ایلیم

قوی منده نامراد علی اکبر کیمی گندوم
 دشمنله جنگ ائدوب سنه جانیم فدا ائدوم
 ناخوش بالا سنه او قیامت یازیلیموب
 کرب و بلا چولونده شهادت یازیلیموب
 مندن صورا گرک اولاسان عالمه امام
 زنجیر ظلمه قولاری باغلی روان شام
 اهل عیالیمه اولوسان میر قافله
 بی کس یتیم لرون آلوسان قلبینی اله
 طعنه ویراندا صبر ائده سن لشکر ظلام
 اود یاغ دیراندا باشوزه بام اوستن اهل شام
 عمامون اود دوتاندا قولی باغلی ناقله ده
 آهون چیخاندا عرشه اورک داغلی ناقله ده
 اطفالیمون چیخاندا گوگه آه و ناله سی
 اوج ایلینده صبر ائده سن واحسین سسی
 «ذاکر» توسّل ایله که بیمار کربلا
 ضامندی چون مریضه ائدر دردوه دوا

«نوحه زنجیر زنی»

ای بو غملی دشتیده اودلارا یانان باجی
قارداشون حسین گئدور ایلمه فغان باجی

باشیمون یاراسینی باغلا قان گوزه دولوب
صرصر خزان آسوب گلشن علی سولوب
پرچمیم یاتوب بو گون صاحب علم ثولوب
یدی قاره باشینه نصف گون سالان باجی
جمله یار و یاوریم عشقیلن باتوب قانا
یاتدی عون و جعفریم قان ایچینده یان یانا
جسمیده حسینووین یاره گلمیور صانا
اشگ چشمون ایلمه فرقتیمده قان باجی
آخرین وداعیدور ایلورم سنه علن
گئتگه اگنیمه گیوم ایندی کهنه پیرهن
جسمیمه بو کوینگیم قالسا گر اول کفن
صبر ائله گوزون یاشین ایلمه روان باجی

ایلدیم سنی بو گون اهل بیت سرپرست
 هر بلا اگر گله اول بلایه چیره دست
 نطقویله ائتگیلن دشمنانی سن شکست
 ایستیور یزیدیان محو اولا قرآن باجی
 عالم آلستیده ای شریک نهضتیم
 عالمه طلوع ائدر گون کیمی شهادتیم
 قویما پایمال اولا زینبا بو خدمتیم
 هر مصیبت دؤزوب صبر ائله دایان باجی
 زینب عرض ائدوب سؤزون خاطریمدن آتمارام
 هر مصیبت اوز وئره اشک چشمه باتمارام
 یاتمیونجا قیزلارون گوز یوموب نه یاتمارام
 قوی دئسونله زینبه اوتلارا یانان باجی
 رزمگاهه کیم گئدوب شادکام قئیتمیوب
 دوغرانبودی پیکری خوش پیام قئیتمیوب
 شعره «نصرتی» ائدوب تا قیام قئیتمیوب
 هر زمان یازوب غمیم ائتدی چوخ فغان باجی

اگلش دولانوم باشوه هنگام فرصتدور
 اخیامووه ایله نظر گور نه قیامتدور
 رجعت ائله اخیامووه باینکه زحمتدور
 قیزلارون اولدی باغریقان گئتمه حسین گئتمه
 قارداش منی ائتسون سنه الله بلاگردان
 ائتدی یارالی قلبیمی بو حالتون سوزان
 اولسون کمکسیز جانووه زهرا آنام قربان
 ای لشگری مغلوب اولان گئتمه حسین گئتمه
 ظلمون دوتوبدور ظلمتی بو قائلو صحرانی
 آیا تحمل بس نجه ایلوم بو هجرانی
 نه نوعیلن ساکت ائدوم بیر عده طفلانی
 گلزاریمه یتدی خزان گئتمه حسین گئتمه
 مظلوم ائدوب اعدا سنی غربت ولایتده
 قالدی باجوندا معرض طعن و شماتتده
 گئتسون باتار گل پیکرون قانه بو ساعتده
 الده سنان گوزلور سنان گئتمه حسین گئتمه

ایله گشاده مُنحرون اوپسون باجون زینب
 بیرده او تشنه حنجرون اوپسون باجون زینب
 گل تک او سولموش لبلرون اوپسون باجون زینب
 دشمن سنه وئرمز امان گئتمه حسین گئتمه
 بحر ستم موج ایلوب هنگام طوفاندور
 شوق شهادت یا اخی سنده نمایاندور
 باغلاندی چاره یوللاری زینب هراساندور
 یوخدور بیزه بیر پاسبان گئتمه حسین گئتمه
 آغلا «رحیمی» جمع ائله عقبایه گوزیاشین
 ایلر عطا مظلوم حسین محشرده پاداشین
 زینب بئله ائتدی ندا آغلاندی قارداشین
 ای سرور کون و مکان گئتمه حسین گئتمه

«نوحه زنجیر زنی»

ای اولان دچار محنت بو غمین مکاندا زینب
 یوزی گولمین آنام تک بو فنا جهاندا زینب

«نوحه - جوشی - سینه زن»

گل ای محنت کش دوران باجی زینب خدا حافظ
یتیشدی موسم هجران باجی زینب خدا حافظ

چتیندور آیریلیق گرچه تاپوب تغیر احوالون
گرک عهده وفا ایلوم پریشان اولماسون حالون
آنام زهرا نشانی جان سنون جان خوردا اطفالون
گلوبدور قتلیمه فرمان باجی زینب خدا حافظ
بو آخر گئتمگیمدور ای بلاکش چکمه دلدن آه
دالیمجا باخما حسرتله یتیشسون دادوه الله
داخی من گئتمه لی اولدوم بو سن بو خیمه و خرگاه
یولومی گوزلیور عدوان باجی زینب خدا حافظ
بو شام و کوفه نون اهلی همی ظالمدی هم فاسد
یولومی گوزلور ئولدورسون منی بو فرقه ی فاسد
ئولنده منتظر قالما خیامه یولارام قاصد
وئرنده قوملار اوسته جان باجی زینب خدا حافظ

گفت اگلش خیمه گاهونده ائلیکه قاصدیم گلدی
ایری قارنی آلتیندا یقین بیل قارداشون ئولدی
او وقته بیر علامت وار گوررسن ظاهره گلدی
اولور عالمره اعلان باجی زینب خداحافظ
قویار یوز خیمیه دشمن یانار بو خیمه و خرگاه
آچار ال غارته غارتگران فرقه‌ی گمراه
سیزه رحم ایلین اولماز بئله وقته مگر الله
یاغار عرش خدادن قان باجی زینب خداحافظ
یارالی نعشیمون اوسته گلنده سینه چاک ائتمه
سووروب باشوه تپراق اوزون آلوده خاک ائتمه
منی هر حالیده گورسون اوزون چوخدا هلاک ائتمه
بلایه صبر قیل هر آن باجی زینب خداحافظ
خانم حقون وار حقون وار باجی قلبی دوام ائتمز
حسین تک قارداشین داغی اورکدن حشره دین گئتمز
نجه یانماز بو کلماته نجه «ذاکر» فغان ائتمز
دیه سلطان مظلومان باجی زینب خداحافظ

«نوحه - رجز»

کربلا دشتینی ویران گلون ایلمیون
قانیله بو چولی الوان گلون ایلمیون

نچه مین نامه یازوب یوللادوز ای اهل سقر
منی مهمان گتوروبسوز بو نه مذهبدی مگر
ایلدیم ترک وطن ایندی پشیمانسوز اگر
ایلمیشدوز منی مهمان گلون ایلمیون
سیزه وئردوم یمن و ملک و حجاز و حلبی
بابل و شهر دمشقیه عراق و عربی
بیگناهم سوسوزام بهر خدا حق نبی
منی اوز قانیله غلطان گلون ایلمیون
خیمه دن عرشه چیخوب رحم ائلیون آه و فغان
آز قالوب وئرسون عطشدن شهدا قیزلاری جان
بیرجه قطره سو وئرون حق پیمبر بو زمان
آل پیغمبری عطشان گلون ایلمیون

ایلدیم بیلمورم آیا نه حلالوزی حرام
 نیه اجماع ائلیوبسوز مگر ای لشگر شام
 دوغرادوز یاریمی انصاریمی بو چولده تمام
 منی بونداندا پریشان گلون ایلمیون
 یولادوم اکبری ئولدوردوز ایا قوم پلید
 ایلدوز ظلمیه عباس علمداری شهید
 قویموسوز کرب و بلاده منی بی یار و وحید
 بو جفاده داخی طوفان گلون ایلمیون
 ظهر وقتینده گل فاطمه نی سولدوروسوز
 جام مقصودی منیم قانیمیه دولدوروسوز
 چون سوسوز عرصه ی میداندا منی ئولدوروسوز
 یارالی نعشیمی عریان گلون ایلمیون
 بئله عهد ایلیمیشم ایلرم عهدیمه وفا
 شمر بی دینون الیندن ایچرم جام بلا
 یتیشور سیزلره فرصت او دم ای قوم دغا
 خیمه و خرگهی تالان گلون ایلمیون

بیلورم آتش جوريله یانار خیمه سرا
 داغیلار چوللره صحرالره یکسر اسرا
 بیر مددکار تاپولماز اولارا لشگر آرا
 اوندان چوخ زینبی ترسان گلون ایلمیون
 شام شومه چکیلنده اسرا قافله سی
 اوندان بیمار اسرانون اولی سرسلسله سی
 اوزی ناخوش قاباقیندا بیر آغیر غلغله سی
 ناقه اوستون اونا زندان گلون ایلمیون
 نیزه باشینده باشیم گاهی اوخور آیه ی نور
 گاه اولور دیر نصاراده زیارتگه حور
 گاه اولور منزل خلوت منه مطبخده تنور
 خولینی لیک نگهبان گلون ایلمیون
 «حامدا» جهد ائله الده نقدر فرصت اولا
 آز اولور بیر بئله مجلس سنه تا قسمت اولا
 قیل مکرر بو سؤزی دلده اگر مکنت اولا
 کربلا دشتینی ویران گلون ایلمیون

«ارمغان حسین (علیه السلام)»

الهی بهر قربانی به درگاهت سر آوردم
 نه تنها سر برایت بلکه از سر بهتر آوردم
 پی ایفاء قد قامت به ظهر روز عاشورا
 برای گفتن الله اکبر، اکبر آوردم
 علی را در غدیر خم نبی بگرفت روی دست
 ولی من روی دست خود علی اصغر آوردم
 علی انگشتر خود را به سائل داد اما من
 برای ساربان انگشت با انگشتر آوردم
 پی آزادی نسل جوان از بند استعمار
 برادرزاده‌ای چون قاسم فرّخ فر آوردم
 برای کشتن دونان به دشت کربلا یارب
 چو عباس همایون فر امیر لشکر آوردم
 برای آنکه قرآنت نگردد پایمال خصم
 برای سَمّ مرکب‌ها خدایا پیکر آوردم

«نوحه زنجیر زنی - جوشی سینه زنی - رجز»

بو یر ای معبود برحق وعده گاهیمدور منیم
قائلو تپراقلار خدایا سجده گاهیمدور منیم

ایلرم سیر سلوکی سیر وحدتده تمام
طی اولا بو مرحله اتمام اولور عین مرام
بو تمام اولماقلیقاً سعی ایلرم هر صبح و شام
بو سؤزه یتیمیش ایکی قربان گواهیمدور منیم
عاشق صادق بلای عشقیدن ائتمز گله
صبر ایزای غم ایلر اهل دل گلمز دله
چکمه سه ذلت سالانماز رشته ی عشقی اله
بو رموزات وفا سیر نگاهیمدور منیم
رمز عشقی عاشق یکرنگه تعلیم ایلرم
تحفه ی جانی حریم قدسه تقدیم ایلرم
باشسیز السیز حضرت جانانه تعظیم ایلرم
عالم حالیم اولان الحق الهیمدور منیم

گل کیمی قانه باتوب شبه پیمبر اکبریم
 ئولدی عباسیم علم یاتدی داغیلدی لشگریم
 بیلمه سون تنها منی بو رحمسیز دشمنلریم
 دسته دسته لشگر محنت سپاهیمدور منیم
 عرصه ی شطرنجیده تاپدی منی پیل اجل
 یوز قویوب آتلو پیاده اوستومه ایلر جدل
 رُخ وروب غم قالموشام حیرتده استاد ازل
 بو کشاکشده عجب پشت و پناهیمدور منیم
 بو چوخور یر بزم خلوت جلوه گاه عشقیدور
 رهروان کوی عشقه شاهراه عشقیدور
 خسروی ملک وفایه بارگاه عشقیدور
 انتهای امتحاندور قتلگاهیمدور منیم
 شاه درویشان منم بو عالم امکانیده
 خوش نشینم قان ایچینده درگه جانانیده
 برگ سبزیم آزدی وار دورت مین یارا بو جانیده
 نشأتینی گرم ائدن تأثیر آهیمدور منیم

بو سوسوزلوق سوزشی سنگ قناعتدور منه
 تشنه لب قالماقلیقیم رسم طریقتدور منه
 باشدا دستار و عمامه بیر امانتدور منه
 ذکر یاحق دمبدم شام و صباحیمدور منیم
 قانیدور باشیمده کی سرمایهی تمجیددور
 رونق اقبالیدور بو دولت جاویددور
 بو قانون هر قطره سی مین نکته ی توحیددور
 یرده قالماز خون حق، حق خون خواهیمدور منیم
 راقم مشق عزایم بلبل شیرین کلام
 جمعی دور منده حسین تأثیری الحق بالتمام
 آغلارام تا وار حیاتییم بو حسین صبح و شام
 بو سرشگ دیده تخفیف گناهیمدور منیم

«شاه بیت»

گل هاردا سان بابا آل دستمازوی
 من سؤیلیوم اذان سن قیل نمازوی

«نوحه زنجیر زنی - رجز - جوشی سینه زنی»

کوفیان انکار ائدوب قرآنی عاشورا گونی
ظلمیلن دولدوردولار دنیانی عاشورا گونی

یازدیلار نامه حسینہ خُلف دعوت ائتدیلر
حَقْدَن یوز دوندروب ناحقّه بیعت ائتدیلر
حجت اللّٰهی قویوب بی دینه طاعت ائتدیلر
قویدولار کفره عجب امضانی عاشورا گونی
نوریدن خارج اولوب داخل اولوبلار ظلمته
مست دنیا اولدولار کفران ائدوبلر نعمته
باغلیوبلار سو یولون اشرار آل عصمته
تشنه لب یاندیردیلار صبیانی عاشورا گونی
بیر امامی که اونی تصویب ائدوبدور لایرئ
ایلیوب امضاء او تصویبی رسول و مرتضی
ائتدیلر انکار او معنانی گروه اشقیا
کشف اولوب کفریله حق میزانی عاشورا گونی

بیر امامی که اودور محبوب خلّاق جمیل
 مفتخر دور خدمتینده حشر اولونجا جبرئیل
 سو کنارینده اونی اعدا ائدوب عطشان قتیل
 سو کیمی آخدی یره القانی عاشورا گونی
 بیر علی اکبر که ماه و سرور بطحائیدی
 خلّاقاً و خُلّاقاً و نطقاً مظهر طاهائیدی
 سرّ حقه اول جوان بینا و هم دانائیدی
 ئولدوروب آغلاتدیلار لیلانی عاشورا گونی
 بیر ابوالفضل که علی اوغلیدی دانا و رشید
 سینه‌ی پاکینده حلم و علم و قرآن مجید
 سالدیلار قولارینی سو اوسته کفّار عنید
 یخدیلار عطشان یره سقانی عاشورا گونی
 قاسم شهزاده که علم و جاهتده قدیم
 یادگار مجتبی افسرده ناکام و یتیم
 وارث علم شرافت خُلّقه درّ یتیم
 غرق خون ایلوبله اول ذی شانی عاشورا گونی

یوز مین اعدایه مقابل دوردی بیر جمع قلیل
 تک تکی دریای علم و حکمت و دینه دلیل
 درک ائدوب فیض شهادت اولدولار عطشان قتیل
 اهل کفرون اوج ائدوب طغیانی عاشورا گونی
 باتدیلار قانه لب عطشان ذوقیلن انصار دین
 کئچدیلر باشیله جانان جمله ی اهل یقین
 قالدی دشمن ایچره یالقوز پادشاه متقین
 گوردی قالمور بیر نفر اعوانی عاشورا گونی
 آغلاشور ناگه نه گوردی عترت خیرالانام
 سرعتیله ایلیوب سالار دین عزم خیام
 سسلنوبدور نائب زهرا باجی علیامقام
 سیز بو نوعی ائتمیون افغانی عاشورا گونی
 عرض ائدوب زینب که ای شاهنشاه عالی نسب
 بو فغان و شوره واردور ای حبیبیم بیر سبب
 سن دیننده دشمنه هل من معین ای تشنه لب
 سسلینده فرقه ی اعدانی عاشورا گونی

ناله‌ی هل من معینون اوج قیلدی گوگلره
 ولوله دوشدی او ساعت جمله‌ی بحر و بره
 اصغریم آلدی سسون قارداش اوزون سالدی یره
 امریوی ایجاب ائدوب شایانی عاشورا گونی
 آلدی آغوشه او سرور شاهزاده اصغری
 اوزگه بیر حالتده دور گوردی او طفل مضطری
 گل کیمین رنگی سولوب خشگیده قانلو بلبری
 مرگینه هر دم وئور اعلانی عاشورا گونی
 گتدی میدانه مخاطب قیلدی قوم ابتری
 بیر اله قرآن آلوب بیر اله دوتدی اصغری
 سؤیله‌دی ای قوم گورمور سوز بو طفل مضطری
 آز قالور چیخسون عطشدن جانی عاشورا گونی
 سهدور سو وئرمیو بلر اول رفیع مضطره
 ویردیلار تیر سه شعبه خلق پاک اصغره
 بو مصیبتدن عیان اولدی غریبه منظره
 آغلادوب اول منظره اعدانی عاشورا گونی

بسدی «خائف» ساخلا ال بو زحمتون اولماز هدر
هر ایکی دنیا وئرر خدمتلرون شیرین ثمر
قسمتیم اولسا اگر قبر شریفی، دادگر
باشلارام قبرینه بو طوانی عاشورا گونی



آز قالوبدور که منی درک ایلیه پیک اجل
یوخ الیمده آپارام قبر ائوینه یاخشی عمل
یا حسین لطف ائله بو گوزیاشیمون خاطرینه
قبرین اوّل گئجه سینده منیم امدادیمه گل



ازبر اولموش دیلیمه دائمی دنیاده حسین
جان وئرن وقته چاغیرام گلر امداده حسین
جامه‌ی عشقیمی چو خدور کرمی سویماز آقام
قبرین اوّل گئجه سینده منی تک قویماز آقام
«نوازی»

«فارسی»

به عاشق با رخ خونین عبادت لذتی دارد
 حسین بن علی را این سعادت لذتی دارد
 وضو خون غسل خون سجاده خون محراب طاعت خون
 خدا را با چنین حالت اطاعت لذتی دارد
 بگفتن با لبان تشنه یا الله یا الله
 طلب کردن ز خالق استعانت لذتی دارد
 نکردن اعتنا بر سایه‌های شهپر جبریل
 ز خورشید سما دیدن حرارت لذتی دارد
 نهادن سر به سجده در حضور ربّ الاعلاء
 به اعضای پر از زخم و جراحت لذتی دارد
 به زیر خنجر دشمن نمودن شکرها بر دوست
 نشان دادن ز خود شور و شهادت لذتی دارد
 گذشتن در سجود حق ز سر با غایت رغبت
 به سجده یافتن فیض شهادت لذتی دارد
 شدن مهمان خولی در تنور آزرده و خسته
 به روی خاک کردن استراحت لذتی دارد

به پای دیر رفتن سر به نیزه با رخ خونین
 نمودن پیر راهب را هدایت لذتی دارد
 به بجدل دادن انگشتر به حال سجده با انگشت
 به فرزند علی شاه ولایت لذتی دارد
 سرش در نیزه هم باشد برای شخص غیرتمند
 به اهل بیت خود کردن نظارت لذتی دارد
 به حین سنگساری با لب و رخسار خون آلود
 برای عاشق قرآن تلاوت لذتی دارد
 به ویرانه ز اطفال یتیم و بی سروسامان
 نمودن با سر بی تن حمایت لذتی دارد
 جفای خیزران دیدن ز دشمن در رضای دوست
 چو غنچه لب گشودن با طراوت لذتی دارد
 کند عرض ادب ناصر به شاه کربلا هر صبح
 نمودن بر حسین عرض ارادت لذتی دارد
 نشد قبر حسین قسمت به ما در اربعین قسمت
 به روز اربعین فیض زیارت لذتی دارد

«رجز - جوشی سینه و زنجیر زنی»

او دم که زینیدن بی یار و یاور
 حسین بن علی تپراقه دوشدی
 دوتولدی گون آسیلدی قاره یلر
 حسینیم وای سسی آفاقه دوشدی

حبیب لم یزل سبط پیمبر
 وجودی عالم امکانه لنگر
 یدالله اوغلیدور، اسلامه رهبر
 آناسی فاطمه، خاتون محشر
 ائله مولائیلن الله و اکبر
 اونا زینبدی بیر ایستکلی خواهر
 دوراندا روبرو اشرار کافر
 حسینیم وای سسی آفاقه دوشدی
 او قدری حمله ائتمیشدی او سرور
 چو شیران گلّه‌ی روباهون اوسته

آییندی اللره یکسر کمانلار
 یاغوب اوخلار کمکسیز شاهون اوسته
 او شه چون مظهریدی ذات حقّه
 اودور اوخلار یاغوب اللّهون اوسته
 دگنده جسمینه اوخ، نیزه، خنجر
 حسینیم وای سسی آفاقه دوشدی
 قوتاردی تا کمانلاردان حسینون
 یتیشدی اوپدی جسمین قالدی اوخلار
 هارا سانجیلدی جاری اولدی قانی
 تواناسین الیندن آلدی اوخلار
 یقینیم وار که خنجر یوخ، امامی
 زمین کربلایه سالدی اوخلار
 دوشنده مقتله سلطان محشر
 حسینیم وای سسی آفاقه دوشدی
 امان نادان الیندن کردگاره
 دل دانانی ایلر آنی یاره

دئدی مولا یزید میگساره
 یارا ووردی حسین تک شهریاره
 ائدن بیچاره گان دهره چاره
 اوزی عطشان یخیلدی ریگزاره
 سالاندا تپراق اوسته قانلی بستر
 حسینیم وای سسی آفاقه دوشدی
 حسین حامیدی دین و مذهبیندن
 اولوب حافظ طریق مکتبیندن
 الین اوزدی خیام و عترتیندن
 نچون آسوده ایدی زینبیندن
 عطش سالمیشدی طاقتدن وجودین
 دوشن ساعت یارالی مرکبیندن
 ویراندا باشینه زهرا و حیدر
 حسینیم وای سسی آفاقه دوشدی
 یارالی بو تراب اوغلی ترابه
 گورون آیا نجه آتدان یخیلدی

قشون خوف ائتدی قاجدی دوره سیندن

کانه عرش الرحمن یخیلدی

دلیم یوخدور دییم دوشدی نه حاله

پر آچمیشدی بدن اوخدان یخیلدی

ملکدر سسلدی الله و ا کبر

حسینیم وای سسی آفاقه دوشدی

بدن بیر پارچا قان اول شاه عطشان

یوزون دوتدی او ربّ چاره سازه

نمازین قیلماقا سو یوخدی گوردی

قناعت ایلدی قان دستمازه

حسینون آلدیقی قان دستمازی

وئرور عالم بوئی رونق نمازه

اولان موقع فدای حی داور

حسینیم وای سسی آفاقه دوشدی

او چولده شمر مستیدی، حسین مست

عجب، میخانه ربّون نینواسی

حسینی مست ائدوب عهدی الستین
 ائدوبدور شمری امّا ری هواسی
 واریدی شمره یاور چوخ ستمگر
 حسینه سس وئرن پیکر یاراسی
 چکنده خنجرین شمر بداختر
 حسینیم وای سسی آفاقه دوشدی
 حسین مدهوش دوشمیشدی منایه
 گوزون آچدی او دم که حاله گلدی
 باشیندا قاره معجر گوردی الله
 ائده زهرا آناسی ناله گلدی
 آتاسی مرتضی جدّی پیمبر
 یانیندا مجتبی گوداله گلدی
 توکنده گوزیاشین گوگده ملکدر
 حسینیم وای سسی آفاقه دوشدی
 دکنده بیر بیره عطشان دوداقی
 دیردی فاطمه جان جان حسینیم

ویروبلا یاره داغ اکبر اوسته
 سالوب دلدن سنی پیکان حسینیم
 علی آغلاردی جدی ذکر ائدردی
 اولا عالم سنه قربان حسینیم
 ائدنده نیزه‌نی تبلیغه منبر
 حسینیم وای سسی آفاقه دوشدی
 گوروب اللر باشیندا تلون اوسته
 دمام یالوارور زینب الیه
 حسینیم، سسلینده قالدی هاردا
 جهانی آز قالور یاندرسون آه
 سوروندی زینبه ساری یارالی
 یوزی اوسته یخیلدی قتلگاهه
 نه خالدی قالدی اول صدپاره پیکر
 حسینیم وای سسی آفاقه دوشدی
 حسینون خیمه‌گاهی اودلاناندا
 گلوبدور ضجه کلّ ماسوادن

ترابه لنگر عالم دوشنده
 یاغوردی قان یره اول دم سمدان
 چیخاندا عترتی خیمه‌سرادن
 دایاندی عرشه ناله کربلادن
 دولاندا خیمیه افواج لشگر
 حسینیم وای سسی آفاقه دوشدی
 بو دنیانون جلال و جاه و مالی
 ائدوب دیوانه شمر دون و پستی
 اگرچه دوتمشیدی گوزلرین قان
 یارالی شاهی گوردی چوخ تَلَسدی
 الینده خنجر بیدادی اسدی
 باشین مظلوم امامین تشنه کسدی
 گوروب زینب او حالی زار و مضطر
 حسینیم وای سسی آفاقه دوشدی
 ائله ظلم ایلیوبدور شمر ظالم
 گتیردی شیونه روح‌الامینی

دلیم گلمور دییم ائتدی نه ایذا
 قویوب باشسیز او ملعون شاه دینی
 ائدوب محزون امیرالمؤمنینی
 او شوم آغلالتدی ختم المرسلینی
 گتیردی لرزیه افلاکی یکسر
 حسینیم وای سسی آفاقه دوشدی
 چالیندی طبل شادی کربلاده
 سرور دل تاپوب آل امیه
 گئجه شام غریبان چیخدی آرام
 گلوبدور مقتله دلخون رقیه
 دئدی بابا منه سس وئر او باشسیز
 بوغازدان بيله سس گلدی ایلیه
 گورنده پیکر عریانی بی سر
 حسینیم وای سسی آفاقه دوشدی
 اجل گلسه گئدرسن سنده «ناصح»
 قالار سندن اثر دنیاده نامون

بونا فخر ایله وار عاشق لر ایچره
 غلام سیّد بطحا مقامون
 اوزی دوز ' نوحووه گر ویرسا زهرا
 اولار معلومیدور شیرین کلامون
 نقدری واردی بو دنیا دیرلر
 حسینیم وای سسی آفاقه دوشدی



در محفل عاشقان فرزانه و مست
 می‌گشت سبوی کربلا دست به دست
 ناگاه ز خیل ناکسان دستی پست
 هفتاد و دو پیمانه به یک سنگ شکست
 «مردانی»

«نوحه زنجیر زنی - جوشی سینه زنی»

کربلا ده بیر امام بی پناه ئولدوردولر
ازدحام ایلوب رعیت پادشاه ئولدوردولر

با وجود این اولور عین خلاف رسم و راه
ایلسه هر بیر رعیت بی سبب عصیان شاه
کربلا ده شاه دین حقینده قوم روسیاه
گوزلموب بیر ذرّه ای آئین و راه ئولدوردولر
امر شه واجبدی خلقه حرمت سلطان حرام
یعنی لازیمدور رعیت شاهه قیلسون احترام
واردی بیر شهدن سراغیم کربلا ده اهل شام
بیکس و بی احترام و بی گناه ئولدوردولر
بیر امامی که اونون جدیدی ختم الانبیا
زهره ی زهرا آناسی حضرت خیرالنسا
بیر بئله مولانی مین ظلمیله مسلوب الردا
کربلا دشتینده قوم دین تباہ ئولدوردولر

شیعیه واضحدی بو کیم فاطمه مهریدی آب
 بس نچون اولدی عطشدن تشنه کام اوغلی کباب
 یاره لی خشکیده لب ایستی هوا گرم آفتاب
 قوملار اوستونده سوسوز صد آه آه ئولدوردولر
 دوشدی چون آتدان یره صدپاره شاه کربلا
 تپراقا قویدی یوزون عرض ائتدی ای بارخدا
 بو حسین بو کربلا بو ذلت اهل جفا
 اول اوزون بو حالیمه یارب گواه ئولدوردولر
 ظهر اولوب گوردی سو یوخ آلقانیله آلدی وضو
 قویدی باشین سجديه ذکر ائتدی حمدین موبه مو
 اوستونه اولدی او حالتده هجوم آور عدو
 ساجد مسجود درگاه اله ئولدوردولر

«شاه بیت»

سنه یا حسین یوزومدن آچیلان نقابیم آغلار
 باشیم اوسته ذره ذره دوشن آفتابیم آغلار

«رجز - جوشی»

سو کیمین آخار قانی آز قالور چیخا جانی
یوزمین اهرمن آلدی دوره ی سلیمانی

چگینه عبا سالمیش شاه سرمدی قاندان
اگینه گیوب جامه شالدی تیرمه دی قاندان
آلتینا سالوب مسند فرش مسندی قاندان
دوره سینده گلدانلار گل محمدی قاندان
قانیلن وئروب تشکیل تاج تخت سلطانی
کربلا خلیلینده وار خلیلون آثاری
هارددا اول خلیلون وار بیلہ نحو گلزاری
سینه ده وئروب تشکیل منظر چمنزاری
دوره اوخ شجر دورت مین نهرلر اولور جاری
گل آچوبدی رنگارنگ گلشن و گلستانی

بذل و بخشه دورت یاندان گوز تیکوبدی جمعیت
 جایزه آپارسونلار گنج شاهیدن قسمت
 بارگاهینه گئتسون بیر نفرده یوخ جرئت
 شمر دون گوز آلتیندان چوخ باخور وئور دقت
 بیر عمامه‌ی شاهه بیر عبایه پنهانی
 مضطرا نتیجیلن ائت کلاموی خاتم
 دورت طرف گدا دورمش اورتادا قالب حاتم
 بعضیسی لباس ایستر بعضی ایستیور خاتم
 ساربان نه ایستر گور نفسینه اونون ماتم
 ارزیابی یکسالی مالیات ایرانی
 گوندوز اوغریسی چو خدور طول تاپانماسون مطلب
 کیمدی حرمله خولی کیمدی شمر لامذهب
 ساربانیلن بجدل سارقان وقت شب
 گوزلمورله جان وئرسون تا برادر زینب
 خلوتی گئجه وقتی باشلاسونلا یغمانی

یوخ نفس بیر بیلمز ساغدی یا ئولوب سلطان
 غیر از اینکه نظاره گیندن ایلور عدوان
 سعدون اوغلی بیر عده لشگره وئروب فرمان
 خیمه گاه سلطانی ایلسونله تئز تالان
 شمر قویدی اجرایه ناگهان بو فرمانی
 یوز قویوب گلور لشگر خیمه شتایلن
 گوردی گلمگین شمرون زینب اضطرایلن
 خیمه دن قاچوب تلّه دیده ی پُراییلن
 ذکری هارداسان قارداش هاردا بو خطابیلن
 آز قالور ائده ویران کائنات امکانی
 شدّت مصیبتدن قویدی اللرین باشه
 قاتدی قلبینون قانین گوزدن آخدیقی یاشه
 دوتدی یوز بو نوعیلن عرض قیلدی قارداشه
 یاحسین یتوب عمرون شمر الینده گر باشه
 سن امامسن قارداش بس علامتی هانی

زینبون صداسیندن پادشاه دلخسته
 آچدی گوزلرین بیر سؤز کشف قیلدی آهسته
 باجی حق برحقدن هر بلایه صبر ایسته
 گلدیم آغلاما گلدیم یانوه سینم اوسته
 ئولمیوبدی قارداشون ئولمیوب باجیم جانی



می از خم عشق در سبو کرد حسین
 مستانه ز خون سر وضو کرد حسین
 چون سرو بلند گاه دست افشانی
 بی سر به حضور دوست رو کرد حسین
 «ده بزرگی»

«نوحه سینه زنی - جوشی زنجیر زنی»^۱

زینب یتیشوب چون او شه بی کفن اوسته
سالدی اوزونی آهیله باشسیز بدن اوسته

قارداشینی آختاردی تاپوب گلدی فغانه
گورجک اورگی دوندی او احوالیه قانه
اولموش بدنی نیزه و تیریله نشانه
قلبی دوتوب اود یاندی اوسولموش چمن اوسته
گوردی پوزولوب یاسمنی صحن چمنده
گل تک داغیلوب پیکری گلزار محنده
عرض ائتدی انا بوسه گهی یوخ بو بدنده
بسکه توکولوب نیزه و خنجر بدن اوسته
زینب باشینا چاره حسین نیلیه سن سیز
نیلر چمنی بلبل شوریده سمن سیز
جسمون پوزولوب یرده قالوب نعشی کفن سیز
آشدی باشینی یولدی ساچین بی کفن اوسته

چوخ سعی ائلدی تاپمادی اوز دردینه چاره
 اگلشدی یره نعشینی بیر گوتدی دوباره
 بیر بیر چیخادوب اوخلارینی آتدی کناره
 گوردی دگوب اوخ یارهسی اوّل دگن اوسته
 پروانه کیمی جسمینه اول زینب مضطر
 گاهی دولانوب با دل غم دیدهی پر تر
 سالمیش اوزی اوسته او شهی شمر ستمگر
 گورجک دوتوب اود قلبی شه ممتحن اوسته
 زینب بو غم اوسته چوخ اولوب قلبی شکسته
 قول سالدی غمیله چووروب آرخاسی اوسته
 گوردی دگوب اوخ سینه سینه دسته به دسته
 بیر بزم عزا قوردی او بزم محن اوسته
 وئرمیشدی او گون پیرهن کهنه گئدنده
 گوردی چیخادوبلار اونی قویموبلا بدنده
 عرض ائتدی ایا قالمادی طاقت داخی منده
 باخدی نه ستملر یتیشوب پیرهن اوسته

عرض ائتدی حسین جسمیوه زینب اولا قربان
 نعشون داغیلوب چوللره چون آیهی قرآن
 محالیدی سندن صورا زینبده قالا جان
 گتتدی باجووین طاقتی بو ظلم تن اوسته
 نه حالیه گوردی بدنین گلدی نوايه
 قرآن کیمی جلدی داغیلوب آیه به آیه
 بیر شئی تاپا بولموب سالا تا نعشینه سایه
 بلبل تک ائدوب ناله گل یاسمن اوسته
 قارداش نه بدندور بو قدر یارهسی چو خودور
 باشندان ایاقا تیغ و سنان خنجر و او خودور
 بیر بوسه گهون گل بدنونده یری یو خودور
 گل تک داغیلوب هر یره دشت دمن اوسته
 نوری بو حسین فاطمیه نور دو عین دور
 طاهایه اولان قوّت دل نام حسین دور
 یاز اشگیله نوحه بو حسین کشتی دیندور
 وور چنگ یتیش ساحله بحر فتن اوسته

«جوشی سینه زنی و زنجیر زنی»

دور یاتما بئله قان ایچره اویان
ای گل بدنی خندان یارالی
بیکس باجووین سس وئر سسینه
زینب سسیوه قربان یارالی

قارداش بیر اویان اولموش نجه گور
ظلمیله اسیر اشاره باجون
دوشموش ائله بیر درده یارالی
تاپمور اوزونه بیر چاره باجون
ناچار گورور کوچ ائتملیدور
گلمیش سنیه دیداره باجون
دور سال یولا بو رنجور غمی
بو دردیمه قیل درمان یارالی

دور و بریمی دشمن لر آلوب
 داده یتیشن یوخ بیرجه نفر
 ازبس اورگیم قانیله دولوب
 غربال گوزوم خون دل آلر
 ای میر حرم قلبیم دوتولوب
 گوگلوم آچیلار دل لنسن اگر
 دلن دلوون قربانی باجون
 ای قانه باتان عطشان یارالی
 باخمازلا منیم قارداشیم ئولوب
 قالموبدی داخی سینمده توان
 صبریم کسیلوب ایلوبدی حسین
 قارداش ئولومی بو باغریمی قان
 شوريله سنه من آغلاما قان
 بو فرقه ی کین وئرمزله امان
 حسرتله دولوب بو اودلی دلیم
 درده گلورم هر آن یارالی

قول باغلی چکور شاماته طرف

بیکیس باجوی اشرار زمن

نه بیر سسیمه وار سس وئره نیم

نه بیر کمکیم نه داده یتن

بیر کیمسه دئمز شاماته نهجه

قول باغلی گئدر قارداشی ئولن

جبراً آیروور سندن باجوی

بو طایفه ی عدوان یارالی

چوخ تنگیدی بو دنیا گوزومه

سندن صورا غم هم خانه سیم

گوزیاشی توکوب دلدن یانورام

شمع المین پروانه سیم

شاهددی خدا بولم ئوزومی

عالمده حسین دیوانه سیم

بوینومدا گرک زنجیریم اولا

آرامگهیم زندان یارالی

گر وئرسه امان بو شمر و سنان
 بیر عمر حسین بوردا قالارام
 بو قتلگهی مسکن ائدرم
 دلدن یارالی دردون آلارام
 گوزدن توکرم اشگ تریمی
 بو یاره لره مرهم سالارام
 بلکه ساغالا جسمونده اولان
 سانسیز یارالار عریان یارالی
 قارداش باخورام بو گل بدنه
 شام اهلی ویروب ازبس یارا چوخ
 زخمیله دولوب باشند ایاقا
 بو پیکریوون بیر صاف یری یوخ
 خنجر دوزولوب خنجر یرینه
 ظلمیله دگوب اوخ اوستونه اوخ
 ازبس ویرولوب نیزه یاراسی
 بو جسمون اولوب شان شان یارالی

ای کوی وفا قربانی حسین
هرکس باخا بو زیبا بدنه
واردور یری گر تشبیه ائلسه
گل پیکروی عالی چمنه
افسوس اول اوخشور گل یارالار
هر تک تکی سولموش یاسمنه
باخدوقجا باجون بو حالتوه
بلبل تک اولور نالان یارالی
بو پیکروین گلزاری حسین
واقعده عجب رنگین گل آچوب
ترتیبیله بو اوخلار دوزولوب
گویا دییه سن باش سنبل آچوب
جسمونده اولان سانسیز یارالار
هر تک تکی بیر نوعی دل آچوب
غم گلشنوین شرحین هره سی
بیر طرزی ائدر اعلان یارالی

تا واردی جهان قارداش نه بئله
 با ذوق و صفا بیر گلشن اولی
 نه بیر نفرین عالمده دوشر
 بیر ییله گوزل گلزاره یولی
 وار هاردا بئله بیر گلشن اولا
 بو نکهت و بو عطریله دولی
 بو بادهی غم عطریله دولوب
 ای پادشه خوبان یارالی
 دولدورموش ائله بو دشت غمی
 خوش عطریله بو صد پاره بدن
 بیر گلشن اولوب بو قتلگهون
 رشگ ایلر اونا گلزار عدن
 هر کیمسه گوره بو نکهتیله
 بو گلشنوی ای شاه زمن
 مشگلدی دوشه بیرده باشینا
 شوق چمن رضوان یارالی

من بلبل بی بالم یارالی
 بوگلشن آرا خوشدور دولانام
 کامیمجه ائدم شور اوسته نوا
 دلدن شرر عشقیله یانام
 بیر مدّت اولام همدم گلومه
 گل سایه سینه بیر دالالانام
 تا آئینه ی دلدن سیلینه
 بو زنگ غم سوزان یارالی
 بیر نوحه گر شاهنشه دین
 پاکیزه جوان اوز آدی غلام
 بو نوحه لرین بانی سی اولوب
 تاینکه تاپوب بو رشته نظام
 تائب یوزومه گوزیاشی توکوب
 بو طرز یازوب دلسوز کلام
 ایسته گله لر جمعاً او گوزل
 قبره بو گلن قربان یارالی

«زینب محزون»

دید چون زینب به دشت کربلا یاور ندارد
جسم شاه دین به خاک افتاده اما سر ندارد
سوی گلزار نبوت چون نظر بنمود دیدی
لاله زار فاطمه غیر از گل پرپر ندارد
اشک حسرت ریخت از چشمان به زاری گفت یارب
محرمی زینب به غیر از عابد مضطر ندارد
خواست تا دست برادر بوسد از روی محبت
دید شاه کربلا انگشت و انگشتی ندارد
حنجر ببریده اش را بوسه داد و گفت شاها
زینب محزون چه سازد چاره‌ی دیگری ندارد
از مدینه کامدم عباس و اکبر بود و اصغر
با که زینب گوید اکنون اکبر و اصغر ندارد
می‌کشد این غم مرا کین جسم صدچاک برادر
کهنه پیراهن که بودش حالیا در بر ندارد

«ناظم» از این غم نماید روز و شب افغان و زاری
زینب ماتم کشیده چون دگر یاور ندارد



تا قلم لب بر مرکب می زند
بوسه بر جاپای زینب می زند
کربلا می مرد اگر زینب نبود
شیعه می پژمرد اگر زینب نبود



«شاه بیت»

نَقدَر بو جاندا جان وار دوتاروق عزا حسینه
تو کروک سرشگ گوزدن ائدروک نوا حسینه
«کاتب»



گئدورم دیار شامه شه مهربان حسینیم
یولا دوشدی کاروانیم سؤله بیر اذان حسینیم
«ناصح»

**زبان حال حضرت زینب
به لشکریان ابن سعد ملعون**

مگر نه واقعه برپادی ای مسلمانان
 بو قدر شورش و غوغادی ای مسلمانان
 یغیلموسوز هامی بیر بینوا غریب اوسته
 نه ظلمدور نه تماشادی ای مسلمانان
 مگر بو لشکر آراسیندا بیر مسلمان یوخ
 دثسون نه رسم و مداوادی ای مسلمانان
 بدن یارالی جگر تشنه حال غشوده دور
 غریب و بی کس و تنهادی ای مسلمانان
 مگر دگل بو حسین حجت خدای عظیم
 ولی درگه یکتادی ای مسلمانان
 مگر دگل بو حسین نور چشم پیغمبر
 بونا نه ظلم هویدادی ای مسلمانان
 حیا ائدون اوتانون روز حشری یاده سالون
 بودور که شافع عقبادی ای مسلمانان

قویون بو حالتیلن ال چکون یاخاسیندن
 خدا بو لشگره بینادی ای مسلمانلار
 اماندی رحم ائلیون سینه سی فشاریده دی
 نه حالی وار نه توانادی ای مسلمانلار
 کنار اولون چکیلون یول وئرون نظاره ائدوم
 گوروم نه حال غم افزادی ای مسلمانلار
 چتین دگل سیزه ئولدورمگی ندور عجله
 مگر بجز بو تمنادی ای مسلمانلار
 شکسته سینه خدا علمینون خزینه سیدور
 دوشون گوروم بو نه بلوادی ای مسلمانلار
 قویون گوروم ائلیوب غش یا که قان آپاروب
 و یا که حالت رؤیادی ای مسلمانلار
 ائووز خراب، نبی دودمانینی یخیسوز
 بودور که مظهر طاهادی ای مسلمانلار
 باشا دوشون که قلج چکمسوز خدا یوزونه
 گورون که زلزله پیدادی ای مسلمانلار

زمین تزلزل اندر گوگلر آز قالور یخولا
 ستون گنبد خضرداری ای مسلمانلار
 حسین یخیلسا یقین عرش کبریا یخلور
 بو زیب عرش معلّادی ای مسلمانلار
 یانیندادور باباسی مصطفی آتاسی علی
 باخون مگر هامی اعمادی ای مسلمانلار
 گوگل تلاطم اندر بیر قویون گوروم یوزونی
 دلیم فغانه مہیّادی ای مسلمانلار
 دیوب بو سؤزلری چون بنت حیدر کّرار
 جواب وئردیلر اول فرقه‌ی جفاکردار
 گلوب تکلمه شمر شریر کینه شعار
 خطاب ایلدی کفّاره اول خطا کردار
 نه دورموسوز باخوسوز ای گروه کینه اساس
 ایشین تمام ائلیون شمرا یچون عطا گونیدور
 تأمل ایلمیون تئز کسون سوسوز باشینی
 تغافل ایلمیون ایش کئچر سخا گونیدور

«ناله از دل»^۱

آن دم بریدم من از حسین دل
کآمد به مقتل شمر سیه دل

او می‌دوید و من می‌دویدم
او سوی مقتل من سوی قاتل

او می‌کشید و من می‌کشیدم
او خنجر از کین من ناله از دل

او می‌نشست و من می‌نشستم
او روی سینه من در مقابل

او می‌برید و من می‌بریدم
او از حسین سر من از حسین دل

«تک‌بیتی»

هست از درهای جنت یک درش باب‌الحسین
فاش می‌گویم کلید قُفل آن در زینب است

«جوشی زنجیر زنی و سینه زنی»

ای نعشی قالان عریان بی غسل و کفن قارداش
وردیم اولاجاق هرآن اللرده ئولن قارداش
اللرده ئولن قارداش

که بو بدنی گوردوم آغوش پیمبرده
که سینه‌ی زهراده یا سینه‌ی حیدرده
ایندی گورورم باش‌سبز السبز قوری یرلرده
ئولمز نجه تاب ایلر بو ظلمی گورن قارداش
جدّوندن ائشیتیمشدیم ال ظلمه قویار دشمن
بو گل بدنون قانه آخرده بویار دشمن
فکر ایلیه بیلیمزدیم نعشونده سویار دشمن
چوخ رذل و دنی طبع دور بو ظلمی ائدن قارداش
بار غمیلن قدّون اگمیشدون آنام اوغلی
دشمنلرون رأیین بولمیشدون آنام اوغلی
بیر پیرهن کهنه گیمیشدون آنام اوغلی
قریموب اونودا قالسون اشرار زمن قارداش

شرعاً شهدانون اوز رختین کفن ایلرلر
 دین اوسته آخان قانین غسل بدن ایلرلر
 بو کوفه لیلر شرعین عکسین ندن ایلرلر
 محتاج دگول قبره آیا بو بدن قارداش
 قارداش اورگیم غمدن اود دوتدی آلولاندی
 هانسی باجی قارداشین گوردی بئله عریانندی
 بیر باجیه بو محنت قارداش مگر آساندی
 مین محنته بیر خواهر دؤزمز مگه من قارداش
 گوردوم یارالی جسمون گلدی اورگیم درده
 یخدی ائویمی دشمن آخرده یامان یرده
 بیر مقنعه یا معجر یوخدور ائلیم پرده
 تا قویمیا گون دوشسون بو گل بدئن قارداش
 قارداش منی بو چولده نار غمه داغلارلار
 بی صاحب اولوب قیزلار وحشت اندوب آغلارلار
 زنجیر یله بیمارین قوللارینی باغلارلار
 بیچاره باجون هاردا گورموشدی رسن قارداش

درددن اولوب اقبالی بو دهرده بی چاره
 زینب ائده جاق چاره گر باخسا بو گفتاره
 گر اینجیمسه «کاتب» محتاجدی تکراره
 یاز باشداکی سربیتی اللرده ئولن قارداش



هر دردیدن آرتوق بو نسگل منی یاندیردی
 سعد اوغلونا یالواردیم ساکت دایانوب دوردی
 بومردم بی غیرت هئچ مندن اوتانموردی
 دوردوم الی قوینوندا من باخدیم اولار ویردی



حروف ابجدی اوسته یازیلیمیش نه گوزل تنوین
 دوشوبدور یر به یر زیر و زبر نیزه ائدوب تضمین
 قویوب اوچ شعبه اوخ تشدید خنجرلر چکوب مدّین
 حروفات اوسته نقطه نوک پیکاندور آنام اوغلی
 «حسینی»

«زبان حال حضرت زینب علیها السلام در قتلگاه»

دستمazon قزلقاندی قارداش
 زینبون قلبی شان شاندی قارداش
 یاره لر سینون اوسته گل آچمیش
 هر ییری بیر گلستاندی قارداش
 دستمazon قزلقاندی قارداش

قلبینی اوخ بؤلن قارداشیم وای
 حق یولوندا ئولن قارداشیم وای
 نعشی عریان قالان قوملار اوسته
 تشنه لب جان وئرن قارداشیم وای
 دستمazon قزلقاندی قارداش
 زینبون حالوه قانیاش آغلار
 ذبح اولان باشووه داغ داش آغلار
 قلبووه اوخ ویران ال شل اولسون
 باشون اوسته آنام قارداش آغلار
 دستمazon قزلقاندی قارداش

گلمیشم گوزلرون باغلیام من
 غصّه لی سینه می داغلیام من
 قویمیولار منی نعشون اوسته
 بیر دیونجا سنه آغلیام من
 دستمازون قزلقاندی قارداش
 یوخ باشون بوس ائدم لبلروندن
 قوی اوپوم یاره لی حنجروندن
 نعشووی دوندیریم آر خون اوسته
 اوخلاری من چکوم پیکروندن
 دستمازون قزلقاندی قارداش
 قلبیمی غم سالوبدور فشاره
 اولموشام گور نجه بختی قاره
 بو غمه آغلارام من ئولونجه
 جسمون اولموش سنون پاره پاره
 دستمازون قزلقاندی قارداش

قلبیمی غصه لر غم لر آلدی
 گلشن آل عصمت سارالدی
 خیمه دن قتلگاهه گلینجه
 زینبون یولدا قارداش قوجالدی
 دستمازون قزلقاندی قارداش
 سینوی اوچ بؤلوب تیر و پیکان
 قتلگاهون ائدوبدور قزل قان
 ای آنام فاطمه نون نشانی
 آچ گوزون یاتما قارداش حسینجان
 دستمازون قزلقاندی قارداش

«شاه بیت»

ای قتیل خنجر دست اشقیا حسین
 نحر اولان بوغازووه زینبون فدا حسین

«رجز»

زبان حال عاشقان و خونین کفنان
حضرت اباعبدالله الحسین

اولمادیم من کربلا ده باشیله جانان کئچم
اولمادیم من کربلا ده اگنیمه خلعت بیچم
اولمادیم شهد شهادت کربلا ده من ایچم
سن وئروبسن کربلا ده باشوی عطشان حسین
منده یازام باشیمی جانیم سنه قربان حسین
زینب کبری خانیمدان من بو درسی آلموشام
روز عاشورا گینه مجلسده غوغا سالموشام
چوخلاری باشین یاریبدور یاحسین من قالموشام
بو باشیمدا قنین قاندا سنوندور یاحسین
باش ندور جسمیمده کی جاندا سنوندور یاحسین

باشینی زینب یاریب اول نی ده کی باش عشقینه
عالم معناده حیران قالدی نقاش عشقینه
دقت ایله زاهدا بو باجی قارداش عشقینه
نیزه باشینده حسینیه بیر عجوزه ووردی داش
یا حسین سسلندی محملده خانیمدا یاردی باش
کوفه اهلی نه جنایتدن نه ظلمیندن دویوب
بی وفادور اهل کوفه جامه ی غیرت سویوب
زینب باش یارماقی عالمیری حیران قویوب
یارماسیدیم باشیمی نقصان یتردی عشقیمه
اهل بیت من علمدارم حسین جان غم یمه
من بو کوفه اهلینون قلبین دایاندرام حسین
نطقمیلن یوخلیانلاری اویاندرام حسین
بو آغارمیش زلفی قانیمله بویاندرام حسین
زینبون عهد ایلیوب باشدا یارا قبره گئده
باش یارانلاره کیمین وار جرأتی ایراد ائده

احوال و مصائب حضرت اباعبدالله الحسین در یوم عاشورا، در زمین پر بلای کرب و بلا

یا فاطمه اورکلر اولوب قان حسینووہ
 گور شیعہ لر ائدور نجہ افغان حسینووہ
 دائم بو دیدہ لر بالووا اشکریزیدور
 بی قدریدی گر اولماسا گریان حسینووہ
 گوزیاشینون نہ ارزشی وار ییلمز اوزگہ لر
 سنسن ییلن اولور نجہ ارزان حسینووہ
 توک شیشووہ خانم سن اوزون ساخلا محشرہ
 شاید بیزی باغیشلادی رحمان حسینووہ
 بیر دلبرہ وئروبدی ہرہ دل بو دہریدہ
 دل باغلیوبدی ملت ایران حسینووہ
 علت اودور محرم اولاندا قرا گیوب
 غمدن ائدرلہ چاک گریبان حسینووہ

عاشق دگل کول اولمیان عشقون شرارینه
 عاشق او کیمسه دور اولا بریان حسینووه
 بیز یاد ائدنده محنتینی سینه داغلاروق
 چون عاشقوک او خسرو خوبان حسینووه
 مهمانوزم امام زمانم بالون دئدی
 اما ائدوبله جور فراوان حسینووه
 پیغمبر اوغلیام دئدی حرمت اولونمادی
 سو یوللاریندا باغلادی عدوان حسینووه
 اوچگون سوسوز قالوبلا او چولده اوشاق بویوک
 شام اهلی ائتدی حرمت شایان حسینووه
 عصرون امامینه نجه گور اولدولار مطیع
 چوخ ظلمیلر ائدوبدوله دونان حسینووه
 بیر بیر جوانلارین بالوین ائتدیلر شهید
 هر تک تکی اولوبدولا قربان حسینووه
 گوردون که حلق اصغره اوخ دگدی نیلیدی
 بیر باخدی گولدی غنچهی خندان حسینووه

دل آچما میشدی گوزله خدا حافظ ایلدی
 جان بخش اولوبدی زینت رضوان حسینووه
 باخدی قدری اصغرینه قلبی دویمادی
 اولموشدی دهر، گوشه‌ی زندان حسینووه
 جان تک باساندا باغرینا سسلندی جان بالا
 مَهْمُور اولوندی عهدیله پیمان حسینووه
 آز قالدی منده قانه باتام آی گوزل بالا
 بیر عاشقانه بوسه ائت احسان حسینووه
 قویدی یانان دوداقین او دم قانلی لبلره
 بیلیم نه یوز وئروبدی او بحران حسینووه
 عمامه سین رسول خدا گوتدی آغلادی
 مولا علیده آغلادی خندان حسینووه
 شمشیر یله قازوبدی مزارین او غنچه‌نین
 ال دوتمادی او چولده مسلمان حسینووه
 تا گوردی فدیسه‌سی قوتاروب بذل یار ائده
 یا ربّی سسلدی ندی فرمان حسینووه

آهسته فضیه دئدی وئر کهنه کوینگی
 زینب گلینجه زار و پریشان حسینووہ
 یا فاطمہ اورک آلیشوب یاندی بو غمہ
 ایوییلر قالوبدولا حیران حسینووہ
 هر بیر یارالی نون که گئدردی سراغینه
 افغان ائدردی عرصه ی میدان حسینووہ
 صبر ایله سسلنردی خیامه گلن زمان
 غملر شریکی زینب نالان حسینووہ
 صبر ایله سؤیلین اوزی اما دؤزنمدی
 گوردی چاتوبدی نوبت هجران حسینووہ
 بیر یول دئدی بو آیریلیقا من نجه دؤزوم
 یا فاطمہ اوزون یتور الآن حسینووہ
 بیر آه چکدی اوپدی بوغازیندن آغلادی
 همدرد اولوبدی انجم و کیوان حسینووہ
 وار گلمگون دئدی گینه ده منتظر قالوم
 بو بیر سؤز اولدی آتش سوزان حسینووہ

صبر ایله سؤیلدی باجی منده گرک گئدم
 گودال انتظاریدی چوخدان حسینووه
 یوزمین قوشون که بوردا دوروب مندن اوتری دور
 وئرمز امان بو فرقه‌ی نادان حسینووه
 ترجیح وئرمیشم ئولومی من بو ذلّته
 کافیدی قالسا عزّت قرآن حسینووه
 تا باتماسام قیزیل قانیم راحت اولمارام
 عاشقدی بوردا خنجر بزان حسینووه
 پیکانی پیک یار بیلر قارداشون باجی
 منتدی جانه ویرسالا پیکان حسینووه
 گوسترم حرمله گوزونه قلبیمون باشین
 اوچ شعبه‌لی بیر اوخ آتا پزان حسینووه
 تپراقون اوسته یوز قویارام قتلگاهیده
 شاملدی چونکه رحمت سبحان حسینووه
 عصرون زمانی مقتلینه دوشدی یاره‌لی
 ناظر اوزیدی حضرت منان حسینووه

احوالینه یارالاریدا آغلیوردی قان
 گوگ اهلی ناله ائتدیله عطشان حسینووه
 احساس سایه ائتدی او دم آچدی گوزلرین
 جبریل او حالدا اولدی نمایان حسینووه
 آچمیشدی شهرین گوگون اوسته بو نیته
 گون ایستی سین مباد ائده تابان حسینووه
 سسلندی جبرئیل قانادون حایل ایلمه
 خوشدور نقدری گون شاخا شان شان حسینووه
 من یاره لنمیشم یارا خاطر یخیلمیشام
 آرتدوقجا یاره لر یتیشور جان حسینووه
 من زنده قالمارام بیلورم گونده شاخماسا
 ئولم دوباره جان اولی ارزان حسینووه
 ربیم که وئردی جان منه جاوید اولار جانیم
 بو لطفی ایلیز بلی جانان حسینووه
 دور بیر کناریده گون ائوینده یانوم سوسوز
 یاره ئیله یار عشقیدی میزان حسینووه

سن پۇزما زىنبىم پوزاجاق بوردا حالىمى
 دۇزمز باخاندا قانينه غلطان حسينووه
 قان ايچره گورسه جان وئرورم سسلر آي ننه
 گل سنده اول بو بزميده گريان حسينووه
 ظلميله گللىرىن بو قوشون پرپر ايلدى
 نه گل قالب آنا نه گلستان حسينووه
 تا غنچه سینه قيرديلا گللىر قوتار جاقين
 اولموش بير عده ايندى نواخوان حسينووه
 بير حالدا گتدى اللرى اوستونده اصغرین
 سسلنديم اوندا يوز فقره جان حسينووه
 ايندى همان حسيندى چالور قاندا ال اياق
 گل سنده ال يتور ال اوزى قان حسينووه
 هئچ بيلمورم کشاکش ائديم شمر دونيلن
 يا سینه داغليوم شه دوران حسينووه
 قارداشیمی ویرورلا آنا من باخا باخا
 بی دینیلر ائدوبدوله طغیان حسينووه

جوشه گلوبدی قان داماریمدا دؤز نمورم
 یوخ بیر کمک بو ورطه‌ی طوفان حسینووه
 ای کاش ساغ اولیدی ابوالفضل باوفا
 تا ال دوتیدی ضیغم شجعان حسینووه
 اما گورورله یوخ کمکی هر گلن ویرور
 شاباش ائدورله نیزه قلجدان حسینووه
 یالواردیم هرچه شمره دئدیم وئر امان بیر آز
 آرتیردی ظلمینی او جفا کان حسینووه
 قویمادی دوندرم یوزونی قبله سمتینه
 فرصت اقلی وئرمدی بیر آن حسینووه
 شمشیرله قفادن آیردی سوسوز باشین
 ماوا اولوندی نیزه‌ی دونان حسینووه
 گلدیم خیامه یاره‌لی قوینومدا اللریم
 گوردوم توکوردی گوزیاشی نسوان حسینووه
 عورت اوشاق قاچوب قاباقا آلدیلار خبر
 آغلاشدی منله غمزده طفلان حسینووه

یا فاطمه اورک باشینی یان دیران بودور
 یان سنده منله شاه شهیدان حسینووه
 درمان ائدردی دردله اما بلا گونی
 بیر درده دوشدی اولمادی درمان حسینووه
 سؤزدور که گلدی فکره قلم یازدی دفتره
 اما بو دردی بیلمروک آسان حسینووه
 حرمت گورن اوتانمادی کسدی الین گئجه
 ائتمیش بو ظلمی مرد شتربان حسینووه
 بوینوندا چون واریدی اونون حق دوز چورک
 بو نوعی دوتدی شام غریبان حسینووه
 چو خدور خانم اگر بالووین جانفدالری
 «ناصرده» فخر ائدور اولا قربان حسینووه
 چوخ آرزو ائدور اولا بیر یولدا قسمتی
 محزون و باغریقان اولا مهمان حسینووه
 تاپشور اونی گلوبدی دلی تنگه هجریدن
 عباسه یا که حجت یزدان حسینووه

آمدن حضرت جبرئیل به صحرای کربلا

دلیل راه وفا جان نثار جاده‌ی عشق
 و ثروب مذاکره بزمینده عالمه سرمشق
 چو نور دیده‌ی زهرا شهنشه حرمین
 شهید لاله رُخ کربلا امام حسین
 قوری یر اوسته جگر داغلی جسمی صدپاره
 آخاردی قان یاراسیندان مثال فواره
 دیردی درد دلین کردگار یکتایه
 نه گوردی باشینون اوسته گوروندی بیر سایه
 سؤال قیلدی که ای قیدیمه قالان کیمسن
 بو گونه سایه باشیم اوستونه سالان کیمسن
 او سایه صاحبی عرض ایلدی که یا مولا
 منم بو گونه سنه نوکر اولماقا اولی
 او کیمسه‌یم که بو عالمده خون دل یمیشم
 گئجه گونوز گلوبن لای لایووی دئیشم

او کیمسہیم کہ اطاعت بٹلینی باغلامیشام
 بو دوغراناں بدنی سینہم اوستہ ساخلا میشام
 کہ ای اولان آدی عرش خدایہ پیرایہ
 او کیمسہیم وئروب اللہ منی سنہ دایہ
 مقرب حرم خالق جلیلم من
 اولیدی کاش گوزوم کور جبرئیل من
 بویوردی حضرت روح الامینہ شاه اُم
 بو سایہ سالماقووا بیل یقین رضا دگلم
 گوتور قنادوی لازم دگل منه سایہ
 رواق عرشیدہ جدیم دوروب تماشایہ
 گوتور قنادوی قوی چشمہ چشمہ قان آخسون
 آتام یارالاریما ساق عرشیدن باخسون



محبوبیمون منیلہ محبت بناسی وار
 معلوم اولور شفقت و مهر و وفاسی وار

معشوقیدن گرک یتشه عاشقه بلا
 عاشق دگل او کیمسه بلادن هراسی وار
 هر نه بلا گله ائدرم جانيله قبول
 البته بو بلالرينون مدعاسی وار
 جانان يولوندا هر يارا بير گلدی عاشقه
 گلزار سينه مون نه عجایب صفاسی وار
 دورت مين يارا دگوب گينه آزدور بو سينه
 مين دفعه جانيله چکرم هر جفاسی وار
 قيل بيرجه قتلگاه تماشاسی جبرئيل
 باخ گور حسين تشنه لبون نه اساسی وار
 قربانگه خليل آپاروب بير فدا اگر
 اما حسينه باخ نجه يتميش فداسی وار
 عباس نامداریمی قربان کسوبدولر
 قولسوز دوشوبدی قانه بويانميش لواسی وار
 طوی دوتموشام بو دشتیده شهزاده قاسمه
 ياخميش اليه قانيله الوان حناسی وار

صدپاره دوغرانبودی علی اکبریم سوسوز
 تپراقلار اوستی نعشی دوشوب چوخ یاراسی وار
 من قوی یانوم بو گون قباقیندا کباب تک
 سال اکبر اوسته کولگه اوغولسوز آناسی وار
 بیلیم سبب ندور منی گوزدن آتوب آنام
 میدانه زینبیم گله بیلمز حیاسی وار
 دورما اوزون یتور نجفه سؤیله یاعلی
 اوغلون حسین ئولور سنه چوخ چوخ دعاسی وار
 گل کربلایه باشیمی آل بیر دیز اوستونه
 گورسونلر اهل کوفه علی تک آتاسی وار
 غم گلشنینده «قمری» بی یار و خسته نون
 فریاد واحسینیه شور و نواسی وار

«شاه بیت»

سجده گاه عشقه سالدون قانلی جانمازی قارداش
 نه بابام قیلوب نه جدیم سن قیلان نمازی قارداش
 «منزوی»

در کیفیت غارت خیام امام علیه السلام

یتوب شهادتہ چون پادشاہ کرب و بلا
 توکولدی زینبون اوستہ نقدری واردی بلا
 احاطہ ایلدی ہر سمتیدن او بی یاری
 غریب ٹولکدہ اولدی بلا گرفتاری
 الی اورکدہ پریشان او مہربان زینب
 حسین بالالارینا یار و پاسبان زینب
 مصیبت آرتدوقجا اود دوتوب اورک یاندی
 بلایہ صبر ائدوب ام المصائب آدلاندی
 آلوبدی خوردا اوشاقلار اونون صاق و وصولونی
 درون خیمہ دہ گوزلوردی قارداشون یولونی
 باخوب نہ گوردی گینہ باشینون بلاسی گلور
 قولاقینہ دیہ سن های و هو صداسی گلور
 قدم کنارہ قویوب اضطرابیلن ناگاہ
 قلجلار الدہ گلور گوردی بیکران سپاہ

گلورله خیمه لر اوسته بلند اولوب غوغا
 دوزولمیش آتلی پیاده قاباقدا شمر دغا
 نه حاليله قولى چمراقلى اللرى قانلى
 الينده شمر دغانون او خنجري قانلى
 توکولدى دسته ئيله قانلى لار خیام اوسته
 مثال مور و ملخ خیمه ی امام اوسته
 ئولوبدى خیمه لرون صاحبی قالبوب خالی
 گورنده قانلى لاری دوندى زینبون حالی
 حسین یتیم لری قورخدی اضطراب ائلدى
 صدای ناله لری زینبی کباب ائلدى
 قاچوبلا آهو کیمی زینبی آرایه آلوب
 سکینه سؤیلدی عمه بابام بس هاردا قالبوب
 چاتوب او ناخوش امامه زبس اورک سیخیلوب
 دئدی بی بون سنه قربان گوز آچ ائویم یخلوب
 توکولدی خیمه لشگر بالا ندور چاره
 ندور علاج بو دردون گله من زاره

دولاندى قتلگه باخدى گوزلى دولدى
 بويوردى عمه قاچون چوللره بابام تولدى
 بلای زینبی ذاکر یازاندا دفترینه
 سالوب خیالینه آغلار همیشه غملرینه



تصویر تمام کربلا زینب بود
 تفسیر پیام کربلا زینب بود
 در عشق و فداکاری و ایمان و وفا
 زهرای قیام کربلا زینب بود
 («مؤید»)

بزودی کتاب جدید ناصح در دسترس شما

علاقمندان قرار خواهد گرفت.

«نوحه - جوشی»

تالاندی هر اساسیم یاندم الله یاندم الله
الولاندی لباسیم یاندم الله یاندم الله

گورورسن مهربان پروردگاریم شاهد اول سن
گورورسن هر عذاب روزگاریم شاهد اول سن
منیم شمر لعینیلن نه کاریم شاهد اول سن
آچوب ظلمه مراسم یاندم الله یاندم الله
آتام یوخ قارداشیم یوخ کیمسه نم یوخ گوزیاشیم وار
اسیرم هم یتیمم هم غریبم اوچ یاشیم وار
ئولوب اکبر ئولوب اصغر بلادن یولداشیم وار
هانی شهزاده قاسم یاندم الله یاندم الله
اگرچه شمر بی پروا ویرار سیلی من زاره
دگر سیلی اولور نیلی یوزوم اولام گونی قاره
جگر قانی گوزوم یاشی آخار اولماز او غداره
مؤثر التماسیم یاندم الله یاندم الله

هامی غم بیر یانا واللّه بو محنت قلبیمی داغلار
 رباب اصغر دییر لایلا دییر اکبر عروس آغلار
 ایاقلاریم یاراسین معجریلن زینبیم باغلار
 گورر بو روی کاسیم یاندیم اللّه یاندیم اللّه
 دین یوخ اهل شام و کوفیه بو ظلم بسدور بس
 من بیچاره نی آز اینجیده چون بیکسم بی کس
 او پر قو رختخوابیم بارالها اولدی خار و خس
 اورکده وار هراسیم یاندیم اللّه یاندیم اللّه
 گوگردوب رویمی سیلی ایاقلاریم قابر اولموش
 جفای قوم عدواندان اورگیم داغدار اولموش
 ایشقلی گون نئدیم بو گوزلریمده لیل تار اولموش
 اولاجاق خوار یاسیم یاندیم اللّه یاندیم اللّه
 کیمیم واردور دییم درد دلیم آخر من محزون
 منیم بو خوردا چاقیمده الف قدیم اولوبدور نون
 منه اکبر یرینه جان دییر سیلی ایله شمر دون
 اونیلان نه تماسیم یاندیم اللّه یاندیم اللّه

سوژی یازدیم قوتار دیم دویمادی اما گوزوم یاشدان
 دمام ناله اوج ایلر فلکدن داغیدن داشدان
 اورکلر اودلانور «معماری» باشلا بو سوژی باشدان
 تالاندی هر اساسیم یاندیم الله یاندیم الله
 «مقدمه»

قطب عالم، سرّ اعظم، شافع عقبا حسین
 فخر خاتم، شأن آدم، سرور بطحا حسین
 روی بازوهای تو لب تشنه اصغر جان سپرد
 غنچه ور شد، پر شجر شد، دشت غم افزا حسین
 باز رو دارند اندر گیتی باقی مانده اند
 جام و ساغر، آب خودسر، خرّم و شیدا حسین
 ساقیا این طشت و ساغر با دل خونین ببر
 نزد سلطان، شاه عطشان، تشنه ی دریا حسین
 ناله ی «معماری» توام با ملال و آرزوست
 فیض عطا کن، باصفا کن، دل کما فیها، حسین

«نوحه زنجیر زنی - جوشی سینه زنی - رجز»

گئجه نون عالمی بیر خردا قیز افغانه گلوب
یوز قویوب قتلگه شام غریبانه گلوب

نصفی یانمیش چادری بختی کیمین گوردی قرا
اوتور و بدور قوری تپراقلارون اوسته اسرا
باجی قارداشینی اوخشار بالاسین اوخشار آنا
باش آچو بدور هره بیر سمتیده افغانه گلوب
بیلدی اوضاعی دگر گوندی اولوب طاقتی طاق
خیمه دن چیخدی او ایستکلی بالا گور نه سیاق
گئجه نون عالمی وحشتلی هوا خردا او شاق
قوّت قلبینه باخ گور نجه میدانه گلوب
جذب ائدو بدور آتا عشقی بالانی سالدی چوله
دیزلری تتردی آز قالدی هراسیندن ئوله
بلبل سینه ی سلطانندی دوشوب عشق گله
جان به کف نازلی بالا محضر سلطانه گلوب

«نوحه زنجیر زنی»

ای باشین کول اوستونه ظلمیلن قویان بالا
آچ او قانلی گوزلرون گلیمیشم او یان بالا

ای حسین فاطمه وی شهید کربلا
ای فدای راه حق وی ذبیح من قفا
ای دوشن بلالره وی شهنشه هدی
ای یارالی نعشینی دشمنان سویان بالا
قویما کوللر اوستونه باشووی یاراسی وار
هانسی شهدی سن کیمی بیر بئله بلاسی وار
قانلی باشون آختاران من کیمین آناسی وار
خولی تک او باشووا واردی میزبان بالا
بو یارالی باشوون قانی چشمه تک آخار
چوخدی محنتون سنون بینوا آنون باخار
خولی بو جفائیلن صبر خانه سین یخار
باشون اوسته فاطمه اولدی باغریقان بالا

سن هارا تنور هارا خصم لړ منازلی
 گلشن پیمبره اَسدی بیر جفا یلی
 قازدی ظلمی ریشه دن قانون آخان سیلی
 وای حسین دییر باجون زینب هر زمان بالا
 کوفه ده باشون سنون کربلا ده پیکرون
 کسدی من باخا باخا ساربانون اللرون
 قانه باتدی اکبرون اللرونده اصغرون
 هر ایکی اوغول وئروب اللرونده جان بالا
 نعشوی قویوبدولار داشلار آلتدا یاره لی
 بوردا گوسترور باشون اوردا کی جفالری
 باغلانوب حرملرون ریسمانه اللری
 کربلا چولون گزر زار و ناتوان بالا
 اود ویرو بلا یاغی لړ یاندی خیمه گاهیلر
 اوز قویوبدی چوللره قاچدی بی پناهیلر
 هر بیرین قُوب دوتوب ویردی روسیاهیلر
 قالمادی او گون اولوب هاموسی تالان بالا

باشووی کسن کیمین شمر دون روسیه
 آلدی سعد بی حیا وئردی فوری خولیه
 گتدی قانلی باشووی بو بلالی کوفیه
 گلمیشم سراغینه الده دوغراناں بالا
 هانسی دردوه باخوم من یارالی آغلیوم
 قاره می آچوم گینه تازه قاره باغلیوم
 قانلی کوینگون هانی وئر همیشه ساخلیوم
 الده محشره گلوم باتماسون بو قان بالا
 یازگیلان بو سؤزلری سن «پاشاپور» هر زمان
 وئر کتابة نشر ائله بو جهاندا رایگان
 قوی تاپوب آلا اونی هر طرفده شیعیان
 تا دلیمجه اوخشیا من تک آغلیان بالا

«شاه بیت زنجیر زنی»

ای بابا جفائیلن سندن آلدیلار منی
 رحمسیز عدولریم آیری سالدیلار منی

«جوشی سینه زنی و زنجیر زنی»

ای کولر اوستونده یاتان عطشان حسینیم

عطشان حسینیم

زهرا یارالی باشووه قربان حسینیم

عطشان حسینیم

دیندیر منی مهمانووم ای دلشکسته

یاٹام سنون بو حالووه من زار و خسته

خولی نیه باشون قویوبدور کولر اوسته

عالم اولار احوالوه گریان حسینیم

عطشان حسینیم

هاردای قالب قارداشلارون قانه باتوبسان

بیر عده بیکس عترتون گوزدن آتوبسان

زهرا آنون قربان قوری یرده یاتوبسان

نعثون قالب افسوس اولایا عریان حسینیم

عطشان حسینیم

ایندی باجون آغلار گلر آه و فغانه
 سالدی گوزوندن زینبی دور زمانه
 دشمن ویروب دور باشینه چوخ تازیانه
 یانمیش چادر دا یاس دوتوب الآن حسینیم
 دین اوسته لازمدی بالا قانه باتیدون
 آیا روادی کوللر اوستونده یاتیدون
 اوغوم گرک سن سینه مون اوسته یاتیدون
 دشمن ائوینده ایلرم افغان حسینیم
 هئچ بیلموسن نازلی بالون هاردا یاتوبدی
 دنیا شیرین دیللی قیزی گوزدن آتوبدی
 دشمن آلوب گوشواره سین کامه چاتوبدی
 رنگین سارالدوبدی اونون هجران حسینیم
 ال باشد زینب خیمه ده گلیمیش فغانه
 اوغلی ثولنلر آغلاشارلار یانه یانه
 یانام دوشنده یادیمه اول نازدانه
 اولسون بو دنیانی گوروم ویران حسینیم

«جوشی سینه زنی و زنجیر زنی»

آچ گوزلرون ای گوزلریم نوری حسینیم
مطبخ سرا گوزدن سالوب طوری حسینیم

من نیلمیشدیم خولیه ای زار و خسته
واردور یری قان آغلاسون بو دلشکسته
قرآن ناطق باشینی قویמוש کول اوسته
حسرتده بو باشون قویوب حوری حسینیم
آلدون رضای حق وئردون امتحانون
لیک یازدی توپراقا آخدوقجا قانون
اود ویردی زهرا قلبینه اوز ساربانون
دنیا یه ثابت ائتدون عاشوری حسینیم
یثربدن آلدیم عطروی امداده گلدیم
قلبنده گوردوم بیر اوخی فریاده گلدیم
عشقوندن اوتری خانه ی صیاده گلدیم
الله وئروب زهرا یه بو شوری حسینیم

گلدی بو چولده هر بلا بو باشه دؤزدون
 آخر وداعده قیزلارون یول اوسته دوزدون
 بو دیندن اوتری سن رقیوندن ال اوزدون
 گوزدن نجه سالدون او رنجوری حسینیم
 بو دیندن اوتری سن حسین کئچدون اوزوندن
 قانلی بو زلفیله کولی سیلم گوزوندن
 قلبیم بیر آز آرام اولار ئوپسم یوزوندن
 آچ گوزلرون دیندیر بو مهجوری حسینیم
 باشندان باشا زلقوم کیمی قانه باتوبسان
 ششماهه اصغر قانینی عرشه آتوبسان
 اکبرله قاسم بس هانی یالقوز یاتوبسان
 بس هاردادور سقا سو مأموری حسینیم
 آتدان دوشن یرده وجودون دوشدی خسته
 جدّونله من اگلشمشیدوخ باشون اوسته
 دشمن ویراردی نیزه داش اوخ دسته دسته
 کاش گورمیدیم نحر منحوری حسینیم

باشون مثلدی آیهی الله نوره
 مطبخ سرانی دوندروب عشقیله طوره
 خولی شقاوتدن اونی قویدی تنوره
 بو امتین واردور نه منظوری حسینیم
 اکبر وئروب خالقندن آلدون امتیازون
 حیرته قویدی عالمی قان دستمازون
 قدوسیانی آغلادوب راز و نیازون
 ای جسمی جنگ افزار مستوری حسینیم
 چو خداندی زایر یو خدی ایرانندان عزیزیم
 «چاکر» لرون چوخ کئچدیلر جانندان عزیزیم
 سیراب ائدورلر یوللاری قانندان عزیزیم
 محو ایلسون الله بو مزدوری حسینیم^۱

«شاه بیت زنجیر زنی»

ای حسین ای آیت رحمان سلام اولسون سنه
 ای وئرن دین اوسته جان عطشان سلام اولسون سنه

خالص حسینچی کیملردیلر، خیمه لرون
اوددا یانماقی، غارت، اسرانون کربلادن گئتمگی

خالص حسینچی، باشندان آتار غیبتین داشین
حق اوسته مین بلایه سالار آغریماز باشین^۱
هر یرده اولسا ریب و ریا تئز چیخوب قاچار
دائم ویرار حسینچیلیگین سینه داشین
خالص حسینچی دلده فقط یاحسین دئمز
اخلاص قلبی، ظاهر ائدر گوزده قانیاشین
یاد ایلیر گورنده گوزی آی هلالینی
شهزاده اکبرون قانا باتمیش قلم قاشین
اوجوندا جانی بزم عزاده دیر خدا
آلسون بو جانی یوخدی سؤزوم آما گوزیاشین
عباس محنتین یادا سالدوقجا، ورد ائدر
معلومیدور سیناندا اوزوک ساخلاما ز قاشین

سسلر آقام رثوفیدی هم مهربانیدی
 تک شمره گوستروب غضب آلوده پرخاشین^۱
 زینب مصیبتی اوخوناندا، باتار غمه
 یاددان چیخاردار هم اوزون هم یار و یولداشین
 آغلار دییر فلک اولا ویران ائوون سنون
 بیر گونده آلدون الدن اونون یدّی قارداشین
 هر یاندا سوگورر گوزی آغلار حسینینه
 نسگیلی سؤزله قلبینی داغلار حسینینه
 سسلر بو گوزلریم سنه گریاندی یاحسین
 گوز یوخ جانیمدا آدوه قرباندی یاحسین
 یانئوق او وقتووه که هامی یار و یارون
 شمشیرهای تیزله دوغراندی یاحسین
 حیرته کائنات قالب صبرووه آقا
 دؤزدون ال اوسته اصغرون اوخلاندی یاحسین

اونداندا سخت تر او زمانیدی گوردولر
 مقتلده پیکرون ال اوزون قاندى یاحسین
 اول وقتیده قولاقووه سس گلدی ناگهان
 قالدون هایاندا بو نجه طوفاندى یاحسین
 گوردون که زینبوندی دیور باشدا اللری
 ظلم آتشيله خیمه لرون یاندى یاحسین
 گل گل یتیش هرایمه قارداش اوشاق بویوک
 قالمیش هامی اود ایچره هراساندى یاحسین
 بیلیمور رقیه اوددا یانا یا چوله قاچا
 هر سمته یوز قویا دولی عدواندى یاحسین
 اوددان قوتاردی آیری اودا سالدی جانینی
 سیادیلر گوروبدوله جیراندی یاحسین
 ناگه ساتاشدی شمره گوزی تیترده دی الی
 بیر یول چاغیردی گل بابا یا مرتضی علی
 دشمن الینده قالموشام آواره قورخورام
 بی چارووه اوزون گل ائله چاره قورخورام

اوچ ایلده نازیلن بویودوبدور آتام عموم
 ایندی فلک سالوب منی اودلاره قورخورام
 اود ویردیلار خیامیمیزه بس بابام هانی
 امداد یوخدی غمزده قیزلاره قورخورام
 سویقونچیلار سالوب بیزی آتلار قباقینه
 غارت اولوندی معجر و گوشواره قورخورام
 اوچ گوندی تشنه یوک قوریوب دل دوداقیمیز
 یوخ رحم ائدن بو عترت اطهاره قورخورام
 بیر خوفناک چهره ایلن الده قمچی سی
 گوردوم بیری آلوب اله گهواره قورخورام
 نامردی که اوخیلا ویرا شیرخواره نی
 توش اولموشام بابا ائله خونخواره قورخورام
 قارداشلاریم بابام عمومی ئولدوروبدولر
 باخدوقجا شمر شوم و ستمکاره قورخورام
 عمه م بویوردی قاچدی چوله باشسیز عترتون
 بیر باخ ایاقلاریمدا اولوب یاره قورخورام

بو چولده هر نفس چكورم قلبیم اینجیور
 چوخ چوخ منیم مدینه میزی گوگولوم ایستیور
 ای کاش گلمیدی بورا کاروانیمیز
 دوشمیدی مین بلایه بیزیم خسته جانیمیز
 ای کاش قوش مثالی اوچیدوخ مدینه
 اوز شهریمیز اولیدی گینه آشیانیمیز
 نه یوز قوییدی اوستوموزه شمر و حرمله
 نه سو کیمین آخیدی بو صحراده قانیمیز
 ظلمون اودیلا یاندی کوله دوندی خیمه میز
 هئچ بیلورم هایان اولاجاقدور مکانیمیز
 بیر گونده باتدی قانه بابام هم کمکلی
 بیر گونده باغلی قالدی بیزیم دودمانیمیز
 قاسم طوئی یاس اولدی بو چولده قلجلانوب
 اکبر کیمین شبیه پیمبر جوانیمیز
 قولسوز یاتوب قان ایچره عموم قلبیمیز آسور
 اولنان گئدوبدی چونکه اورکدن توانیمیز

عباس عموم اولیدی ویرانمزدیلر بیزی
اما گورورله یوخدی او شیر ژیانیمیز
قالسون بو یرده سؤز، گئده گون کوچ وقتینه
تا عرشی یاندیرا اوجالاندا فغانیمیز
زینب یتیشدی قتلگه توکدی گوزیاشین
گویا مخاطب ائتدی بو نوعیله قارداشین
سسلندی وئر اذان گوروسن قافله م گئدور
یوخ یوخ که آدی قافله، بیر پارچا غم گئدور
روحیم قالور سنیله حسین قتلگاهیده
بی جان پیکریمدی آتور هر قدم گئدور
وئرمیش آنا فدا بالاسین باجی قارداشین
هجران زمانیدی هامی گوزلرده نم گئدور
باخ گور حرملرون نجه پیچیده دور غمه
اما سرور قلبیله اهل ستم گئدور
قوینوندا اللری اوتوروب ناقه ده رباب
اکبر دالیجا لیلیدی غرق الم گئدور

ئولدوردولر طویوندا جوانین سریه‌نون
 آلامینون حدودینه یوخدور رقم گئدور
 عباسیمون گوزوندن ایراق وقریلن گلن
 شاماته قهرمان باجیسی قدّی خم گئدور
 یول یولداشی اولوبدی بیزه زجر و حرمله
 فکر ائتمه عترتون گینه‌ده محترم گئدور
 سگّز گونی بیزیله بو چول سازش ائتمدی
 غم غصه‌دن گتیردی اورکلر ورم گئدور
 شاماته زینبم گئدورم بیر علم ویرام
 تاریخ شومِ عمرِ یزیده قلم ویرام



أسر قلبیم بلالی یل آسنده
 خزان اولدی گوزل گلر چمنده
 اوزوم گوردوم او شمیری تلّون اوستن
 حسینون باشینی دالدان کسنده

«نوحه - رجز»

گلمیشم قارداش جنازون اوسته قانیاش توکمگه
نعشوون اوسته آچوب معجر یولوب باش توکمگه

باشینه شاهون ائدرلر دسته دسته گل نثار
بس نیه برعکسینی ائتدی بو قوم نابکار
سهلیدور عطریله گل سپمک مهیا اولدیلار
اوستووہ باران کیمین اوخ یاغدیروب داش توکمگه
گوزلریم اولسون فدا جسمونده قان فواریه
سانجیلوب پیکان اوخ اوستن پیکر صدپاریه
امر قیلدی سعدون اوغلی دولدی دشت ماریه
قانووی شمشیریه گدیله بیر باش توکمگه
آدلارین امت قویانلار خاتم پیغمبره
یخدیلار پیغمبر اوغلون ذوالجناح اوستن یره
گون دوتولدی تاپدی فرصت گلدی فوج شب یره
روی بیضایه ستم منقاری خفاش توکمگه

پخش قیلدی گنج احسانی مبارک اللرون
 قویمادی محروم اولابی وقت گلن دشمن لرون
 جنبشه گلدی گئجه وقتینده باشسیز پیکرون
 قیلدی دریا تک تلاطم دیشره داش قاش توکمگه
 ساریبان بیر پاره‌ی آهن تاپوب آلدی اله
 جنته بیر بند زر اوستونده سالدی زلزله
 پابره‌نه باش آچوخ مجبور اولوب زهرا گله
 سینه‌ی صدپاروون اوسته یولوب ساش توکمگه
 نعشووه ال ویرمارام ای خسرو گلگون کفن
 قورخورام اوراق اولا قرآن کیمین باشسیز بدن
 گورمیشم گون تابشینده ال دگنده غفلتاً
 جمله برگین یوز قویار تپراقه خشخاش توکمگه
 عازم شام هانی ام‌البنین اوغلانلاری
 پرچم آچسون کربلا میناسینون قربانلاری
 تا یولا سالسون اباالفضلیم بو قلبی قانلاری
 آیریلیق طرحین گلوب بو چولده نقاش توکمگه

نیزه باشینده او خور قائلو باشون کھف آیه سین
 ناقه‌ی عریاندا من درک ایلرم قرآن سسین
 رخنه‌ی بنیادینی دین مبین اقدسین
 گلموشوک بو عالمه بیز باجی قارداش توکم‌گه
 ائتمیشم عهدی سنیلن ایلیم دینه کومک
 اکبری ساخلا یانوندا ای شه جن و ملک
 اصغری آل سینووه گئتسون منیلن تا گرک
 گوزیاشین بیر نازپرور طفل اوچ یاش توکم‌گه
 شایقم^۱ ماتملیم، ماتم لباسین سویمارام
 من حسین بازم حسین بن علیدن دویمارام
 چو خدا عید سیزده دور گئتمه نفسیم قویمارام
 گئتسه گئتسون آبروسین مرد عیاش توکم‌گه
 «شاه‌بیت»

نیزه‌دن بو کاروانه ایله بیر نظر حسینیم
 چوللری گزور حرملر گور نه دربدر حسینیم

«کوچ اسرا از قتلگاه کربلا»

نوحه سینه زنی - جوشی زنجیر زنی

کیم سن تک آنام اوغلی جلای وطن اولدی
 گلدی بو بلالی چوله غرق محن اولدی
 حسین ای شه عطشان
 قوری یرده وئرن جان

بو قوم ستمگر گوره سن دویدی جفادن
 سیراب ائلدی یر یوزونی خون خدادن
 آخر باشووی کسدیله ظلمیله قفادن
 تشنه سنی ئولدوردوله یا سو وئرن اولدی
 صدپاره سالوب نعضووی بو فرقه‌ی عدوان
 باشسیز بدنون ایستی قوم اوسته قالب عریان
 غسلون سنون اولموش یارالاروندان آخان قان
 گل جسمووه خاشاک حنوط و کفن اولدی

دوغمیدی آنام فاطمه بو زینبی ای کاش
 بو حالیده گورمیدیم حسینجان سنی قارداش
 باخدوقجا سنه جاری گوزومدن اولی قانیاش
 بی چاره باجون گور نقدر غم چکن اولدی
 دوغراندی بو صحراده سوسوز قاسم و اکبر
 گل یوزلی جوانلار بویانوب قانه سراسر
 بیر گونده حسین رونق گلزار پیمبر
 باد ستمیله گلی سولموش چمن اولدی
 ویرموش او یارالی باشووی نیزیه دشمن
 هر یانه باشون گئتسه دالونجا گلرم من
 هر دم باجووا بیر باخ او قانلی گوزیلن سن
 گور زینبی مغلول طناب و رسن اولدی
 گتدون نه جلالیله منی ای شه ابرار
 صاق و صولومی آلدی جوانان وفادار
 ایندی قولی باغلی باش آچوق شمره گرفتار
 شامه گئدورم گور منه بیر رحم ائدن اولدی

بو نهر فرات اوسته سوسوز وئردون حسین جان
 چیخماز بو غم و محنتون حشره کیمی یاددان
 آزدور سنیچون خلق جهان آغلاسالار قان
 دنیا ائوی سندن صورا بیت‌ال‌حزن اولدی
 غمگین غم و اندوه و بلای شه مظلوم
 حشره کیمی اولسا رقم اولماز گینه مختوم
 اوخشاردی حسینی بئله اول زینب مغموم
 کیم سن تک آنام اوغلی جلای وطن اولدی

من زینبم، مدینه خموش اولموشام تانی
 غملر شریکی، غملره توش اولموشام تانی
 ئولدوردولر حسینیمی دشمنلر آغلادیم
 چاره‌م کسیلدی خانه‌به‌دوش اولموشام تانی
 «ناطقی»

«جوشی سینه زنی و زنجیر زنی»

دولانور علی قیزی مقتلی
 قان ایچینه بیر بدن آختارور
 یولون اوسته قافله لنگ اولوب
 باجی قارداشا کفن آختارور

الی باشدا دورت طرفه قاچور
 قییدور چوخور یره باش وُرور
 بو نه یردی دُخت ابوتراب
 قدمین ترابه یواش وُرور
 یادینا او صحنه دوشوبدی که
 هامی بیر یارالیا داش وُرور
 پوزولوبدی گلشن آرزو
 گلی بلبل چمن آختارور

دینور الله عزّت هماسینون
 نندن آشیانه سی قالمیوب
 قولی باغلی قوشلارینون ائوی
 تالانوبدی لانه سی قالمیوب
 سویولوب وجودی حسینیمون
 باشی یوخ نشانه سی قالمیوب
 گورورم هرایه آنام گلوب
 اودا قانلی پیرهن آختارور
 یورولوب اوتوردی یره دئدی
 آلوب عطرون اودلانورام حسین
 بو قدر که داش توکولوب بورا
 کئچه بیلمورم یانورام حسین
 بدنون نماسی پوزولسادا
 گینه من سنی یانورام حسین
 منی سن چاغور یریوی باجون
 ایتیرور دوباره دن آختارور

حرکت زمانی غم اهلینہ
 یارانوبدی غصّہ لی منظرہ
 اوزونی چمنده هر عندلیب
 یتوروبدی بیر گل پرپرہ
 آنالار سرود وداع اوخور
 بیر قاسمہ بیر اکبرہ
 ائلہ بیل رباب ایتوروب اوزون
 الی باشدا صودامن آختارور
 اُسرای خستہی نینوا
 هامی دلدہ آہ و نوا گئدور
 آنادی باشیندا قرا گئدور
 باجیدی اورکده یارا گئدور
 دوزولوب نظامہ کجاوہ لر
 شہدا قالور اسرا گئدور
 دولودی اورکلری دردیلن
 ولی خلوت انجمن آختارور

گندوری سکنه یواش یواش

یوزونون توزون یووا علقمه

دیه شرح حالینی مو به مو

سو یانیندا صاحب پرچمه

عموجان دور اللروه فدا

کمک ایله غصه لی عمه مه

چاغیرور هرایه بی بیم سنی

گوزی یولدادی گلن آختارور

اولوب اهلیته زمانه تار

حرمون سونوبدی چراغلاری

بالا قیزلار ایستوری ناویه

مینه لیک تترور ایاقلاری

کیمه میهمان گندور ای خدا

گوزی یاشلی کوفه قوناقلاری

گوره سن مدینه هایاندادور

گوزی زینبین وطن آختارور

«جوشی سینه زنی - نوحه زنجیر زنی»

زبان حال سکینه خاتون

آج گوزون قافله سالاریم امان قارداش اویان
گلدی شمرون سسی سرداریم امان قارداش اویان

شهدانون باخورام چوخدی بو گون یاره لری
قتلگاهینده دوشوب پیکر صدپاره لری
قیریلوبدور بابامون گور نجه مه پاره لری
داخی قالموبدی پرستاریم امان قارداش اویان
قرخ نفر السیز ایاقسیزلارا رحم ایله بو گون
جام الینده دولانان قیزلارا رحم ایله بو گون
تشنه لب عممه هم بیزلره رحم ایله بو گون
سو تدارک ائله غمخواریم امان قارداش اویان
قان توکور دیده لریندن نظر ائت عمه لره
لعت حق اولو بو صفره بو دسته لره
گئتدی میدانه عمون سو گتوره تشنه لره
وئردی قوللارین علمداریم امان قارداش اویان

قبر بطحادن آیرما دئدیم آخر ائلیمی
 شمر دون سولدوراجاق گلشنیمی هم گلیمی
 بیرده من جام اله آلسام سو دئسم کس دیلیمی
 حشره تک یانسا دوداقلاریم امان قارداش اویان
 بیلمدیم من سیزیده ئولدوره جک شمر لعین
 ظلمیله باغلیاجاق قوللاریمی لشکر کین
 پابرهنه باش آچوق ایلیروک داد و انین
 کیم اولور اوندا هواداریم امان قارداش اویان
 قونداقی اصغریمون گور نجه القانه باتوب
 سرو تک تازه جوانلار هامی یان یانه یاتوب
 باخ بو قومه نجه گور دینینی دنیایه ساتوب
 ای سخا کانی وفاداریم امان قارداش اویان
 بیر نظر قیل نجه گور نوحه ائدر سیّد زار
 سن روا ایله اونون هر نه که درد دلی وار
 التماسین ائله قویما اولاه محشر گونی خوار
 سن اونا رحم ائله سرداریم امان قارداش اویان

«بحر طویل - زبان حال دختر امام حسین علیه السلام»

آج گوزون ای شاه لب عطشان بابا
 بیرجه دانیش باغریم اولوب قان بابا
 گئتمه لیم شامه طرف باش آچیخ
 یتدی بو دم موسم هجران بابا
 آه اسیرم اسیر - باغلادی قوللاریمی شمر شریر

بیر نظر ائت حالیمه ای ممتحن
 جسمی قوم اوستونده قالان بی کفن
 گور دوزولوب شامه طرف کاروان، باغریقان
 الامان، آل علی ناتوان، شمر ستم پرور اولوب ساریان
 هر زمان - کوفیان - قمچی ویرار باشیمه شمروسان
 قویدی منی قوم دغا بی پدر - خونجگر - دیده تر
 اولدوم اسیر سپه بدسیر - دامن فضلوندن الیم اوزدولر
 فرقه ی کفار ویرار طعنه لر
 آغلارام هجرونده گئجه تا سحر

ایلم هر وقتیده افغان بابا
 آه اسیرم اسیر - باغلادی قوللاریمی شمر شریر
 نطقه گلوب بیرجه دانیشدیر منی
 سؤیله گوروم هانسی او شوم دنی
 ظلمیله سالدی که بو حاله سنی
 رهبریم - سروریم - موجه گلوب آرتدی منیم غملریم
 هانسی دغا کسدی سوسوز حنجرون - نیزیه ویرمیش سرون
 قانه باتوب لبلرون - دوغرادى گل پیکرون
 قطع ائلیوب اللرون - بیرجه اوزوکدن اوتوری بارماقون
 کسدیله قوم جفا - بی حیا - اشقیأ - ظلمین ائدوب برملا
 قویدی قوم اوسته یارالی نعشوی
 قالدی بو چوللرده چون عریان بابا
 آه اسیرم اسیر - باغلادی قوللاریمی شمر شریر
 خیمه لره ویردی اود - ظلمیله بو اهل شام
 آل پیمبر هامی - چوللره قاچدی تمام
 دشمن الینده پوزولوب شوکتون - عزتون - حشمتون
 بی سر و پا قالدی بابا عترتون

خیمه لره اود ویروب اهل جفا
 شعله چکوب یاندی هامی ثروتون
 عابدیمار قالب خیمه ده - اود دوتوب آزالدی یانا عابدین
 سید اهل یقین - بیرجه علاج ائت منه ای شاه دین
 بی معین - اولموشام ایندی حزین
 ظلم و جفای سپه کینیدن - باغیریم اولوب قان بابا
 آه اسیرم اسیر - باغلادی قوللاریمی شمر شیر
 ئولمش علی اکبریم - قاسم مه پیکریم
 عونیه هم جعفریم - ناصر و یاورلیم - اصغیریم
 حصرت عباس کیمی سروریم - رهبریم
 میر وفا پروریم - ظلم و جفائیه سولوب گللریم
 یوخدی بو چولده یانان احوالیمه
 رحم ائلمز فرقه ی دونان بابا
 درد و بلایه بابا اولدوم دچار - دلفکار
 خوار و زار - بی قرار - فرقتون الدن که آلوب اختیار
 صبر ائده بیلمم ستم دشمنه - هر آن بابا
 آه اسیرم اسیر - باغلادی قوللاریمی شمر شیر

زبان حال حضرت زینب به رأس مطهر
حضرت امام حسین علیه السلام در کوفه

حسین کئچن گئجه نی هاردا همزبان اولدون
من فلک زدییه مایه ی فغان اولدون
تنور خولی نی سن روضه ی جنان ائلدون
عزیز قوناقلاروا اوردا میزبان اولدون
یانان چادردا، منی خرداجا اوشاقلاروی
قویوب گئدوب کیمیله سؤیله همزبان اولدون
نوازش ایلمدون گلمدون یانان چادر
سوروشمادون باجی نه نوعی باغریقان اولدون
مگر خیال ائلدون خرداجا اوشاقلارون
سو ایستیرله سنی گورسه لر، نهان اولدون
کئچن کئچوب دئمرم آج سوسوز باجون قالدی
ولیک سؤیله گوروم کوفیه روان اولدون

او گل یوزونده ندن خاک و خون علامتی وار
 مگر کول اوسته تنور ایچره میهمان اولدون
 سرشک چشمیله گل پاک ائدوم محاسنوی
 که بیلمسونله بئله خوار کوفیان اولدون
 قاباقدا منزل اوزاق خارجی ولایتی وار
 که بلکه بیر گئجه مهمان راهبان اولدون

محبوبه‌ی ذات پاک سرمد زهراست
 جان دو جهان و جان احمد زهراست
 ما را شده از بضعة منی معلوم
 زهراست محمد و محمد زهراست

نوحه سینه زنی - جوشی زنجیر زنی سؤال و جواب

ای لاله کیمی قانه باتان باش باجون ئولسون
آچ قانلی گوزون باخ منه قارداش باجون ئولسون

بیر باشدا که قارداش اولا بیر بیلہ جراح
مطبخذہ کول اوستہ یاتار آیا نجہ راحت
یاتدون نجہ مطبخذہ سن ای شمس امامت
ای ماہ تمام اول شبدہ نیہ باتدون
آخر یارالیدون کول ایچیندہ نجہ یاتدون

امام

چوخ آغلاما پوزما منیم احوالیمی زینب
بو قانلی یوزومدن گوروسن حالیمی زینب
ائو صاحبی مهمانہ ائدر لطف و کرامت
لازمی یاتاندا یرینی ایلہ راحت
خولی ده ولیکن یوخیدی بسکہ لیاقت

کول اوسته جگر قانیمی گوزیاشینه قاتدیم
قویدوم یوزیمی حسرتیله کوللره یاتدیم

زینب

مطبخ که حسینجان سنه بیت‌ال‌حزن اولدی
آیا دی گوروم یانوه هئچ بیر گلن اولدی
یا قانلی کولی قانلی یوزوندن سیلن اولدی
هئچ صبح آچلینجا گئجه‌نی یاتمامیشام من
بیر لحظه نظردن حرمون آتمامیشام من

امام

خولی باجی جان دینینی دنیاسینه ساتدی
قویدی منی مطبخده اوزی قصریده یاتدی
یاتمیشدیم او حالیه آنام گلدی اویاتدی
سسلندی حسین عترتوی گوزدن آتوبسان
پیغمبرین اوغلی نیه مطبخده یاتوبسان

زینب

نه حالیده گوردون آنامی ای شه خوبان
شرح ائت باجووا شادیدی یا حالی‌پریشان

آیا آنامون حالی نجیدی سنه قربان
سینمیش قولون آیا یارالی سینه ده گوردون
سنله دانیثوب گولدی و یا غمزده گوردون

امام

ای مهر و وفاده منه زهرايه برابر
زهرا یوزی گولمز نقدر وار بو ستملر
پهلوسینه قویمیشدی الین زار و مکدر
ناراحتیدی چوخ در و دیوار اثریندن
اوپدیم یارالی سینه ده مسمار اثریندن

زینب

گر اولسا جدان باشووی اگماقا امکان
اگ پاک ائلیوم قانینی ای سرور دوران
دشمن نیه گورسون یوزیوی قانله الوان
زلفیمله سیلم مه یوزیوی دوشمه خسوفه
شاید سنی گورسون تانیسون ملت کوفه

امام

سیلمه یوزیمین قانینی ای منبع عصمت

بو قاندی منه شاهد و عنوان شفاعت
 حشره یوزی قانلی گلرم روز قیامت
 الده یارالی باشیمی عنوان ائدرم من
 بو قانله چوخ دردلره درمان ائدرم من

زینب

سنسن یارالی نی‌ده کسیک باشلارا رهبر
 باشوز ائلیوب کوفه‌نی پر نور و معطر
 سقا باشی اما آرادا یوخدی برادر
 چوخ آختاریرام ماه بنی‌هاشمی قارداش
 دؤزمور اوره‌گیم ایستوری قارداشمی قارداش

امام

هیچ‌کس اونون احوالینی مندن صورا بولمز
 بیر باش که او حاله قالانی‌ده دورا بولمز
 قاتل اونی چون گوردی جدایه وورا بولمز
 قویدی یارالی جسمینی میدان آراسیندا
 شامه گئدیر اما باشی قلخان آراسیندا

زینب

قرآن سسیوی کسمه برادر قولاقیمدان
 حالین بولورم قزلاریوین اوز سیاقیمدان
 ایستور اوزین آتسون بو رقیه قوجاقیمدان
 دؤزمور بالا قزلار داخی یوخ چاره محلی
 قرآنله وئر عترت اطهاره تسلی

امام

قرآن اوخویاندا وورور اعدا من زاری
 قرآنله یوخدور بو گروهین سروکاری
 سن ناکهده لای لای دی رقیم یاتا باری
 ناراحت اولار قویما جداده منه باخسون
 دیندیر گوزینون یاشینی سیل قوی سنه باخسون

زینب

دشمن سنی مظلوم ائلدی کامینه چاتدی
 بیگانه خیانت الین اسلامه اوجاتدی
 قرآنی شهید ائتدیله قرآن سسی یاتدی

تنها بوئیدی دلدہ کی مقصودی یزیدین
پامال ائدہ احکامینی قرآن مجیدین

امام

ظالم باجی مین ایل یاشاسا کامہ چاتانماز
هنداوغلی داخی بیر گئجه آسودہ یاتانماز
قرآنیمون احکامینہ خائن ال آتانماز
هر حالده من حامی قرآن مبینم
تفسیر ائلین قانله قرآنی حسینم

زینب

بیر گوندہ داغیلدی هامی یاور باشیمیزدان
قمچی ووروری ایمدی بو لشگر باشیمیزدان
ہاردیدون او گون آلدیلا معجر باشیمیزدان
اللہ بولوری حاضرم هرگونه عذابہ
اما دگولم راضی بو جور کشف حجابہ

امام

سندن باجی جبریلہ قشون معجر آلاندا

جان اوسته چالوردیم ال ایاق قرمزی قاندا
 باش سجده ده جان سینه ده قلبیم ضرباندا
 چوخ سعی ائلدیم تا گلم امداده او ساعت
 افسوس دیزیمده یو خودی دورماقا طاقت

زینب

باشون کسیلندن صورا ای مهر ولایت
 گون باتدی گئجه گلدی دوتوب عالمی ظلمت
 من خیمه ده مشغولیدیم اطفاله او ساعت
 کیم نیمه ی شب یاد ائلیوب یانوه گلدی
 کیملر دی گوروم شام غریبانوه گلدی

امام

سن گئتدون آنام گلدی الینده قره معجر
 قارداشیم حسن گلدی آتام ساقی کوثر
 سالدی اوزینی سینه مه حسرتله پیمبر
 بجدل یتشوب مقصده چاتماقه تلسدی
 چیخموردی اوزوک دؤزمدی بارماقیمی کسدی

زینب

ایکاش نظامات جهان منحل اولیدی
 نه شمر نه خولی نه بوگون بجدل اولیدی
 بارماقوی قطع ایلین اللر شل اولیدی
 بیر ال که چکردون فقرا باشینه هرآن
 کیم کسدی بیلکدن اونی زینب سنه قربان

امام

قویماز باجی بو قانلاری یرده ید قدرت
 بیر گون گلی دنیانی دوتار صوت عدالت
 ظاهر اولاجاق مهدی موعود امامت
 نیروی عدالت یخاجاق ظلم بناسین
 ظالم گوره جاق ظلمتون البته جزاسین
 جهد ایله کریمی اولاسان اهل حقایق
 تا یازدیقون اشعار اولافعلونله موافق
 گورسونله سنی منصب نوکرلقا لایق
 سعی ائتمه آدون شعریده دلدن دله دوشسون
 دلدن دله جاری ائله قوی سؤز دله دوشسون

«جوشی سینه و زنجیر زنی - رجز»

سیر ایلینده کوفه‌نی شاه شهیدان نیزه‌ده
اولدی شهادت چرخینون خورشیدی رخشان نیزه‌ده

گزدی دولاندی کوفه‌نین هر کوچه و بازارینی
اما حریم عصمتین تار ائتدی روزگارینی
وار علتی بیر رشتیه دوزدی او شه انصارینی
یتیمیش نفر قربانینی بیر بیر و ثروب سان نیزه‌ده
عهد ایلیمیشدی عذویده بذل ایلسون اوز جانینی
اوز عهدین ایفا ایلدی خشنود ائدوب جانانینی
وئردی یارالی باشیله پایانه اوز پیمانینی
بیر ذره اصلاً قویمادی عهدینه نقصان نیزه‌ده
پیغمبر اوغلی عالمه آندیردی اوز حقیقتین
گون تک اودور وئردی نشان هر یرده مظلومیتین
دین مبینه دمبدم تکمیل ائدردی خدمتین
دنیا نی حیران ایلدی شاه شهیدان نیزه‌ده

طی ایلدی چون بیر به بیر عشقین او شه هر پایه سین
 آرتوردی قانلو باشیله شرع نبی پیرایه سین
 لحن حجازیله او گون شرح ایلدی کهف آیه سین
 ایلردی اهل کوفیه تفسیر قرآن نیزه ده
 شور قیامت مطلقا ائتدی او ساعتده قیام
 قالدی نه حاله بیلورم آل شه فخرالانام
 قانه کوله تپراکه چون باتمیشدی اول بدر تمام
 اولموشدی گویا منخسف بیر ماه تابان نیزه ده
 چوخ پوزدی شاه غم حشم دلدن باجیسی زینبی
 دوشدی نه حاله کیم بیلر اول برج عصمت کوکبی
 اوج ائتدی گورجک قارداشین افلاکه یارب یاربی
 گوردی دوباره قانینه ایلوبله غلطان نیزه ده
 وای قارداشیم وای سسلنوب توکدی عذاره گوز یاشین
 سلب اولدی صبری محمله ویردی او ائنده باشین
 پوزدی بتوله نائبه زینب یارالی قارداشین
 قارداش باجی احوالینه ایلردی افغان نیزه ده

بیر باش که نور عینیدی ریحانه‌ی پیغمبره
 شأن و شرافت آرتوران دسمالی عرش داوره
 آیا روادور ظلمیله باتسون او باش خاکستره
 یا قانی آخسون ایلسون رخسارین الوان نیزه‌ده
 «نجمی» اگر داش اولسا دل بو غمده آغلار آغلاماز؟
 گوزدن سرشک حسرتین رخساره باغلار باغلاماز؟
 درد مصیبت سینه‌ی زهرانی داغلار داغلاماز؟
 گورسه یارالی اوغلونون باشین او نالان نیزه‌ده



در سپهر استقامت ماه عزت زینب است
 قُرّة العین شهنشاه ولایت زینب است
 فاطمه ریحانه‌ی پیغمبر است اندر جهان
 وه بین ریحانه‌ی خاتون محشر زینب است
 آنکه در بالین شاه تشنه با شمر شیر
 کشمکشها کرد و دستش شد جراحت زینب است

«زبان حال حضرت زینب خطاب به سر مبارک امام»

هاردا یا اِخا رَأْسِ اطهرُون میهمان اولوبدور کئچن گئجه
نازنین باشا هانسی بیر لعین میزبان اولوبدور کئچن گئجه

سن شه حجاز و مدینه سن کربلا ده بس لشگرون هانی
اهرمن مگر یول تاپوب سنه بارماقوندا انگشترون هانی
ای پیمبرین سینه زینتی جبرئیل اوپن اللرون هانی
قتلگاهیده همدمون یقین ساریبان اولوبدور کئچن گئجه
رسمیدور طبیعتده خاتمه نوبهاره فصل خزان وئر
کیم گوروب خزان بوستانیده فرّ نوبهاری نشان وئر
آفت خزاندهان صورا مگر بوستان گل ارغوان وئر
تازه دن نیه گل بیلکلرون ارغوان اولوبدور کئچن گئجه
حالیوی سوروشماقلیقا گلوب قتلگاهه بیر مهربان بالان
آرزو اندوب دیندیروب اونی بیرده قولارین بویونونا سالان
اشک حسرت و درد فرت و رنج غربتیندن خبر آلان
زجر شمردن خوف زجریدن باغریقان اولوبدور کئچن گئجه

سن شهید اولاندان صوراً گندوب غارته کئچن گونده خیمه لر
 خرگه جلال امامتی ایستیوب اودا یاندیرا عمر
 اود و یروب عدو خیمه گاهوه اولموشوق هراسان و خونجگر
 دشمن جفاکار و بی حیا شادمان اولوبدور کئچن گئجه
 پرشکسته بلبل لره دگوب کعب نیزه لر تازیانه لر
 روزگاریده عزّ و نازیله پرورش تاپان نازدانه لر
 باشلارینی تپراقه قویدولار گوردولر یانوب آشیانه لر
 بیر یانیق چادر خیردا قیزلارا آشیان اولوبدور کئچن گئجه
 اصغرین آناسی حزین حزین گوردوم آغلیور التهایدن
 علتین سوروشدوم او زاریدن آغلادوب منی بو جوابیدن
 صود گلوبدی پستانیمه دئدی ایچموشم که بیر ذره آیدن
 تشنه اصغیریم اود دو توب یانوب ناتوان اولوبدور کئچن گئجه
 آه و ناله ی زینبه قسم و ئژم ای شه کربلا سنی
 ایسته حضرت کردگاریدن ایلسون مرضدن رها منی
 عافیت لباسینه چولقاسین جمله ی مریض و مریضه نی
 منطقی سنه چوخ امیدیلن نوحه خوان اولوبدور کئچن گئجه

«یابن الطلقاء»

یابن الطلقا در بر چشمان یتیمان
اینگونه مزین چوب تو بر این لب و دندان
این سر که بود سرّ خدا در همه آفاق
ظالم تو چرا لطمه زنی بر لب قرآن
در کیش کدامین مللی بوده و باشد
اینگونه جفا پیشه نمایند به مهمان
بی شرم و حیا این همه ظلم از چه نمایی
این سر چه گنه کرده به جز خواندن قرآن
امروز دگر بگذرد از ما و تو فردا
بین تو و ما حکم کند خالق سبحان
آرام دل خسته دلان یوسف زهرا
والله که هر شیعه بود بهر تو گریان

نوحه زنجیر و سینه زنی (مجلس یزید)

برگ گلی گرک باد صبا اوپه
یا بلبل ایلیه آه و نوا اوپه
زهرا عزیزینون غنچه دوداقلارین
انصافیدور نجه چوب جفا اوپه

ای خیزران ندن سن ائتمدون حیا
ویردون دوباره سن برگ گله یارا
گل یاپراقی هارا خار جفا هارا
شایسته دور گلی اهل وفا اوپه
بیر گل که پرورش وئرمیشدی مصطفی
ائتمیشدی گلشن توحیدی باصفا
انصافیدور نجه ای چوب پر جفا
پیغمبرون گلین خار جفا اوپه

ائتدون مخالفت قرآن دین سؤزه
 قرآنیه نجه سن قویدون اوز اوزه
 اوپدون نه فایده قویدون اونی گوزه
 قرآنی حیفیدور ناآشنا اوپه
 بستهیدی معجز عیسی او لبلره
 ائتدون اذیت بی جا او لبلره
 ویرمیشدی بوسه چوخ زهرا او لبلره
 ایستردی بس اونی خیرالنسا اوپه
 گلشنده خار اوپر گلر ایاقینی
 مسکن ائدر اونون پائین بُداقینی
 گلزاریده گلون غنچه دوداقینی
 خار ایلور زبس شرم و حیا اوپه
 اوپدوکجه سن او گل لبلردن ای آغاج
 خرده رقیّه نون دردی تاپار رواج
 بلبلدور اول گله بو طفل ناعلاج
 خوشدور آتا لبین خرده بالا اوپه

گودالیده اولوب بازار ظلم گرم
 شمر ائتمدی حیا اولمادی قلبی نرم
 اول بوسه گاهیدن خنجر ائدوبدی شرم
 مجبور اولوب اونی تا مین قفا اوپه
 گون تک او قانلو باش هنگام سیرده
 جلوه نما اولوب انظار غیرده
 ائتدی تجلی جانبخش دیریده
 راهب ائدوب اونی سعی و صفا اوپه
 اوپدون دوداقلارین گر سن یواش یواش
 قانلو جبینینی چوخ سخت اوپوبدی داش
 وجهی بودور خسوف آی تک ائدوب او باش
 داش ممکن اولمادی چون بی صدا اوپه
 ناصر چوخ ایستیور ای شاه تشنه لب
 درگاهوه گلوب قویسون رخ ادب
 عشقونده صرف ائدر عمرینی روز و شب
 ایسته ضریحووی صبح و مسا اوپه

«رجز - جوشی»

بزم یزیده آه او گون آل عبانی گتدیلر
کنج خرابه ده قالان تا اسرانی گتدیلر

یتدی یزید ظالمون ظلم و جفاسی آخره
فسقی چون آشکار اولوب دگدیله خلق بیریره
گوردی حسینون ئولمگی منتشر اولدی هریره
امر ایلدی خرابه دن زین العبانی گتدیلر
پرده چکیلدی مجلسه گتدیله آل حیدری
پرده دالنیدا اگلشوب اولدی زیاده غملری
قانیله دولدی تازه دن قانه دونن اورکلری
درده دوباره زینب بخت قرانی گتدیلر
عرض ایلوم خلاصه سین تازه جوانلار آغلاسون
قاره گیین حسینی لر سینه ویرانلار آغلاسون
صاحب عزا اوزی باخور قوی اوتورانلار آغلاسون
حکم وئریلدی غارت کرب و بلانی گتدیلر

وارد اولوب نه گوردولر مجلس عامه ناکسی
 الده علی اکبرون پارچالانان عمامه سی
 گوردی اسیرلر گلور لیلینون آغلاماق سسی
 آه و فغانه تازه دن بی کس آنانی گتدیلر
 گلدی دوباره بیر لعین باخدولار اول ستمگره
 پرده دالیندا یوز وئروب غم او خانیم حرملره
 آل علینون اوج ائدوب ناله و آهی گوگلره
 کرب و بلا ده کی یاتان قانلی لوانی گتدیلر
 ائتدیله چیده تازه دن کرب و بلا اساسینی
 گتدیله قانلی بوخچادا قاسمون طوی لباسینی
 گیدی عروسی تازه دن قلبینه غم قراسینی
 آغلادیلار خیاله اول تازه جوانی گتدیلر
 بسکه باخاردی هر گلن غارته زینب حزین
 ناگه حسینون اول زمان گتدیله قانلی کوینگین
 پارچالیوب یخاسینی زلفینی یولدی گورجگین
 دشت نجفده نالیه شیر خدانی گتدیلر

«جوشی سینه زنی زبان حال مادر علی اکبر علیه السلام»^۱

نیزه باشینده باشون گون کیمی رخشان دور علی
تل به تل قاره تلون مه یوزه افشان دور علی

تو کموسن زلفووی چون دسته ی سنبل یوزوه
ابر تک طره لرون ائتموسن حایل یوزوه
باخا هر کیم بو قرا زلفووه یا گل یوزوه
بولوط آلتیندا دیر بیر مه تاباندور علی
سن او گوندن که منی وصلوه محتاج ائلدون
قلیمی تیر غم و محنته آماج ائلدون
بو ایشیقلی گونومی گوزده شب داج ائلدون
سینه ده آهیم اودی لیک فروزاندور علی
مسکنیم ناقه ی عریانندی منیم قولدا رسن
منظریم گوزده سنون تک بئله بیر وجه حسن
سالموسان لیلینی مجنون کیمی صحرالره سن
بیلمورم من بو نجه گردش دوراندور علی

مکتب ذوقیله تحصیلی عشق ایلمیشم
 پیرو شمس عطارد کیمی مشق ایلمیشم
 باشون آردینجا دوشوب عزم دمشق ایلمیشم
 مقصدیم شامده بیر گوشه‌ی ویراندور علی
 سنسیر ای سرو قدیم یوسف گل پیرهنیم
 دله یعقوب کیمی دائماً آرتار محنیم
 گوزیاشیم قانه دونوب سهلدی هجرونده منیم
 پرده پرده اورگیم غنچه صفت قاندور علی
 بسکه آشفته‌ام عشقونده سر مو کیمی من
 اولموشام قامتی چوگان خم ابرو کیمی من
 باشون آردینجا دوشوب تک نه بیر آهو کیمی من
 سنه پابند بو بیر جمع پریشان‌دور علی
 دانه‌ی خالوه گوگلولم قوشی مایلدی زبس
 وار اودور گل یوزوی گورمگه چوخ منده هوس
 اولوب عالم منه سندن صورا بیر کنج قفس
 دله اندوه و غمیم بسکه فراوان‌دور علی

بی سبب تو کمرم انجم کیمی اشگ تریمی
 سالارام یاده او عزتلی کئچن گونلریمی
 ائتمیشم مرکز غم خاطر غم پروریمی
 مونسیم شام و سحر ناله و افغاندور علی
 ساربانیم نه ائدر مکث نه بیر لحظه دورار
 آپارار هی منی سرعتله بو یوللاردا یورار
 آغلیاندا سنه هر دم باشیما قمچی ویرار
 بیر دئمز اوغلی ئولوب دیده سی گریان دور علی
 روز و شب ذکریم اولوب دلده منیم واولدا
 شوريله ساز ائدرم دمبدم آهنگ نوا
 دؤزرم قوم مخالف ائده هر قدر جفا
 بیلورم عاشق اولان دؤزمه سه نقصان دور علی
 تار زلفیله منی ایلموسن بند کمند
 گلّم آردینجا نقدری یتّه بو یولدا گزند
 یانارام مجمره ی عشقیده مانند سپند
 نیلیوم عشق اوزی بیر آتش سوزان دور علی

پای بند گرهی طرهی جانانم من
 دوشموشم چوللره سرگشته و حیرانم من
 سر زلفون تک اوغول گور نه پریشانم من
 شامه تک گوگولوم اودور ظلمیله شان شاندر علی
 دله همواره گرک محنتیم اغراق اولسون
 لیلی مجنون کیمی سرگشتهی آفاق اولسون
 غم هجرانه دؤزوب وصلوه مشتاق اولسون
 من کیمی کیم بئله محنت کش دوراندور علی
 بو نه تقدیریدی اصلاً ابداً بیلمز آنون
 بیرده بو نشأده دلشاد اولوب گولمز آنون
 بیلمورم سَرّی ندور صاقدی هله ئولمز آنون
 چوخ چتیندور بو مصیبت نه که آساندور علی
 حشره تک داغون علی قالدی منیم سینه مده
 نسگیلون یاد ائلدوقجا یانارام هر دمه
 نقدر عمر ائده بو بی کس آنون عالمده
 باغریقان مویه کنان چاک گریباندر علی

«جوشی سینه زنی و زنجیر زنی»

سوز و گداز دختر سه ساله امام

به رأس مطهر برادرش

نجه عمّه توز با سوبدی گور نیزه ده قلم قاشین
اجازه وئر شمره یالواریم وئرسون اکبرین باشین
سوسوز دوداقلارینه سپوم سویرینه گوزیاشین
وئرسه اکبرون باشین - وئرسه اکبرون باشین

روا گوروب قاتلی نجه بو جوان رعنايه
باشین کسوب پیکرینی غرق ائتدی قانلو دریايه
بَلَشْدیروب قانه داغینی چکدی قلب زهرايه
مگر رحمی گلمدی سنه یا منه یا لیلایه
یا باحیسی صغرایه - یا باحیسی صغرایه

مگر عمّه اوچ یاشیندا قیز طی ائدر بو یولاری
 اکبریمون شوقیدور سالوب چوللره من زاری
 دی شمره سن وئرمیور اونى ساخلاسون ایاق باری
 نشان وئروم اکبریمه تا بو قابار ایاقلاری
 بو یانان دوداقلاری - بو یانان دوداقلاری
 باخار هر دم کج نگاهیلن نیزه ده آناسینه
 چالار کیپرک آغلیور اونون کهنه لن لباسینه
 حزین حزین گوز دولانديرور خویش و اقرباسینه
 باجون قربان جان علی قارداش گوزلرون قراسینه
 باشوون بلاسینه - باشوون بلاسینه
 اگر منه آنديروب وئره نیزه دن او زیبانی
 سیلم زلفین قاش گوزون یووام پاک اولاونون قانی
 یاپشديرام سینه مه دییم شرح درد هجرانی
 او باشی من شمره وئرمم بیرده اکبریم جانی
 داغلارام بو دنیانی - داغلارام بو دنیانی

«نوحه - جوشی - سینه زن»

بیر اسیرم دوشموشم من کارواندان قالموشام
کاروان کوچ ایلوب زار و پریشان قالموشام

قالموشام وحشتلو چولده یکه و تنها بابا
نه یانیمدا وار آنام نه زینب علیا بابا
تئز یتش امدادیمه ای سرور بطحا بابا
قورخولی چوللرده من با آه و افغان قالموشام
کیمسه نم یوخدور یانیمدا دردیمی اظهار ائدوم
تا بلالی کاروانه یول نشان وئرسون گئدوم
بو گئجه وقتی قرانلوق بیلمورم آیا نئدوم
عالمی ظلمت دوتوب صحراده ویلان قالموشام
بیر دایان گئتمه بابا درد غمیم جوش ایلوب
شمر دون رخساریمی سیلیله منقوش ایلوب
مهربان عمم منی یاددان فراموش ایلوب
طاقتیم گئتمیش الیمدن اشگریزان قالموشام

چون بو سس تأثیر ائدوب سلطان دینه گئتمدی
 گوردی گر گئتسه قالور نازلی سکینه گئتمدی
 قیلدی گویا که خطاب اول دل حزینه گئتمدی
 کاروان ایلوب نقدری سندن هجران قالموشام
 گوردی اعدالر دایاندی رأس اطهر نیزه ده
 ایلدی ترک سفر سلطان محشر نیزه ده
 ظاهر اولدی لنگر ارض و سمالر نیزه ده
 بیریره سؤیلوبله بو سرّه هراسان قالموشام
 گلدی بیر ظالم جدایه زوريله وئردی تکان
 گوردی گئتمز سخت دورموش فرق شاه انس و جان
 ماجرانی عرض ائدوب بیمار امامه ناگهان
 من بو اعجاز عجیب آثاره حیران قالموشام
 ائتدی فرمایش او شومه حضرت زین العبا
 گئتمز ای قوم عدو اول پادشاه کربلا
 ناقه دن دوشمیش سکینه یولدا قالمیش با نوا
 عرض اندر گئتمه بابا من سینه سوزان قالموشام

نوحه زنجیر زنی

من یتیمی چوللره سالدی ساریبان بابا
قانلی باشووه فدا هارداسان دایان بابا

آچ او قانلی گوزلرون بیر نظاره قیل منه
گلمیشم بو قورخولی چولده گور نه شیونه
ظلمیله ئولر بالون دوشسه دام دشمنه
گلسه ئولدورر یقین زجر و ساریبان بابا
بو قرنقلوق گئجه ایله وحشت آلموشام
اود دوتوب جگرلریم یاده زجری سالموشام
خالقیم گواهی دور من نه حاله قالموشام
قویما ایلسون بالون چوللری مکان بابا
من سیزلدارام یانار اهل عالم آهیمه
هی نظاره ایلمر باشد غم سیاهییه
خردا قیز گور ایلمز بو مکاندا واهییه
ئوز ایاقینین سسین درک ائدن زمان بابا

بخت و طالعیم منی گور بابا هارا چکوب
 گون باتوبدی عالمه پردهی قرا چکوب
 بو آسفلّی منظره قلبیمه یارا چکوب
 یوخدی دادیمه گلن قلبیم اولدی قان بابا
 یوخدی بیر نفر منی غمدن ایلسون کنار
 قاره معجریم کیمی ظلمت اولدی روزگار
 قورخودان دوداقلاریم پارچالاندی آشکار
 گوزیاشیم اولوب منه ایندی همزبان بابا
 اوچ یاشیندا بیر قیزام صبریدن تالانموشام
 دیده تر بو چوللری هی قاچوب دولانموشام
 گاهی قوش کیمی گئدوب خاره دالدا لانموشام
 گاهی سویلرم گل ای یار مهربان بابا
 راضی اولما خردا قیز قلبی قانیلن دولا
 آز قالور بو دشتیده قورخی جانیمی آلا
 گور دوشر نه حالته چولده خردا قیز قالا
 گلسون ایلرم سنه دردیمی بیان بابا

گل هایاندا سان منی بیرده آل قوجاقوه
 راضی اولما من یانام آتش فراقوه
 گل دوداقیمی قویوم یاره لی دوداقوه
 منده قالمیوب داخی طاقت و توان بابا
 سسده دور قولاقلاریم یولدا گوزلریم قالوب
 بیلمورم هایاندا بس نازلی اکبریم قالوب
 چولده هئچ دئمور منیم خرده خواهریم قالوب
 گلسه باغرینا باسار اکبر جوان بابا
 اکبرون عزیزه سی ظلم الیه خوار اولوب
 خسته ام یورولموشام غملریم هزار اولوب
 قاچمیشام ایاقلاریم گور نجه قبار اولوب
 «حامد» ایلیر منه گوزیاشین روان بابا

«شاه بیت»

نصف شبده کوچ اندوب کاروان دایانمادی
 هرچه سسلدیم بابا ساریان دایانمادی
 «یحوی»

«جوشی راه شام»

کاروانیدن سالدی ساربان منی عمه
قورخولی بو صحرا ده سسلرم سنی عمه

چاره سیز آدامسيز قيز نیلسون دایان گئتمه
نه آنام نه قارداشیم حالیمه یانان گئتمه
بیر نفر سینان گوگلو م یوخ بی بی آلان گئتمه
آهمیله یان دیرام قلب دشمنی عمه
قاچمیشام بو یوللاری گور قابر ایاقلاری
پارچالاندی اوچ یاشدا بیر قیزون دوداقلاری
یادیمه بی بی سالام بوش قالان اطاقلاری
ترک ائدر نجه بلبل صحن گلشنی عمه
گلمسون اگر عمه قورخودان یقین ئولم
زلفلریمون اوستوندن یوللارون توزون سیلم
بو قابر ایاقلین من نقدری یول گلم
یاده سالمیشام الان ملک وطنی عمه

راضی اولما چوللرده ترک ائدم بو دنیانی
 من سنه قسم وئرم عمه حق زهرانی
 کاروانیمی ساخلا آغلارام حسین جانی
 آرتاجاق قیزون دلدہ درد و محنی عمه
 ایلرم گله سندن نائب آنام زهرا
 کول آلدی باشیمه سالدی ناقه دن اعدا
 قیز اوشاقی قول باغلی یول اوزاق اوزوم تنها
 حالیمه یانار گورسه فرقه ی دنی عمه
 ریسمان کسر الان خورداجا بو قوللاری
 آج سوسوز رقیون تک طی ائدر بو یوللاری
 قورخودان نجه یاره اولماسون دوداقلاری
 بلبل آختارار گورسون تازه گلشنی عمه
 ره گذاریدن کولگم قورخودار من زاری
 من سنه نشان وئرم بو قابار ایاقلاری
 بیر نفر بو صحرا ده یوخدی سس وئره باری
 قورخودان صدا واللہ ایلرم سنی عمه

زبان حال حضرت رقیه علیها السلام

زائرین قبر من این شام عبرتخانه است
 مدفنم آباد و قصر دشمنم ویرانه است
 دختری بودم سه ساله دستگیر و بی پدر
 مرغ بی بال و پری را این قفس کاشانه است
 بود سلطانی ستمگر صاحب قدرت یزید
 فخر می کرد او که مستم در کفم پیمانه است
 داشت او کاخ مجلل دستگاه باشکوه
 خود چه مردی کز غرور سلطنت دیوانه است
 داشتم من بستری از خاک و بالینی ز خشت
 همچو مرغی کاو بسا محروم ز آب و دانه است
 تکیه می کرد او به تخت ناز با کبر و غرور
 این تکبر ظالمان را عادت روزانه است
 من به دیوار خرابه می نهادم روی خویش
 زین سبب من روسفیدم شهرتم شاهانه است

بر تن رنجور من شد کهنه پیراهن کفن
 پرشکسته بلبلی را این خرابه لانه است
 محو شد آثار او تابنده شد آثار من
 ذلت او عزت من هر دو جاویدانه است
 کهنموئی چشم عبرت بازکن بیدار شو
 هر که از اسرار حق آگه نشد بیگانه است



من بیر قیزام رقیه آدیم یار زینبم
 قبریمده یاتمیشام گینه غمخوار زینبم
 عباس عموم باباما علمدار اولوب منیم
 ویرانسراده منده علمدار زینبم
 شهزاده‌ام دویونجا غذا گورمین قیزام
 بیر پاره کرپیچ اوسته باشی جان وئرن قیزام
 شامین یولوندا اکبریمی اوخشیان زمان
 سیلی دگنده گل یوزومه دینمین قیزام

بیر حاله سالدی اشرف مخلوق عترتین
 انظاره جلوه وئردی کنیز و غلام شام
 بیر ظلم قالموب آل رسوله یتیشمه میش
 ائتدی تمام جور و جفاسین تمام شام
 آخر بنات علّت ایجاد عالمه
 وئردی خرابه کنجینی مسکن مقام شام
 مهمان نوازلر یغیشوردی خرابیه
 طعن و شماتت اولموشیدی احترام شام
 هر بیر ستم کشیده قیز آغلاردی دردینه
 شهقه چکوب گلردی الدّالخصام شام
 بیر چوخ مدید مدّت او بیداد مرکزی
 اوز ظلم بی دریغینه وئردی دوام شام
 «ذهنی» بسائت که شام کیمی ذهنون اولدی تار
 یتمز تمامه نظیمله بیداد تام شام

«نوحه زنجیر زنی - جوشی سینه زنی - رجز»

بیر مصیبتدن گینه ایستر قلم یاد ایلسون
وار یری بو شرح غمده هرچه فریاد ایلسون

شام شومون بیر غمین ایستر ائده انشا قلم
قورخار اما دولدورا دنیا و مافیهای غم
حضرت حوّا و هاجر مریم و سارا بو دم
گوزیاشیلان حقی وار زهرايه امداد ایلسون
بیلورم آیا نه نوعی عرض ائدوم بو محنتی
آلتی آی ویرانده قالدی پیمبر عترتی
هندون اوغلی بیر گئجه گوردی او خواب وحشتی
آل طاهانی دوشوب بو فکره آزاد ایلسون
حضرت سجّادی بیر گون مجلسه احضار ائدوب
بیر نچه کلمه اونیلای بی حیا گفتار ائدوب
سؤیلدی یابن الحسین هر ظلم وار کفار ائدوب
من دئم حاشا سیزه ظلمی بو آحاد ایلسون

کیم دیوب شمره سوسوز کسسون حسینون باشینی
 قانه دوندرسون ستمله زینبون گوزیاشینی
 هئج باجی گورمز معاذالله ائله قارداشینی
 یدّی ضربتله قفادن ذبح جلاد ایلسون
 من بو حکمی ائتمیش اولسام حضرت زهرا قیزی
 ناقه‌ی عریانه مینسون باش‌آچوب مکشوف اوزی
 یر یوزوندن نیست نابود ایلسون خالق بیزی
 تاج تختیم سرنگون هم خانه برباد ایلسون
 آل بو بیر کیسه زری کئچ سن ئولنلر قانینی
 عون و فضل و جعفر و شهزاده اکبر قانینی
 اوخلانان قونداق ایچینده تشنه اصغر قانینی
 بو قصاصی قویما خالق یوم میعاد ایلسون
 قیلدی فرمایش یزیده اول امام مفترض
 سؤیله مقصودون بو سؤزلردن ندور آیا غرض
 تار موی اکبره اولماز ایکی دنیا عوض
 سهلیدور خالق دگر مین عالم ایجاد ایلسون

ایستیوب کرب و بلا غارتلرین بیریر او دم
 ظالمی حاضر ائدوب بیر مشکگی بیر قانلو علم
 بیر بیره دگدی بو محنتدن هامی اهل حرم
 باشلیوب کلثوم و زینب ناله و داد ایلسون
 گتدیلر بیر قانلو عمامه بویانمیش قانینه
 گورجگین لایلا اونی ال قاتدی شیرین جانینه
 تازه دن بیر اود دوشوبدور سینه ی سوزانینه
 آز قالوب بیر آهیلن دنیانی برباد ایلسون
 سؤیلدی سندن صورا تنگ اولدی بو دنیا منه
 وئردی یوزمین گونده درد و محنت عظاما منه
 اولمیوب بیر کس به غیر از زینب علیا منه
 تسلیت وئرسون علی بو گوگلیمی شاد ایلسون
 گتدیلر بیر قانلو کونک زینبون دلخواهینی
 غم غم اوستن یوز وئروب آرتوردی بو غم آهینی
 سؤیلدی هند اوغلونا ئولدوردون عالم شاهینی
 بیر ستم قیلدون نه فرعون و نه شداد ایلسون

دو غرادون کرب و بلا ده اول عزیز ناسیمی
ایلدون شرمنده سودان اوتری سن عباسیمی
قویدون حسرت نو عروس دلفکاره قاسیمی
وئرمدون مهلت عموسی تازه داماد ایلسون
بیر نچه گون مجلس ماتم قوروبلار شامده
بیر بئله بزم مصیبت اولمیوب ایامده
قویمادی زینب فغانی جان خاص و عامده
بو غمه طاقت نه نوعی زین العباد ایلسون
آل سفیان لعنتی هر لحظه و هر آینده
خیلی مغضوب نظر دور محضر سبحانیده
ای مؤذن هر قدر واردور نفس بو جانیده
لعنت ایله قوی سنه بیگانه ایراد ایلسون
«شاه بیت»

منه جان وئرنده عمه قولومون طنابی آغلار
یرون اوسته قاره تپراق گوگون آفتابی آغلار

«نخستین»

«نوحه سینه زنی - جوشی زنجیر زنی»

ای مهر و وفا شمعینه پروانه رقیه
تو کمه بئله گوزیا شووی دامانه رقیه

آغلار گوزووه عمه وین آغلار گوزی قربان
گل تک سارالان رنگوه عمون اوزی قربان
حالون بیلورم چوخ پوزولوب شامه گلندن
جسمون آریوب شمع کیمی آتش غمدن
گیزلتمه نئم تک اورگون دردینی مندن
خیردا اورگونده غم بسیاریوه قربان
گوزلردن آخان اشگ شررباریوه قربان
صبر ایله قیزیم محنت هجرانه داریخما
وئرمه بو قدر صبریوی تالانه داریخما
عادت ائله بو گوشهی زندانه داریخما
چون اهل وفانی غم سوزانه سالالار
حق سؤز دییه نی رسمیدی زندانه سالالار

عشق اهلینون عالمده قیزیم خوش گونی اولماز
 صابر اولی هر درده وفا اهلی یورولماز
 چرخ فلکین گردشی دائم بئله قالماز
 آخر بالا مشگل لری تسهیل ائلین وار
 مسماری قیزیم تختیه تبدیل ائلین وار
 بو رسمیدی درد اهلی اولار غم سراغیندا
 سیندیرما اوزون درد و بلانین قاباقیندا
 خوشدور یاتا عشق اهلی خرابه بوجاقیندا
 شکوه ائلمه هر نه بلا گلسه قضادن
 صبر ایله قیزیم اینجیمه چوخ درد و بلادن
 آی نازلی بالا خوان وفانین دوزی سان سن
 زهرا نوه سی چرخ حیا اولدوزی سان سن
 دؤز هر غم و آلامه حسینون قیزی سان سن
 غملر قاباقیندا اوزوی سیخما عزیزیم
 دیواره قویوب یوز ائویمی یخما عزیزیم

باخما بو گونه قاره گیوب زار و حزین سن
 سن دختر شیرین سخن سرور دین سن
 هرچند یرون خاکیدی ویرانه نشین سن
 آز سنّیله هر درده معالج سن عزیزیم
 شأنون اوجادی باب الحوائج سن عزیزیم
 حسرتله باخوب یولارآ آرامیمی آلما
 دولدورما گوزون اشگیله گل مثلی سارالما
 ائتمه ئولوم آرزی ننه می یادیمه سالما
 گوزیاشیله دردون یوزوه یازما قلم تک
 اللّهدان ئولوم ایستمه مظلومه ننم تک
 اهل حرمی آغلیوب آغلاتما عزیزیم
 گوزیاشوی خون دلیوه قاتما عزیزیم
 تپراقه قویوب گل یوزوی یاتما عزیزیم
 گل سینه مه ای گوهر گنجینه ی طاها
 قویما یوزوی تپراقا ای نوگل زهرا

هانسی گلی سن تک سارالوب ظلمیله سولدی
 یاندون غم الیندن اورگون دردیله دولدی
 زهرا کیمی آز عمریده چوخ نسلگون اولدی
 نسل لرون ئولسمده اورکده قالاجاقدی
 سندن ننه مین دردی منی ئولدوره جاقدی
 آخدوقجا یوزه گوز یاشون اهل حرم آغلور
 احوالیوی کیم دفتره یازسا قلم آغلور
 سن آغلادوقجا بیله بیلم ننه آغلور
 هر غملی سؤزون بو یارالی قلبه اوخ اولدی
 اوچ یاشداسنون دردون آنامداند چوخ اولدی
 آهونله یانان قلبیری داغلاما بیله
 دیواره قویوب گل یوزوی آغلاما بیله
 قربان گوزوه چاره یولون باغلاما بیله
 یازدوقجا سنون غملریوی «عدلجو» آغلار
 نسل لریوی یاده سالوب قلبینی داغلار

کیفیت طعام آوردن عورت به خرابه شام

زمانی غملی زمانیمده با دل پر غم
 تفکر عالمینه غرقیدوم الیمده قلم
 خیاله قویدوم حسینون مصیبتینی یازام
 یتیشدی خاطر محزونیمه خرابه‌ی شام
 نجه خرابه قرانلوق مکان شکست دیوار
 نه سقف وار سالا سایه نه ایستیدن ساخلار
 اسیرلر هره بیر گوشه‌ده به رنج و تعب
 یغوب یتیم‌لری باشینه خانم زینب
 قالب طعامه حسینون بالالاری حسرت
 یتوب او وقته کنیزله بیر خانم عورت
 دایاندیلار قاپودا ائتدیلر او دمده سلام
 خانم قاباقدا کنیزون باشیندا خونچا طعام
 طعامی قویدی یره عورت اولماسون تفصیل
 سوروشدی کیمدی سیزه بو خرابه ایچره کفیل

جواب عورتی بیر زار و ناتوان وئردی
 اشاره ایله خانیم زینبی نشان وئردی
 دولانندیروب یوزونی زینبه همان عورت
 دئدی اسیرلره ایله سن اوزون قسمت
 دونوب طعامی گورنده اوشاقلار اوز اوزونه
 گهی طعامه باخوب گاه زینبون یوزونه
 خانیم بویوردی تصدقدی نذریدی بو طعام
 تصدق اولسا خدا بیزلره ائدوبدی حرام
 دئدی اسیر بو بیر نذردور چوخ اولما ملول
 دعا ائدون ائله سون حق اوزی بو نذری قبول
 گتورمگیمده بو نذری واریمدی آیری غرض
 ائدوب قضا منی بیر وقته مبتلای مرض
 اونون علاجینه اولدی طیبیلر عاجز
 دوا تاپولمادی قالدی طیبیلر عاجز
 آنام گتوردی منی بیر مقام والایه
 او آستانه ی عالم پناه زهرايه

مرض منی آریدوب ایلمیشدی بسکه علیل
 هزار امیدله گلدوک او دودمانه دخیل
 الین گوتوردی سمایه خانیم دعا ائلدی
 توجهیله منیم دردیمه دوا ائلدی
 او دودماندا قالب مدتی عزیز اولدوم
 علی الخصوص خانیم زینه کنیز اولدوم
 او زینبون منه چوخ چوخ محبتی واریدی
 گئجه گونوز منه لطف و عنایتی واریدی
 محبتی منی آز قالدی بی قرار ائلسون
 که ایستمزدی گوزوندن منی کنار ائلسون
 تصادف ایلدی گلدیم بو شام ویرانه
 فراقی گوگلیمی الحال دوندروب قانه
 گتورمیشم اودی بو نذری سیز غریبه وئرم
 منی دعا ائدهسوز زینبی دوباره گورم
 علی الخصوص من زاره لطف ایلیم سن
 نچه سؤال واریمدور جوابینی دیه سن

نه يرون اهلی سوز آيا، اسير سوز بيلوک
 جواب وئردی خانیم بیز مدینه دن گلیوک
 سوروشدی هانسی مدینه بویوردی پیغمبر
 قیلوز هانسی دی سؤیله سن ای الم پرور
 دئی قبیله میزی ایسته سون بنی هاشیم
 مدینه دن بوراجان چوخ بلا چکوب باشیم
 دئی اسیر دانیش بی نوایه بنزورسن
 فدا اولوم دلوه آشنایه بنزورسن
 آقام علی ائوینی سؤیله سن تانورسان یوخ
 دئی بلی تانورام اوردا اولموشام چوخ چوخ
 علی ئولنده ائوینده اونا چوخ آغلامیشام
 یاراسینی باشینون اوز الیمله باغلامیشام
 دئی اسیر بیان ائت گوروم خانیم زهرا
 قابورقالاری سینان وقته واریدون آيا
 دئی بلی واریدیم من غریب دلخسته
 بلالی باشین اوزوم آلموشام دیزیم اوسته

دئدی اسیر بو سؤزلر که سن بیان قیلوسان
 گرک منیم خانیمیم زینب اوندا سن اولوسان
 بئله دیننده حرملر تماماً آغلادیلار
 یتیشدیلر توکولوب زینبی قوجاقلادیلار
 بویوردی گل داخی ائتمه بو قدری ناله و زار
 مگر خانیم سویولاندا اونی تانیمازلار
 کفایت ائت داخی ذاکر یانار الوند قلم
 بو محنت آخره یتمز نقدری اولسا رقم

من بیر قیزام قلم منه غم یازدی شامده
 ئولدوم بو خرده قبری بییم قازدی شامده
 آباد اولوب خرابه وئرون عمه مه خبر
 افسوس اوللا گلوب گئدیم آزدی شامده

«نوحه زنجیر زنی»

غربت خرابه ده یوخ یاریم عمه جان
دور بیر علاج ائله غمخواریم عمه جان

گوردوم گلوب شه عطشان خرابیه
اولموشدی بو گئجه مهمان خرابیه
سال میشدی آهیله طوفان خرابیه
قان یاغدرور دل خونباریم عمه جان
گلمیشدی یانیمه ایندی بابام حسین
آلدی قوجاقینه اول شاه مشرقین
ال چکدی باشیمه عمه به شورِ شین
قانه دونوب دل افکاریم عمه جان
آلدی بابام منی عمه قوجاقینه
قویدوم دوداقیمی قانلو دوداقینه
چوخ آغلادوم داخی دوشدوم ایاقینه
قیلدوم شکایت اغیاریم عمه جان

شمرون جفاسینی گتدوم بیانه من
 گوزیاشیمی یوزه قیلدوم روانه من
 سالدوم شراره کیم عمه جهان من
 چو خدور دئدوم بابا آزاریم عمه جان
 وار شمردن دئدوم عمه شکایتیم
 عرض ایلدیم اونا بیر بیر شمتتیم
 بزم یزیدیده چوخ آرتدی محنتیم
 اینجیتدیلر دئدوم کفاریم عمه جان
 سیلی یرین اونا گوستردیم عمه جان
 قمچی دگن یری وئردیم اونا نشان
 چوخ نازیمی چکوب من ایلدیم فغان
 اولدی خرابه ده دلداریم عمه جان

منتظر کتاب جدیدی از «ناصر» باشید

«نوحہ سینہ زنی - جوشی زنجیر زنی»

دل یارہسی باغریں ایلین قان بالا لایلای
ویرانہ بوجاقینده وئرن جان بالا لایلای

حصّہ ون بو فنا دهریدن افسوس غم اولدی
بو شامہ گلن گوندن انیسون الم اولدی
چوخ دردیلہ عمرون ولی صدحیف کم اولدی
آز سنّیلہ اندوهی فراوان بالا لایلای
باجادی گوزوم یاشی دونه بارش ابرہ
آہیم ویرا آتش یری وار خرمن صبرہ
قویدوم اوز الیملہ بالامی خانہی قبرہ
تیر غم ائدوب قلبیمی شان شان بالا لایلای
ویرانہنی ائتدون نچہ گون جبریلہ مسکن
اولموب بالا ویرانہدہ حتّی گینہ مأمّن
آخرده اولوب کُنج خرابہ سنہ مدفن
اولدی وطنون گوشہی زندان بالا لایلای

سالدون منی گوزدن بالا آخر هارا گتتدون
 اولدی ایاقون تک اورگونه یارا گتتدون
 قبره بالا آغ اولمادی گیدون قارا گتتدون
 اولسون بو فنا عالمی ویران بالا لایلای
 هجر آتشیله شامیده سندن صورا یانام
 اشگ غم و اندوه مصیبتله بویانام
 قبرون باشینا اللری قوینوندا دولانام
 هر دم دییرم بلبل خوشخوان بالا لایلای
 یانام بالا یادیمه دوشن وقته نگاهون
 گل تک سارالوب سولموشیدی عارض ماهون
 اولموبدی ویرام شانه هورم زلف سیاهون
 تاپموبدی بی بون دردیوه درمان بالا لایلای
 نه گلدی وفا رختینی تندن بئله سویدون
 اوز همسفر وندن بالا بو تنزلیگه دویدون
 سالدون نظرونندن منی تنها نیه قویدون
 عمون ائلدون زار و پریشان بالا لایلای

گوشه‌ی ویرانیه گلدی یزیدون دختری
 باشد چادرشب واریدی زینت و زیب و زری
 باجوون باشد اقلّاً اولمادی بیر معجری
 نیلورم من بیر بئله دنیانی ئولّم گلمسون
 شمر دون ویرانده ایستر منی هر گون وُرا
 تازیانیلن بلالی باشیمون اوسته دورا
 یوخدی بیر کیمسه منی الله رضاسی تاپشورا
 نیلیوم فرمان اونون فرمانی ئولّم گلمسون
 یوخ منیم تک صفحه‌ی دنیاده تیره روزگار
 قویموسان قارداش بیر ایلدور گوزلریمی انتظار
 گلمگون یوخ، نامه یولّا ساخلیوم من یادگار
 دست خطون دردیمون درمانی ئولّم گلمسون
 بیلمورم من گئتموسن کرب وبلادن یشره
 یولارام من نامه هی باد صبادن یشره
 گل بیزی قارداش آپار ویرانسرادن یشره
 گوگولوم ایستر چوخ باجیم صغرانی ئولّم گلمسون

«نوحه - جوشی - سینه زن»

یات سکینه جان ای گل خزان
 بلبل مدینه ماه انوریم یات
 بو خرابه نی ایلدون مکان
 ای سرور سینه غنچه ی تریم یات
 ای منیم انیسیم یار همدیم یات
 هر گنجه شریک محنت غمیم یات

راحت اول قیزیم کنچدی ذلتون
 ال گوتوردی سندن شمر نامسلمان
 یوخلا بیر زمان گرچه بالشون
 پاره کرپیچ اولدی ای یتیم نالان
 بو خرابه دور منزلون سنون
 یوخ چراغ و فرشی توپراق اوسته وئر جان
 غربت ئولکه دور اولمادی کفن
 وار کفن یرینه قاره معجریم یات

ایستدی سنی شمر دون ویرا
هر زماندا وئردیم قوللاریم قباقه
بیرده گورمرم گل عذاروی
گل قویاق منیله بیر دوداق دوداقه
حاجتی بودور ناطقون گلوب
تا که زائر اولسون سن یاتان رواقه
واگذار ائله اجر و مزدینی
محشره گلنده وئرسون اکبریم یات



هر بیر گدانی شاه اندر الله گر ایسته سه
چوپانی ایلیر بلی پیغمبر، ایسته سه
شاهلار جلالی آزدی باشیم عرشه قوزانار
زهرا اگر حسینه منی نوکر ایسته سه

«نوحه سینه زنی - جوشی زنجیر زنی»

ویرانه ده حسرتله وئرن جان بالا لای لای
جیران بالا لای لای
قرآن اوخیوم یا دیوم الان بالا لای لای
جیران بالا لای لای

گرد غم و آلامی اورکدن دئمه سیلم
ای نازلی رقیه م
بو آیریلقوندان بالاجان آغلارام ئولم
بو سروی بیلم
یشربده چتین ساکن اولام یانوه گلم
عهدیمدی مسلم
بو خرده مزاره دیوم هرآن بالا لای لای
جیران بالا لای لای

ای گلشن و گلزاره قالان عمریده حسرت
ای مدفنی غربت
بو تتزلیگه ئولمزدون ایا گوهر عصمت
ئولدوردی شماتت
شمر ائتدی جفا زجر ائلدی زجر و اذیت
ای سینه مه زینت
ؤردی سنی شامه کیمی عدوان بالالای لای
جیران بالا لای لای
گوشواروی غارتده سنون آلدیم الوندن
یاندیم بالا دلدن
نامحرم الی یوز گوزوه دگمیه اصلاً
سینما بالا مندن
گوشواروی آلدیم سن اوزون گئتدون الی مندن
ای گل یوزی سوسن
گوشواره سی اللرده قالان جان بالا لای لای
جیران بالا لای لای

زہرا آناما سنده عجب واردی شباهت
 اولدون بالا راحت
 آز عمر ائلدی ئولدی آنام قلبیده حسرت
 درک ائتدی شہادت
 ترک ایلدون آز عمریله دنیانی بو ساعت
 چوخ گوردون اہانت
 زہرا کیمی ای دینینہ قربان بالا لای لای
 جیران بالا لای لای
 سیلی آنامون صورتینی ایلدی نیلی
 ایوای نجه سیلی
 دگدی سنہده دشمن الیندن بالا سیلی
 چرخون بودی میلی
 ہم وُردی سنی ہم آنامی ظلمہ طفیلی
 هئج اولما گلیلی
 ای صورتینی غصہ سارالدان بالا لای لای
 جیران بالا لای لای

ای گوزلری اولدوز یوزی آی آی بالا لای لای
 ایوای بالا لای لای
 چوخ قیز گلر اولماز سنیچون تای بالا لای لای
 ایوای بالا لای لای
 حق وئردی ربابه سنی چوخ پای بالا لای لای
 ایوای بالا لای لای
 دگدی سنه گوز ای مه تابان بالا لای لای
 جیران بالا لای لای
 قبرون سالوری یاده چیخور شیون و شینی
 هر لحظه ده «عینی»
 اوتوز ایل اولور ذکر ائلیور نام حسینی
 ادا ائتمدی دینی
 چون زنده آتان قانی ائدوب مکتب دینی
 او پیغمبرون عینی
 قان وئردی اولوب زنده بو قرآن بالا لای لای
 جیران بالا لای لای

«جوشی»

رقیہ وم گلمیشم بابا شام شومیده جانہ
گئجه گونوز بو خرابه ده آغلارام یانا یانه
باخ بو دیده گریانہ - گوزیاشیم دونوب قانہ

دوشنده قارداشلاریم یادا حالیمی دولانديرام
دؤزنمرم هجره صبریمون کاسه سین جالانديرام
سیزیلدارام نی مثالی من کائناتی یانديرام
یانار ملال و فغانیمه آشنا و بیگانه
باخ بو دیده گریانہ - گوزیاشیم دونوب قانہ

گوزل بابام، مهربان بابام، دوتموسان سراغ مندن
اتویم محقردی بوش الیم چوخ خجالتیم سندن
دعا ایله بو گئجه منیم تئز چیخا جانیم تندن
فزوندی دردیم، گلن دگل هئچ بیریزی درمانه
باخ بو دیده گریانہ - گوزیاشیم دونوب قانہ

شہ جهان جان جان جان حقہ جان وئرن سلطان
 غریب نواز لیق ائدوب بابا اولموسان منہ مهمان
 نہ یاخشیدور منده جانیمی ایلیم سنہ قربان
 ائدرله قربانی رسمیدور زیر پای سلطانه
 باخ بو دیدہ گریانہ - گوزیاشیم دونوب قانہ
 او گون کہ دوشدی بلالره بو باشیم بابام جانی
 آخور یوزہ دائماً منیم گوزیاشیم بابام جانی
 عموم سالور یادینه نہدہ قارداشیم بابام جانی
 فلک منیم اشگ چشمیمی دوندروبدی عمانہ
 باخ بو دیدہ گریانہ - گوزیاشیم دونوب قانہ
 رقیہ ون یوخدی دای بابا زندہ قالماقا میلی
 ویروب منہ یولدا شمر دون گاهی قمچی گہ سیلی
 اوزونده گور ایلوب نجه سیلی صورتیم نیلی
 سیزیلتیما شامیلر کیمی جانہ گلدی ویرانہ
 باخ بو دیدہ گریانہ - گوزیاشیم دونوب قانہ

نسیم آسَر گون باتان چاقی اوندان عطروزی آلَام
 یوخوم دوشر اوندا باشیمه یاده من سیزی سالَام
 خرابه شاهدهدی چوخ گئجه صبحه جک اویاق قالَام
 ترَحَم ایله آپار منی، سون قویاق بو هجرانه
 باخ بو دیده گریانہ - گوزیاشیم دونوب قانه
 فراغته ال تاپام فلک وئرمدی امان غمدن
 شیرین یوخی گورمرم بابا دَهَم محَرمدن
 یانار بیزه ذات حق اوزی راضی اولسون عمه مدن
 شرار شمعہ یانار نجه عاشقانه پروانه
 باخ بو دیده گریانہ - گوزیاشیم دونوب قانه
 گوره واردی دردی هر قیزون ایلر عمه جان چاره
 وئرر مکرر غذاسینی گونده بعضی قیزلاره
 عزا دوتار که سنه گهی تشنه لب علمداره
 دیبر خدا لعنتون گله خاندان سفیانہ
 باخ بو دیده گریانہ - گوزیاشیم دونوب قانه

یاتوبدی قلبینده نسکیلی عمه مون بابا لای لای
 گهی دییر ظلمیلن ئولن تشنه لب حسینیم وای
 ربابی گورسه دییر گهی لایلای اصغیریم لایلای
 یانار یانار نفرین ایلیر حرمله ایله پیکانه
 باخ بو دیده گریانه - گوزیاشیم دونوب قانه
 ساتاشدی لیلایه تا گوزی آغلیار دییر اکبر
 گهی قوشار سس سریئه قاسم جوان سسلر
 دییر فلک یاخشی ایلدون زینبی قرا معجر
 یانام گرک تا نفس واریم منده نار سوزانه
 باخ بو دیده گریانه - گوزیاشیم دونوب قانه
 گلنده شامه یادوندا وار چولده بیر گئجه قالدیم
 تاپاندا زجر لعین منی ناله گوگلره سالدیم
 قاچانمدیم تنز سلام ائدوب قمچی مزدیمه آلدیم
 آجیغلانوب یولداشی دئدی رحم ایله بو جیرانه
 باخ بو دیده گریانه - گوزیاشیم دونوب قانه

آمدن آهوبه ویرانه‌ی شام

محزّران وفا منشیان محنت و غم
 اندوبله اوّل سرلوحه‌ده بو نوعی رقم
 خرابه‌نون قاپوسیندا اسیر قوم عناد
 امام مفترضة الطاعه، سید سجاد
 دوروب ائدردی تماشا ملول و دل ناشاد
 گوروب بیر آهونی صید ایلوبیدی بیر صیاد
 کئچنده آهو دونوب باخدی بیر امامه طرف
 دیردی باطناً ای ابن شهریار نجف
 ترحم ائت منه ای پادشاه عالمیان
 اوزوم دچار، قالوبدور ایکی بالام ویلان
 چاغوردی اوچونی فرزند سرور بطحا
 خلاص ائله بویوروبدی بونی رضای خدا
 گئدوب بالالارینون حال زارینی بیلسون
 قالوبلا آج، اولارا صود وئروب گینه گلسون

اگر قیتمسه من ضامنم بو آهویه
 بهاسینی وئرم گرچه گتسه هر سویه
 دونوب امامه باخوب حیرتیه اول صیاد
 شماتیه دئدی ای اسیر دل ناشاد
 اگر سنون بو قدر ثروت و جلالون وار
 خرابه دن و بو زنجیریدن اوزون قورتار
 الین اوزاتدی یره سرور حجاز و عراق
 گوتوردی وئردی او صیاده بیر اوج توپراق
 ائدنده توپراقا صیاد دقتیه نظر
 نه گوردی توپراق اولوبدور تمام درّ و گهر
 دوشوب ایاقینه عرض ائتدی کیمسن ایله بیان
 آتام آنام اوزوم اولام آقا سنه قربان
 بویوردی حجت باری منم امام زمان
 آتام حسیندی سوسوز کسدیلر باشین دالیدان
 یوزون ایاقینه قویدی به دیده ی گریان
 دیردی عجزیه العفو یا امام زمان

دوروب آچوب ال ایاقین بوراخی حیوانی
 اوزوندن ایلدی راضی امام والانی
 خلاص اولجاقین آهو قویوب بنای فرار
 او قدری گئتدی که تا گوز ائویندن اولدی کنار
 دوروبدی اوچی ولی کئچمدی او قدری زمان
 ایکی بالاسی یانیندا یتیشدی اول حیوان
 دوشوب ایاقلارینا اذن وئردی گوز یاشینا
 دوروب امام زمانون دولانیدیلار باشینا
 دیردی باطناً عهدیم باشا یتیردیم آقا
 بو ایکی طفلیمه صود وئرمدیم گتیردیم آقا
 دولوبدی دؤشلریم ای پادشاه هر دو سرا
 اجازه وئرسون اگر صود وئروم بالالاریم
 بویوردی آهویه اول یادگار ختم مآب
 آپار بالالاروی ائت خرابه ده سیراب
 گتوردی گوشه ی ویرانیه ایکی بالانی
 آلوب آرایه ایکی صودامر بالا آنانی

آمدیلر ایکی یاندان باخاردی آل الله
 خانملارون آراسیندان نه گوردولر ناگاه
 اوجالدی ناله علی اصغرون آناسیندن
 خرابه نالیه گلدی اونون نواسیندن
 دیردی گل آنون ئولسون گلوم سولوبدی بالا
 هایانداسان علی جان دؤشلریم دولوبدی بالا
 بالا قوجاقیمه گل آغلا بیر دیوم جان جان
 او گل کیمی سارالان رنگووه آنون قربان
 بیر آز قالوبدی چیخا جانیم اشتیاقوندن
 خرابه ده یاتارام من سنون فراقوندن
 ندندی گلمز اجل قورتارام من ناشاد
 آنووی یاخشی ملر قویموسان ائوون آباد
 گل ای قویان منی هجرینده یانه یانه بالا
 خدنگ قامتیمی دوندرن کمانه بالا
 بو نسکیلون آنووی یاندرور آنون ئولسون
 نه نوعی تاب ایلدون تیر جانستانه بالا

چالاندا سن ال ایاق اولمادیم یانوندا سنون
 یانار یانان اورگیم آتش نهانه بالا
 هامی آنا بالاسین قتلگاهیدن تاپدی
 تاپانمدیم سنی باغریم دولاندی قانه بالا
 علی اوزون بابوون سینه سینده یات راحت
 آنوی قویگیله ویرانه لرده جانه بالا
 بیلوبدی باب کرمسن دخیل درگاهون
 گلوب امیدیه منعم بو آستانه بالا

من بیر قیزیدیم گل توکولردی ال اوزومدن
 دل اورگدن عمه م هله دویمازدی سؤزومدن
 بیلیم نیه آغلوردی اوپن وقته گوزومدن
 الاندا همین عادتی حالین کدر ایلر

«منزوی»

«جوشی سینه زنی - نوحه مخصوص زنجیر زنی»

بو دل شیده منی یاد ائلدون سن یارالی
بو نه عالمدی بابا سن یارالی من یارالی

گلموسن بو گئجه وقتی قیزیوی یاد ائده سن
غملیدی، غصه لیدی غصه دن آزاد ائده سن
غصه ویران ائلین گوگلومی آباد ائده سن
ائون آباد اولا گل یاخشی گلوبسن یارالی
من بیلوردوم که سنیق قلبلری سن آلاسان
رأفتیله یارالی دلره مرهم سالاسان
گلموسن بو گئجه ویرانه ده مهمان قالاسان
قالسون اولام ستم شمردن ایمن یارالی
دولانوم باشوه من کیم سنی بو حاله سالوب
سنی بو حاله سالان تاب و توان مندن آلوب
بو باشوندور باباجان بس بدنون هاردا قالب
کسدی باشون دی گوروم هانسی دل آهن یارالی

کیم ویروب دست ستمله بو گوزل باشه یارا
 باشوه یاره ویرانلار گونومی ائتدی قارا
 سن هارا یاره هارا من هارا ویرانه هارا
 عزتیم سنله گئدوب ای سر بی تن یارالی
 من بیلوردوم که بابا واردی قضاسی باشون
 گله ای کاش منه جمله بلاسی باشون
 گوزلریمدن بو آخان یاشدی دواسی باشون
 اوزگه درمانه گمان یوخدی بیلورسن یارالی
 قان اولان گوگلومی ویران ائلدی باش یاراسی
 هامی بیر یاره دن اولموش لبوون باش یاراسی
 یاندرور قلبیمی آنونداکی بو داش یاراسی
 دوتوب اود من کیمی دلدن یانا دشمن یارالی
 گل دوداقونده کی بو قانی آخان یاره ندی
 قانی خشک اولموری ایوای منه بس چاره ندی
 منده یوخ چاره ائدم چاره ی بی چاره ندی
 وئر نشان چاره یولون گل دیله دیللن یارالی

دگو بیجا قزیوی گوزدن آتوبسان باباجان
 باش وئروب مقصد و مقصوده چاتوبسان باباجان
 یوخسا مطبخده تنور ایچره یاتوبسان باباجان
 بله شوب تا کوله بو حُسن مُحسن یارالی
 سالسا باجادی شرر کونه شرار محنیم
 تیره شامه گونوزوم دوندی بو شام ایچره منیم
 تازیانه اثریندن گووریدور بدنیم
 غبطه بو جسمه ائده وار یری سوسن یارالی
 آغلادار باخسا مدام آل خلیلی یوزومه
 قان دولان گوزلرون آچ باخ بابا نیلی یوزومه
 گور نجه شمر ویروب ظلمیله سیلی یوزومه
 ایلایوب طعن اوخونا سینه می مخزن یارالی
 سن نجه گون کیمی باتدون ائله منده باتارام
 سنون عشقونده بو عالمیری گوزدن آتارام
 کنج ویرانه ده قبریمده کفن سیز یاتارام
 دیر عشاق جهان عشقیمه احسن یارالی

عموم عباسه نه گلدی سنه ال تاپدی عدو
 قویدی یوخسا اونا حسرت من بیچاره نی سو
 سوئی اولمادی اودی خیمیه دوندرمدی رو
 سؤله گل ایستمرم بیرده سو گلسن یارالی
 سالدی دامه منی سندن صورا صیاد بلا
 سنه تابع اولوب اولدوم نه بلا گلدی رضا
 دیلیمه دگمیدی بو مدتی بیر ایستی غذا
 بنزرم قالب بی روحه اودی من یارالی
 چوخ دویوبدور بابا یوللاردا منی شمر دنی
 بیر دیین اولمادی دوگمه بو جلای وطنی
 چاغوراردیم او ویراندا منی امداده سنی
 گلمدون دادیمه کوسدوم اودی سندن یارالی
 من دئدیم کوسموشم آرتدی غمون ای طاقتی طاق
 عفو ائله گل ئولورم بیرجه دویونجا دانشاق
 قوی اوپوم بیرده یارالی دوداقوندان باریشاق
 سنه نسگل اولی ئولسم منه شیون یارالی

آغلاما خسته سن اوز روحوی اینجیتمه بابا
 آغلیوب لاله کیمی باغریمی قان ائتمه بابا
 ئولورم گل منه خاطر بو گنجه گئتمه بابا
 من ئولندن صورا نسگل اولی گئتسن یارالی
 بابا ایستر بو شعاع عاشق دیوانه کیمی
 گله مهمان بیزه بیر وقفه ی قربانه کیمی
 دولانا باشوه بو جمعيله پروانه کیمی
 ایسته قسمت ائلسون خالق ذوالمن یارالی

پیرِ خرد آدم شبی اندر خواب
 پرسیدم از او ز پرسش روز حساب
 گفتا: که بگو مهر که داری در دل
 گفتم که علی، گفت که آسوده بخواب
 «جهرمی»

«سینه زنی - زنجیر زنی»

ای رقیه‌ی مضطر ای شیرین دلیم لایلای
 ای نشانه‌ی اکبر نازلی سؤیگلیم لایلای
 خسته بلبلیم لایلای

دمبدم سالوب یاده نسگیلون آلولانام
 دلدۀ ذکر ائدوب آدون فرقتونده اودلانام
 کوفیان ائدن ظلمه تا ساغام قیزیم یانام
 قدیمی کمان ائتدون گلموری بئلیم لایلای
 خسته بلبلیم لایلای

اینجیدوب سنی لشگر گویلره فغان گئتدی
 آغلادون یوزه گوزدن یاش یرینه قان گئتدی
 دور ایاقه ناز ائتمه قورخما ساربان گئتدی
 باد ظلمدن سولدون آچمامیش گلیم لایلای
 خسته بلبلیم لایلای

بو جفا و محنتدن قانه دوندی گوزیاشیم
 دفن اولونمادی نعشون هاردادور بنی هاشم
 یوخ خبر وئرن گل سین یدی نازلی قارداشیم
 شامده غریب من هاردادور ائلیم لایلی
 کاروانیمون زنگی خوش زبان رقیتم وای
 ناله ده هم آوازیم نوحه خوان رقیتم وای
 اولی عزیز آخر خوار اولان رقیتم وای
 توپراقی ائدن بالش زلفی سنبلیم لایلی
 غربت ئولکه بیر کس یوخ نه کفن نه غسله
 شمع آهی یاندرام باشون اوسته چون لاله
 غسلوی اوزوم وئرم آغلارام بو احواله
 ظلمیله اولان خاموش شمع محفلیم لایلی
 ذاکر حسینم من فارغم علایقدن
 قانعم او رزقی که قسمتیمدی رازقندن
 بو مراغه شهرینده کسمیشم خلایقندن
 ازبریمدی زینب تک ای شیرین دلیم لایلی

«نوحه - جوشی - سینه زن»

اربعی‌نوه گتوردوم باغری‌قانلاری حسینیم
زائرون‌دیلر دانیش‌دیر آغلیانلاری حسینیم

سن شهادته چاتاندان قلبیلر اولوب شکسته
قیزلاری گتیرمیشم من آلتی‌گوشه قبرون اوسته
گلمیوبلر اربعینه قولاری طنابه بسته
هجروون غمی یوروب‌دور مهربانلاری حسینیم
تیر محنته گئندن سینه‌لر اولوب سپرلر
اهل‌بیت ختم‌مرسل قبر پاکوی اوپرلر
یوخ گلاب و مشگ و عنبر قبره گوزی‌اشین سپرلر
سن ئولن گونی داغیلدی آشیانلاری حسینیم
چادیرینده وئردی فرمان انتقامیدن دویانلار
سویدی قیزلارین طلاسین خیمه‌گاهوی سویانلار
حشریده گورر جزاسین قیزلاری یتیم قویانلار
تیره‌در یتیمون آهی آسمانلاری حسینیم

تازیانه لر آچیلدی آل مصطفی ویرولدی
 چکدیلر یانقلی آهی هانسی بینوا ویرولدی
 شام و کوفه ده مکرر قلبیمه یارا ویرولدی
 ویردیلار دوداقلاروندان خیزرانلاری حسینیم
 قهرمان کربلایم فکریوه همیشه قالدیم
 قانلی کوینگی عدودن شامیده دانیشدیم آلدیم
 اربعین گونی گتیردوم قبر پاکون اوسته سالدیم
 نهضتونده وثرمیشم من امتحانلاری حسینیم
 شامه نازنین رقیون قلب ائوینده دردی گئتدی
 سینه وون ال آتدی تیرین قتلگهده دردی گئتدی
 ساچلارین آچوب یارالی سینون اوسته سردی گئتدی
 آه چکدی آهی یخسون اوخ ویرانلاری حسینیم
 یارووی دوداقد اگوردی عرشه الامانی چیخدی
 اللرین او قدری ویردی لبلرینه قانی چیخدی
 وای بابا دئدی اورکدن محضرونده جانی چیخدی
 یغدی باشینه عزاسین ساخلیانلاری حسینیم

غزلی در زبان حال حضرت زینب در یوم اربعین

نسیم صبحیلن همدم اولان تأثیر آهیمدور
 کسلیمیشدور پناهیم بی پناه اولماق پناهیمدور
 ایله تعریف لر کیم ایلور لر لیل یلدادن
 اونون سیری بو عالمده منیم روز سیاهیمدور
 باشیم بی معجر و عریان دوه ظلمیله قول باغلی
 پیمر دختری دریا کیمی غملر سپاهیمدور
 دیار شامیده بیر گون بیزی گزیدیردیلر شهری
 خرابه گوشه سینده گوزیاشی هم دادخواهیمدور
 نقدری ظلم اولورسا ائتدیلر بیز آل طاهایه
 مصائبده ولی صبر ایلمک امیدگاهیمدور
 نجه عرض ائلیوم من باش آچوق مجلس لره گئتدوم
 نه نوعی ظلم اولوب بیز بی کسه خالق گواهیمدور
 یانوب پروانه تک غم شعله سینده بی نوا زینب
 دوتام یوز هر طریقه غم طریقی نار آهیمدور

رجزی از زبان حال حضرت کلثوم به حضرت ابوالفضل

ای فرات اوسته آخان قوللارینون القانی
 بیله ناله ائدرم آغلادارام دنیانی
 آتامون صولت و سطوتلی علمدار اوغلی
 آسِدِ بیشه‌ی قهرِ غضبِ یزدانی
 وطنه گئتمه‌لیدی باجیلارون دور یولا سال
 گوزلریمدن توکرم اشگ تر نیسانی
 طاقتیم یوخدی آنام ام‌البنین آلسا خبر
 نیه بس گلمدی عباس او غیرت کانی
 سو کنارینده سنی قبره قویوبلار سببی
 خلق بیلسون سوسوز ئولدوردیله بو سقانی
 نیزه‌لرده دولانان باشوه باجون قربان
 ای سوسوز جان وئرن الله یولونون قربانی
 نه اوزیله وطنه یوز چووروم من قارداش
 نه دیوم گر دئسه اوغلون آتام عباس هانی

شام کیفیتینون شرحینی من ایلرم
 کوفه ده سن دی جفای ستم عدوانی
 او حسینون یارالی جانینه آند اولسون کیم
 چکمیشم غم او قدر یوخدی دئمک امکانی
 اوخلانان مشگوی یاده سالوب آغلار چشمیم
 چشمه چشمه سو وئورور وردیقجان مژگانی
 باش آچوب شام و سحر ورد ائلرم قارداش وای
 دیم عباس گرک دور ائلیم صحرانی
 وطن آدین دئمگه یوخدی دلیمده یارا
 داخی سندن صورا دونسون فلکون دورانی
 باخورام آب فراته گینه ده موج ایلر
 سالورام یاده علی اصغری عاشورانی
 اله جام آلدی سکینه دئدی یاندیم سوسوزام
 ای وفا کانی عمو گور بو لب عطشانی
 گلمدی سو اله وئردون قولوی سو اوسته
 آیری قانلو عقابون دولانوب میدانی

آسدی بیر باد ستم آل علی گلشنینه
 قیلدی افسرده گل نسترن و ریحانی
 اولدی بیر ایل بیزیچون مسجد ویران منزل
 نجه ویرانه که یوخ ذلتینون پایانی
 نه دیوم محنتیمی بسدی سنه اوز دردون
 سن منه آغلا، سنه من ائدرم افغانی
 دور گئدک یثر به یالقوز گئده بیلمز کلثوم
 بی کسم یوخدی کسیم اکبر و اصغر جانی
 بارالها به علمدار شهید حرمتینه
 جرم دلخونی باغیشلا چوخ ائدوب عصیانی

روزی که خدا بنای افلاک بهشت^۱
 بر هفت در بهشت و دوزخ بنوشت
 بر شیعه‌ی مرتضی حرام است جحیم
 بر دشمن مرتضی حرام است بهشت

«نوحه زنجیر زنی و سینه زنی»

عاشقین نقدری اولسا خوشدی ابتلاسی قارداش
زینبون قوتار میاندی باشینون بلاسی قارداش

جوهر وجود عاشق درد و رنج و صبر و غمدور
دؤزمین بو امتحانه ادعاسی کالعدمور
خاکسار اولان نگاره تازه اولین قدمدور
شمع تک یانوب کول اولماق درس ابتلاسی قارداش
فتح قیلمیشام حسینیم قلّه‌ی فراز عشقی
آلموشام بو لشکر یله هفت شهر ناز عشقی
نیزه ده سسون که گلدی باشلادیم نماز عشقی
ناقه ده رکوعه گئتدیم قالمیا قضاسی قارداش
غم سپاهینی حضوراً ممکن اولسا سان وئردیم
رمز عشقی قبرون اوسته شرح ائدوب بیان وئردیم
باخماسیدی خرده قیزلار چیگنیمی نشان وئردیم
وار هله بو پیکریمده عشقوین یاراسی قارداش

قوی دیوم سنه حسینیم اوز اسفلی حالتیمدن
 اهلیت مصطفایه ائتدیگیم کفالتیمدن
 قیزلارون غذا دینده ئولموشم خجالتیمدن
 شرمسار اهل بیتم غم لر آشناسی قارداش
 شیرزن باجون قوجالیدی جانیدن داخی اوصاندیم
 آغلیاندا خوردا قیزلار باشینه دوروب دولاندیم
 ایستدی غذا رقیون اولمادی وئرم اوتاندیم
 غصه لر بئله اریتدی قالدی بیر نماسی قارداش
 شامیدن جلالی برهم قولاریمدا یاره گلدیم
 جان وئرن زمان رقیون ئولمدیم دوباره گلدیم
 توزلی قبریوه قیزوندان نائب الزیاره گلدیم
 قورتاران دگل بیلورسن زینبون وفاسی قارداش
 اولماسیدی بو وظیفه زینه اگر محول
 قیترم بو کاروانی قبرون اوستونه معجل
 سن خرابیه گلنده من اوزوم ئولردیم اول
 خسته جانیمه گلردی گوزلرون قاداسی قارداش

من دئم حسین که ظلم و جور دشمنی سورو شما
 داستان مرگ بلب، وضع گلشنی سورو شما
 هر کیمی دئون خبر آل بیر رقیه نی سورو شما
 ئولدی گلمدوز عزایه خوار اولوب عزاسی قارداش
 شامه رهسپار اولاندا قامتی خمیده گتتدیم
 جور و ظلم آل هنده یازماقا جریده گتتدیم
 خوردا قیزلاریلا باهم مجلس یزیده گتتدیم
 باشووی رقیه گورجک اوج ائدوب نواسی قارداش
 خیزران هوایه قالخدی دیزلریم اسوب آلیشدیم
 هاشمیه لیق وقارین حفظ ائدوب او دم چالیشدیم
 عاقبت ائله قیزیشدیم مرتضی کیمین دانیشدیم
 اهل مجلسین اوجالیدی آفرین صداسی قارداش
 واردور علتی مزارون ئوپدوقیجه شوقه گلم
 آخرین زیارتیمدور من اوزوم بو سری بیلم
 بیرده صونکی اربعینون گورمرم یقین که ئولم
 زائرم منی دانیشدیر سؤزلرون فداسی قارداش

زینبم سنه مُریدم حَقّین اوسته جانفشانم
 کوی عشقوه بلدچی حمله دار زائرانم
 باخ بو قانلی کوینگوندور سینهم اوسته قهرمانم
 آلموشام ولی نه آلماق چو خدی ماجراسی قارداش
 نهر علقم اوسته بیر آی که دوشوب حسین محاقه
 واردی زینبون او قولسوز سرسپاهه چوخ علاقه
 سؤیله گلمیوب رقیه سن اوتانما چیخ قباکه
 دور باجون گلوب سفردن ای گوزوم ضیاسی قارداش
 آند اولای او قانلی باشه همچو شمس و ضُحُها
 باشلارا دالونجا آی تک والقمر اِذَا تَلَّها
 ایستورم قلام یانوندا والسّماء و ما بَنَّاها
 آل بو خسته جانی مندن اللّهُون رضاسی قارداش
 وار یری بو نسکل ای شه الدن آلسون اختیاری
 سیل تک ربابون ایلور گوزیاشین عذاره جاری
 هی سؤال ائدور باجوندان اصغرین هانی مزاری
 سؤیلورم آلبودی حتماً سینیه آتاسی قارداش

چوخ بجادی سس گلیدی دی رباب دلشکسته
 اولما ناگران بالوندان آغلاما بو نوعی خسته
 نازيله یارالی اصغر یوخلیوبدی سینه م اوسته
 اوچ نفر یاتوبلا باهم خوش آتا بالاسی قارداش
 صادقی دوز اولسا عاشق چون کبوتر حرم دی
 شاهدان قرب وصله همنشین و همقدم دی
 بوشلا بیل یقین هر عاشق یاندیقیجا محترم دی
 سینه سینده سوز عشقی روحینون غذاسی قارداش

لطفون اولسا یاحسین درد دل آغاز ایلرم
 عاشقانه گلیمیشم درگاهوه راز ایلرم
 سن منه نوکر دئون من شه لره ناز ایلرم
 اعتباریمسن، شعاریمسن، وقاریمسن، حسین

«نوحه - جوشی»

شامده دؤزوب دایاندیم ظلم مشرکینه قارداش
قانلی کوینگون الیمده گلدیم اربعینه قارداش

کوینگون منه اولوبدور مایه ی نوا و شیون
عطروی بیر عمر آلام پاره پاره کوینگوندن
دلدن اودلانونب حسینیم شیونیه اوخشارام من
همدم آه و ناله دور بو زار و دلغمینه قارداش
زینبه قالوبدی سندن قانلو پیرهن نشانه
باغریما باسوب همیشه گلّم آه و الامانه
کوینگون اورک باشیندان قویمارام بیر اوزگه یانه
ورد اولوبدی قارداشیم وای زینب حزینه قارداش
قوم کین گئدنده فرصت وئرمدی بو باغریقانه
باشون اوسته ایلیدیم بیر نوای عاشقانه
آغلیاندا ظلم الیه شمر ویردی تازیانه
حسرتیم اورکده قالدی یاندی اودلی سینه قارداش

خود سری بیر اربعینی ترک قیلما دیم سنی من
 سرّی وار بیر ایل یوباندیم مندن ایلمه گله سن
 گلماقا بو قبره فرصت وئرمدی بیر ایلده دشمن
 فرصت اولدی ایندی گلدیم کربلا یرینه قارداش
 ایندی یوخدی قوم کینه الدهه یاخشی فرصتیم وار
 عرض ائدوم سنه برادر دلدّه هر شکایتیم وار
 سن اوزون حسین بیلورسن درد بی نهایتیم وار
 دؤزموشم بیر ایلده ظلم اشقیای دینه قارداش
 ایندی کاش اولیدی قارداش قبروین کناری خلوت
 قولاریمی گوستریدیم ای شهنشه ولایت
 نقدر دگوب گوریدون منه قمچی عداوت
 قولاریم اولوبدی نیلی ای شه مدینه قارداش
 تا شهادت امری یتدی بو دیارده تمامه
 اولدی دستگیر عیالون اشقیای بدمرامه
 چکدی قوم کینه عریان ناقه اوسته سوی شامه
 یولدا گه دوشوب رقیه گه قیزون سکینه قارداش

باخمادی اولوبدی زینب درد الینده خسته خولی
 تازه دن بو دلغمینی ائتدی دلشکسته خولی
 ظلمیله آپاردی قویدی باشووی کول اوسته خولی
 پرده پرده کول اوتوردی گل کیمی جبینه قارداش
 نیزه ده اوخور نه گوردوم باشون ای یارالی قرآن
 ابروش مه جمالون دوتمشیدی خون الوان
 باشیمی او دمه ویردیم چوب محمله حسینجان
 پارچالاندی باشیم اولدوم سنله هم قرینه قارداش
 آل عصمتی حسینیم گتدی ظلم کوفه تنگه
 کربلایه گلمین لر گلدی کوفه ایچره جنگه
 بنزه دوردولر اسیر روم و دیلم و فرنگه
 چوخ شماتت اولدی اوردا اهل بیت دینه قارداش
 هر یره گئدوبدی باشون گون کیمی سر جداده
 سایه تک اونون دالیجا دوشموشم من فتاده
 گئتمیشم باشمیدا نچه قاره گونلی هر بلاده
 دؤزموشم جفا و ظلم فرقه ی لعینه قارداش

داد او وقتیدن حسینیم اهل بیت زار و خسته
 وارد اولدی شامه عریان ناقه اوسته دست بسته
 بعضی نین قوجا قدا طفلی اشگی یوزده دلشکسته
 دمبدم آخاردی اشگی گل تک عارضینه قارداش
 شامیده عزیز عیالون بیر خرابه یرده قالدی
 آغلادی خانم بالالار شور و شین گوگه اوجالدی
 بسکه قالدی آج رقیه گل کیمی سولوب سارالدی
 گوزلریندن اشک حسرت آخدی دامینیه قارداش
 قوردی بزم غم بالالار گوزده اشگ دلدی شیون
 آه دلنشین چکردی بعضی سی یانقلی دلدن
 بعضی سی دیپردی عمه دور علاج ائله آجام من
 خون دل توکردی گوزدن اشک تر یرینه قارداش
 یتدی عاقبت تمامه ظلم آل بو امیه
 قورتولوب گلوب سلامت اهل بیت هاشمیه
 گلمدی بو اربعینه حیف نازنین رقیه
 ائتدی غربت اختیار اول ناتوان حزینه قارداش

سن رقیه قالماقیندان مندن ایلمه گلایه
 نیلیوم اسیریدوم من امر و گردش قضایه
 چوخ سوردیم اول بلاکش قیز گلیدی کربلایه
 عندلیب اولیدی بو غم غصه گلشنینه قارداش
 دور گئداخ دئدیم منیله ای بلالی گلعداریم
 سؤیلدی ایاقلاریمدا واردی عمه جان قباریم
 چوخ دگوبله یورقونام من گئتماقا یوخ اختیاریم
 غربت اولدی خوابگاه اول طفل نازینه قارداش
 ذکروا وطن دلینده دوشدی دلدن اول وطن سیز
 گوزلری باخوب یولا جان وئردی حسرتیله سنسیز
 تاپمادیم کفن او طفله قالدی سن کیمین کفن سیز
 کوینگیله اولدی مدفون آخر اول دفینه قارداش
 چوخ سؤیر قویا بو تائب اول مزاره روی زردی
 اشگیله یووب او قبری پاک ائده غبار و گردی
 زینین دلینجه بیرده ذکر ائده بو غملی فردی
 قانلو کوینگون الیمده گلدیم اربعینه قارداش

«نوحه سینه زنی - جوشی زنجیر زنی»

بالینیمه گل قارداش حسین جان ئولورم من
گل باشیمون اوسته اوخی قرآن ئولورم من

یوردی باجووی غصه لرون سالدی ایاقدان
آز قالدی چیخا جانی بو غربتده دوداقدان
دیداریمه گلکیدون اگر آنی قاباقدان
ائتمزدی غمیم سینه ده طغیان ئولورم من
واردور سنه منده بیلوسن آیری علاقه
آغلار گوزولن دؤزموشم هر لحظه فراقه
تسکین گل اوزون وئر یورولان غملی قوناقه
گل ایله گیلن دردیمه درمان ئولورم من
گلشنده سو گل وئر گل احساسیمه قارداش
تئز ایله خبر اکبریلن قاسیمه قارداش
قولسوز قالان عباسیله گل یاسیمه قارداش
یورقون یارالی زار و پریشان ئولورم من

هر گون نچه یول سن کی منی یاده سالاردون
 هر ایل سن عزیز گونلری یانیمده قالاردون
 بایرامدا عزیز گونده منه خلعت آلاردون
 حقیّمده ائدردون منیم احسان ئولورم من
 بیر یرده اجل زینبووی بنده سالوبدور
 گون ایستیسی آرام و قراریمی آلوبدور
 سال زینبووی یاده گوزی یولدا قالوبدور
 گل کامل اولاه عهّدیله پیمان ئولورم من
 سن گلمه سون آیا منه کیم آغلیاجاقدور
 کیم باشیمون اوسته منه دل داغلیاجاقدور
 یوللاردا قالان گوزلریمی باغلیاجاقدور
 کیم دوندره جک قبلیه جان جان ئولورم من
 اولسا باجینون قارداشی جان اوسته حسینجان
 چوخ عزّتلن قبره گئدر دفن اولار هرآن
 یوخدور باجووین بیر کسی زینب سنه قربان
 گل ایله گیلن شیون و افغان ئولورم من

بیر گونلری نسوان باشینون منده تاجیدیم
 سن کعبه‌ی عشق و سنه زینده حاجیدیم
 من یدّی گوزل قارداشا دنیاده باجیدیم
 دوندی ولی اول گردش دوران ئولورم من
 باشیمه منیم هر نه بلانی قارا گتدی
 بوکدی بئلیمی قلبیمه ساییز یارا گتدی
 اقبالیمه باخ گور منی آخر هارا گتدی
 گوزلردن ایراق بی سروسامان ئولورم من
 آز قالدی ایاقدان منی غم شامیده سالیسین
 قارداشلاریمون یوخدی بیرى گوگلومی آلسین
 نیلوم بو گونه من کیمی باعثلری قالسین
 غربتده نیه دیده‌سی گریان ئولورم من
 من شام غریبانووه گلدیم یانا یانه
 قانونله باتیردیم آغاران ساچلاری قانه
 سن کان سخاسن بیلورم گل بو مکانه
 عباسیله دوت شام غریبان ئولورم من

فکر ائتمزیدیم مندن حسین سنده دویارسان
 اگونندن انا رخت وفاداری سویارسان
 غربتده بو قدری گوزومی یولدا قویارسان
 یاددان چیخادارسان منی بیر آن ئولورم من
 قارداشه وئره یوز غم دوران باجی قویماز
 قارداش غمینہ یانسا عزا رختینی سویماز
 قارداشدان ئولونجه بونی بیل هئچ باجی دویماز
 شاهد بو سؤزه زینب نالان ئولورم من
 صدقیلن اگر گئتسه حقیقی حاجی دونمز
 دوز عشقیده کیم یانسا اوت اوسته ساجی دونمز
 قارداش باجیدان دونسه ئولونجه باجی دونمز
 وار سنده منیم گوزلریم الان ئولورم من
 ازبس یدی غم زینبوون باشی آغاردی
 جان اوسته سنه قلبیده گیزلین سؤزی واردی
 هر بیر باجینون قارداش الینده گوزی واردی
 زینب کسیلن الله قربان ئولورم من

«جوشی سینه و زنجیر زنی»

مِهِ وفا، کوکب حیا، شمس الولا زینب
 غمه آنا، غرقه‌ی بلا، زار و مبتلا زینب
 صبروه فدا زینب - صبروه فدا زینب

نکو سیر، زینت پدر، افتخار پیغمبر
 علیّه‌فر، فخر دادگر، درّ قلزم کوثر
 خدانگر، ذوالفقار اثر، استقامته مظهر
 فرشته‌سا، ایلین ثنا، صبحیلن مسا زینب
 بلالرون قُرعه‌سی چیخار نام شخص ممتازه
 اودور قضا اوخشادوب سنی قلّه‌ی سرافرازه
 یازوبدی غم غصه آلتووا بی‌حساب و اندازه
 ییلوب روا، بختووی قرا، قلبووی یارا زینب
 اوشاقیدون حُزن فاطمه ائتدی قلبووی یاره
 ریاض طاهاده اوخشادون غمله‌سولموش‌ازهاره

گینمه میش طوی لباسینی گیدون اگنووہ قارہ
 ائدوب بکا، ساخلادون عزا، یار حقہ یازینب
 ننه فراقینده عود تک قلبون اود دوتوب یاندی
 سیزیلدادون نی کیمی سسون آسمانه قوزاندی
 شرار آهون ائدوب اثر عرش اعظم اودلاندی
 کہ ہم نوا اولدی برملا، سنله ماسوا زینب
 اودور کہ سن آغلیان زمان حجت الله آغلوردی
 سرشکینی نازل ایلوب عصمت الله آغلوردی
 دلینده قالموردی طاقتی قدرت الله آغلوردی
 یانا یانا، بسکه جانگزا، دئیدون اوخشاما زینب
 گئجه گونوز گرچه آغلادون شدت مصیبتدن
 ولی قضا گوردی اوز ایشین دونمدی مشیتدن
 کباب ائدوب قلبووی گینه شعله های محنتدن
 سنی اودا سالدی مطلقا، سوگ مرتضی زینب
 مصیبت والدینیده اولدی گوزلرون گریان
 حسن غمی داغلی قلبووی ائتدی تازهدن سوزان

حسینووی ئولدورن زمان شمر بی حیا، عطشان
 سنی تورا سالدی چون قطا، حُزن کربلا زینب
 اسیر اولوب آل مصطفی سرزمین غربتده
 شماتتین ناری یان دیروب قلبووی اسارتده
 نجه دیوم اول دیاریده زیر بار محنتده
 قدِ رسا تاپدی انحنا، چون مه سما زینب

سلام گفتن عزاداران به موقع
 ورود به مساجد و حسینیه‌ها

السلام ای حامی قرآن یزدان السلام
 السلام ای دین یولوندا قانه غلطان السلام

السلام ای حکم دین حقی احیا ایلین
 السلام ای قتلگاهین رشک مینا ایلین
 السلام ای جان و مالین حقّه اهدا ایلین

السلام ای تربتی هر درده درمان السلام

السَّلام ای حجت پروردگار لم یزل
 السَّلام ای نیر عصمت شه لأمعزل
 السَّلام ای سرّ نامکشوف خلاق ازل
 السَّلام ای رهبر پیدا و پنهان السَّلام
 السَّلام ای نور جاویدان ارض و آسمان
 السَّلام ای سید پاک جوانان جنان
 السَّلام ای روح قرآن جان میر مؤمنان
 السَّلام ای گوشوار عرش رحمان السَّلام
 السَّلام ای زینت آغوش ختم المرسلین
 السَّلام ای عروة الوثقی، هُدًی للمتّقین
 السَّلام ای کعبه دلهای پاک مؤمنین
 میر و معشوق جمیع کون و امکان السَّلام
 السَّلام ای قلبینه ظلمیله غم غصه دولان
 السَّلام ای گلشن زهراده گل مثلی سولان
 السَّلام ای قتلگاه کربلاده ذبح اولان
 ایلین سرنیزه ده تفسیر قرآن السَّلام

السّلام ای نهضتی دنیانی حیران ایلین
 السّلام ای کربلانی فخر رضوان ایلین
 السّلام ای جان و مالین بذل قرآن ایلین
 حیّ ائدن اسلامی حلقیندن آخان قان
 السّلام السّلام ای لطف بی پایان خلاق
 علیم السّلام ای معنی برجسته ی ذبح عظیم
 سنسن عالمده آقامصداق احسان عمیم
 سائل لطفوندی هر آن اهل ایمان السّلام
 السّلام السّلام ای عزّ و جاهی ماخلقده بی نظیر
 محنتی چوخ لیک لطفی محنتینده کثیر
 ریزه خوار خوان احسانوندی هر خرد و کبیر
 هر ایکی عالمده سنسن جان احسان السّلام
 السّلام ای عزّ و جاهی ماملکدن باج آلان
 کربلاسی کعبه و جنّاتی رونقندن سالان
 عرصه گاه نینواده واحد و یکتا قالان
 تشنه لب دریا کنارینده وئرن جان السّلام

قدروی حاشاییلیدی کوفی و شامی سنون
 چونکه سن نوریدون اما ظلمتیدی دشمنون
 ظلم الیه ماحصل تاراجه گتدی گلشنون

لاله مثلی اولدی اوز جسمونده افشان السلام

قانونین اعجازی جاویداندی تا روز معاد
 خلق اندوب هر قطره سی عالمده یوزیرمین جهاد
 درس آلا ر سندن جهاندا هر زمان مردان راد

ای فروغ عشق و ایمان، روح برهان السلام

عالم همه مست از گل رخسار حسین است
 ذرات جهان در عجب از کار حسین است
 دانی که چرا کعبه‌ی حق گشته سیه پوش؟
 یعنی که خداوند عزادار حسین است

«نوحه سینه زنی - جوشی زنجیر زنی»

یشریده ابو الفضل سنه یالقوز آنون آغلار
گوز یولدا قولاق سسده اوغولسوز آنون آغلار

شهلا گوزووی قامتووی یادیمه سالام
بی کس بالووی گورم اوغول بهتیده قالام
آغوشه آلاندا اونی من عطرووی آلام
اشگیم توکولنده یوزومه گوز بولاغیندان
آغلار، اوپریم تئز تئز اونون گل دوداقیندان
بو سؤزلری زینب دئدی یاندی دل عالم
عباسیمون احوالی سالوب عالمه ماتم
قولسوز یخیلاندا یخیلوبدور یره پرچم
حیف اولسون اوغول اولما مشام کرب و بلا ده
آغ ساچلاری قانه بوئیام کوه مناده

محرابوه باخدوقجا اوغول اشگ آلرم من
 قارداشلاروا هم سنه هر گون ملرم من
 گونلر قاباقیندا گزرم دربدرم من
 عزتلی گونوم گتدی داخی عزتیم اولماز
 احوالوه گوش ایلمگه طاقتیم اولماز
 هر مجلسه دعوت اولام آسان سانورام من
 آغلارلا اوغورلار آناسی من یانورام من
 لیلانی ربابی گورورم اودلانورام من
 گورجک منی لیلای حزین با دل خسته
 گوزیاشی توکور اوندا یانان صورتی اوسته
 چیخماز بو یادیمدان بالا اول روز ولادت
 آغوشینه آلدی سنی تا شاه ولایت
 قولارون اوپوب آغلادی دوتدی اونی رقت
 گیزلین سنه اول وقته اوزوم آغلارام اوغلوم
 بو سینه می هر گون غمووه داغلارام اوغلوم

آغلاتدون اوغول سن او زمان شیر خدانی
 سالدون غم هجرانه بو بیچاره آنانی
 یانیدردون عجب نار غمه آل عبانی
 دوز یول گئدن اوغولوم او گوزل یولآرا قربان
 آغلار گوزوم حق اوسته دوشن قولآرا قربان
 سن ئولدون اوغول گرچه منیم باشیم اوجالدی
 عالمیری شأن و شرفون حیرته سالدی
 بو مادر بیچاره یامان گونلره قالدی
 آغلار گوزومی اوخشا دارام بارش ابره
 سینه مده اوغول داغی گئدر خانه ی قبره
 ای ام بنین ای رشید عباسون آناسی
 بو نصرتینون واردی سنه بیرجه دعاسی
 قلبینده کی دردین اولار عالمده دواسی
 دردیم بودی سن ایله دعا مادر بی یار
 بو هیئتیمیز قبر حسینه اولار زوار

«جوشی»

ام البنین ایله فغان اولدی شهید عباس
محشر اولونجا آغلا قان اولدی شهید عباس

عونیه فضل و جعفر و دوغراندی جان وئردی
شیر خدایه بنزرون دوغراندی جان وئردی
هم قاسم و هم اکبر و دوغراندی جان وئردی
یاندی امام انس و جان اولدی شهید عباس
قوللارین عباسون او گون ائتدی قلم دشمن
قولسوز یره گلدی آت اوستن ایلدی شیون
دوندی خیامه گلیمگه اول باوفا توسن
آگاه اولوب فوج زنان اولدی شهید عباس
گلدی باشی اوسته دیوب سیندی بئلیم قارداش
آچ گوزلرون سنسن منیم آرхам ائلیم قارداش
بو حالیه گورجک سنی یاندی دلیم قارداش
أسقونی سؤیلر تشنه گان اولدی شهید عباس

چکدی درون سینه دن شاه جهان بیر آه
 اعضاسی دوغرانمیش گوروب قارداشینی اول شاه
 قلبی یانوب چکدی او موقع ناله ی جانکاه
 ائتدی نوا کزوبیان اولدی شهید عباس
 لال اولمیور آخر دلیم سینمور ندن خامه
 هر قدر یازسون بو غمی بیل یتمز اتمامه
 شاه جهان دان ایسته سنده بیر امان نامه
 راحت اولا ذبیحیان اولدی شهید عباس



می توانی تا، بهاری باش پائیزی مکن
 در دیار عشق و عرفان فتنه انگیزی مکن
 ای مرید مکتب آل علی، جان علی
 آبرو بخش ار نباشی، آبروریزی مکن
 «کلامی»

حالات خانم ام البنین مادر عباس علیہ السلام

مدینه اهلی منیم سؤزلریمه گوش ائلیون
 منیم آدیمه سیز ام البنین داخی دئیون
 اوغول لارون آناسیدوم اوغولسوزام ایندی
 اولوب شهید تمامیسی یالقوزام ایندی
 اگرچه دورت نفر اوغلوم واریدی عالمده
 شهید اولوب هامیسی دهم محرمده
 نه فضل واردی نه عباس و عون و جعفر وار
 بو قان دولان اورده گیمده تقدیری غملر وار
 واریدی گرچه ابا الفضل تک رشید اوغلوم
 گندوب الیمدن ائدوب دردیمی مزید اوغلوم
 آتاسی حیدر کرّار تک هنروریدی
 جواب وئرمگه دشمنلره دلاوریدی
 اوزون قولی اوزی رعنا بلندقامتیدی
 فنون رزمیده چوخ صاحب شجاعتیدی

ائشتمیشم سو یولوندا کسوبدولر یولینی
 جفا الیله سالوبلار ایکی اوزون قولونی
 ئولنجه چکمیوب ال پادشاه بطحادن
 آناسینی خجل ائتموب جناب زهرادن
 اونون غمینده گرک چشمیم اشکیله دولسون
 بودور دعام اونا یارب صودوم حلال اولسون
 اوغوللاریملا تانوردی منی قبیلیم ائلیم
 ئولوبدی دورت بالام آخر منیم سینوبدی بئلیم
 بالالاریم هاموسی شاهباز همئتیدی
 بلند قامتیدی تاجدار نصرتیدی
 بئله دیورله منه اول عزیز اشرف ناس
 بلند قدی اوزون قولی حضرت عباس
 گئدنده سمت فراته کسوبدولر یولونی
 وئروب سکینه قربان ایکی اوزون قولونی
 صحیح اولا بو خبر بو قیضیه سی یاران
 ابوالفضل اوغلومون اولام وفاسینه قربان

اونا من آغلامارام آغلارام حسین غمینہ
 قرا گیوب چکرم قاره بزم ماتمینہ
 فغانیلہ دیرم نور هر دو عینیم وای
 غریب کربوبلا تشنہ لب حسینیم وای
 نه عون و فضل نه جعفر آدینی ذکر ائدرم
 حسین حسین دیرم قبر ائوینہ تا گئدرم
 گرک ئولنجہ گیم من جهاندا قاره لباس
 همیشه ذکریم اولا واحسین واعباس



«شاه بیت»

آناووی وطنده سنسیز یوروب هر بلا ابوالفضل
 خم ائدوب قدین قوجالتدی غم کربلا ابوالفضل
 «تفاخری»

شکایت از چرخ دون و جور روزگار

و توسّل به حضرت موسی بن جعفر علیہ السلام

گلوبدی درده دلیم ایله ای خدا یاری
 غریق بحر غم، غصه لر گرفتاری
 همیشه ایلیرم روزگاریدن زاری
 نه اینکه چرخین ایشی ناکسانه باخمادادی
 سبب اودور گوزومون یاشی دائم آخمادادی
 کلاغیلر دولانار گلستانیده آزاد
 دمیر قفسده ولی بلبل ایلیر فریاد
 چتین فلک قویا بیر کیمسه نی اولادلشاد
 نه چوخ شیوخین الیندن آلوبدی ایمانین
 یدیردوب عارف اولان کیمسیه اورک قانون

گوروم خراب اولا بو فتنه سار دنیانی
 روا گوروبدی دوز انسانه جور و ایدانی
 سالوبدی حبسه پیمبر بالاسی موسانی
 اولوبدی چرخین ایشی شک یوخدی وارونه
 یتیردی سلطنتی ظلم کار هارونه
 الهی حجتووی اینجیدوبدی دوراندا
 قالوبدی اون بیر ایلی شهریلرده زنداندا
 نه لر چکوبدی باشی بیلرم او بحراندا
 اشارتیه دیوم بیر گونی دیوب با آه
 بو حبسیدن منی ایله خلاص یا الله
 او قدری وئردی او ظالم امامه زجر و فشار
 یازولا جور و ستم گوردوقیجه دوتدی قرار
 دیوبدی بیر گونی یاربّی جانیمی قورتار
 دؤزوم واریمدی منیم کونده ایله سلسلیه
 دؤزمنورم بیر یی حقّی پایمال ائلیه

اگیلمین بیلوسن ظالمانه قدیمی
 میان ظالم و مظلوم منیمده حدیمی
 حسین که ظالمه باش اگمیوبدی جدیمی
 آناسی فاطمه دی، شیر حق علی، آتاسی
 قرانقلوقدادا قالسام، منم اونون بالاسی
 الهی غصه لیم پیرمرد مغموم
 ائدوبله ظلم منه شاهد اول که مظلوم
 قالوبدی یولدا گوزی اون بیر ایلدی معصوم
 دورانمورام ایاقا دیزلریم دوراندا آسور
 اورک ولی بالالاریمی گورمگه تله سور
 الهی قلبیمی بیگانه گانه وئرمه میشم
 چتین زماندادا حتی عبادت ایلیمیشم
 بیلورسن ایللر اولار هئچ رضامی گورمه میشم
 او بلبل اوخشاریام حسرت اولموشام چمنه
 منی یتور بالاما یا بالامی فوری منه

الهی یوسفی زندانیدن قوتاردون اوزون
 دوتوبدی حبّ جهان دشمنین اگرچه گوزون
 اثشیت بو پیرین اورکدن چیخان یانیقلی سؤزون
 قوتار منی بو اراذل یانیندا سیندیرما
 ویرولا سیلی منه یوخدی بیر دین ویرما
 یرین رطوبتینه یوخدی قلبیمین دؤزومی
 آغیردی سندی الی قورخودوب منیم گوزومی
 ویراندا سیلی کناره چکنمورم اوزومی
 فشار و ظلمینی تا زندهام کم ائتمیه جک
 ثولندهده یوزومون سیلی ردّی گئتمیه جک
 الهی یوخدی باخان بیر نفر غریب آهینا
 نیازی وار بو غریبونده سن تک اللّٰهینا
 توسّل ایلرم ایللردی کربلا شاهینا
 سیزیلدارام او شهون گلشنینده گلرینه
 علاوه آغلیارام، تشنه اوخلی اصغرینه

چوخ ایستیردیم اولام تک، سنه نیاز ائلیم
 اورک صحیفه سینی عاشقانه باز ائلیم
 دیونجا کونده لریم قویمور نماز ائلیم
 نقدری چکمه لیم بوردا آهی آه اوسته
 ویرولا سیلی منه هانسی بیر گناه اوسته
 نه وقتی باغریمی اوز نسکلیمدی داغلیانیم
 نه آنیمی اووانیم وار نه واردی آغلیانیم
 نه واردی گوزلیری جان وئرنده باغلیانیم
 او دم که پیک اجل سایه باشیمه سالاجاق
 بو یرده چیخسا جانیم گوزلیریم آچیق قالاجاق
 واریمدی قلبیده حسرت گورم اوشاقلاریمی
 وئروبله زهر منه، یاندرور دوداقلاریمی
 او قدری تنگیدی یر، یغموشام ایاقلاریمی
 سرشک سیلی خدایا حصار صبری آشوب
 بالالاریم کیمی زنجیر بوینوما دولاشوب

آتا ئولنده گوره اوغلی آغلیور نه غمی
 گتیردی جانه منی سند ظالمون ستمی
 ویراندا سیلی منه داده سسلرم ننه می
 گوروب ننه مده منیم ضرب سیلی محنتینی
 دگنده سیلی اونا یان دیروب دی صورتینی
 الهی یوخی ائدن راز قلبیمی احساس
 گلر سراغیمه هر گون که سند حق شناس
 ویراندا سیلی چاغیرام اورکده یا عباس
 دوشنده تنگه هامی سسلر اشجع الناسی
 بی بیمده دادینه بیر یول چاغیردی عباسی
 نجه بیلر غمیمی حبسه دوشمین بیر فرد
 دیرله درده دوشن لر بئله چتین دور درد
 ائدوبدی کونده و زنجیر رنگ رویمی زرد
 کباب، کوز اوسته سزیلدار نه نوعی احوالینا
 سزیلدارام ائله بیمار کربلا حالینا

روادی آهیم اوخی کئچسه چرخ اخضر دن
 نه لر چکوبدوله من بيلميشم شقی لردن
 ويريلدی سلسله بيماره لشگر شردن
 گون ايستی سی دیوم الله، اينجيدوب هاراسين
 شاخاندا بوينونا، يانديردي سلسله ياراسين
 دیوله شامه گئدن وقته خوندل اسرا
 گئدردي نيزه لر اوستونده شاهدان خدا
 باخاردی عترتینه رأس سيدالشهدا
 گوروبدی یوخدی قیزی کائناتی يانديردي
 عذاره اشک آلدی لشگری دايانديردي
 او کاروان که ائدوردی شتاب قالدی گئجه
 بير آزجا فکر ائله زينب گئده بيلردی نئجه
 بير اوچ ياشيندا بالا يولدا قالموشیدی گئجه
 آلبودی زلفين اله آغليور يانا يانه
 که بيلمیور نئجه چاتسون قطار سلطانه

دیور الہی منہ رحم ائله کسیم یوخدی
 اوزوم اوشاق، گئجه یاری، هراس چوخ چوخدی
 تجسم ایلورم توش ائدن منی اوخدی
 گلور خیالیمه دشمن گینه مرآمہ چاتور
 کمان آلوب الینه حرملہ منہ اوخ آتور
 الہی سؤیگلوون، سؤیگلی رقیہ سیم
 قویوبدی چولده قوشون ٹولمه سمدہ غصہ، یم
 بئله بیلورلہ کسیم یوخدی درد دل ائلیم
 منیم کسیم اوزون اول ای خدای عالمیان
 یتور منی باباما یا دئنن بابامہ دایان
 خبر وئروبدی بابام، غصہ قلبیمی دلہجک
 فلک خرابہ ده من جان وئرندہ دینجلہجک
 گئندہ جنگہ دیوب اوردا دیدیمہ گلہجک
 اودور منیم عجلہم واردی شامہ تئز یتیشم
 گورم بابامی، یتم کامہ، عاشقانه ٹولم

بو قدری غصه یمه «ناصحا» بو دنیاده
 وفات موسی کاظمی گلگیلن داده
 یتیر عریضوی دلدن غریب بغداده
 قلم مژوندی چالیش قانه قات گوزیاشووی
 ثمر وئرر ائده بیلسون دوات، گوزیاشووی



ما پیرو آفتاب عاشورائیم
 در ظلمت شب شهاب عاشورائیم
 تا رجعت فجر و قائم آل علی
 پرچم کش انقلاب عاشورائیم

من صاعقه‌ی سینه‌ی سینای دلم
 خورشید منیر عشق و مولای دلم
 این است مرا جان سخن، در سینه
 یا جای خدای عشق یا جای دلم
 «احد ده بزرگی»

حالات موسی بن جعفر علیهما السلام

حبیب با حبیب خود به خلوتی صفا کند
 ندانم از چه بی‌گنه عدو به او جفا کند
 سرشک غربتش روان، نوا زند ز نای جان
 نهان ز چشم دشمنان به دوستان دعا کند
 به پیکرش نشانه‌ها به سینه‌اش ترانه‌ها
 که زیر تازیانه‌ها، رضا رضا رضا کند
 به دست‌ها سلاسلش ز غصه سوخت حاصلش
 چه می‌شود که قاتلش ز فاطمه حیا کند
 فتاده در ملالها به عشق شور و حالها
 در آن سیاه‌چالها، خدا خدا خدا کند
 فتاده دیگر از نوا برو به دیدنش صبا
 بپرس مرغ گشته را کی از قفس رها کند
 به خاکس بی‌کسی سرش کسی نبود در برش
 کجاست تا که دخترش اقامه‌ی عزا کند
 اثر نمانده از تنش دلا برو به دیدنش
 بگو عدو ز گردنش غلی که بسته وا کند

«روایت»

روایت ایلوری راوی دییر بیر ائنده
 مسافرت ائلدوم من زمانی بغداده
 گئچنده کوچه ده گوردوم که بیر جوان سعید
 الی اورکده دوروب ایلور فغان شدید
 گئدور گئدور دورور هر دم چکور اورکدن آه
 اوزی اوزونه دیور لا اله الا الله
 گهی ویرور باشینا گاهی بیر قدم گوتورور
 فغان سسی در و دیواری نالیه گتورور
 دایانا بیلمدیم آخر منی کباب ائلدی
 اونون او حالی منیم حالیمی خراب ائلدی
 یانیقلی آغلاماقی قلبیمه چوخ ائتدی اثر
 دئدیم گئدیم بو جواندان آلوم بو سَرّی خبر
 اوزوم اوزومه دئدیم قورخورام جواب ائلیه
 غریب و نابلدم بلکه بیر عتاب ائلیه

غرض یتیشدیم او نالانه بیر سلام ائلدیم
 ملالتیله محبّانه بیر سلام ائلدیم
 دئدیم نیه توکوسن گوزیاشووی بیچاره
 دئدی من آغلیورام بیر غریب و بی یاره
 دئدیم او هانسی غریبدور، سالموسان یاده
 دئدی که آغلیورام من غریب بغداده
 غریب چوخدی دئدیم آدینی بیان ایله
 دئدی آدین دییرم شرطی وار فغان ایله
 دئدیم که منده غریبم خیالیمه آلام
 توکوب گوزوم یاشینی دردوه شریک اولام
 دئدی او موسی کاظمی سبط پیغمبر
 بو شهریده اونا چوخ ستملر ایلدیلر
 دئدیم که دشمنی کیمدور، دئدی او هارون دور
 دئدیم که ظلم لریندن خبر نه واروندور
 و بیرده هاردا او ظالم اونا مکان وئردی
 بیر اون بیر ایل دئدی زنداندا قالدی جان وئردی

دئدیم دی ظلم لرین ایلدون منی دلگیر
 دئدی که بوینینا ویرمیشدیلار آغیر زنجیر
 بو نوعی ظلمی غریبه روا گوروب هارون
 پیمبر اوغلونا زهر جفا وئروب هارون
 ئولنده زهر وئروب حبس خانه ده او شیریر
 صورا گتوردیله سالدیردی رختخواب حریر
 مباد شیعه لری حبسیده گلوب گوره لر
 منی ملامت ائدوب بیر بیر خبر وئره لر
 چاغوردی دسته ی اشراف شیعه نی او گونی
 باخون صورا دئمیون الده ئولدوروبلر اونی
 یتیشدی محضرینه شیعه لر سوروشدی خبر
 آقا، حالون نجه دور، ای امام جن و بشر
 ندور سنون مرضون اولموسان بو نوعی علیل
 تاپوبدی گل بدنون بو قدر ندن تحلیل
 دونوب باخوب اولارا اللرین نشان وئردی
 اشاره ایله یانان لبرین نشان وئردی

حالات حضرت امام رضا علیه السلام

یتیشدی خاطریمه محنت امام رضا
 مصیبت الم حضرت امام رضا
 او گون که وئردیله زهر جفا او سلطانه
 فغان و ناله داغیتدیله کون و امکانه
 دیور غلامی اباصلت گوردوم اول شاهی
 عبا باشیندا گلور منزل ایچره ناگاهی
 بویوردی فرشیلرین منزلین که ایله کنار
 وئروبله زهر منه اود دوتوب بو سینه یانار
 غریبلر یاتا بیلمز ئولنده بسترده
 غریب ئولنده گرک جان وئره قوری یرده
 گرکدی تابع اولام جدیمه بو محنتده
 قوری یر اوسته قالم موسم شهادتده
 یانیمدا یوخدی عیالیم باجیم فغان ائلسون
 سرشک حسرتینی دیده دن روان ائلسون

منی ائدوبدی او مأمون بی حیا مسموم
 بو نوعی ئولمگی ائتمیش قضا منه مرقوم
 نه وار یانیمدا او اوغلوم تقی امام زمان
 جنازهم اوسته ائده ذکر آیهی قرآن
 منی ائدوبدی احاطه سموم زهر اثری
 من ئولجگین ویره سن شیعیانه بو خبری
 منی جفائیله مأمون دون شهید ائتدی
 او بی حیا منی ئولدوردی مطلبه یتدی
 گورنده بیر نفری جان وئرنده غربته
 منیمده غربتیمی یاد ائدون او حالتده
 گلون بو یرده عزادار ناله و داده
 غریب صحبتی اولدی دوشوب حسین یاده
 واریدی حضرت موسی الرضایه غسل و کفن
 چوخ احترامیله اول شاهی گوتدیلر یردن
 ولی حسین غریبه نه غسل و کفن اولدی
 قالوبدی اوچ گئجه گوندوز آراده دفن اولدی

او حالتیله که دوشموشدی قانلو میدان
 وجود محترمی غرقیدی قزل قانه
 یتیشدی باجیسی زینب جنازه سی اوسته
 نه گوردی اوخدی قلجدور او نعشه پیوسته
 الین قویوبدی اورک باشینه چکوب بیر شور
 یانیقلی قلبیله عرض ائتدی ایها الانحور
 فدا اولوم سنه ای قانه غرق اولان اعضا
 جفائیلن ایتی خنجرله دوغرانا اعضا
 منیم حسینیم اگر سنسن ائگیلن گفتار
 اورکده غملریمی ایلوم سنه اظهار
 نه بی مروّتیمیش قاتلون بو حاله سالوب
 بلالی زینبوون صبر و اختیارین آلوب
 یتور تمامه داخی ناطقا بو اشعارون
 جزا گونی ایکی مظلوم امام هوادارون

«نوحه سینه زنی و زنجیر زنی»

اجازه خواستن عزاداران از محضر امام هشتم

ای امام هشتم گل میشوخ نیازه
تا اولانخ مرخص ایستروخ اجازه
شام هجر ظاهر دی - بو وداع آخردی
باشووه دولانوق - باشووه دولانوق

کئچدی وصل وقتی یتدی نار فرقت
یوزلره دوباره آخدی اشگ حسرت
بس ندور علاجی قویمیور محبت
آیریلانق جواروندن - دویماروق مزاروندن
باشووه دولانوق - باشووه دولانوق
زایری همیشه لطفه مایل ایله
لطفووی بو جمعه بیرده شامل ایله
دعوت ایله هر ایل فیضه نایل ایله
ایلمه بیزی مایوس - آهیله اولانق مأنوس
باشووه دولانوق - باشووه دولانوق

نکھت مزارون دولدوروب جهانی
 قبریوی گورنلر نیلیور جنانی
 شمع وصله یاتوق آیریلیق زمانی
 آیریلیق چتین غمدور - یاندران همین غمدور
 باشووه دولاتوق - باشووه دولاتوق
 صحنوه گلنده دستهلر دوزولدی
 حسرتیله گوزدن اشگیمیز سوزولدی
 مرقدوندن اللر بیر زمان اوزولدی
 یوخدی قالماقا فرصت - ایلیاخ گرک رجعت
 باشووه دولاتوق - باشووه دولاتوق
 هر کیمین اورکده واردی بیر ملالی
 لطفیله قبول ائت ییزدن عرضحالی
 درگهوندن آخر ائتمه دست خالی
 سائلی یولا سالسان - خوشدی گوگلونی آلسان
 باشووه دولاتوق - باشووه دولاتوق

نیسگلون اور کده بو سیاق آپاروق
 بو گوزل رواقدان اشتیاق آپاروق
 سینه لرده درد افتراق آپاروق

هجريله ياناق اوقات - بيرده بيز گلاخ هيهات
 باشووه دولانوق - باشووه دولانوق
 گلشن مزارون گل آچوبدی تازه
 هرکس اوز دلیجه دل آچوبدی رازه
 تا اولاخ مرخص ایستیروخ اجازه
 اعظمی قالوب حسرت - ایله قبریوه دعوت
 باشووه دولانوق - باشووه دولانوق
 عزیز و محترم شاعر لر:

اگر مایل سوز شعرلر وز بو مجموعه لرده چاپ اولونا
 لطفاً شعرلر وزی بو آدرسه مرحمت ایلیون
 اردبیل بازار جلائی، کتابفروشی ناصح

درمان

خستگان عشق را ایام درمان خواهد آمد
غم مخور آخر طبیب دردمندان خواهد آمد
آنقدر از کردگار خویشتن امیدوارم
که شفا بخش دل امیدواران خواهد آمد
دردمندان بی پناهان مستمندان را بگوئید
منجی عالم پناه بی پناهان خواهد آمد
باغبانا سختی دی ماه سی روز است و آخر
نوبهار و نغمه‌ی مرغ خوش الحان خواهد آمد
بلبل شوریده دل را از خزان برگو ننالد
باغ و صحرا سبز و این دنیا گلستان خواهد آمد
صبر کن یا فاطمه ای بانوی پهلوشکسته
مهدیت با شیشه‌ی دارو و درمان خواهد آمد
اینقدر آخر منال از ضربت بازو و پهلو
مونس تو پادشاه دلنوازان خواهد آمد

مُحسنت از ضربت مسمار گر مقتول گشته
 عنقریب آن دادخواه بیگناهان خواهد آمد
 پرچم سرخ حسینی شاهد است آن منتقم زود
 بهر خونخواهی سالار شهیدان خواهد آمد
 اصغرا از ضربت زخم گلو دل را مسوزان
 صبر کن مرحم‌گذار زخم پیکان خواهد آمد

«آستانت»

همه شب بر آستانت شده کار من گدائی
 به خدا که این گدائی ندهم به پادشائی
 همه شب نهاده‌ام سر چو سگان به آستانت
 که رقیب درنیاید به بهانه‌ی گدائی
 به طواف کعبه رفتم به حرم رهم ندادند
 که تو در برون چه کردی که درون کعبه آئی
 «؟»

«ای قلم»

ای قلم سؤزلریمده اثر یوخ
 آشنادن منه بیر نظر یوخ
 گلدی بو جمعهده گئچدی الله
 فاطمه یوسفیندن خبر یوخ
 یاندی پروانه لر شمعی سوندی
 آیرلیقدان اورک قانه دوندی» ۲

ای قلم یاز او شاه جهانندان
 صاحب عصر امام زمانندان
 دنیانون صاحبی تنز گلیدی

شیعه لر دوشدی تاب و توانندان

یاندی پروانه لر شمعی سوندی
 آیرلیقدان اورک قانه دوندی» ۲

ای قلم دنیا قیل و قالینندان
 باخبردی او شیعه حالینندان

ظلم ائدنلر گئدرلر فنایه

هر زمان چیخسا پرده دالیندان

یاندی پروانهلر شمعى سوندی

آیرلیقدان اورک قانه دوندی»۲«

کیم دیور آیرلیق درده سالماز

عاشقین صبرینی الدن آلماز

ای گوزوم یوللارا باخ داریخما

گون همیشه بولوط آلتدا قالماز

یاندی پروانهلر شمعى سوندی

آیرلیقدان اورک قانه دوندی»۲«

غنچه گلر نه اندازه سولسون

قلبلر قویما قانیله دولسون

گلدی بو جمعه ده گلمدون سن

گون سایوم جمعه ی دیگر اولسون

یاندی پروانهلر شمعى سوندی

آیرلیقدان اورک قانه دوندی»۲«

قلبلر غصّہ دن لختہ قاندی

ظالمین ظلمی عرشہ دایاندی

آل الہ ذوالفقار علینی

یا امام زمان گل آماندی

یاندی پروانہ لر شمعی سوندی

آیرلیقدان اورک قانہ دوندی «۲»

سن بیزہ لطف حیّ ازل سن

«شأنیده رتبه ده بی بدل سن»

گورسہ یوسف دیر بارک اللہ

«هر گوزلدن آقا سن گوزل سن»

یاندی پروانہ لر شمعی سوندی

آیرلیقدان اورک قانہ دوندی «۲»

ای «صفائی» ہلہ دؤز فراقہ

سن گذر کربلا یہ ائدرسن

گر امام زمان ائتسہ دعوت

باغلی یوللار آچیلدی گئدرسن



جمعی از اعضای هیئت محترم الزهراء اردبیل در
مشهد مقدس با سرپرستی استاد فقید روانشاد
رحیم منزوی اردبیلی در حدود ۳۰ سال پیش




هیئت محترم حسینی اردبیل قریب به ۶۰ سال پیش که از شعرای حسینی موجود در این عکس مرحومین حاج یحیوی، مضطر، ثابت، حاج نخستین، حاج میرطاهر روضه خوان و آقای قاسمی در قید حیاتند از نوحه خوانان مرحومین حاج حسینقلی داودی، مرشد، ثابت زاده، احمد تبریزی، میرزا عبدالرحمان، حاج رضا مفتاح پور، حاج رحیم حیدری، خسرو سلطان پناه، یوسف صادقی، نصرت رجزی این عکس در حیاط مرحوم حاج عباس آقا عارف گرفته شده است.



اوان جوانی ناصح اردبیلی با روانشاد شایق اردبیلی

بزرگ فلسفه‌ی قتل شاه دین این است
که مرگ سرخ به از زندگی ننگین است
نه ظلم کن به کسی نی به زیر ظلم برو
که این مرام حسین است و منطق دین است
«خوشدل» از آنم که در پناه حسینم
گیتی از این خوبتر پناه ندارد



«استاد خوشدل تهرانی»

مرکز بخش:

تهران، خیابان ناصر خسرو، کوچه حاج نایب،
ساختمان حنفی، انتشارات پیرمی تلفن ۲۱۱۲۴۷۵۲

اردیل، بازار جلانی، کتابفروشی ناصر تلفن

۰۴۵۱-۳۳۳۳۳۳۷۷ و ۰۴۵۱-۳۳۳۳۳۳۷۳